

十住毗婆沙論卷第一

竟

聖者龍樹造

後秦龜茲國三藏鳩摩羅什譯

序品第一

敬禮一切佛 無上之大道 及諸菩薩眾
堅心住十地 聲聞辟支佛 無我我所者
今解十地義 隨順佛所說

問曰汝欲解菩薩十地義以何因緣
故說答曰地獄畜生餓鬼人天阿修
羅六趣險難恐怖大畏是眾生生死
大海旋流洄復隨業往來是其膏波
涕淚乳汁流汗膿血是惡水聚瘡癰
乾枯嘔血淋瀝上氣熱病癰疽瘡漏
吐逆脹滿如是等種種惡病為惡羅
剎憂悲苦惱為水燒動啼哭悲號為
波浪聲苦惱諸受以為波熾死為崖
岸无能越者諸結煩惱有漏業風鼓
扇不定諸四顛倒以為欺誑愚癡無
明為大黑闇隨受凡夫无始已來常
行其中如是往來生死大海未曾有
得到於彼岸或有到者兼能濟渡无
量眾生以是因緣說菩薩十地義問

◎十住毗婆沙論

十住毗婆沙論卷第一 第三張 竟

曰若人不能修行菩薩十地不得度
生死大海耶答曰若有人行聲聞辟
支佛乘者是人得度生死大海若人
欲以無上大乘度生死大海者是人
必當具足修行十地問曰行聲聞辟
支佛乘者幾時得度生死大海答曰
行聲聞乘者或以一世得度或以二
世或過是數隨根利鈍又以先世宿
行因緣行辟支佛乘者或以七世得
度或以八世若行大乘者或一恒河
沙大劫或二三四至十百千萬億或
過是數然後乃得具足修行菩薩十
地而成佛道亦隨根之利鈍又以先
世宿行因緣問曰聲聞辟支佛俱
到彼岸於解脫中有差別不答曰是
事應當分別於諸煩惱得解脫是中
无差別因是解脫入無餘涅槃是亦
亦无差別無有相故但諸佛甚深禪
定障解脫一切法障解脫於諸聲聞
辟支佛有差別非說所盡亦不可以
譬喻為比問曰三乘所學皆為无餘
涅槃若无餘涅槃中无差別者我等
何用於恒河沙等大劫往來生死

十住毗婆沙論卷第一 第三張 竟

足十地不如以聲聞辟支佛乘速滅
諸苦答曰是語弱劣非是大悲有益
之言若諸菩薩勸汝小心无慈悲意
不能精勤修十地者諸聲聞辟支佛
何由得度亦復无有三乘差別所以
者何一切聲聞辟支佛皆由佛出若
無諸佛何由而出若不修十地何有
諸佛若无諸佛亦无法僧是故汝所
說者則斷三寶種非是大人有智之
言不可聽察所以者何世間有四種
人一者自利二者利他三者共利四
者不共利是中共利者能行慈悲饒
益於他名為上人如說

世間可慙傷常背於自利一心求富樂
墮於邪見網常懷於死畏流轉六道由
大悲諸菩薩能極為希有眾生死至時
无能救護者沒在深黑闇煩惱網所纏
若有能發行大悲之心者荷負眾生故
為之作重任若人決定心獨受諸勤苦
所獲安隱果而與一切共諸佛所稱歎
第一最上人亦是希有者功德之大嚴
世間有常言家不生惡子但能成己利
不能利於人若生於善子能利於人者

是則如滿月十住毗沙論卷第一 第四品 竟照明於其家 有諸福德人

以種種因緣 饒益如大海 又亦如大地

无求於世間 以慈愍故住 此人生為貴

壽命第一

如是聲聞辟支佛煩惱解脫雖无

差別以度无量眾生久住生死多所

利益具足菩薩十地故有大差別問

曰佛有大悲汝為弟子種種稱讚慈

愍眾生誠如所說汝以種種因緣明

了分別開悟引導行慈悲者聞則心

淨我甚欣悅汝先倡說十地之義願

為解釋答曰敬名恭敬心礼名曲身

接足一切諸佛者三世十方佛无上

大道者一切諸法如實知見通達無

餘更无勝者故曰無上大人所行故

曰大道菩薩眾者為无上道發心名

曰菩薩問曰但發心便是菩薩耶答

曰何有但發心而為菩薩若人發心

必能成無上道乃名菩薩或有但發心

亦名菩薩何以故若離初發心則不

成無上道如大經說新發意者名為

菩薩猶如比丘雖未得道亦名道人

是名字菩薩漸漸修習轉成實法後

擇歡喜地中當廣說如實菩薩相眾

者從初發心至金剛元學解脫道於

其中間過去未來現在菩薩名之為

眾堅心者心如須弥山王不可沮壞

亦如大地不可傾動住十地者歡喜等

十地後當廣說問曰若菩薩更有殊

勝功德何故但稱堅心答曰菩薩有

堅心功德能成大業不墮二乘軟心

者怖畏生死自念何為久在生死受

諸苦惱不如疾以聲聞辟支佛乘速

滅諸苦又軟心者於活地獄黑繩地

獄眾合地獄叫喚地獄大叫喚地獄

燒炙地獄大燒炙地獄無間大地獄

及眷屬炭火地獄沸屎地獄燒林地

獄劊樹地獄刀道地獄銅柱地獄刺

棘地獄鹹河地獄其中斧鐵刀箭釘

戟弓箭鐵剋推棒鐵鏃鐵錐鐵刀

鐵曰鐵杵鐵輪以如是等治罪器物

新斫剗刺打棒剗裂繫縛枷鎖燒煮

半揀磨碎其身擣令爛熟狐狗虎狼

師子惡獸竟來噬嚼食噉其身鳥鴉

鵲鷲鐵弩所啄惡鬼驅逼令緣劊樹

上下大山以鐵火車加其頸領以熱

鐵杖而隨捶之千釘鋒身剗刀剗削

入黑闇中熾熱臭處熱鐵鏃身腐割

其肉剥其身皮還繫手足鏝湯沸沸

炮煮其身鐵棒棒頭腦壞眼出貫著

鐵棒舉身火燃血源澆地或沒戾河

行於刀劊鋒刺惡道自然刀劊從空

而下猶如駛雨剗截支體辛鹹苦臭

穢惡之河浸漬其身肌肉爛壞舉身

墮落唯有骨在獄中牽扯蹙蹙提提

有如是等无量苦毒壽命極長求死

不得若見若聞如是之事何得不怖

求聲聞辟支佛乘又於寒水地獄額

浮陀地獄尸羅浮陀地獄阿波波地

獄阿羅羅地獄阿睺睺地獄青蓮華地

獄白蓮華地獄雜色蓮華地獄紅蓮

華地獄赤蓮華地獄常在幽闇大怖

畏震謗毀賢聖生在其中形如屋舍

山陵埤阜處處惡風聲猛可畏悲激

吹身如轉枯草肌肉墮落猶如冬菜

凍剗剗夷膿血流出身體不淨臭處

難忍寒風切裂苦毒辛酸唯有憂悲

啼哭更无餘心號咷梵獨无所依恃

斯罪皆由誹謗賢聖其軟心者見聞

此事何得不怖求聲聞辟支佛乘又於畜生猪狗野干猫狸豺鼠獾獾獾狢獾狼師子兕豹熊羆為馬牛羊蜈蚣蚰蜒蛇蠍龜龜魚鼈蛟虺蜂鳥鵲鴟鵂鷹鵠之類如是鳥獸共相殘害又捫網伺捕屠割不一生則鞞鞞穿鼻絡首負乘擗杖鉤刺其身皮肉破裂痛不可忍烟熏火燒苦毒万端死則剥皮食噉其肉有如是等无量苦痛其軟心者聞見此事何得不怖求聲聞辟支佛乘又於鐵頭鐵鬼火口鐵鬼火瘦鐵鬼食吐鐵鬼食盪滌鐵鬼食膿鐵鬼食屎鐵鬼浮陀鬼鳩豚茶鬼夜叉鬼羅刹鬼毗舍闍鬼富單那鬼迦羅富單那鬼等諸鬼騷騷蓬亂長爪大鼻身中多虫臭穢可畏眾惱所切常有慍嫉飢渴苦患未曾得食得不能咽常求膿血屎尿涕唾盪滌不淨有力者棄而不得食裸形无衣寒熱倍甚惡風吹身宛轉苦痛蚊虻毒虫咬食其體腹中飢熱常如火然其軟心者見聞此事何得不怖求聲聞辟支佛乘又於人中忍受

別苦愁憎會苦老病死苦貧窮求苦有如是等无量眾苦及諸天阿修羅退沒時苦其軟心者見此諸苦何得不怖求聲聞辟支佛乘若堅心者見地獄畜生餓鬼天人阿修羅中受諸苦憫生大悲心无有怖畏作是願言是諸眾生深入衰惱无有救護无所歸依我得滅度當度此等以大悲心勤行精進不久得成所願是故我說菩薩諸功德中堅心第一復次菩薩有八法能集一切功德一者大悲二者堅心三者智慧四者方便五者不放逸六者勤精進七者常攝念八者善知識是故初發心者疾行八法如救頭然然後當修諸餘功德又依此八法故有一切聲聞眾四雙八輩所謂須陀洹洹洹陀洹等辟支佛无我我所者世間无佛無佛法時有得道者名辟支佛諸賢聖離我我所貪著故名無我我所者今解十地義隨順佛所說者十地經中次第說今當隨次具解問曰汝所說者不異於經經義已成何須更說為欲自現所能求名利耶答曰

我不為自現莊嚴於文辭亦不貪利養而造於此論問曰若不尔者何以造此論答曰我為欲慈悲饒益於眾生不以餘因緣而造於此論見眾生于六道受苦无有救護為欲度此等故以智慧力而造此論不為自現智力求於名利亦无嫌妬自高之心求於供養問曰慈愍饒益眾生事經中已說何須復解徒自疲苦答曰有但見佛經通達第一義有得善解釋而解實義者有利根深智之人聞佛所說諸深經即能通達第一義所謂深經者即是菩薩十地第一義者即是十地如實義有諸論師有慈悲心隨佛所說造作論議莊嚴辭句有人因是而得通達十地義者如說有人好文飾莊嚴章句者有好於偈頌有好難句者有好於辭喻因緣而得解所好各不同我隨而不捨章句名莊嚴句義不為偈頌偈名義趣言辭在諸句中或四言五言七言

等得有二種一者四句偈名為波十住毗婆沙論卷第一 第三張 梵

二者六句偈名祇夜雜句者名直說語

言辭喻者以人不解深義故假喻令解

喻有或實或假因緣者推尋所由隨

其所好而不捨之問曰衆生自所樂

不同於汝何事答曰我發無上道心

故不捨一切隨力饒益或以財或以

法如說

若有大智人得聞如是經不復須解釋

則解十地義

若有福德利根者但直聞是十地經

即解其義不須解釋不為是人而造

此論問曰云何為善人答曰若聞佛語

即能自解如丈夫能服苦藥小兒則

以蜜和善人者略說有十法何等為

十一者信二者精進三者念四者定

五者善身業六者善口業七者善意

業八者無貪九者無恚十者無癡如說

若人以經文難可得讀誦若作毗婆沙

於此人大益

若人銓根慙憊以經文難故不能讀

誦難者文多難誦難說難諸若有好

利益此等故造此論是故汝先說但

佛經便足利益衆生何須解釋者是

語不然如說

思惟造此論深發於善心以然此法故

無比供養佛

我造此論時思惟分別多念三寶及

菩薩衆又念布施持戒忍辱精進禪

定智慧故深發善心則是自利又演

說照明此正法故名為無比供養諸

佛則是利他如說

說法然法燈建立於法幢此幢是賢聖

妙法之印相我今造此論諸捨及滅慧

是四功德處自然而修集

今造此論是四種功德自然修集是

故心无有倦諦者一切真實名之為

諦一切實中佛語為真實不變壞故

我解說此佛法即集諸處捨名布施

施有二種法施財施二種施中法施

為勝如佛告諸比丘一當法施二當

財施二施之中法施為勝是故我法

施時即集捨處我若義說十地時無

有身口意惡業又亦不起欲恚癡念

他解說法得大智報以是說法故即集

慧處如是造此論集此四功德處復次

我說十地論其心得清淨深貪是心故

精勤而不倦若人聞受持心有清淨者

我亦深樂此一心造此論

此二偈其義已顯不須復說但以自

心他心清淨故造此十地義清淨心

至所應至處得大果報如佛語迦留陀

夷勿恨阿難若我不記阿難於我滅

後作阿羅漢者以是清淨心業因緣

故當於他化自在天七反為王如經

中廣說

入初地品第二

問曰汝說此語開悟我心甚以欣悅

今解十地必多所利益何等為十答曰

此中十地法去來今諸佛為諸佛子故

已說今當說初地名歡喜第二離垢地

三名為明地第四名焰地五名難勝地

六名現前地第七深遠地第八不動地

九名善慧地十名法雲地分別十地相

次後當廣說

此中者大乘義中十者數法地者菩薩善根階級住處諸佛者十方三世

諸如來說者開示解釋諸佛子者諸佛真實子諸菩薩是是故菩薩名為佛子過去未來現在諸佛皆說此十地是故言已說今說當說菩薩在初地始得善法味心多歡喜故名歡喜地第二地中行十善道離諸垢故名離垢地第三地中廣博多學為眾說法能作照明故名為明地第四地中布施持戒多聞轉增威德感威故名為炎地第五地中功德力威一切諸魔不能壞故名難勝地第六地中障魔事已諸菩薩道法皆現在前故名現前地第七地中去三界遠近法王位故名深遠地第八地中若天魔梵沙門婆羅門无能動其願故名不動地第九地中共慧轉明調柔增上故名善慧地第十地中菩薩於十方元量世界能一時雨法雨如劫燒已普澍大雨名法雲地問曰已問十地名今云何入初地得地相貌及修習地答曰若厚種善根善行於諸行善集諸安前善供養諸佛善知識所護具足於深心悲心念眾生信解无上法具此八法已

當自發願言我得自度已當復度眾生為得十力故入於必定聚則生如米家无有諸過各即轉世間道入出世上道是以得初地此地名歡喜厚種善根者如法修集諸功德名為厚種善根善根者不貪不恚不癡一切善法從此三生故名為善根如一切惡法皆從貪恚癡生是故此三不善根阿毗曇中種種分別欲界繫色界繫无色界繫不繫合為十二有心相應有心不相應合二十四此中无漏善根得阿耨多羅三藐三菩提時修集餘九菩薩地中修集又未發心時久修集或一心中有三或一心中有六或一心中有九或一心中有一十二或但集心相應不集心不相應或集心不相應不集心相應或集心相應亦心不相應或不集心相應心不相應是諸善根分別如阿毗曇中廣說此中善根為眾生求无上道故所行諸善法皆名善根能生薩婆若智故名為善根行於諸行者善行名清淨諸行名持戒清淨持戒次第

而行是持戒與七法和合故名為善行何等為七一慚二愧三多聞四精進五念六慧七淨令淨身口業行此七法具持諸戒是名善行諸行又經說諸禪為行處是故得禪者名為善行諸行此論中不必以禪乃得發心所以者何佛在世時元量眾生皆亦發心不必有禪又白衣在家亦名為行善集資用者上偈中所說厚種善根善行諸行多供養佛善知識護具足深心悲念眾生信解上法是名資用又本行善法必應修持亦名資用所謂布施忍辱質直不諂心柔和同止樂元愍恨性殫盡不愚過不偏執不佞戾不諍訟不自恃不放逸捨憍憍驕不捨身堪忍事決定心能果敢受不捨易老授少欲知足樂於獨處如是等諸法隨行已漸能具足殊勝功德是法未堅牢故名為本行若離是法不能進得勝妙功德是故此本行法與八法和合故為初地資用善供養諸佛者若菩薩世世如法常多供養諸佛供養有二種一者善德大具

十住毘婆沙論卷第一 第六經 覺

正法若廣若略二者四事供養恭敬
 禮侍等具此二法供養諸佛名為善
 供養諸佛善知識者菩薩雖有四種
 善知識此中所說能教入大乘具諸
 波羅蜜能令住十地者所謂諸佛菩
 薩及諸聲聞能示教利喜大乘之法
 今不退轉守護者常能慈愍教誨令
 得增長善根是名守護具足深心者
 深樂佛乘无上大乘一切智乘名為
 具足深心問曰無盡意菩薩於和合品
 中告舍利弗諸菩薩所有發心皆名
 深心從一地至一地故名為趣心增
 益功德故名為過心得無上事故名
 為頂心攝取上法故名為上心現前
 得諸佛法故名為現前心集利益法
 故名為緣心通達一切法故名為度
 心所願不倦故名為決定心滿所願
 故名為喜心身自成辦故名無侶心
 離敗壞相故名調和心無諸惡故名
 為善心遠離惡人故名不離心以頭
 施故名難捨心救破戒人故名持難
 戒心能受下劣加惡故名難忍心得
 涅槃捨故名難精進心不貪憍故

十住毘婆沙論卷第一 第七經 覺

名難禪定心助道善根無厭足故名
 難慧心能成一切事故名度諸行心
 智慧善思惟故名離慢大慢我慢心
 不望報故是一切眾生福田心觀諸
 佛深法故名无畏心不障闕故名增
 功德心常發精進故名無盡心能荷
 受重擔故名不悶心又深心義者等
 念眾生普慈一切供養賢善悲念惡
 人尊敬師長救无救者無婦作婦无
 洲作洲無究竟者為作究竟无有侶者
 能為作侶曲人中行於直心敗壞人
 中行真正心諛諂人中行無諂心不
 知恩中行於知恩不知作中而行知
 作无利益中能行利益邪眾生中行
 於正行憍慢人中行無憍行不隨教
 中而不慍恚罪眾生中常作守護眾
 生所有過不見其失供養福田隨順
 教誨受化不難阿練若處一心精進
 不求利養不惜身命復次內心清淨
 故无有誑惑善口業故不自稱歎
 知止足故不行威迫心無垢故行於
 柔和集善根故能入生死為眾生故
 忍一切苦菩薩有如是等深心相故不

十住毘婆沙論卷第一 第七經 覺

可窮盡汝今但說深心相何得不少
 答曰不少也无盡意於一切深心相在
 一處說而此中分布諸地此十住經
 地地別說深心相是故菩薩隨諸地中
 皆得深心深心之義即在其地今初地
 中說二深心一者發大願二者在必定
 地是故當知隨在十地善說深心汝
 說何得不少是事不然悲心於眾生
 者成就悲故名悲者何謂為悲悼
 愍眾生救濟苦難信解諸上法者於
 諸佛法信力通達發願我得自度已當
 度眾生者一切諸法願為其本雖願則
 不成是故發願問曰何故不言我當
 度眾生而言自得度已當度眾生答
 曰自未得度不能度彼如人自沒泥
 泥何能拯拔餘人又如為水所溺不
 能濟溺是故說我度已當度彼如說
 若人自度畏能度歸依者自未度疑悔
 何能度所歸若人自不善不能令人善
 若不自寂滅安能令人寂
 是故先自善寂而後化人又如法句
 偈說
 若能自安身在於善處者然後安餘人

凡物皆先自利後能利人何以故如說若自成已利乃能利於他自捨欲利他失利後憂悔

是故說自度已當度衆生問曰得何利故能成此事入必定地又以何心能發是願答曰得佛十力能成此事入必定地能發是願問曰何等是佛十力答曰佛悉了達一切法因果名為初力如實知去來今所起業果報處名為二力如實知諸禪定三昧分別垢淨入出相名為三力如實知衆生諸報利鈍名為四力如實知衆生所樂不同名為五力如實知世間種種異性名為六力如實知至一切處道名為七力如實知宿命事名為八力如實知生死事名為九力如實知漏盡事名為十力為得如是佛十力故大心發願即入必定聚問曰九初發心皆有如是相耶答曰或有人說初發心便有如是相而實不尔何以故是事應分別不應定答所以者何一切菩薩初發心時不應悉入於必定或下

初發心時即入必定或有漸修功德如釋迦牟尼佛初發心時不入必定後修集功德值燃燈佛得入必定是故汝說一切菩薩初發心便入必定是為邪論問曰若是邪論者何故汝說以是心入必定答曰有菩薩初發心即入必定以是心能得初地因是人故說初發心入必定中問曰是菩薩初心釋迦牟尼佛初發心是心六何答曰是心不雜一切煩惱是心相續不貪異乘是心堅牢一切外道不能勝者是心一切衆魔不能破壞是心為常能集善根是心能知有為无常是心無動能攝佛法是心无覆離諸邪行是心安住不可動故是心無比无相違故是心如金剛通達諸法故是心不盡集無盡福德故是心平等一切衆生故是心无高下无差別故是心清淨性无垢故是心離垢慧照明故是心无垢不捨淨心故是心為廣慈如虛空故是心无二受一切衆生故是心無間至无障智故是心適到无斷大悲故是心不斷能三

迴向故是心衆所趣向智者所讚故是心可觀小乘瞻仰故是心難見一切衆生不能觀故是心難破能善入佛法故是心為住一切樂具所住處故是心莊嚴福德資用故是心選擇智慧資用故是心淳厚以布施為資用故是心大願持戒資用故是心難沮忍辱資用故是心難勝精進資用故是心寂滅禪定資用故是心无惱害慈資用故是心无瞋闍慈心深故是心根深悲心厚故是心悅樂喜心厚故是心苦樂不動捨心厚故是心護念諸佛神力故是心相續三寶不斷故如是等无量功德莊嚴初必定心如無盡意品中廣說是心不雜一切煩惱者見諦思惟所斷二百九十四煩惱不與心和合故名為不雜是心相續不貪異乘者從初心相續來不貪聲聞辟支佛乘但為阿耨多羅三藐三菩提故名為相續不貪異乘如是等四十句論應如是知問曰汝說是心常一切有為法皆无常如法印經中說行者觀世間空无有常而不變壞

十住論卷第一 第三十二講

是事何得不相違耶答曰汝於是義不得正理故作此難是中不說心為常此中雖口說常義名必定初心生必能常集諸善根不休不息故名為常生如來家者如來家則是佛家如來者如名為實來名為至真實中故名為如來何等為真實所謂涅槃不虛誑故是名如實如經中說佛告比丘第一聖諦無有虛誑涅槃是也復次如名不壞相所謂諸法實相是來名智慧到實相中通達其義故名為如來復次空無相無作名為如諸佛來至三解脫門亦令眾生到此門故名為如來復次如名四諦以一切種見四諦故名為如來復次如名六波羅蜜所謂布施持戒忍辱精進禪定智慧以是六法來至佛地故名為如來復次諦捨滅慧四功德處名為如來以是四法來至佛地故名為如來復次一切佛法名為如來如來至諸佛故名為如來復次一切菩薩地喜淨明炎難勝現前深遠不動善慧法雲名為如諸菩薩以是十地來至阿耨多羅三

十住論卷第一 第三十三講

教三菩提故名為如來又以如實八聖道分來故名為如來復次權智二足來至佛故名為如來如夫不還故名為如來如來者所謂十方三世諸佛是是諸佛家名為如來家今是菩薩行如來道相續不斷故名為生如來家又是菩薩必成如來故名為生如來家譬如生轉輪聖王家有轉輪聖王相是人必作轉輪聖王是菩薩亦是生如來家發是心故必成如來是名生如來家如來家者有人言是四功德處所謂諦捨滅慧諸如來從此中生故名為如來家有人言般若波羅蜜及方便是如來家如助道經中說智度無極母善權方便父生故名為父養育故名母

一切世間以父母為家是二似父母故名之為家有人言善慧名諸佛家從是二法出生諸佛是二則是一切善法之根本如經中說是二法俱行能成正法善是父慧是母是二和合名為諸佛家如說菩薩善法父智慧以為母一切諸如來

十住論卷第一 第三十四講

皆從是二生
有人言般舟三昧及大悲名諸佛家從此二法生諸如來此中般舟三昧為父大悲為母復次般舟三昧是父无生法忍是母如助菩提中說般舟三昧父大悲无生母一切諸如來從是二法生

家无過客者家清淨故清淨者六波羅蜜四功德處方便般若波羅蜜善慧般舟三昧大悲諸忍是諸法清淨無有過故名家清淨是菩薩以此諸法為家故无有過各轉於過各轉於世間道入出世上道者世間道名即是凡夫所行道轉名休息凡夫道者不能究竟至涅槃常往來生死是名凡夫道出世間者因是道得出三界故名世間道上者妙故名為上入者正行道故名為入以是心入初地名歡喜地問曰初地何故名為歡喜答曰如得於初果究竟至涅槃菩薩得是地心常多歡喜自然得增長諸佛如來種是故如此人得名賢善者如得初果者如人得須陀洹道善開三

惡道門見法入法得法住堅牢法不可
傾動究竟至涅槃斷見諦斷法故
心大歡喜設使睡眠懶惰不至二十
九有如以一毛為百分以一分毛分
取大海水若二三滴若已減者如大
海水餘未減者如二三滴心大歡喜
菩薩如是得初地已名生如來家一
切天龍夜叉乾闥婆阿修羅迦樓羅
緊那羅摩睺羅伽天王梵王沙門婆
羅門一切聲聞辟支佛等所共供養
恭敬何以故是家元有過各故轉世
間道入出世間道但樂敬佛得四切
德處得六波羅蜜果報滋味不斷諸
佛種故心大歡喜是菩薩所有餘苦
如二三水涕雖百千億劫得阿耨多
羅三藐三菩提於无始生死苦如二
三水涕所可滅苦如大海水是故此
地名為歡喜

十住毗婆沙論卷第一

癸卯歲高麗國分司大藏都監奉
勅彫造

十住毗婆沙論卷第二

聖者說世地

後秦龜茲國三藏鳩摩羅什譯

竟

地相品第三

問曰得初地菩薩有何相貌答曰
菩薩在初地多所能堪受不好於諍訟
其心多喜悅常樂於清淨悲心愍眾生
无有瞋恚心多行是七事

菩薩若得初地即有是七相能堪受
者能為難事修集无量福德善根於
無量恒河沙劫往來生死救堅心難
化惡眾生心不退沒能堪受如是等
事故名為堪忍無諍訟者雖能成大
事而不與人諍競共相違返喜者能
令身得柔軟心得安隱悅者於轉上
法中心得踴躍清淨者離諸煩惱垢
濁有人言信解名為清淨有人言堅
固信名為清淨是清淨心於佛法僧
寶於苦集滅道諦於六波羅蜜於菩
薩十地於空無相无作法略而言之
一切深經諸菩薩及其所行一切佛
法悉皆信心清淨悲者於眾生憐愍

救護是悲漸漸增長而成大悲有人
言在菩薩心名為悲悲及眾生名為
大悲大悲以十因緣生如第三地中
廣說不瞋者是菩薩結末斷故名為行
善心少於瞋恨如是菩薩在於初地
心不畏沒故名為能有堪忍樂寂滅
故名為不好諍訟得順阿耨多羅三
藐三菩提大悲故名為心多喜離諸
煩惱垢濁故於佛法僧實諸菩薩所
心常清淨心安隱无患故名為心悅
深愍眾生故名為悲心常樂慈行故
名為不瞋是名菩薩在初地相貌問
曰何故不說菩薩於初地中有此七
事而言多答曰是菩薩漏未盡故或
時懈怠於此事中暫有廢退以其多
行故說為多於初地中已得是法後
諸地中轉轉增益問曰初歡喜地菩
薩在此地中名多歡喜為得諸功德故
歡喜為地法應歡喜以何而歡喜答曰
常念於諸佛及諸佛大法必定希有行
是故多歡喜

如是等歡喜因緣故菩薩在初地中
心多歡喜念諸佛者念然燈等過去

十住毗沙論卷第二 第三 覽

諸佛阿彌陀等現在諸佛世尊如現在
來諸佛常念如是諸佛世尊如現在
前三界第一元能勝者是故多歡喜
念諸佛大法者略說諸佛四十不共
法一自在飛行隨意二自在變化無
邊三自在所聞元尋四自在以元量
種門知一切衆生心如是等法後當
廣說念必定諸菩薩者若菩薩得阿
耨多羅三藐三菩提記入法位得无
生法忍千萬億數魔之軍衆不能壞
亂得大悲心成大人法不惜身命為
得菩提勤行精進是念必定菩薩念
希有行者念必定菩薩第一希有行
令心歡喜一切凡夫所不能及一切
聲聞辟支佛所不能行開示佛法无
尋解脫及薩婆若智又念十地諸所
行法名為心多歡喜是故菩薩得入
初地名為歡喜問曰有凡夫人未發
元上道心或有發心者未得歡喜地
是人念諸佛及諸佛大法念必定菩
薩及希有行亦得歡喜得初地菩薩
歡喜與此人有何差別答曰
菩薩得初地其心多歡喜諸佛无量德

十住毗沙論卷第二 第四 覽

我亦定當得

得初地必定菩薩念諸佛有无量功
德我當必得如是之事何以故我以
得此初地入必定中餘者无有是心
是故初地菩薩多生歡喜餘者不介
何以故餘者雖念諸佛不能作是念
我必當作佛譬如轉輪聖子生是轉
輪王家成就轉輪王相念過去轉輪
王功德尊貴作是念我今亦有是相
亦當得是家富尊貴心大歡喜若無轉
輪王相者元如是喜必定菩薩若念
諸佛及諸佛大功德威儀尊貴我有
是相必當作佛即大歡喜餘者无有
是事定心者深入佛法心不可動復
次菩薩在初地念諸佛時作是思惟
我亦不久當作利益諸世間者及念
佛法我亦當得相好嚴身成就佛不
共法隨諸衆生種種善根心力大小
而為說法又我已得善法滋味不久
當如必定菩薩遊諸神通又念必定
菩薩所行之道一切世間所不能信
我亦當行如是念已心多歡喜餘者
不介何以故是菩薩入初地故其心

十住毗沙論卷第二 第五 覽

決定願不移動求所應求辟如香為

所作唯有香為能作餘歟不能是故
汝所說者是事不然復次菩薩得初
地无諸怖畏故心多歡喜若怖畏者
心則不喜問曰菩薩元何等怖畏答曰
無有不活畏死畏惡道畏大衆威德畏
惡名毀訾畏繫閉桎梏畏考掠刑戮畏
无我我所故何有是諸畏
問曰菩薩何故住初地無不活畏答
曰有大威德故能堪受故大智慧故
知止足故作是念我多修福德有福
之人衣服飲食所須之物自然即至
如昔劫初大人羣臣士民請以為王
若薄福德者雖生王家以身力自營
衣食尚不充足何況國土菩薩作是
念我多修福德如初土自然登位
我亦如是亦當復得如是事故不應
有不活畏復次人雖薄福有堪受力
勤修方便能生衣食如經說以三因
緣得有財物一者現世自作方便二
者他力作與三者福德因緣我能堪
受難成之事現世亦有方便力故不
應有不活畏有智之人少設方便能

得自活能求佛道智慧分今已有之
是智慧利能得自活也不應有不活
畏復次菩薩作是念我住世間世間
有利衰毀譽稱讚苦樂如是八事何
得无也不應以不得故有不活畏復
次是菩薩以知足故好醜美惡隨得
而安不應有不活畏若不知足者說
得滿世間財物意猶不足如說

若有貧窮者但求於衣食既得衣食已
復求美好者既得美好者復求於尊貴
既得尊貴已求王一切地設得盡王地
復求為天王世間貪欲者不可以財滿
若知足之人得少財物今世後世能
成其利是菩薩樂布施故具足智慧
故多能發起不貪善根若不樂施若
多作眾惡以慳貪愚癡因緣故增益
慳貪不善根无厭足法屬於慳貪是
故菩薩多發不貪善根故知足知足
故无不活畏復次無死畏者多作福
德故念念死故不得免故無始世界
習受死法故多修習空故菩薩作是
念若人不修福德則畏於死自恐後
世墮惡道故我多集諸福德死便生

於勝處是故不應畏死如說
待死如愛客去如至大會多集福德故
捨命時元畏

復作是念死名隨所受身末後心滅
為死若心滅為死者心念念滅故皆
應是死若畏死者心念念滅皆應有
畏非但畏末後心滅亦應當畏前心
盡滅何以故前後心滅無有差別故
若謂畏前心道故畏末後心滅者福
德之人不應畏前心惡道如先說我當
受念念滅故於末後心滅不應有死
畏復作是念我於元始世界往來生
死受無量無邊阿僧祇死法无有處
所能免死者佛說生死元始若人於
一切中死已積骨高於雪山如是諸
死不為自利不為利他我今發元上
道願為欲自利亦為利他故勤心行
道有大利故云何驚畏如是菩薩即
捨死畏復次作是念今此死法必當
應受無有免者何以故初諸大人
頂生喜見照明王等有三十二大人
相莊嚴其身七寶導從天人敬愛王
口六下常行十善道是諸大王皆歸

於死復有地提羅諸小轉輪王自以
威力王閻浮提身色端正猶如天人
於已聲香味觸自恣無乏所向皆伏
無有退却善通射術是諸王等霸王
天下人民眷屬皆不免死又諸仙聖
迦葉憍瞿摩等行諸苦行得五神通
造作經書皆不免死又諸佛辟支佛
阿羅漢心得自在離垢得道皆為死
法之所磨滅一切眾生元能過者我
發元上道心不應畏死又為破死畏
故發心精進自除死畏亦除於他是
故發心行道云何於死而生驚畏菩
薩如是思惟元常即除死畏復次菩
薩常修習空法故不應畏死如說
離死者无死離死無死者因死有死者
因死者有死死成成死者死先未成時
元有決定相无死無成者離死有死者
死者應自成而實離於死無有死者成
而世間分別是死是死者不知死去來
是故終不免以是等因緣觀於諸法相
其心元有異終不畏於死

無惡道畏者菩薩常修福德故不畏
墮惡道作是念罪人墮惡道非是福

十法毗奈耶卷第二 第八張 竟

德者我乃至一念中不令諸惡得入而於身口意常起清淨業是故我得無量無邊功德成就如是大功德聚云何畏隨惡道復次菩薩一發心為利安一切眾生故大慈悲所護故住四功德處得元量功德度一切惡道何以故是心勝一切聲聞辟支佛如淨毗尼經中迦葉白佛言希有世尊善說菩薩以是薩婆若多心能勝一切聲聞辟支佛我成就如是大功德住如是大法云何當畏墮於惡道復作是念我元始已來往來生死墮諸惡道受元量苦不為自利亦不利他我今發無上大願為欲自利亦為利他先來墮惡道无所利益今為利益眾生故設墮惡道不應有畏復次實行菩薩發如是心假令我於阿鼻地獄一切受苦然後得出能令一人一生一善心積集如是無量善心堪任受化今發三乘如是教恒河沙等眾生聲聞乘恒河沙等眾生辟支佛乘恒河沙等眾生發大乘然後我當得阿耨多羅三藐三菩提心尚不應退又何況我

十法毗奈耶卷第二 第十張 竟

今修集元量無邊功德遠離惡道菩薩如是思惟何得有惡道畏復次如叫喚地獄經中說菩薩答魔言我以布施故墮在叫喚獄所受我施者皆生於天上若今猶尚應常行於布施眾生在天我受叫喚苦

菩薩如是等種種因緣能遮惡道畏無有大眾畏者成就聞慧思慧修慧故又離諸論過各故是菩薩建立語端所說无失能以因緣譬喻結句不多不少无有疑惑言无非義无有詭詐質直柔和種種莊嚴易解易持義趣次序能顯已事能破他論離四邪因具四大因如是等莊嚴言辭大眾中說无有所畏无惡名畏呵罵畏者不貪利養故身口意行清淨故无有繫閉桎梏考掠畏者无有罪故慈愍一切眾生故忍受一切眾苦惱故依止業果報故我先自作今還受報是菩薩以如是等因緣故无有不活等畏復次樂觀一切法无我是故無一切怖畏一切怖畏皆從我見生我見皆是諸衰憂苦之根本是菩薩利智

十法毗奈耶卷第二 第十三張 竟

慧故如實深入諸法實相故則元有我我元故何從有怖畏問曰是菩薩云何元有我心答曰樂空法故菩薩觀身離我所故如說

我心因我所我所因我生是故我所二性俱是空我則是主義我所是主物若元有主者主所物亦元若元主所物亦無有主

我即是我見我物我所見實觀故无我我無元非我因受生受者無受元受者離受者元受云何因受成者受者成受受則為不成以受不成故不能成受者以受者空故不得言是我以受是空故不得言我所是故我非我亦我亦非我非我非元我是皆為邪論我所非我所亦我非我所非我非我所是亦為邪論菩薩如是常樂修空无我故離諸怖畏所以者何空無我法能離諸怖畏故菩薩在歡喜地有如是等相續淨地品第四

問曰菩薩已得初地應云何修治答曰信力轉增上深行大悲心慈愍眾生類修善心無倦喜樂諸妙法常近善知識

慚愧及恭敬、柔軟和其心、樂觀法、無
一心求多聞、不貪於利養、離斯欺誑、
不汙諸佛家、不毀戒欺佛、深樂薩婆、若
不動如大山、常樂修習行、轉上之妙法、
樂出世間法、不樂世間法、即治歡喜地、
難治而能治、是故常一心、勤行此諸法、
菩薩能成就、如是上妙法、是則為安住
菩薩初地中。

菩薩以是二十七法淨治初地信力、
增上者、信名有所聞見、必受無疑、增
上名殊勝、問曰、有二種增上、一者
多二者勝、今說何者、答曰、此中二事
俱說、菩薩入初地得諸功德、味故信
力轉增、以是信力、籌量諸佛功德、元
量深妙、能信受是、故此心亦多亦勝、
深行大悲者、愍念眾生、徹入骨髓、故
名為深、為一切眾生求佛道、故名為
大慈心者、常求利事、安隱眾生、慈有
三種、後當廣說、修善心、元倦者、善法
名可親近、修習能與愛果、修如是法、
時心不懈、墮善法、因緣名四攝法、十
善道、六波羅蜜、菩薩十地等及諸功
德、喜樂妙法者、常思惟修習、深得。

味久則生樂、如人在花林、與愛色相
娛樂、常近善、知識者、菩薩有四種喜、
知識後當廣說、此中善知識者、諸佛
菩薩是、常以正心親近、能令歡悅、慚
愧名為喜著、恭敬名念其功德、尊
重其人、柔軟名其心和悅、同止安樂、
樂觀法者、法名五陰、十二十八界、
空無相無作等、以正憶念常觀此法、
元著者、著名心歸趣、三有是眾生所歸、
有人言、五欲諸邪見、是所歸趣、何以
故、眾生心常繫著、故菩薩利智心、元
貪著一心名貴重佛法、心元餘想、求
多名聞者、佛說九部經、能盡推尋、修
學明了、若少不盡、不貪利養者、利名
得飲食財物等、養名恭敬禮拜、施設
牀座迎來、送去、菩薩應以是事、施與
眾生、不自貪著、斯欺名、斗秤邪偽、衣
物不真、諂名、心不端直、誑名、五邪命
法、一名矯異、二名自親、三名激動、四名
抑揚、五名因利求利、矯異者、有人貪
求利養、故若作阿練若者、納衣若常
上食、若一坐食、若常坐若中後不飲
漿、如是等頭、並行作是、念也、作是。

行得供養恭敬我、作是行或亦得之、
為利養、故改易威儀、名為矯異、自親
者、有人貪利養、故諂媚越家語言、
我父母兄弟姊妹親戚、元異若有所
須、我能相與、欲有所作、我能為作、我
不計遠近、能來問訊、我住此者、正相
為耳、為求供養、貪著、檀越能以口辭
牽引人心、如是等名為自親、激動者、
有人不計貪罪、欲得財物、作得物相、
如是言是、鋒好若衣好若戶鈞好若
屋師檀好若我得者、則能受用、又言
隨意能施、此人難得、又至檀越家作
是言、汝家羹飯餅肉香美、衣服復好、
常供養我、我以親舊、必當見與、如是
示現貪相、是名激動、抑揚者、有人貪
利養、故語檀越言、汝極慳惜、尚不能
與父母兄弟姊妹妻子親戚、誰能得
汝物者、檀越愧恥、俛仰施與、又至餘
家作是言、汝有福、德受人身、不空阿
羅漢、常入出汝家、汝與坐起、語言作
是念、想越或生是心、更元餘人入
出我家、必謂我是名為抑揚、因利求
利者、有人以永若鋒、僧伽梨若屋師

十住毗沙論卷第二 第五疏

恒等資生之物持示人言若王王等及餘貴人與我是物作是念檀越或能生心彼諸王貴人尚能供養況我不與是人因此利更求餘利故名因利求利是故應當速離如此諂偽不汗諸佛家者何等為汗諸佛家人言若人發求无上道心已後迴向聲聞辟支佛道不能住世繼三寶種是名汗諸佛家是義不然何以故是人能度生死又得諸无漏根力覺道亦是佛子云何言汗諸佛家如經說佛告比丘汝是我子從我心生口生得法分者又聲聞人言諦捨滅慧處名諸佛家何以故從是四事出生諸佛故若汗此四法名汗諸佛家是故若人虛妄慳貪狂亂愚癡是汗佛家若正行此四則不汗諸佛家有人言六波羅蜜是諸佛家從此生諸佛故若違此六事是汗佛家有人言般若波羅蜜是諸佛母方便為父是名諸佛家以此二法出生諸佛者違此法是汗佛家復次偈中自說汗不汗相所謂不毀戒不欺佛若受佛戒不能護持則欺

十住毗沙論卷第二 第六疏

諸佛是汗佛家何以故受戒時生佛家中破戒則欺諸佛名汗佛家問曰必定菩薩有破戒耶答曰不斷煩惱是事可畏未久入必定菩薩或有破戒如大勝佛法中說難陀故破戒我說此事猶以為畏但以經有此說信佛語故心則信受若受戒不破不欺諸佛名為不汗佛家復次戒名三學戒學心學慧學破此學名汗佛家如法受戒而後毀破名為欺佛如是二句各有義趣欺佛者空自發願不如說行欺詐眾生是名欺佛復次一切法中不如說行名為欺佛堅住薩婆求薩婆若種種因緣乃至大地獄苦心不移動如須弥山王吹不可動常修轉上法者從初發心常求索勝法入初地中更修上法如是展轉心無歇足樂出世間法不樂世間者世間法名隨順世間事增長生死六趣三有五陰十二入十八界十二因緣諸煩惱有漏業等出世間法名隨所用法能出三界所謂五根五力七覺八道

十住毗沙論卷第二 第七疏

四念處四正勤四如意足空无相無作解脫門戒律儀多聞无貪患癡善根歡離心不放逸等是菩薩利根故不樂世間虛妄法但樂出世間真實法即治欲喜地難治而能治者治名通達无碍如人破竹初節為難餘者皆易初地難治治已餘皆自易何以故菩薩在初地勢力未足尋根未厚修習善法未久故眼等諸根猶隨諸塵心未調伏是故諸煩惱猶能為患如人勢力未足逆水則難又此地中魔及魔民多為障導故以方便力勤行精進是故此地名為難治如是信力轉增上為首不樂世間法為後修此二十七法治菩薩初歡喜地是故說菩薩應常修此法修行名一心不放逸常行常觀除諸過惡故名為治如人所行道路治令清淨是諸法不但修治初地一切諸地皆以此法問曰汝已說得初地方便及淨治法菩薩云何安住而不退失答曰常行成就如是信力轉增上等法名為安住初地菩提故名上道薩埵名深心深樂菩提故名

為菩提薩埵復次眾生名薩埵為眾生修集菩提故名菩提薩埵上法者信等法能令人成佛道故名為上法

釋頌品第五

已說入初地方便及淨治法菩提薩埵因願故得入諸地又成就信力增上二善功德故安住其地今當分別此願願供養奉給恭敬一切佛願皆守護持一切諸佛法

此是諸菩提薩埵初願從初發心乃至得阿耨多羅三藐三菩提於其中間所有諸佛盡當供養奉給恭敬供養名花香瓔珞幡蓋燈明起塔廟等奉給名衣服卧具所須之物恭敬名尊重禮拜迎來送去合掌親侍復次以小乘法教化眾生名為供養以辟支佛法教化眾生名為奉給以大乘法教化眾生名為恭敬是第一願護持一切諸佛法者菩提薩埵作是念一切過去未來現在十方三世諸佛法我應守護問曰過去諸佛已滅法亦隨滅未來諸佛未出法亦未有尚無初轉法輪何況餘法云何當得守護正可守護現

在諸佛法以諸佛現在故云日過去未來現在諸佛法皆是一體一相是故若守護一佛法則為守護二世諸佛法如經說佛告諸比丘毗婆尸佛出家受戒者未持鉢定智慧說法教化亦如我也是故汝難不然是第二願也復次

諸佛從兜率退來在世間乃至教化訖永入無餘界處胎及生時出家趣道場降魔成佛道初轉妙法輪奉迎諸如來及於餘時中願我當得盡心而供養諸佛始從兜率天上退下世間終至無餘涅槃於其中間入胎時大設供養及生時出家趣道場降魔王成佛道轉法輪奉迎如來餘時者現大神通人大大會度眾生今時當以華香幡蓋伎樂歌頌稱讚出家受法如說修行以第一供養之具供養諸佛是第三願復次
願教化眾生 今悉入諸道
教名教他以善法化名遠離惡法我當以此二法今元量阿僧祇眾生住聲聞辟支佛道是第四願復次

願一切眾生成就佛菩提有人向聲聞辟支佛道者

是人修集聲聞辟支佛法未入法位我當教化令趣佛道有人不向聲聞辟支佛道我當教化令向无上佛道有人向无上佛道者我當示教利喜令其功德轉更增益如是教化一切眾生是第五願復次
願使一切法信解入平等

一切法者凡所有法度法非度法攝覺意法非攝覺意法助道法非助道法聖道所攝法非聖道所攝法應修法不應修法應近法不應近法應生法不應生法生法不生法現在法非現在法因緣生法非因緣生法因緣法非因緣法從思惟生法不從思惟生法義法細法受法不受法內法外法內入所攝法非內入所攝法外入所攝法非外入所攝法五陰所攝法非五陰所攝法五受陰所攝法非五受陰所攝法四諦所攝法非四諦所攝法助世法非助世法依食法依出法顛倒法非顛倒法變法非變法悔法非悔法大法小

十住毗婆沙論卷第二 第三 第三 第三
法受慶法非受慶法可斷法不可斷
法知見法不知見法有漏法無漏法
有繫法無繫法有淨法無淨法有上
法无上法有覺法无覺法有觀法無
觀法可喜法不可喜法相應法不相
應法有分別法无分別法行法無行
法有緣法无緣法有次第法无次第
法可見法不可見法有對法無對法
可見有對法不可見无對法有相法
无相法可行法不可行法有為法無
為法險法非險法有本法无本法有
出法无出法眾生法非眾生法苦者法
非苦者法惱法非惱法有法非有法
逆法非逆法樂報法非樂報法苦報
法非苦報法憶生法非憶生法智首
行法非智首行法信首行法非信首
行法思惟首行法非思惟首行法願
首行法非願首行法色法非色法教
法非教法變化法非變化法如意遊
行法非如意遊行法欲本法非欲本
法因善法非因善法因善根法非因
善根法定法非定法身法非身法心
法非心法意法非意法有對觸生法

十住毗婆沙論卷第二 第三 第三 第三
非有對觸生法意觸生法非意觸生
法思法非思法善法非善法能生法
非能生法念念滅法非念念滅法積
聚法非積聚法明分法非明分法因
法非因法緣法非緣法因緣法非因
緣法因生法非因生法有因法非有
因法一法異法滅法非滅法攝根法
非攝根法共心法非共心法心法非
心法心數法非心數法共觸五法非
共觸五法共得十六法非共得十六
法細法麤法迴向法非迴向法善法
不善法无記法見諦所斷法思惟所
斷法不斷法學法无學法非學非無學
法等无量千万種諸法皆令入空無
相无作門平等無二以信解力故是
第六願復次
十住毗婆沙論卷第二

癸卯歲高麗國分司大藏都監奉
勅刊造

十住毗婆沙論卷第三

覺

聖者諸樹造

後秦龜茲國三藏鳩摩羅什譯

釋頌品之餘

願淨佛土故滅除諸雜惡

煞生偷盜邪婬妄語兩舌惡口誹語
貪惠邪命飲酒等有如是惡名為不
淨復次國土中有地獄畜生餓鬼等
諸惡道名為不淨復次眾生無信憚
怠亂心愚癡詭曲慳嫉忿恨重邪見
慢憍慢大慢我慢邪慢矯異自觀激動
抑揚因利求利貴於世樂放逸自恣
多欲惡欲邪貪邪婬不識父母沙門
婆羅門不忍辱破威儀難與語邪覺觀
貪欲瞋恚睡眠調戲疑所覆蔽名為
不淨復次惡鳥獸多怨賊无水漿飢饉
灾疫人畏非人畏內反逆外賊覆若
多雨若亢旱諸衰惱小劫盡諸苦惱
等名為不淨復次眾生短命惡色无
力多諸憂苦少勝幹多疾病少威力
少眷屬惡眷屬易壞眷屬小居家俸
劣邪出家名為不淨復次僧法偷伽

憂樓迦王那波羅他毗佉那那王那
吉略仙人象仙人斯姓人上弟子行
者放羊者大心者忍辱者高聲摩訶
蘭陀磨活人者度人者綠水者婆羅
沙伽那頗羅墮聞者衣者無衣者車
索衣者皮衣者草衣者著下衣者前
鷄毛衣者木皮衣者三洗者隨順者
事梵王者事究摩羅者事毗舍闍者
事金翅鳥者事軋闍婆者事閼羅
王者事毗沙門王者事密迹神者事
浮陀神者事龍者裸形沙門白衣沙
門涂衣沙門末伽梨沙門毗羅哆二耆
迦旃延居士者薩者遮子者持牛戒
者廣戒者狗戒者馬戒者魚戒者七
戒者究摩羅戒者諸天戒者上戒者
淫欲戒者淨潔戒者火戒者說色滅
淫脬者說聲滅淫脬者說香滅淫脬
者說味滅淫脬者說觸滅淫脬者說
覺觀滅淫脬者說喜滅淫脬者說苦
樂滅淫脬者水衣為躡者水淨者食
淨者生淨者執持曰者打石者臺洗
者淨沒者空地住者卧刺棘者世性
者大者我者色等者聲等者香等者

味等者觸等者地知者水知者火知
者風知者虛空知者和合知者變知
者眼知者耳知者鼻知者舌知者身
知者意知者神知者如是等在家出
家種種邪見邪行名為不淨復次其
地高下坑坎埠阜榛莽荆棘多所妨
闕塵土全穢泥潦曰陷惡山巉巖屈
曲隈障重嶺隔塞峻峭難上鹹鹵乾
燥沙磧瓦石眾果少味色香不具藥
草不良勢力薄少少有妙色聲香味
觸園林樓閣流水浴池小山土嶺登
緣遠望娛樂之處皆悉甚少郡縣聚
落不相接近地多丘荒人民希少多
見无福貧窮下劣諸城宰牧大官貴
人諸賈客主巧匠工師學讀之人亦
復甚少衣服卧具醫藥便身之具甚
為難得雖得非妙名為不淨不淨略
說有二種一以眾生因緣二以行業
因緣眾生因緣者眾生過惡故行業
因緣者諸行過惡故此二事上已說
轉此二事則有眾生功德行業功德
此二功德名為淨土是淨國土當知
隨諸菩薩本願因緣諸菩薩能行種

種大精進故所願无量不可說盡是
故今但略說開示事端其餘諸事應
如是知略說淨土相所謂菩薩善得阿
耨多羅三藐三菩提佛功德力法具足
聲聞具足菩提樹具足世界莊嚴眾
生善利可度者多大眾集會佛力具
足善得菩提者以十事莊嚴一離諸
苦行二无厭劣心三速疾得四无求
外道師五菩薩具足六无有魔怨七
无諸留難八諸天大會九希有事具
足十時具足離諸苦行者若菩薩為
阿耨多羅三藐三菩提出家不行諸
苦行所謂若四日若六日若八日若半
月若一月乃至食一麻一米一果或但
飲水或但服氣不以如是苦行求道
安坐道場而成佛道无厭劣心者若
菩薩少得歡離心即時出家速疾得
者若菩薩出家已即得阿耨多羅三藐
三菩提不求外道師者若菩薩出家
已時有外道大師有名稱者不往諮
求汝等說何法論何事以何為利亦
不於四方求索菩薩具足者菩薩欲
成佛道時三千大千世界中諸菩薩

十住毗沙論卷第三 第五張 梵

及他方諸菩薩各持供養具來圍繞
已待佛成道放大光明各共供養從
佛聞法皆是不退轉一生補處元魔
惡者若菩薩垂成佛時元有魔軍能
來破者無諸留難者菩薩垂成佛時乃
至元有毫釐煩惱來入其心諸大衆
集會者若菩薩垂成佛時四天王諸
天忉利諸天夜摩天兜率陀天化樂
天他化自在天梵天乃至阿迦膩吒
天諸龍神夜叉乾闥婆阿修羅迦樓
羅緊那羅摩睺羅伽等一切諸神十
方無量世界各持第一上妙供養之
具來供養菩薩名為大衆集會又聲
聞人言十世界諸天盡來名為諸天
大會希有行具足者若菩薩得佛時
地六種震動十方無量三千大千世
界諸魔王宮殿皆變壞元色光不復
現元量須弥山皆悉動搖元量大海
皆悉振蕩一切世界出非時華雨栴檀
末香及諸天名華諸希有事時具足
者時无疾疫飢饉刀兵流離逃迸雨
澤隨時无諸灾橫諸國王等如法治
化人民安樂壽命延長元有惡賊諸

十住毗沙論卷第三 第六張 梵

惡鳥獸毒虫鬼神惱害衆生佛功德
力者一切去來今佛威力功德智慧
無量深法等无差別但隨諸佛本願
因緣或有壽命无量或有見者即得
必定聞名者亦得必定女人見者即
成男子身若聞名者亦轉女身或有
聞名者即得往生或有无量光明衆
生遇者離諸障蓋或以光明即入必
定或以光明滅一切苦惱无量壽命
者壽命无量劫過諸算數一切百劫
千劫萬劫億劫百千萬億那由他阿僧
祇劫如是久住為利益憐愍衆生故
一切諸佛雖力能無量壽以本願故
有久住世者有不久住者見時得入
必定者有衆生見佛即住阿耨多羅
三藐三菩提阿惟越致地何以故是
諸衆生見佛身者心大歡喜清淨悅
樂其心即攝得如是菩薩三昧以是
三昧力通達諸法實相能直入阿耨
多羅三藐三菩提必定地是諸衆生
長夜深心種見佛入必定善根以大
悲心為首善妙清淨為通達一切佛
法故為度一切衆生故是善根成就

十住毗沙論卷第三 第七張 梵

時至是故得值此佛又以諸佛本願
因緣二事和合故此事得成聞佛名
入必定者佛有本願若聞我名者即
入必定如見佛聞亦如是女人見得
轉女形者若有一心求轉女形深自
厭患有信心力擔願男身如是女人
得見佛者即轉女形若女人无有如
是業因緣又女身業未盡不得值如是
佛女人聞佛名轉女形者此事因緣
如見佛中說聞佛名得往生者若人
信解力多諸善根成就業障早已盡
如是之人得聞佛名又是諸佛本願
因緣便得往生无量光明者一切佛
光明所照隨意遠近此說无量者是
其常光常光明不可由旬里數以為
限量遍滿東方若千百千萬億由旬
不可得量南西北方四維上下亦復
如是但知其元量而莫知邊際遇光
明得除諸蓋者是諸佛本願力所致
貪欲瞋恚睡眠調悔疑除此障蓋衆
生遇光即能念佛念佛因緣故念法
念法故諸蓋得除光明觸身苦惱皆
滅者若衆生墮地獄畜生餓鬼非人

之中多諸苦惱以佛本願神通之力
光觸其身即得離苦法具足者一切
諸佛法悉皆具足无有具足不具足
者諸佛說法同故法俱具足但以本
願因緣故差別不同或有久住不久
住耳何謂法具足法有略說有廣說
有略廣說有具足聲聞乘有具足辟
支佛乘有具足大乘以諸神通力守
護令不為外道所壞不為諸魔所破
久住於世略說者以少言辭包含多
義利根之人聞則開悟廣說者於一
事一義種種因緣為諸鈍根樂分別
者敷演解說若略廣說者亦以一言
包舉廣義又亦種種演散一義有具
足聲聞乘具足辟支佛乘具足大乘
者此義後當說神力護法者以佛神
力護念是法以諸佛印印之諸佛印者
所謂四大因離四黑因不為外道所
壞者一切沙門婆羅門外道論師所
有邪見說生滅味患出又覺一切善
說破壞因緣不為一切魔所壞者諸
佛有無量无边功德智慧方便神通
力故魔雖有力而不能壞又諸菩薩

力故魔不能壞法久住者若一劫若
減一劫若過數百劫千劫萬劫十
萬劫百萬劫千萬劫萬萬劫无量千
萬億那由他阿僧祇劫乃至元量無
邊劫聲聞具足者一切諸佛悉皆具
足聲聞僧但諸佛本願因緣故有少
多差別何謂具足所謂如來聲聞眾
具足持戒禪定智慧解脫解脫知見
同等清淨悉是利根益諸菩薩形色
嚴淨具足持戒者遠離殺生偷盜邪
婬妄語兩舌惡口綺語飲酒邪命等
諸惡法又毗尼所制皆悉遠離又能
成就无漏戒故具足禪定者四禪四
无量心四無色定八解脫八背捨八勝
處十一入等及得無漏諸禪定故具
足智慧者成就四種智慧從多聞生從
思惟生從修集生從先世業因緣果報
生具足解脫者於一切煩惱得解脫又
於一切障閼得解脫具足解脫知見者
知名識其事見名明了其事於解脫
中了了知見無疑又知名盡智見名
見四諦同等者諸人須陀洹果悉皆
同等乃至阿羅漢亦如是清淨者成

就三種清淨身清淨口清淨意清淨
利智者但聞少語能廣解了通達義
趣略能作廣廣能作略義理微隱能
令易解利益菩薩者念諸菩薩乃至
初發心者亦不輕慢深愛敬故常開
示善惡為說佛道方便因緣形色嚴
淨者身體殊美姿容具足兼有相好
見者歡喜如辟支佛行來進止坐卧
寐寤飲食澡浴著衣持鉢威儀庠序
无所闕少若人見者心則清淨若提
樹具足者所有大樹婆羅樹多羅樹
提羅迦樹多摩羅樹婆求羅樹暗荀
樹阿輸迦樹娑呵迦羅樹分那摩樹
那摩樹那迦樹尸利沙樹涅槃迦樹
阿輸迦樹波勒又樹憂曇鉢羅樹等
於此諸大樹中隨取一樹在平地者高
廣具足根莖枝葉滋潤茂盛華色鮮明
無有傷缺其樹舉高五十由旬端直
平澤无有盤節皮膚細柔色白鮮淨
无有剝闕內不朽腐又不空中虫蝎
傷蝕其根深固連綿相次其華嚴飾
如瑪瑙瑤枝葉蔚茂猶如圓蓋次第
分布叨殊人造其葉青鮮猶如寶色

◇高麗大藏經◇

十住毗婆沙論卷第三 第二十二 覺

技无紋皮萎黃枯葉无有虫蟻蚊蚋
畜蟻其下清淨布諸金沙種種光明
周布焰燿栴檀香水以灑其地平坦
柔爽清涼快樂牛頭栴檀細末布上
諸天常雨曼陀羅華燒黑沉香芬馨
流溢五色天繒參羅垂列清風微動
猗靡隨順鳥獸遊側寂然无聲其樹
左右天常雨華衆妙雜色自然間錯
垂以為瓔珞如龍身身上往往懸以
金色華貫四面大枝垂寶羅網衆寶
莊嚴猶紫金山魏魏殊妙如帝釋幢
斯由菩薩百千万億阿僧祇劫修集
善行功德所致種種妙實化為師子
王四師子頂上有大寶床敷諸天繒
四天王天忉利諸天夜摩天兜率陀天
化樂天他化自在天梵天乃至阿迦
膩吒天乘琉璃車乘馬瑠璃大青寶帝
青寶金剛頗梨衆寶宮殿其色无比
光明遠近俱集寶樹圍繞供養又十
方无量世界諸菩薩衆隨本所願備
諸供具雨衆寶物花香幡蓋種種伎
樂等是名具足菩提樹世間莊嚴者
菩薩觀察十方清淨國土取上妙者

十住毗婆沙論卷第三 第二十二 覺

而發大願我修集功德所得國土復
勝於此第一无比衆生善利者衆生
端正无諸疾患无有老病壽无量阿
僧祇劫悉皆化生身无衆穢具足三
十二相光明無量煩惱微薄易可化
度可度具足者一坐說法恒河沙衆生
同時得度自有餘佛演說法時度一
人二人是諸衆生宿種善根結使微
薄聞說即悟大衆集會者有佛大會
滿一由旬或十由旬有百千万億由
旬有滿三千大千世界此中大集會者
十方恒河沙世界以為大會又其會中
但是福德之人及諸天八部初地菩
薩乃至十住志共來會唯除諸佛佛
力具足者諸佛所行四十不共法是
一一法所行處一切无量無邊是第
七願復次

俱行於一事願无有怨覺

若菩薩所作福德若布施持戒忍辱
精進禪定智慧若諦捨滅慧四功德
處若因諸大願求佛道時應作是願
若有餘人同我行此六波羅蜜四切
德處求佛道者願我以此福德因緣

十住毗婆沙論卷第三 第二十二 覺

不於餘人而生怨覺何以故同行一
事諸有智者說有怨相世間亦復現
有此事除此過故發是大願是第八
願復次

願行菩薩道轉不退轉輪今除諸煩惱
得入信清淨

輪者法輪不退轉者无人能壞菩薩
應如是發願我當如說行道必轉不
退法輪轉此法輪除諸衆生三毒煩
惱轉捨生死入佛法衆苦集滅道中
使得清淨是第九願復次

願一切世界皆示成佛

隨諸世界應有佛事處盡於其中示
得阿耨多羅三藐三菩提安樂一切
衆生故滅度一切衆生故以阿耨多
羅三藐三菩提大故獨說其餘入胎
出胎生長在家出家受戒苦行降伏
魔衆梵王勸請及轉法輪大衆集會
廣度衆生現大神力示大滅度如此
諸事悉皆如是應作是知有如是無
量力能利无量無邊衆生不應但於
一國示成佛道有人言於一佛國所
有四天下諸閻浮提是一佛土過此已

十住毗婆沙論卷第三 第十頌復次

外唯佛能知而實不介是第十頌復次如是諸菩薩十大願為首廣大如虛空盡於未來際及餘无量願亦各分別說願名心所貪樂求欲必成十者有十種門廣大如虛空者願所緣方如所有虛空處願亦如是盡未來際者願時所住盡一切衆生未來生死際有人言阿耨多羅三藐三菩提是未來世生死際若諸佛入無餘涅槃是生死後際菩薩志願無盡而實成佛則止一切十方世界諸大菩薩皆有是願餘无量願者諸菩薩成就无量希有功德故諸所有願不可盡說復次菩薩發如是十大願究竟

是十大願有十究竟事何等為十答曰衆生性世性虛空性法性涅槃佛生性諸佛智性竟一切心所緣諸佛行處智世間法智轉是名十究竟

初衆生性竟二世間性竟三虛空性竟四法性性竟五涅槃性竟六佛生性竟七諸佛智性竟八一切心所緣竟九諸佛行處智竟十世間法智轉竟是名十究竟問曰汝言竟何者為

十住毗婆沙論卷第三 第十頌復次

竟此義應分別答曰衆生性若竟我願亦復竟如衆生等竟如是諸願竟竟義名元竟我善根元竟衆生性竟者若衆生都盡滅我願便應息隨世間性盡虛空性盡諸法性盡涅槃性盡諸佛生性盡諸智性盡一切衆生心所緣性盡入佛法智性盡世間轉法轉智轉盡我此十願今乃盡息但是衆生性等十事實不盡我是福德善根亦不盡不息義者无量無邊不可思議過諸等數名為不息如此三千大千世界十方無量元邊過諸等數故名為世間元邊是諸世界中三界六趣衆生元邊故名爲衆生性元邊是一切世界中內外二種虛空性元邊故名爲虛空性元邊是諸世界中欲色无色無漏性所攝有為法元邊故名爲法性元邊若一切衆生滅度涅槃性不增不減是故涅槃性無邊若過去十方諸佛无量無邊今現在十方諸佛亦无量無邊未來十方世界諸佛亦无量無邊是故佛生性元邊

十住毗婆沙論卷第三 第六頌復次

稱不可量元等無等等元對無比故諸佛智性亦无量無邊如佛告阿難是聲聞人諸佛智无量是故諸佛智性無量元邊於過去世一一衆生元量元邊心是諸心皆有緣生未來世亦如是現在世一切衆生心亦無量元邊皆有緣生是故心所緣亦无量無邊諸佛力略說有四不共法是四不共法一法行處無量元邊行處元量無邊故智亦无量無邊是故說佛行處智无量無邊世間轉法轉智轉者轉名以此法有所轉世間者世間有二種國土世間衆生世間此中說衆生世間諸佛及諸菩薩以无量無邊方便力引導衆生法轉者以元量無邊善根福德攝取諸佛法智轉者元量諸善法六波羅蜜十地等攝取佛智是故智轉元邊此三同轉故合為一願是菩薩一一願牢堅故成是十元盡願方如虛空時如未來際如是以略說廣說解是十願究竟發菩提心品第六問曰初發心是諸願根本云何為初

發心答曰 十住毗沙論卷第三 第七發覺

初發菩提心或三四因緣

衆生初發菩提心或以三因緣或以四

因緣如是和合有七因緣發阿耨多

羅三藐三菩提心問曰何等為七答曰

一者諸如來令發菩提心二見法欲壞

守護故發心三於衆生中大悲而發心

四或有菩薩教發菩提心五見菩薩行

亦隨而發心或因布施已而發菩提心

或見佛身相歡喜而發心以是七因緣

而發菩提心

佛令發心者佛以佛眼觀衆生知其

善根淳熟堪任能得阿耨多羅三藐

三菩提如是人者佛教令發心作是

言善男子來今可發心當度苦惱衆

生或復有人生在惡世見法欲壞為守

護故發心作是念咄哉從无量無邊

百千萬億阿僧祇劫來唯有一人二

處行出三界四聖諦大導師知五種

法藏脫於六道有七種正法大寶深

行八解脫以九部經教化有十大力

說十一種功德善轉十二因緣相續

說十三助聖道法有十四覺意大寶

除十五種貪欲并得十六心無尋解

脫出十六地獄衆生及身十七具足

十八不共法善分別十九住果人善

知分別學人阿羅漢辟支佛諸佛二

十根是大悲心者是大將主大衆主

大醫王大導師大船師久乃得是法

行難行苦行乃得是法而今欲壞我

當發阿耨多羅三藐三菩提心厚種

善根得成佛道令法久住無數阿僧

祇劫又行菩薩道時護持无量諸佛

法故勤行精進或復有人見衆生苦

惱可愍无救無歸无所依止流轉生

死險難惡道有大怨賊諸惡重獸生

死恐怖諸惡思等常有憂悲苦惱刺

棘恩愛別離怨會深坑喜樂之水甚

為難得大寒大熱獨行其中曠絕无

莊難得度脫衆生於中多諸怖畏無

有救護將導之者見如是衆生入此

生死險惡道中受諸苦惱以大悲故

發阿耨多羅三藐三菩提心作是言

我當為元救作救無歸作歸无依作

依我得度已當度衆生我得脫已當

脫衆生我得安已當安衆生復有人

但從人間以信樂心等發無上道心

作是念我當修善法不斷絕故或墮

必定得无生法忍集諸福德善根淳

熟故或值諸佛或值大菩薩能知衆

生諸根利鈍深心本末性欲差別善

知方便為般若波羅蜜所護能作佛

事者知我發願善根成熟故令住必

定若无生法忍是諸菩薩在第七第

八第九第十地如佛善知衆生心力

教令發心不以但有信樂力等教令

發心復有人見餘菩薩行道修諸善

根大悲所護具足方便教化衆生不

惜身命多所利益廣博多聞世間奇

特人中標勝疲苦衆生為作蔭覆安

住布施持戒忍辱精進禪定智慧慚

愧質直柔軟調和其心清淨深樂善

法見如是人而作是念是人而行我

亦應行所修願行我亦應修我為得

是法故當發是願作是念已發无上

道心復有人行大布施施佛及僧或

但施佛以飲食衣服等是人因是布

施念過去諸菩薩能行施者喜藍摩

耆首多羅薩婆檀尸毗王等即發菩

十住毗婆沙論卷第三 第三十二 覺

提心以此施福迴向阿耨多羅三藐三菩提復有人若見若聞佛三十二相足下平手足輪指細縵手足柔軟七處滿纖長指足跟廣身臚直足跌高平毛上旋伊泥躡躡長過膝陰馬藏身金色皮軟薄一一孔一毛生眉間白毫上身如師子肩圓大腋下垂得知妙味身方如巨拘樓陀樹頂有肉腠廣長舌梵音聲師子類四十齒齋白密緻眼睛紺青色腰如牛王等相心則歡喜作是念我亦當得如是相如是相人所得諸法我亦當得即發阿耨多羅三藐三菩提心以是七因緣發菩提心問曰汝說七因緣發菩提心為皆當成有不成答曰是不必盡成或有成有不成問曰若小者應解說答曰

於七發心中佛教令發心護法故發心憐愍故發心如是三心者必定得成就其餘四心者不必皆成就

是七心中佛觀其根本教令發心必得成以不空言故若為尊重佛法為欲守護若於衆生有大悲心如是三

十住毗婆沙論卷第三 第三十二 覺

心必得成就根本深故餘菩薩教令發心見菩薩所行發心因大布施發心若見若聞佛相發心是四心多不成或有成者根本微弱故

十住毗婆沙論卷第三
癸卯歲高麗國分司大藏都監奉
勅彫造

十住毗婆沙論卷第四 梵

聖者龍樹造

後秦龜茲國三藏鳩摩羅什譯

調伏心品第七

問曰如上品說三發心必成餘四不不成云何為成云何不成答曰若菩薩發菩提心行失菩提心法是則不成若行不失菩提心法是則必成是故得說菩薩應遠離失菩提心法應一心修行不失菩提法

遠離名除滅惡法不令入心若入疾滅失名若令世若後世忘菩提心不復隨順修行應遠離如是法若不失菩提法不忘菩提心應常一心勤行問曰何等法失菩提心答曰

一不敬重法二有憍慢心三妄語充實四不敬知識

有是四法者若於今世死時若次後世則忘失菩提心不能自知我是菩薩不復發願菩薩行法不復在前不恭敬法者法名諸佛所說上中下乘取要言之是諸佛如來所用教法於

十住毗婆沙論卷第四 第四經

此法中不恭敬供養尊重讚歎不生希有想難得想實物想滿願想是法能失菩提心憍心者自高其心未得謂得未證謂證空无相無願若无生忍法若六波羅蜜若菩薩十地如是等及諸餘從修生者於此法中未得謂得妄語者有屬突吉羅有屬波夜提有屬偷蘭遮有屬僧伽婆尸沙有屬波羅夷或有人言有第六妄語是妄語心生懺悔上五妄語初輕後重第六者取輕屬波羅夷者自无過人法若口言若形示趣以方便現有此德屬僧伽婆尸沙者若口言若形示於彼比丘四事中以一一有根無根事謗屬偷蘭遮者欲以有根无根事謗而說不成屬波夜提者以无根僧伽婆尸沙事謗屬突吉羅者除入四種罪餘妄語是自心除滅者若說戒時自知有小罪不得向他說即自心悔問曰是妄語者在比丘不在白衣而此論通在家出家答曰凡知事實余而異知說者此論中說是摠相妄語以有衆生分別故事分別故時

十住毗婆沙論卷第四 第四經

分別故五衆罪分別故住處分別故則有輕重雖輕妄語習久則重能失菩提心衆生分別者斷善根邪見者及餘深煩惱者是別為重事分別者若說過人法破僧是時分別者出家人妄語則重五衆罪分別者如波羅夷僧伽婆尸沙罪則重住處分別者僧中妄語若證時則重不恭敬善知識者不生恭敬畏難想多行此四法則失菩提心問曰但是四法能失菩提心更有餘法答曰
憍惜要法貪樂於小乘誇毀諸菩薩輕賤坐禪者
憍惜要法者師所知其深難得之義多所利者貪著利養恐與已等故秘惜不說貪樂小乘者不得大乘滋味故貪樂二乘誇諸菩薩者无罪而言有罪名為謗菩薩義先已說此人無過而妄如其罪若實有罪而論說者此雖有罪以前為輕何以故經說諸菩薩若實有罪若无罪皆不應說輕賤坐禪者若在家出家為斷諸煩惱故勤行精進為遠一切煩惱集助佛

十住毗婆沙論卷第四 第四經

道法此人或不善論議或无才辯或元重威德无智之人而輕賤之則得重罪復次若於善知識其心懷結恨亦有諂曲心貪諸利養等善知識義先已說於此教化說法者生嫌恨心如嫌父母得重罪諂者心佞媚曲者身口業現有所作貪利養等者貪著利樂播譽以此法壞質直心故不能深起善根如惡色染衣更不受好色復次不覺諸魔事菩提心劣弱業障及法障亦失菩提心
不覺魔事者若不知諸魔事則不能制伏若不制伏則失菩提心問曰何等是諸魔事答曰說應布施持戒忍辱精進擇定智慧波羅蜜時及說大乘所攝深義時不疾樂說若樂說於其中間餘緣散乱若書讀解說論議聽受等微慢自大其心散乱緣想餘事妄念戲笑手相譏論而不和合不能通達實義從座而去作是念我於此中無有受記心不清淨亦不說我城邑聚落居家生處是故不欲聞法不得滋味從座而去捨大乘而說諸

波羅蜜及於聲聞辟支佛自調度經中求薩婆若若書讀解說聽受等時欲樂說餘種種等破散般若波羅蜜所謂說方國聚落城邑園林師事賊害兵甲器仗憎愛苦樂父母兄弟男女妻子衣服飲食卧具醫藥資生之物心則散亂失般若波羅蜜又說貪患癡恚家親屬好時惡時歌舞伎樂憂愁戲笑經書文頌往世古事國主帝王地水火風五欲富貴及利養等世間諸事令心喜悅若魔化作比丘比丘丘形以聲聞辟支佛經因緣令得而作是言汝應習學是經捨本所習聽法之人不樂聽受說法者其心懶怠各有餘緣聽者須法而說者欲至餘方說者樂說而聽者欲至餘方說者多欲貪諸利養聽者元有與心聽者信心樂欲聞法而說者不樂為說說者樂說聽者不樂或時有說地獄諸苦不如此身盡苦早取涅槃是取為利說畜生无量苦惱餓鬼阿修羅種種過惡說諸生死多有憂患汝於此身早取涅槃是取為利又稱讚世

間尊貴富樂稱讚色无色界功德快善生此中者是為大利稱讚須陀洹乃至阿羅漢果功德之利汝於此身證此諸果是汝大利又說法者樂於眷屬聽法者不欲隨從說法者欲至飢亂不安隱國土語聽者言汝今何用隨我至此諸國即生厭憊而不隨逐說法者貴敬檀越數行問計使聽法者不得聽受於深法中令生疑惑此非諸佛所說經法我所說者是佛經法若菩薩能行是法得證實際如是等種種因緣兩不和合當知是等志是魔事取要言之於一切善法有障闕者皆是魔事菩提心劣弱者諸煩惱有力故道心劣弱無有勢力於阿耨多羅三藐三菩提志願永絕業障者誰有種種業障此中說能令求大乘人退轉者是法障者樂行不善法惡空元相无願及諸波羅蜜等諸深妙法如是四法皆失菩提心復次許施師而誑其罪甚深重人無有疑信強令生疑悔信學大乘者深加重瞋恚呵罵說惡名處廣流布於諸共事六

心多行詭曲如此四黑法則失菩提心施師不與者應施師物若許若未許而後不與若與非時與非處與不如法與此是世間外道法佛法中從師得經法若有財物供養法故則以與師若無元咎無有疑悔令生疑悔者此人實不破戒有少罪相而言大罪若破正命威儀若破正見皆令生疑悔真大乘人者有人乘大乘无上乘如來乘大人乘一切智人乘乃至初發心者於此人中深生瞋恚呵罵譏論說其惡名令廣流布共事詭曲心者於和阿闍梨諸善知識所不以直心親近習行曲心故乃至未曾所識亦行詭曲四黑法者黑名垢穢不淨能失菩提心如說轉此五四法世世修善行如是則不失无上菩提心五四合為二十法是失菩提心轉此法修習行世世不忘阿耨多羅三藐三菩提心轉者轉上五四法所謂恭敬法破慢心遠離妄語深尊重善知識餘應如是知問曰以何等法世世增長菩提願又復復能更發大願答曰

十住毗婆沙論卷第四 第九論
乃至失身命轉輪聖王位於此尚不應

妄語行詣曲能令諸世間一切衆生類

於諸菩薩衆而生恭敬心若有人能行

如是之善法世世得增長无上菩提願

菩薩以是法世世增長菩提願又復

能生清淨大願若以實語故死失轉

輪王位及失天王位猶應實說不應

妄語況小因緣而不實語又於眷屬

及諸外人離於詭曲又從初發心已

來一切菩薩生恭敬心尊重稱讚如

佛元異又當隨力令住大乘

阿惟越致相品第八

問曰是諸菩薩有二種一惟越致二

阿惟越致應說其相是惟越致是阿

惟越致答曰

等心於衆生不嫉他利養乃至失身命

不說法師過信樂深妙法不貪於恭敬

具足此五法是阿惟越致

等心衆生者衆生六道所攝於上中

下心無差別是名阿惟越致問曰如說

於諸佛菩薩應生第一敬心餘則不

亦不尔云何言於一切衆生等心元

二答曰說各有義不應疑難於衆生

等心者若有衆生視菩薩如怨賊有

視如父母有視如中人於此三種衆

生中等心利益欲度脫故无有差別

是故汝不應致難不嫉他利養者若

他得衣服飲食卧具醫藥房舍產業

金銀珍寶村邑聚落國城男女等於

此施中不生嫉妬又不懷恨而心欣

悅不說法師過者若有人說應大乘

空无相無作法若六波羅蜜若四切

德慶若菩薩十地等諸大乘法乃至

失命因緣尚不出其過惡何況加諸

惡事信樂深妙法者深法名空无相

无願及諸深經如般若波羅蜜菩薩

藏等於此法一心信樂无所疑惑於

餘事中无如是樂於深經中得滋味

故不貪恭敬者通達諸法實相故於

名譽毀辱利與不利等无有異具此

五法者如上所說於阿耨多羅三藐

三菩提不退轉不懸廢是名阿惟越

致與此相違名惟越致是惟越致菩

薩有二種或敗壞者或漸漸轉進得

何答曰 十住毗婆沙論卷第四 第九論
若无有志幹好樂下劣法深著名利養

其心不端直悛護於他家不信樂空法

但貴諸言說是名敗壞相

無有志幹者顏貌无色威德淺薄問

曰非以身相威德是阿惟越致相而

作此說是何謂耶答曰斯言有謂不應

致疑我說內有功德故身有威德不

但說身色顏貌端正而已志幹者所

謂威德勢力若有人能修集善法除滅

惡法於此事中有力名為志幹雖復

身若天王光如日月若不修集善

法除滅惡法者名為无志幹也雖復

身色醜陋形如餓鬼能修善除惡乃

名為志幹耳是故汝難非也好樂下

劣法者除佛乘已餘無比於佛乘小

劣不如故名為下非以惡也其餘惡

事亦名為下二乘所得於佛為下耳

俱出世間入无餘涅槃故不名為惡

是故若人遠離佛乘信樂二乘是為

樂下法是人雖樂上事以信樂二乘

遠離大乘故亦名樂下法復次下名

惡事所謂五欲又斷常等六十二見

一切外道論議一切增長生死是為下法行此法故名為樂下法深著名利者於布施財利供養稱讚事中深心繫念善為方便不得清淨法味故貪樂此事心不端直者其性諂曲喜行欺誑護他家者是人隨所入家見有餘人得利養恭敬讚歎即生嫉妬憂愁不悅心不清淨計我深故貪著利養生嫉妬心嫌恨擅越不信樂空法者諸佛三種說空法所謂三解脫門於此空法不信不樂不以為貴心不通達故但貴言說者但樂言辭不能如說修行但有口說不能信解諸法得其趣味是名敗壞相若人發菩提心有如是相者當知是敗壞菩薩敗壞名不調順譬如軍弊惡馬名為敗壞但有馬名无有馬用敗壞菩薩亦如是但有空名無有實行若人不欲作敗壞菩薩者當除惡法隨法受名問曰汝說在惟越致地中有二種菩薩一者敗壞菩薩二者漸漸精進後得阿惟越致敗壞菩薩已解說漸漸精進後得阿惟越致者今可解

說答曰

菩薩不得我亦不得衆生不分別說法亦不得菩提不以相見佛以此五功德得名大菩薩成阿惟越致

菩薩行此五功德直至阿惟越致不得我者離我著故是菩薩於内外五陰十二十八界中求我不可得作是念

若陰是我者我即生滅相云何當以受而即作受者若離陰有我陰外應可得云何當以受而異於受者若我有五陰我即離五陰如世間常言牛異於牛主異物共合故此事名為有是故我有陰我即異於陰若陰中有我如房中有人如牀上聽者我應異於陰若我中有陰如器中有果如乳中有繩陰則異於我如可然非然不離可然然无有可然然可然中无我非陰離陰我亦无有陰五陰中無我我中無五陰如是染淨者煩惱煩惱者一切瓶衣等皆當如是知若說我有定及諸法異相當知如是人不得佛法味

菩薩如是思惟即離我見遠離我見

故則不得我不得衆生者衆生名異於菩薩者離貪我見故作是念若他人實有我者彼可為他因有我故以彼為他而實求我不可得彼亦不可得故無彼亦无我是故菩薩亦不得彼不分別說法者是菩薩信解一切法不二故无差別故一相故作是念一切法皆從邪憶想分別生虛妄欺誑是菩薩滅諸分別无諸衰惱即入无上第一義因緣法不隨他慧

實性則非有亦復非是无非亦有亦无非非有非無亦非有文字亦不離文字如是實義者終不可得說言者可言言是皆寂滅相若性寂滅者非有亦非无為欲說何事為以何言說云何有智人而與言者言若諸法性空諸法即无生隨以何法空是法不可說不得不有言假言以說空實義亦非空亦復非不空亦非空不空非非空不空非虛亦非實非說非不說而實无所有亦非无所有是為捨離諸所有分別因及從因生如是一切法皆是寂滅相无取亦無捨無灰亦不淨灰亦還汗衣非言不實

言說則有過

十位毗婆沙論卷第四 第七段 覽

菩薩如是觀信解通達於說法中无所分別不得菩提者是菩薩信解空法故如凡夫所得菩提不如是得作是念

佛不得菩提非佛亦不得諸果及餘法皆亦復如是有佛有菩提佛得即為常无佛無菩提不得則斷滅離佛无菩提離菩提无佛若一異不成云何有和合凡諸一切法以異故有合菩提不異佛是故二无合佛及與菩提異共俱不成離二更無三云何而得成是故佛寂滅菩提亦寂滅是二寂滅故一切皆寂滅不以相見佛者是菩薩信解通達无相法作是念

一切若无相一切即有相寂滅是无相即為是有相若觀无相法无相即為相若言修无相即非修无相若捨諸貪著名之為无相取是捨貪相則為无解脫凡以有取故因取而有捨誰取取何事名之以為捨取者所用取及以可取法共離俱不有是皆名寂滅若法相因成是即為无性若无有性者此即無有相

若法无有性此即无相者云何言无性

十位毗婆沙論卷第四 第七段 覽

即為是无相若用有與无亦遮亦應顯雖言心不著是則无有過何處先有法而後不滅者何處先有然而後有滅者是有相寂滅同無相寂滅是故寂滅語及寂滅語者先亦非寂滅亦非不寂滅亦非寂不寂非非寂不寂

是菩薩如是通達无相慧故無有疑悔不以色相見佛不以受想行識相見佛問曰云何不以此色相見佛不以受想行識相見佛答曰非色是佛非受想行識是佛非離色有佛非離受想行識有佛非佛有色非佛有受想行識非色中有佛非受想行識中有佛非佛中有色非佛中有受想行識菩薩於此五種中不取相得至阿惟越致地問曰已知得此法是阿惟越致阿惟越致有何相貌答曰

般若已廣說阿惟越致相若菩薩觀凡夫地聲聞地聲支佛地佛地不二分別无有疑悔當知是阿惟越致阿惟越致有所言說皆有利益不觀他人長短好醜不怖望外道

沙門有所言說應知即知應見便見

十位毗婆沙論卷第四 第七段 覽

不礼事餘天不以華香幡蓋供養不宗事餘師不墮惡道不受女身常自修十善道亦教他令行常以善法示教利喜乃至夢中不捨十善道不行十不善道身口意業所種善根皆為安樂度脫眾生所得果報與眾生共若聞深法不生疑悔少於語言利安語和悅語柔軟語少於睡眠行來進止心不散亂威儀庠雅憶念堅固身无諸重衣服卧具淨潔无垢身心清淨閑靜少事心不諂曲不懷慳嫉不貴利養衣服飲食卧具醫藥資生之物於深法中无所諍竟一心聽法常欲在前以此福德具足諸波羅蜜於世技術與眾殊絕觀一切法皆順法性乃至惡魔變現八大地獄化作菩薩而語之言汝若不捨菩提心者當生此中見是怖畏而心不捨惡魔復言摩訶衍經非佛所說聞是語時心无有異常依法相不隨於他於生死苦惱而無驚畏聞菩薩於阿僧祇劫修集善根而退轉者其心不沒又聞菩薩退

為阿羅漢得諸禪定說法度人心亦不退常能覺知一切魔事若聞薩婆若空大乘十地亦空可度衆生亦空諸法无所有亦如虚空若聞如是惑亂其心欲令退轉疲厭懈廢而是菩薩倍加精進深行慈悲意若欲入初禪第二第三第四禪而不隨禪生還起欲界法除破憍慢不貴稱讚心无瞋若在居家不滌著五欲以厭離心受如病服藥不以邪命自活不自活因緣惱亂於他但為衆生得安樂故處在居家密迹金剛常隨侍衛人及非人不能壞亂諸根具足无所缺少不為呪術惡藥伏人害物不好鬪諍不自高身不卑他人不占相吉凶不樂詬衆事所謂帝王臣民國土疆界戰鬪器仗衣物酒食女人事古昔事大海中事如是等事悉不樂說不往觀聽歌伎伎樂但樂說應諸波羅蜜義樂說應諸波羅蜜法令得增益離諸鬪訟常願見佛聞他方現在有佛願欲往生常生中國終不自疑我是阿惟越致非阿惟越致決定自知是

阿惟越致種種魔事覺而不隨乃至轉身不生聲聞辟支佛心乃至惡魔現作佛身語言汝應證阿羅漢我今為汝說法即於此中成阿羅漢亦不信受為護法故不惜身命常行精進若說法時无有疑難无有闕失如是等事名阿惟越致相能成就此相者當知是阿惟越致或有未具足者何者是未久入阿惟越致地者隨後諸地修集善根隨善根轉深故得是阿惟越致相

十住毗婆沙論卷第四

癸卯歲高麗國分司大藏都監奉勅彫造

十住毗婆沙論卷第五

竟

聖者龍樹造

後秦龜茲國三藏鳩摩羅什譯

易行品第九

問曰是阿惟越致菩薩初事如先說至阿惟越致地者行諸難行久乃可得或墮聲聞辟支佛地若余者是大衰患如助道法中說
若墮聲聞地及辟支佛地是名菩薩死則失一切利若墮於地獄不生如是畏若墮二乘地則為大怖畏墮於地獄中畢竟得至佛若墮二乘地畢竟墮佛道佛自於經中解說如是事如人貪壽者斬首則大畏菩薩亦如是若於聲聞地及辟支佛地應生大怖畏
是故若諸佛所說有易行道疾得至阿惟越致地方便者願為說之答曰如汝所說是懦弱怯劣無有大心非是丈夫志幹之言也何以故若人發願欲求阿耨多羅三藐三菩提未得阿惟越致於其中間應不惜身命晝夜精進如救頭燃如助道中說

菩薩未得至阿惟越致地應常勤精進

猶如救頭燃荷負於重擔為求菩提故

常應勤精進不生懈怠心若求聲聞乘

辟支佛乘者但為成已利常應勤精進

何況於菩薩自度亦度彼於此二乘人

億倍應精進

行大乘者佛如是說發願求佛道重

於舉三千大千世界汝言阿惟越致

地是法甚難久乃可得若有易行道

疾得至阿惟越致地者是乃怯弱下

劣之言非是大人志幹之說汝若必

欲聞此方便今當說之佛法有無量

門如世間道有難有易陸道步行則

苦水道乘船則樂菩薩道亦如是或

有勤行精進或有以信方便易行疾

至阿惟越致者如偈說

東方善德佛南樹檀德佛西無量明佛

北方相德佛東南無憂德西南寶施佛

西北華德佛東北三行佛下方明德佛

上方廣眾德如是諸世尊今現在十方

若人疾欲至不退轉地者應以恭敬心

執持稱名号

若菩薩欲於此身得至阿惟越致地成

說阿耨多羅三藐三菩提者應當念

是十方諸佛稱其名号如寶月童子

所問經阿惟越致品中說佛告寶月

東方去此過無量無邊不可思議恒

河沙等佛土有世界名無憂其地平

坦七寶合成紫磨金縷交絡其界寶

樹羅列以為莊嚴无有地獄畜生餓

鬼阿修羅道及諸難處清淨无穢無

有沙磧瓦石山陵堆阜深坑幽壑天

常雨華以布其地時世有佛号曰善

德如來應供正遍知明行足善逝世

間解无上士調御丈夫天人師佛世

尊大菩薩眾恭敬圍繞身相光色如

燃大金山如大珍寶聚為諸大眾廣

說正法初中後善有辯有義所說不

難具足清淨如寶不失何謂不失不

失地水火風不失欲界色界无色界

不失色受想行識實月是佛成道已

來過六十億劫又其佛國晝夜无異

但以此間閻浮提日月歲數說彼劫

壽其佛光明常照世界於一說法令

無量无邊千万億阿僧祇眾住无

生法忍倍此人數得住初忍第二第

三忍實月其佛本願力故若有他方

眾生於先佛所種諸善根是佛但以

光明觸身即得无生法忍實月若善

男子善女人聞是佛名能信受者即

不退阿耨多羅三藐三菩提餘九佛

事皆亦如是今當解說諸佛名号及

國土名号善德者其德淳善但有安

樂非如諸天龍神福德感惱眾生枿

檀德者南方去此无量無邊恒河沙

等佛土有世界名歡喜佛号枿檀德

今現在說法譬如枿檀香而清凉彼

佛名攝遠聞如香流布滅除眾生三

毒火熱令得清凉无量明佛者西方

去此无量無邊恒河沙等佛土有世

界名善佛号无量明今現在說法其

佛身光及智慧明焰无量无邊相德

佛者北方去此无量無邊恒河沙等佛

土有世界名不可動佛名相德今現

在說法其佛福德高顯猶如幢相無

憂德者東南方去此无量無邊恒河

沙等佛土有世界名月明佛号无憂

德今現在說法其佛神德令諸天人

有有憂愁實施佛者西南方去此无

十住毘盧沙論卷第五 第三十 梵

十住毘盧沙論卷第五 第三十 梵

十住毘盧沙論卷第五 第四十 梵

量無邊恒河沙等佛土有世界名衆相佛号寶施今現在說法其佛以諸无漏根力覺道等寶常施衆生華德佛者西北方去此无量無邊恒河沙等佛土有世界名衆音佛号華德今現在說法其佛色身猶如妙華其德无量三乘行佛者東北方去此无量无边恒河沙等佛土有世界名安隱佛号三乘行今現在說法其佛常說聲聞行辟支佛行諸菩薩行有人言說上中下精進故号為三乘行明德佛者下方去此無量无边恒河沙等佛土有世界名廣大佛号明德今現在說法明名身明智慧明實樹光明是三乘明常照世間廣衆德者上方去此无量無邊恒河沙等佛土有世界名衆月佛号廣衆德今現在說法其佛弟子福德廣大故号廣衆德今是十方佛善德為初廣衆德為後若人一心稱其名号即得不退於阿耨多羅三藐三菩提如偈說

若有人得聞說是諸佛名即得无量德如為寶月說我礼是諸佛今說三十方

◎十住毗婆沙論

其有稱名者即得不退轉東方无憂界其佛号善德色相如金山名聞无边際若人聞名者即得不退轉我今念掌礼願悉除憂惱南方歡喜界佛号栴檀德面淨如滿月光明无有量能滅諸衆生三毒之熱惱聞名得不退是故稽首礼西方善世界佛号无量明身光智慧明所照无边際其有聞名者即得不退轉我今稽首礼願盡生死際北方无動界佛号為相德身具衆相好而以自在嚴摧破魔怨衆善化諸人天聞名得不退是故稽首礼東南月明界有佛号无憂光明喻日月遇者滅煩惱常為衆說法除諸内外苦十方佛稱讚是故稽首礼西南衆相界佛号為寶施常以諸法寶廣施於一切諸天頭面礼寶冠在足下我今以五體歸命寶施尊西北衆音界佛号為華德世界衆寶樹演出妙法音常以七覺華莊嚴於衆生白毫相如月我今頭面礼東北安隱界諸寶所合成佛号三乘行无量相嚴身智慧光元量能破无明闇衆生无憂惱是故稽首礼上方衆月界衆寶所莊嚴大德聲聞衆

菩薩无有量諸聖中師子号曰廣衆德諸魔所怖畏是故稽首礼下方廣世界佛号為明德身相妙超絕閻浮檀金山常以智慧日開諸善報華寶土甚廣大我遥稽首礼過去无數劫有佛号海德是諸現在佛皆從彼發願壽命无有量光明照无極國土甚清淨聞名定作佛今現在十方具足成十力是故稽首礼人天中最尊

問曰但聞是十佛名号執持在心便得不退阿耨多羅三藐三菩提為更有餘佛餘菩薩名得至阿惟越致耶答曰阿弥陀等佛及諸大菩薩稱名一心念亦得不退轉

更有阿弥陀等諸佛亦應恭敬礼拜稱其名号今當具說无量壽佛世自在王佛師子意佛法意佛梵相佛世相佛世妙佛慈悲佛世王佛人王佛月德佛寶德佛相德佛大相佛珠盖佛師子身佛破无明佛智華佛多摩羅跋拏檀香佛持大功德佛雨七寶佛起勇佛離瞋恨佛大莊嚴佛无相佛寶藏佛德頂佛多伽羅香佛栴

十位華嚴論卷第五 第八版

檀香佛蓮華香佛莊嚴道路佛龍蓋
佛雨華佛散華佛華光明佛日音聲
佛蔽日月佛環藏佛梵音佛淨明
佛金藏佛須彌頂佛山王佛音聲自
在佛淨眼佛月明佛如須彌山佛日
月佛得眾佛華生佛梵音說佛世主
佛師子行佛妙法意師子吼佛珠寶
蓋珊瑚色佛破痼愛闇佛水月佛眾
華佛開智慧佛持鉢寶佛善提佛華
起出佛真珠璣明佛蔽日明佛持大
功德佛得正慧佛勇健佛難誑曲佛
除惡根栽佛大香佛道眼佛水光佛
海雲慈遊佛德頂華佛華莊嚴佛日
音聲佛月勝佛珠璣佛梵聲佛光明
佛金藏佛山頂佛山王佛音王佛龍
勝佛無染佛淨面佛月面佛如須彌
佛拈檀香佛威勢佛燃燈佛難勝佛
寶德佛喜音佛光明佛龍勝佛難垢
明佛師子佛王王佛力勝佛華齒佛
無畏明佛香頂佛普賢佛普華佛寶
相佛是諸佛世尊現在十方清淨世
界皆稱名憶念阿彌陀佛本願如是
若人念我稱名自歸即入必定得阿

十位華嚴論卷第五 第九版

稱多羅三藐三菩提是故常應憶念
以偈稱讚
無量光明慧身如真金山我今身口意
合掌稽首礼金色妙光明普淨諸世界
隨物增其色是故稽首礼若人命終時
得生彼國者即具无量德是故我歸命
人能念是佛无量力威德即時入必定
是故我常念彼國人命終設應受諸苦
不墮惡地獄是故歸命礼若人生彼國
終不墮三趣及與阿修羅我今歸命礼
人天身相同猶如金山頂諸勝所歸處
是故頭面礼其有生彼國具天眼耳通
十方普元号稽首聖中尊其國諸眾生
神變及心通亦具宿命智是故歸命礼
生彼國土者無我無我所不生彼此心
是故稽首礼起出三界獄目如蓮華葉
聲聞眾元量是故稽首礼彼國諸眾生
其性皆柔和自然行十善稽首眾聖王
從善生淨明元量無邊數二足中第一
是故我歸命若人願作佛心念阿彌陀
應時為現身是故我歸命彼佛本願力
十方諸菩薩來供養聽法是我稽首
彼土諸菩薩具足諸相好以自在嚴身

十位華嚴論卷第五 第十版

我今歸命礼彼諸大菩薩日日於三時
供養十方佛是故稽首礼若人種善根
疑則華不開信心清淨者華開則見佛
十方現在佛以種種因緣歎彼佛功德
我今歸命礼其土甚嚴飾殊彼諸天宮
功德甚深厚是故礼佛足佛足千輪輪
柔軟蓮華色見者皆歡喜頭面礼佛足
眉間白毫光猶如清淨月增益面光色
頭面礼佛足本求佛道時行諸奇妙事
如諸經所說頭面稽首礼彼佛所言說
破除諸罪根美言多所益我今稽首礼
以此美言說救諸苦樂病已度今猶度
是故稽首礼人天中軍尊諸天頭面礼
寶冠摩足是故我歸命一切賢聖眾
及諸人天眾咸皆共歸命是故我亦礼
乘彼八道船能度難度海自度亦度彼
我礼自在者諸佛元量劫讚揚其功德
猶尚不能盡歸命清淨人我今亦如是
稱讚元量德以是福因緣願佛常念我
我於今先世福德若大小願我於佛所
心常得清淨以此福因緣所獲上妙德
願諸眾生類皆亦悉當得
又亦應念毗婆尸佛尸棄佛毗首婆

伏佛拘樓提佛迦牟尼佛迦
葉佛釋迦牟尼佛及未來世弥勒佛
皆應憶念禮拜以偈稱讚

毗婆尸世尊 无憂道樹下成就一切智
微妙諸功德 正觀於世間 其心得解脫
我今以五體 歸命无上尊 尸棄佛世尊
在於那利道場樹下坐 成就於菩提
身色无有比 如然紫金山 我今自歸命
三界无上尊 毗首婆世尊 坐婆羅樹下
自然得通達 一切妙智慧 於諸人天中
第一无有比 是故我歸命 一切最勝尊
迦求村大佛 得阿耨多羅三藐三菩提
尸利沙樹下 成就大智慧 永脫於生死
我今歸命礼 第一无有比 迦那舍牟尼
大聖无上尊 優曇鉢樹下 成就得佛道
遍達一切法 无量無有邊 是故我歸命
第一无上尊 迦葉佛世尊 眼如雙蓮華
弱拘樓陀樹下 成就佛道 三界无所畏
行步如鳥王 我今自歸命 稽首无極尊
釋迦牟尼佛 阿輸陀樹下 降伏魔怨敵
成就无上道 面貌如滿月 清淨无瑕塵
我今稽首礼 勇猛第一尊 當來弥勒佛
那加樹下坐 成就廣大心 自然得佛道

功德甚堅牢 莫能有勝者 是故我自歸
無比妙法三

復有德勝佛普明佛勝敵佛王相佛
相王佛元是功德明自在王佛藥王
无闍佛寶遊行佛寶華佛安住佛山
王佛亦應憶念恭敬禮拜以偈稱讚
无勝世界中有佛号德勝我今稽首礼
及法寶僧寶 隨喜喜世界有佛号普明
我今自歸命 及法寶僧寶 普賢世界中
有佛号勝敵我今歸命礼 及法寶僧寶
善淨集世界 佛号王幢相 我今稽首礼
及法寶僧寶 離垢集世界 无量功德明
自在於十方 是故稽首礼 不誑世界中
无尋樂王佛 我今頭面礼 及法寶僧寶
今集世界中 佛号寶遊行 我今頭面礼
及法寶僧寶 美音界寶花 安立山王佛
我今頭面礼 及法寶僧寶 今是諸如來
住在東方界 我以恭敬心 稱揚歸命礼
唯願諸如來 深加以慈愍 現身在我前
皆令自得見
復次過去未來現在諸佛盡應憶念
恭敬禮拜 以偈稱讚
過去世諸佛 降伏眾魔怨 以大智慧

廣利於眾生 似時諸眾生 盡心皆供養
恭敬而稱揚 是故頭面礼 現在十方界
不可計諸佛 其數過恒沙 无量无有邊
慈愍諸眾生 常轉妙法輪 是故我恭敬
歸命稽首礼 未來世諸佛 身色如金山
光明无有量 眾相自在嚴 出世度眾生
當入於涅槃 如是諸世尊 我今頭面礼
復應憶念諸大菩薩善意菩薩善眼
菩薩閼月菩薩尸毗王菩薩一切勝
菩薩知大地菩薩大藥菩薩鳩舍菩
薩阿難念弥菩薩頂生王菩薩喜見菩
薩鬱多羅菩薩薩和檀菩薩長壽王
菩薩鼻提菩薩畢藍菩薩曠菩薩月
蓋菩薩明首菩薩法首菩薩成利菩
薩弥勒菩薩復有金剛藏菩薩金剛
首菩薩无垢藏菩薩无垢稱菩薩除
疑菩薩无垢德菩薩網明菩薩無量
明菩薩大明菩薩无盡意菩薩意王
菩薩無邊意菩薩日音菩薩月音菩
薩美音菩薩美音聲菩薩大音聲菩
薩堅精進菩薩常堅菩薩堅發菩薩
莊嚴王菩薩常悲菩薩常不輕菩薩
法二菩薩法意菩薩法喜菩薩法首

十住毗婆沙論卷第五 第四分 第九
菩薩法積菩薩發精進菩薩智慧慧菩

薩淨威德菩薩那羅延菩薩善思惟
菩薩法思惟菩薩跋陀波羅菩薩法
益菩薩高德菩薩師子遊行菩薩喜
根菩薩上寶月菩薩不虛德菩薩龍
德菩薩文殊師利菩薩妙音菩薩雲
音菩薩勝意菩薩照明菩薩勇衆菩
薩勝樂菩薩威儀菩薩師子意菩薩
上意菩薩益意菩薩增意菩薩寶明
菩薩慧頂菩薩樂說頂菩薩有德菩
薩觀世自在王菩薩陀羅尼自在王
菩薩大自在王菩薩元憂德菩薩不
虛見菩薩離惡道菩薩一切勇健菩
薩破闇菩薩功德寶菩薩花威德菩
薩金瓔珞明德菩薩離諸陰蓋菩薩
心無聞菩薩一切行淨菩薩等見菩
薩不等見菩薩三昧遊戲菩薩法自
在菩薩法相菩薩明莊嚴菩薩大莊
嚴菩薩寶頂菩薩寶印手菩薩常舉
手菩薩常下手菩薩常憐菩薩常喜
菩薩喜王菩薩得辯才音聲菩薩虛
空雷音菩薩持寶炬菩薩勇施菩薩
帝網菩薩馬光菩薩空元聞菩薩

十住毗婆沙論卷第五 第五分 第十
勝菩薩天下菩薩威德菩薩電德菩

薩自在菩薩頂相菩薩出過菩薩師
子吼菩薩雲陰菩薩能勝菩薩山相
薩王菩薩香鳥菩薩大香鳥菩薩白
香鳥菩薩常精進菩薩不休息菩薩
妙生菩薩華莊嚴菩薩觀世音菩薩
得大勢菩薩水王菩薩山王菩薩帝
網菩薩寶施菩薩破魔菩薩莊嚴國
土菩薩金髻菩薩珠髻菩薩如是等
諸大菩薩皆應憶念恭敬禮拜求阿
惟越致地

除業品第十

問曰但憶念阿彌陀等諸佛及念餘
菩薩得阿惟越致更有餘方便耶答
曰求阿惟越致地者非但憶念稱名
禮敬而已復應於諸佛所懺悔勸請
隨喜迴向問曰是事何謂答曰

十方無量佛所知無不盡我今悉於前
發露諸惡惡三三合九種從三煩惱起
今身若先身是罪盡懺悔於三惡道中
若應受業報願於今身償不入惡道受
十方諸佛者現在一切諸佛命根成
就未入涅槃十方名四方四維上下

十住毗婆沙論卷第五 第六分 第十一
佛名所應知事悉知無餘發露者於

諸佛所發露一切罪無所覆藏後不
復作如堤防水黑惡者無智慧明故
多犯眾惡若不善法若隱沒元記三
種者身口意生惡現報生報後報自
作教他作隨喜作從三種煩惱起三
種煩惱謂欲界繫色界繫無色界繫
若助貪欲煩惱若助瞋恚煩惱若助
愚癡煩惱若上煩惱若中煩惱若下
煩惱今身先身盡懺悔者今世先世
所作眾惡盡悔無餘地獄者八種熱
地獄十種寒水地獄畜生者若地生
若水生若無足若二足若多足餓鬼
者食唾食吐食蕩潑汁食膿血屎尿等
若我行業應於此三惡道受者願今是
罪此身現受若後身受莫於地獄餓
鬼畜生中受

復次佛自說懺悔法若菩薩欲懺悔
罪應作是言我於今現在十方世界
中諸佛得阿耨多羅三藐三菩提轉
法輪雨法雨擊法鼓吹法雲建法幢
以法布施滿足衆生多所利益多所
安隱憐愍世間饒益天人我今以身

口意頭面禮現在諸佛足諸佛知者見者世間眼世間燈我於无始生死已來所起罪業為貪欲瞋恚愚癡所逼故或不識佛不識法不識僧或不識罪福或身口意多作眾罪或以惡心出佛身血或毀滅正法破壞眾僧救真人阿羅漢或自行十不善道或教他令行或復隨喜若於眾生有不愛語若以斗秤欺誑侵人以諸邪行惱亂眾生或不孝父母或盜塔物及四方僧物佛所說經戒或有毀破違逆和尚阿闍梨若人發聲聞乘辟支佛乘發大乘者惡言毀辱輕賤嫌恨慳嫉覆心故於諸佛所或起惡口或說是法非法說非法是法今以是罪於現在諸佛知者見者證者所盡皆發露不敢覆藏從今已後不敢復作若我有罪應墮地獄畜生餓鬼阿修羅中不值三尊生在諸難願以此罪今世現受如過去諸菩薩求佛道者懺悔惡業罪我亦如是發露懺悔不敢覆藏後不復作若今諸菩薩求佛道者懺悔惡業罪我亦如是發露懺悔

不敢覆藏後不復作如未來諸菩薩求佛道者懺悔惡業罪我亦如是發露懺悔不敢覆藏後不復作如過去未來現在諸菩薩求佛道者懺悔惡業罪已懺悔今懺悔當懺悔我亦如是懺悔惡業罪不敢覆藏後不復作

問曰汝已說懺悔法云何為勸請答曰十方一切佛現在成道者我請轉法輪安樂諸眾生十方一切佛若欲捨壽命我今頭面禮勸請令久住

轉法輪者說四聖諦義三轉十二相是苦諦是苦集是苦滅是至苦滅道是名一轉四相是苦諦應知是苦集應斷是苦滅應證是至苦滅道應修是名第二轉四相是苦諦知已是苦集斷已是苦滅證已是至苦滅道修已是名第三轉四相四相者四諦中生眼智明覺有人言聲聞乘辟支佛乘大乘是名法輪解說是三乘義名為轉法輪安樂諸眾生者五欲樂不名為安樂為今世後世得清淨安樂入於三乘是名安樂是人勸請諸佛轉

法輪令諸眾生受涅槃樂若未得涅槃今受世間樂是故說安樂壽者受業報因緣故命根相續得住如變化所作隨心業而住心禁止則滅勸請名至誠求願諸佛觀諸眾生巨細元異是故求請望得從願莫捨壽命住无量阿僧祇劫度脫眾生

復次佛自說勸請法菩薩應作是言我禮現在十方諸佛始得阿耨多羅三藐三菩提未轉法輪我今求請願轉法輪擊法鼓吹法臺建法幢設大法祠然大法炬以是法施滿足眾生多所利益多所安樂憐愍世間饒益天人是故我今勸請是名勸請諸佛轉法輪久住者亦應言現在十方諸佛是諸佛欲捨壽命我請久住多所利益多所安樂憐愍世間饒益天人問曰汝已說懺悔勸請云何名為隨喜答曰
所有布施福持戒修禪行從身口意生去來今所有習行三乘人具足三乘者一切凡夫福皆隨而歡喜
布施福者從捨慳法生持戒福者從

十住毗婆沙論卷第五 第三十經 梵

伏身口業生憚行者諸憚定是從身口生者因身口布施持戒迎來送去等因意生者憚定慈悲等去來今所有者一切衆生三世福德行三垂者求聲聞乘辟支佛乘大乘具足三垂者成就阿羅漢乘辟支佛乘佛乘一切者皆盡無餘凡夫者未得四諦者是福德者有二種業善及不隱沒元記業是隨喜者他人作福心生歡喜釋以為善

問曰汝以說懺悔勸請隨喜云何為迴向答曰

我所有福德一切皆和合為諸衆生故正迴向佛道

我者已身所有福德者若從身生若從口生若從意生若因布施生若因持戒生若因修禪生若因隨喜生若因勸請生如是等及餘所有善皆名所有福德一切皆和合者心念諸福德合集攝量知其廣大諸衆生者三界衆生正者如諸佛迴向如真實迴向迴向菩提迴向菩提者迴諸福德向阿耨多羅三藐三菩提又隨喜迴向此二事佛亦

十住毗婆沙論卷第五 第三十經 梵

自說有菩薩摩訶薩欲隨喜迴向應念諸佛斷三界相續道滅諸戲論乾煩惱淤泥滅諸刺棘除諸重擔遠得已利正智解脫心得自在盡諸有結無量無邊不可思議阿僧祇十方世界一一世界中亦無量無邊不可思議阿僧祇諸佛出已滅度從初發心乃至得佛入無餘涅槃至遺法未盡於其中間是諸佛所有善根福德應六波羅蜜及所受辟支佛記所有善根又聲聞人善根若布施持戒修禪及學無學無漏善根及諸佛戒品定品慧品解脫知見品大慈大悲等無量功德及諸佛有所說法於此法中有人信解受學得此法利是諸人等所有善根於此法中及凡夫所種善根及諸天龍夜叉乾闥婆阿修羅迦樓羅緊那羅摩睺羅伽得聞法已生諸善心乃至畜生聞法生諸善心及諸佛欲入涅槃時衆生所種善根是諸善根福德一切和合攝量使無遺餘以取上取妙寂勝無上無等元等等隨喜隨喜已以是造作而生福德迴向阿

十住毗婆沙論卷第五 第三十經 梵

耨多羅三藐三菩提未來現在諸佛亦如是是三世諸佛福德及因諸佛所生福德心皆隨喜迴向阿耨多羅三藐三菩提是故偈說
罪應如是懺勸請隨喜福迴向無上道
皆亦應如是如諸佛所說我悔罪勸請
隨喜及迴向皆亦復如是
無始世界來有無量遮佛道罪應於
十方諸佛前懺悔勸請諸佛隨喜迴
向亦應如是如佛所知所見所許懺
悔我亦如是懺悔勸請諸佛隨喜迴
向亦復如是若如是懺悔勸請隨
喜迴向是名正迴向問曰云何名
為諸佛所知所見所許懺悔勸請
隨喜迴向答曰懺悔勸請如先說
隨喜迴向如大品經中須菩提白
佛言世尊所說菩薩於過去未來現
在一切諸佛及諸弟子一切衆生所
有福德善根盡和合攝量以取上隨
喜世尊云何名為取上隨喜佛告須
菩提若菩薩於過去未來現在諸法
不取不念不見不得不分別而能如
是思惟是諸法皆從憶想分別衆緣

和合有一切法實不生无所從來是中乃至无有一法已生今當生亦无已滅今滅當滅諸法相如是我順諸法相隨喜隨喜已亦隨諸法實相迴向阿耨多羅三藐三菩提是名最上隨喜迴向復次須菩提求佛道善男子善女人不欲謗佛者應以善根如是迴向應作是念如諸佛心佛智佛眼知見是善根福德本末體相從何而有我亦如是隨諸佛知見隨喜如諸佛所許我亦如是以善根迴向若菩薩如是迴向則不謗諸佛亦无過各深心信解如實迴向是名大迴向具足迴向復次須菩提提善男子善女人以諸善根福德應如是迴向如諸賢聖戒品定品慧品解脫品解脫知見品不繫欲界不繫色界不繫无色界不在過去不在未來不在現在在不繫三界故是迴向亦如是不繫所迴向處亦不繫若菩薩能如是得心信解如實是名不失迴向无毒迴向法性迴向若菩薩於此迴向取相貪著是名邪迴向是故諸菩薩摩訶薩

十住毗婆沙論卷第五 第三十張 梵
應如諸佛所知法相以是法相迴向能至阿耨多羅三藐三菩提是名正迴向

十住毗婆沙論卷第五

癸卯歲高麗國分司大藏都監奉
勅同造

十住毗婆沙論卷第六

聖者龍樹造

梵

後秦龜茲國三藏鳩摩羅什譯

分別功德品第十一

問曰懺悔勸請隨喜迴向應云何作於晝夜中幾時行答曰

以右膝著地偏袒於右肩合掌恭敬心晝夜各三時

以恭敬相故右膝著地偏袒右肩合掌是事應初夜一時禮一切佛懺悔勸請隨喜迴向中夜後夜皆亦如是於日初分日中分日後分亦如是一日一夜合為六時一心念諸佛如現在前問曰作是行已得何果報答曰若於一時行福德有形者恒河沙世界乃自不容受

若於一時中行此事者所得福德若有形者恒河沙等无量無邊不可思議三千大千世界所不容受如三支經除罪業品中說佛告舍利弗若善男子善女人以滿恒河沙等三千大千世界七寶布施諸佛若復有人勸

十仁四卷沙論卷第六 第二張 梵 全

請諸佛轉法輪此福為勝又佛於般
若波羅蜜隨喜迴向品中說善哉善
哉須菩提汝能作佛事與諸菩薩說
迴向法若菩薩作是念如諸佛知見
是善根福德本末體相何因緣故有
我亦如是隨佛所知所見迴向是人
得福多譬如恒河沙等三千大千世
界中衆生皆成就十善道菩薩迴向
福德最上最妙最勝無比無等无等
等須菩提置是恒河沙等三千大千
世界衆生成就十善道若恒河沙等
三千大千世界衆生皆得四禪其福
比此亦復最上最妙最勝四無量心
四無色定五神通得須陀洹果斯陀
含果阿那含果阿羅漢果辟支佛道
亦如是如法迴向福德最上最妙最
勝須菩提置此恒河沙等三千大千
世界衆生皆作辟支佛若有恒河沙
等三千大千世界衆生皆發阿耨多
羅三藐三菩提心復有恒河沙等三
千大千世界衆生其一菩薩以取相
心供養是諸衆生衣服飲食卧具醫
藥於恒河沙等劫以一切樂具供養

第三張 竟 矣

恭敬尊重讚歎一一菩薩皆亦如是
須菩提於意云何是諸菩薩以此因
緣得福多不甚多世尊如是福德竿
數譬喻所不能及若是福德有形恒
河沙等世界所不能受佛告須菩提
善哉善哉須菩提是菩薩為般若波
羅蜜守護以善根隨法性迴向所得
福德先諸菩薩取相布施福德百分
不及一千万分百万千万億分乃至
竿數譬喻所不能及何以故先諸菩
薩取相分別布施皆是有量有數又
般若波羅蜜迴向品中說佛告淨居
天子置此恒河沙等三千大千世界
衆生皆發阿耨多羅三藐三菩提心
餘恒河沙等三千大千世界衆生一
一菩薩以取相心供養是諸衆生永
服飲食卧具醫藥資生之物隨意供
養於恒河沙等劫諸天子若是恒河
沙等三千大千世界衆生發阿耨多
羅三藐三菩提心餘恒河沙等三千
大千世界中衆生皆亦發阿耨多羅
三藐三菩提心其一菩薩供養是諸
菩薩衣服飲食卧具醫藥資生之物

十住毘婆沙論卷第六 第四疏 竟

十住毘婆沙論卷第六 第四疏 梵具

於恒河沙等劫是本苑取相分別如是諸菩薩各於恒河沙等劫供養是諸菩薩衣服飲食卧具醫藥資生之物隨意供養恭敬尊重讚歎皆是取相布施若菩薩為般若波羅蜜所護過去未來現在諸佛戒品定品慧品解脫品解脫知見品及聲聞五品及諸凡夫人於中種善根已種今種當種盡和合稱量使無遺餘取上取妙取勝无等无等等不可思議隨喜福德迴向阿耨多羅三藐三菩提作是念我是福德能至佛道是福德於先取相福德百分不及一千万分億分乃至竿數譬喻所不能及何以故是諸菩薩取相分別布施故復有恒河沙等三千大千世界衆生皆發阿耨多羅三藐三菩提心身行善業口行善業意行善業復有恒河沙等三千大千世界衆生皆發阿耨多羅三藐三菩提心若人於恒河沙等劫惡口罵詈皆能忍受於恒河沙等劫身心精進除諸懈怠攝心禪定无諸亂想而皆取相不如菩薩如法性迴向其福為

勝是故如汝先說作如是事得何等利者得如是大福德聚是故若人欲得如是无量無邊不可思議福德聚者應行是懺悔勸請隨喜迴向不惜身命利養名聞於晝夜中常應勤行問曰汝但說勸請隨喜迴向中福德何故不說懺悔中福德耶答曰於諸福德中懺悔福德最大除業障罪故得善行善薩道行勸請隨喜迴向與空无相無願和合无異復次懺悔如如意珠隨願皆得如佛說若人欲於婆羅門大姓中生刹利大姓中生居士大家中中應如是懺悔罪業无所覆藏後不更作若有人欲生四天王天上切利天上夜摩天上兜率陀天上化樂天上他化自在天上亦應如是懺悔罪業无所覆藏後不更作若人欲生梵世乃至非想非非想處是人亦應如是懺悔罪業无所覆藏後不更作若人欲得須陀洹果斯陀含果阿那含果阿羅漢果亦應如是懺悔罪業若人欲得三明六神通聲聞道中自在力盡聲聞功德彼岸亦應如

是懺悔罪業若人欲得辟支佛道亦應如是懺悔罪業若人欲得一切智慧不可思議智慧无礙智慧无上智慧亦應如是懺悔罪業无所覆藏後不更作是故當知懺悔有大果報問曰汝言懺悔除業障罪餘經中說佛告阿難故作業必當受報又阿毘曇中說諸業因緣不空果報不失不滅又經說眾生皆屬業皆從業有依止於業眾生隨業各自受報若現報若生報若後報又業報經中間羅王為眾生說言出眾生活此罪非父母作天作沙門婆羅門作汝自作自應受報又賢聖傳中說實法如金剛業力將无勝今我已得道而受惡業報又佛自說大海諸名山丘陵樹林木地水火風等日月諸星宿若至劫燒時皆盡无有餘業於无量劫常在而不失汝遇具相者一切智人師先所造罪業已償其果報今雖得值佛垢盡證聖果以餘因緣故木刺猶在身

是故不應言懺悔除業罪者曰我不言懺悔則罪業滅盡无有報果我言懺悔罪則輕薄於少時受是故懺悔得中說若應墮三惡道願人身中受又如來智印經中說佛告弥勒諸菩薩深心愛樂阿耨多羅三藐三菩提者有罪應在惡道受報是罪輕微後世受惡形或多疾病无有威德生下賤家貧窮家邪見家邪業自活家生違意處多憂愁憂國土破壞聚落破壞居家破壞所愛破壞不遇善知識常不聞法不得利養若得慶樂常不自供能令下賤之所信敬於諸大人不得信敬修集諸福時多有障不得成就諸根聞經習禪意亂不得無漏覺意功德不知經法隨宜所趣乃至惡夢償惡道報又佛說人有小罪今世可受報是罪轉多便墮地獄云何是人今世小罪轉多而墮地獄有人不修身不修戒不修心不修慧無有大意是人小罪便墮地獄云何是人有罪今世應受報罪不增長不入地獄有人修身修戒修心修慧有大志意

十住毗婆沙論卷第六

第八分 寶藏

心不拘聞如是人有罪不復增長今世現受辟如人以小器盛水著一外盥則不可飲若復有人以一外盥投於大池尚不覺盥味何況巨飲何以故水多盥少故罪亦如是得說

外盥投大海其味无有異若投小器水鹹苦不可飲如人大積福而有少罪惡不墮於惡道餘緣而輕受又人薄福德而有少罪惡心志狹小故罪令墮惡道若人火勢弱食少難消食此人雖不死其身受大苦若人身勢強食少難消食此人終不死但受輕微苦善福慧火弱而有少惡罪是罪无救者能令墮地獄有大福德者雖有罪惡事不令墮地獄現身而輕受辟如驚蟻魔多救於人眾又欲害母佛得阿羅漢道

今世輕受又如阿闍世害得道父王以佛及文殊師利因緣故重罪輕受又如人毒龜生時雨血後漸長大意欲教人眼看即死若以氣噓亦死是故時人号为氣噓是人命終時舍利弗往至其心中瞋恚眼看不死噓亦不死舍利弗身色方更光顯心即

十住毗婆沙論卷第六 第九分 梵

清淨上下七觀以是因緣命終之後七反生天上七反生人中於後人壽四萬歲時當得辟支佛道身黃金色時人謂是金聚來欲斫取即命終涅槃又如阿輪伽王以兵伐閼浮提救萬八千宮人先世施佛土故起八万塔常於大阿羅漢所聽受經法後得須陀洹道即人身輕償如是等罪多行福德志意曠大集諸功德故不墮惡道是故汝先難若懺悔罪業則滅盡无有果報者是語不然復次若言罪不可滅者毗尼中佛說懺悔除罪則不可信是事不然是故業障罪應懺悔分別布施品第十二

菩薩能行如是懺悔勸請隨喜迴向福德力轉增心亦益柔軟即信佛功德及菩薩大行

是菩薩以懺悔勸請隨喜迴向故福力轉增心調柔軟於諸佛无量功德清淨第一凡夫所不信而能信受及諸大菩薩清淨大行希有難事亦能信受復次

苦惱諸眾生无是深淨法於此生悲傷

十住毗婆沙論卷第六 第十分 梵

而發深悲心

菩薩信諸佛菩薩无量甚深清淨第一功德已慙傷諸眾生无此功德但以諸邪見受種種苦惱故深生悲心念是諸眾生没在苦惱沮我當救拔之今在安隱處

是菩薩得悲心已作是念是諸眾生常為貪恚癡所病以身心受諸苦惱我當拔濟使離身心苦惱深涅槃竟无生老病死患得住安隱涅槃樂處是故於此苦惱眾生深悲心以悲心故為求隨意使得安樂則名慈心若菩薩如是深隨慈悲心斷所有貪惜為施勤精進

菩薩是求佛道度苦惱眾生念者隨名隨順慈悲不隨餘心深慈名遍諸眾生念徹骨髓所有名一切内外所有金銀珠寶國城妻子等貪名欲得无厭惜名愛著不欲與他斷名離此三惡如是則開檀波羅蜜門是故常應一心勤行无令放逸何以故菩薩作是念我今隨所能作利益眾生發堅固施心

所有一切物有命若元命轉輪天王位無求而不與乃至於男女族姓好妻妾年少甚端嚴巧便能事人恭順心柔和愛念情甚至惜之過壽命求者皆能與乃至身血肉骨髓及手足頭目耳鼻等及身皆能與

是菩薩定心布施凡所有外物若有命若元命无有七而不與無命物者金銀珍寶乃至轉輪聖王位天王位有命物者男女貴族好家年少妻妾端嚴柔和恭敬善順愛惜之至過於身命而能施人如一切施菩薩所有外物及妻子等皆能施與是菩薩乃至自身血肉頭目手足耳鼻割肉出骨破骨出髓如薩陀波輪或舉身施與一切所愛无過身者亦能施與如薩和檀如菩薩為无以身施與仙人如尸毗王以身代鴿問曰是菩薩為分別知布施及布施果報故能以難事施為但以慈悲心所發故施者曰如是布施者則得如是報內以支節等并及諸外物

內物名頭目手足等外物名妻子金

銀寶物等是菩薩如實知施是得是報各各分別又信諸經所說或以天眼得知問曰汝先說知以身支節布施及外物布施所得果報今可說所得果報答曰寶頂經中无盡意菩薩第三十品檀波羅蜜義中說菩薩立願須食者施食令我得五事報一者得壽命二者得瞻三者得樂四者得力五者得色須漿與漿者先於人中得者美飲後得除諸煩惱渴愛須乘與乘則得隨意樂報成就四如意足後得三垂道須衣與衣則得轉愧衣報須燈明與燈明則得佛眼光明須伎樂與伎樂則得具足天耳須末香塗香與末香塗香則得身无臭穢須汁與汁則得味味相報須房舍與房舍則得與一切眾生作歸依救護施資生之具者則得助善護功德施醫藥者則得无老病死常樂安隱施奴婢者則得自在隨意具足智慧施金銀珊瑚車乘馬腦者則得具足三十二相施種種雜物莊嚴具則得八十隨形好施為馬車者則得具足大乘施園

林者則得具足禪定樂施男女者得所愛阿耨多羅三藐三菩提施舍報寶藏者則得具足法藏施以一園土一園淨提提天下王位者則得道場自在法王施諸戲樂具者則得法樂以足施者則得法足能到道場以手施者則得寶手能施一切以耳鼻施者則得具足身體以眼施者則得具足无間法眼以頭施者則得三界特尊一切智慧以血肉施者令諸眾生得堅固行以髓施者得金剛身无能壞者如是開施門果報餘施果報亦應知以財具施者得三乘安隱解脫牀以坐處施者則得菩提樹下道場不可壞處以妻施者為得法喜娛樂故以道施者為生死失道眾生得入正道故以筏施者為得度欲流有流見派无明流故以骨施者為得戒堅定堅解脫堅解脫知見堅眾生堅故以眷屬施者為得成就无量无边阿僧祇福得天人眷屬同心清淨不可沮壞故以善哉施者為得說法時天龍夜叉乾闥婆沙門婆羅門歡喜稱讚故以經

卷施者為得九部經久住无量時故

以法施者為得通達一切法故集一

切功德故是菩薩如是樂行布施知

布施清淨知布施果報所得多少是故

非法財施等乃至智呵施無有如是施

但合空等施

非法者惡行所得財財名資生之物

取要言之以惡業得財物施菩薩知

是布施不清淨故如是等諸餘非法

施乃至智呵施不為此等菩薩行

布施唯與空智慧等種種功德和合

問曰所說非法得財施等及空智慧

等和合施此二施應廣分別答曰是二

施无盡意菩薩會品中檀波羅蜜中

說初分別布施功德所謂諸菩薩无

非法求財施無熱惱眾生施无恐畏

施无著故施无請而不施無不如所

許施无性好以不好施無不深心施

无諂曲施無假偽施無損果施无邪

心施無癡心施無雜心施无不信解脫

施无疲厭施無親附施无以承望已

施無求福田者施無輕一切眾生非福

田者施无持戒毀戒高下心施無求名

聞施無自高心施无卑他施無憍

施无悔心施無急喚故施无惡賤施

無自然法施无求果報施無瞋恚施

无令人渴乏施無惱求者施無輕持

彼施無欺誑施无俾面施无擲與施

無不一心施無不自手施無不常施无

休息施無斷絕施无覺勝施无輕少

物施無請隨自恣而以輕物施無不稱

力施無非福田施無於少物劣弱心

施无恃多物憍心施无邪行施無樂

受生施無恃色族富貴施無求生四王

擇梵天上施无求聲聞辟支佛乘施无

求國王王子施无限一世施无厭足

施無不迴向薩婆若施無不淨施無非

時施無刀毒施無惱排眾生施無智者

所呵施如是開示施門餘不淨施亦

應當知所謂諸菩薩无應棄物施无

憎惡涅脛施无豐饒易得物施无量

恩施無報恩施无求反報施无求守

護施無求吉施無憍心施无家法施

无因得即施無不終身施無垢心施

無遊戲施无以善知識故施無輕施

無遊逸施無因失施無以讚已故施无

以呵罵故施無以祝願故施無以稱希

有事故施無以明已信故施无以畏

故施無誑施无求眷屬施无不唱導

施无引眾施無不信施无無因緣施

无隨意施無現奇特施无自掃讚施

無不隨所求施无為伏彼施施无不

愛施无不任用物施無不恭敬施无

下施無以恠相故施无抑挫施無挾

勢得物施無不清淨心施无疑心施

无破求者心施无禁忌物施無分別施

无以酒施無以兵杖施无棄彼物施

無令人疑心施無以親近故施无

說彼過各施无隨所愛施无瞋施無

癡施无戲論施无不為菩提施問口

非法求財施乃至不為菩提施菩薩

為有為无若盡无者則有過各不求

福田於眾生无差別心亦無知恩報

恩亦無家法國法施若有者何以皆

言无答曰是非法得財施乃至不為

菩提施菩薩不必盡無或時有是布

施檀波羅蜜所不攝不能具足檀波

羅蜜故言无等等功德和合施者如

无盡意菩薩經檀波羅蜜品中說无

薩布施與空合故不盡是施无相
修故不盡是施無願守護故不盡
是施善根所攝故不盡是施隨解脫
相故不盡是施能破一切魔故不盡
是施不雜煩惱故不盡是施得轉勝
利故不盡是施決定心故不盡是施
集助菩提法故不盡是施正迴向故
不盡是施得道場解脫果故不盡是
施无邊故不盡是施不可盡故不盡
是施不斷故不盡是施廣大故不盡
是施不可壞故不盡是施不可勝故
不盡是施至一切智慧故不盡是施
斷非法求財施等垢成就空等諸切
德故不盡非法求財施等是施垢施
與垢合是不淨施與空等切德合是
淨復次是施淨不淨今當更說經說
施有四種有施於施者是淨不於受
者淨有施於受者是淨不於施者淨
有施於施者淨亦於受者淨有施不
於施者淨亦不於受者淨若施者成就
善身口意業受者成就惡身口意業是
名於施者淨不於受者淨若施者成就
惡身口意業受者成就善身口意業是

名於受者淨不於施者淨若施者成
就善身口意業受者亦成就善身口
意業是名於施者淨於受者亦淨若
施者成就不善身口意業受者亦成
就不善身口意業是名不於施者淨
亦不於受者淨貪欲瞋恚愚癡若斷
若不斷亦應如是分別復次四種布
施中有淨不淨一從施者淨二從受
者淨三共淨是名淨一不從施者淨
二不從受者淨三不共淨是名不淨
是中施者有功德故從施者施得淨
以受者有功德故從受者施得淨以
淨施者有功德故從施者受者施得
淨施者有罪故從施者施不淨受者
有罪故從受者施不淨施者受者有
罪故從施者受者施不淨施者功德
受者功德施者罪受者罪先已說問
曰汝說此四種施中菩薩應行何施
答曰

四種布施中行二種淨施不求於名利
及以求果報

是布施有四種三淨三不淨不淨盡
不行淨中行二淨一者施者淨不於

受者淨二者共淨於此二淨施中應
常精進何以故是菩薩不期果報故
若期果報者則求受者清淨淨名施
者受者功德莊嚴其心清淨不淨名
施者有慳惜心如佛說慳為施垢餘
煩惱雖為不淨慳重為重問曰若菩
薩於施者淨及共淨應勤行此二施
慳為施者垢亦是施大垢若菩薩未
離欲未能斷慳云何能行此二淨施
答曰

若物能起慳則不畜此物

菩薩若於有命无命物知生慳心者
則不畜此物是故有所施皆无慳惜
問曰外物可不畜身當云何答曰

常為利眾生解身如藥樹

為利益眾生故信解身如藥樹如藥
樹眾生有用根莖枝葉華實等各得
差病隨意而取无有遮護菩薩亦如
是為利眾生故能自捨身作是念若
眾生取我頭目手足肢節脊腹臍膊
耳鼻齒舌血肉骨髓等隨其所須皆
能與之或舉身盡施如是降伏其心
修集善根為方便所護行檀波羅蜜

十住毗婆沙論卷第六 第三張 梵
捨相別相施皆悉能迴向

是菩薩能以二種淨施能知二種迴向
一為捨相二為別相捨相迴向者有
所施皆迴向阿耨多羅三藐三菩提
別相施者如布施果報中說復次捨
相迴向者為安樂利益一切眾生別
相迴向者無信眾生令得信故破戒
者得持戒故少聞者得多聞故懈怠
者得精進故散亂心者得禪定故愚
癡眾生得智慧故慳者得捨心故如
是等種種別相復次捨相迴向者以
六波羅蜜迴向阿耨多羅三藐三菩
提別相迴向者施外物時願諸眾生
得大富樂支節布施時願諸眾生具
足佛身問曰布施有幾種迴向幾種
不迴向答曰一為淨四迴向三種
不迴向一菩薩布施為清淨四事故
迴向三種不迴向不為得王故迴向
不為得欲樂故迴向不為得聲聞辟
支佛地故迴向不為得王故迴向者
遮王則并遮一切貴人力勢自在者
不為得欲樂迴向者除上貴人餘受
富樂五欲自娛者不為得聲聞辟支

十住毗婆沙論卷第六 第三張 梵
佛迴向者遮因小乘入無餘涅槃令
得安住大乘久後乃入無餘涅槃為四

淨迴向者菩薩所施為清淨佛土故
迴向為清淨菩薩故迴向為清淨教
化眾生故迴向為淨菩薩若故迴向
菩薩應如是方便迴向无令布施損
減使得勢力問曰以何法今布施損
減以何法今布施增益答曰

若施不迴向亦无有方便求生於下處
親近惡知識如是布施者是則為損減
若布施不迴向阿耨多羅三藐三菩
提隨逐世間樂故求生下處无有方
便能出布施決定果報自在所生親
近障闍大乘知識以是四法則布施
損減

離四施得增又應三心施菩薩順佛語
亦不求果報

離此四法布施則得增益一迴向阿
耨多羅三藐三菩提二有方便迴向
三求法王處四親近善知識又應以
三法心而行布施一者憐愍一切眾
生故以菩提心行施二者不違佛法
而行布施一者不求果報而行布施

復次

十住毗婆沙論卷第六 第三張 梵

為得三法故而行於布施為欲求二法
應當行布施

菩薩為得三法故行布施一者佛
法二者說法三者令諸眾生住无
上樂又欲求二法行布施者一者大
富二者具足檀波羅蜜何以故若菩
薩大富則離貧苦不取他財不求息
利无有債主不憂償債多財富足能
自衣食有能惠施利益親族及善知
識眷屬安樂其家豐饒常如節會心
常歡悅能大施與眷屬不輕人所敬
仰言皆信受眾所依附人來師仰入
眾无畏常好洗浴名香塗身著好新
衣具足莊嚴見諸好色聽好音聲聞
諸妙香常食奉上美味細觸慈賊難
壞善知識歡喜是於人身得善果報
人所欽慕常稱吉善忘其醜惡雖生
下賤有大人相雖无巧言成巧言者
雖不多聞成多聞者雖少智慧成智
慧者若先端正倍復殊勝若先大家
倍復尊貴若先巧言倍復巧言若先
多聞倍復多聞若先智慧倍復有智

所可坐卧貴價實牀寤寐安隱侍衛具足衆寶為含極意遊戲其身貴重須諸經書應意即得勢位隨意親近王易諸貴人所念諸醫自往常有親信消息所宜有疾輕微若病易差遠離今世後世怖畏畢竟永離不活怖畏常有救護多有人衆諸親近者自謂多福為同意者深自欣慶有少施恩得大酬報若加小惡得大殃禍族姓女人少年端正具足莊嚴自來給侍諸有諸利悉來歸已若作惡事輒輕微少有施作即獲大利多善知識然憎轉少鈍地毒藥放逸惡人如是等事不得安近諸愛敬事皆悉歸趣若獲利時衆人代喜若有衰惱人皆憂戚衆共示導覺以善言令遠非法安住善法所施業大見莫不歡若與同心則以為足不期世間富貴榮利假使居位人思宜助除其衰惱見他富貴无所怖尚人詠其德不揚其過雖小人名得大人号無不足色視他類貌不作矯異若作婆羅門於天寺中大獲果報讀諸經書得其實利

得而能施若是刹利所習成就善射音聲善能貫練治世典藉能得果報若是畎舍播殖如意若是商估能獲其利若是首陀羅所作事業多得如意問曰汝先說菩薩不以果報心施又復不為豪貴故施而今說求大富故布施是語得无自相違背答曰不相違也若自為身求富受樂是故說不應求富今說求富但為利益衆生是故說為欲大施故求富不為身已求富受樂是則果中說因若菩薩不得大富雖信樂布施无財可與是故汝不應作難復次斷二法故應行布施何等為二者一者慳二者貪此二法最為施垢又得二法故行布施所謂盡智无生智又增益三種慧一者自利慧二者本慧三者多聞慧有人言增長二法故應行施一善二慧略說菩薩應行四種施攝一切善法一者等心施二者无對施三者迴向菩提施四者具足善寂滅心施菩薩如是具足檀波羅蜜故勤行財施

癸卯歲高麗國分司大藏都監奉勅彫造

聖者龍樹造

後秦龜茲國三藏鳩摩羅什譯

菩薩於財施應如是修學又應修學

法施如說

衆施法施軍智者應修行

一切布施中第一取上取妙所謂法施是施智者所應行問曰何故但言智者應行法施答曰不智者若行法施即說異論說異論故自失利亦失他利問曰何謂異論答曰佛欲滅度時告阿難從今日後依修多羅莫依人阿難云何名依修多羅不依人有比立來作是言我現從佛聞現從佛受是法是善是佛所教是比丘語莫受莫捨審諦聽已應以經律檢其所說若不入修多羅不入毗尼又復違逆諸法相義應報是比丘言是法或非佛所說或長老謬受何以故是法不入修多羅不入毗尼又復違逆諸法相義是則非法非善非佛所教如是知

輕所說四不為利養佛告阿難說法者應說何法阿難而可說法不可示不可說无相無為世尊法者余者云何可說阿難是法甚深如來以四相方便而為演說一以音聲二以名字三以語言四以義理又以四因緣而為說法一者為度應度眾生二者但說色受想行識名字三者以種種文辭章句利益眾生四者雖說名字而亦不得辟如鉢油清淨无垢於中觀者自見面相阿難汝若見若聞智慧男子若持戒女人若聖弟子能作是說我於鉢油見真實人何以故智者先知鉢油非有何况有人但以假名說言鉢油而見人相阿難如來亦復如是但以名字假有所說阿難如來以四因緣而為說法眾生聞者心得安樂種種因緣如來說法音聲遍滿十方世界眾生聞者心得歡喜雖諸惡趣生梵天如來聲中元男無女男不取女相女不取男相

來音者不拙眾生不壞諸法但為示現音聲之性說法者應習行是事應隨所行而為法施施者受者所得果報後當廣說

歸命相品第十四

上已辨說財施法施今更分別

白衣在家者應多行財施餘諸善行法今當復略說

是二施中在家之人當行財施出家之人當行法施何以故在家法施不及出家以聽受法者於在家人信心淺薄故又在家之人多有財物出家之人於諸經法讀誦通達為人解說在眾无畏非在家人之所能及又使聽者起恭敬心不及出家又若欲說法降伏人心不及出家如說先自修行法然後教餘人乃可作是言汝隨我所行是事出家者所宜非在家者所行又說身自行不善安能令彼善自不得寂滅何能令人寂是故身自善能令彼行善自身得寂滅能令人得寂善法寂滅是出家者之所應行又出

家之人於聽法者恭敬心勝又出家之人若行財施則妨餘善又妨行遠離阿練若處空閑林澤出家之人若樂財施患妨修行如是等事若行財施必至墮落與白衣從事多有言說若不從事无由得財若出入聚落見聞聲色諸根難攝發起三毒又於持戒忍辱精進禪定智慧心薄又與白衣從事利養垢染發起愛患慳煩慳慳心思惟力而自抑制心志弱者或不自制或乃致死或得死等諸惱害患貪著五欲捨戒還俗故名為死或能反成多起重罪是名死等諸惱害患以是因緣故於出家者攝歎法施於在家者攝歎財施如是廣說在家菩薩所行財施餘諸善行今當說之發心菩薩先應歸依佛歸依法歸依僧從三歸所得功德皆應迴向阿耨多羅三藐三菩提復次歸依佛法僧菩薩所應知菩薩應當如實善解歸依佛歸依法歸依僧問曰云何名為歸依佛答曰不捨菩提心不壞所受法不捨大悲心

十住論卷第七 第八

不貪樂餘乘如是則名為如實歸依佛
菩提心者發心求佛不休不息不捨
是心不壞所受法者謂菩薩各受所
樂善法戒行是行應行是不應作若
應諸波羅蜜若應四功德處如是等
種種善法為利益眾生故受持修行
不令毀缺大悲心者欲度苦惱眾生
為求佛道乃至夢中亦不離大悲不
貪餘乘者深信樂佛道故不貪聲聞
辟支佛乘有是法故當知如實歸依
佛問曰云何名為歸依法答曰

親近說法者一心聽受法念持而演說
名為歸依法

說法者於佛深法解說敷演開示善
思斷諸疑惑常數親近往至其所供
養恭敬一心聽受以憶念力執持不忘
思惟籌量隨順義趣然後為人如知
演說以是法施功德迴向佛道是名
歸依法問曰云何名為歸依僧答曰
若諸聲聞人未入法位者今發无上心
使得佛十力先以財施攝後乃以法施
深信四果僧不分別貴賤求聲聞功德
而不證解脫是名歸依僧又應念三事

十住論卷第七 第九

聲聞人者成聲聞乘未入法位者於
聲聞道未得必定能令此人發佛道
心而得十力若入法位者終不可令
發无上心設或發心亦不成就如般
若波羅蜜中尊者須菩提所說已入
正法位不能發无上心何以故是人
於生死已作障隔不復往來生死發
无上心先以財施攝者以衣服飲食
卧具醫藥所須之物攝出家者以衣
服飲食卧具醫藥雜香塗香攝在家
者以攝因緣生親愛心所言信受然
後法施令發无上道心果僧者四向
四果眾者於佛法中受出家者相具
持諸戒未有果向不分別如是僧以
離恩愛故名為貴僧信樂空无相
无願而不分別戲論依止是僧名為
歸依僧求聲聞功德而不證解脫者
知是僧持戒具足禪定具足智慧具
足解脫具足解脫知見具足三明六
通心得自在有大威德捨世間樂出
魔境界利譽稱樂不以為喜衰毀譏
苦不以為憂常行六捨得八解脫隨
佛所教有行道者有解脫者行一道

十住論卷第七 第十

者破二種煩惱善知三界普通四諦
善除五蓋安住六和敬法具足七不
退法八大人覺捨離九結得聲聞十
種力成就如是諸功德者名為佛弟
子眾求如是功德不求其解脫何以
故深心信樂佛无尋解脫是名歸依
僧復次若聞章句文字法即得念實
相法名為歸命法若見聲聞僧即念
發菩提心諸菩薩眾是名歸依僧見
佛形像即念真佛是故歸依佛問曰
云何名為念真佛答曰如无盡意菩
薩經中說念佛三昧義念真佛者不
以色不以相不以生不以性不以家
不以過去未來現在不以五陰十二
入十八界不以見聞覺知不以心意
識不以戲論行不以生滅住不以取
捨不以憶念分別不以法相不以自
相不以一相不以異相不以心緣數
不以內外不以取相覺觀不以出入
不以形色相類不以所行威儀不以
持戒禪定智慧解脫解脫知見不以
十力四無所畏諸佛法如實念佛者无
量不可思議无行無知无我我所无

憶无念不分列五陰十二入十八界
无形無尋無發无住無非住不住色
不住受想行識不住眼色不住眼識
不住耳聲不住耳識不住鼻香不住
鼻識不住舌味不住舌識不住身觸
不住身識不住意法不住意識不住
一切諸緣不起一切諸相不生一切
動念憶想分別等不生見聞覺知隨
行一切正解脫相心不相續滅諸分
別破諸愛患壞諸因相除斷先際後
際中際究暢明了无有彼此元動故
无喜不受味故無樂本相寂滅故无
熱心无所營故離脫相无色故無身
不受故無受无想故无結無行故無
為无知故無識无取故無行不捨故
非不行无處故無住空故无來不生
故无去一切憶念心心數法及餘諸法
不貪不著不取不受不然不滅先來
不生元有生相攝在法性過眼色虛
空道如是相名為真念佛又念法者
得觀察善將至道智者内知初中後
善言善義善淳善无雜具足清淨能

新貪欲能斷瞋恚能斷愚癡能除
憍心能除諸見能除疑悔能除憍貴
能除諸渴破所歸趣斷相續道盡受
離欲寂滅涅槃如是相名為念法以
空無相无願不生不滅畢竟寂滅无
比无示如念佛義中說又念法有三
種從佛法是善說至具足清淨名為
道能斷貪欲至寂滅涅槃名為涅槃
空等至元比無示名為法體又念僧
者如先說僧功德念是三寶得決定
心以如是念求於佛道而行布施是
名歸依佛為守護法而行布施是名
歸依法以是布施起迴向心成佛道
時攝菩薩聲聞僧是名歸依僧
五戒品第十五

如是在家菩薩能修善人業遠離惡
人業如說

修起善人業如法集財用堪則為重任
不堪則不受

善人業者略說善人業自住善利亦
能利人惡人業者自陷衰惱令人衰
惱如法集財用者不教不盜不誑欺
人以力集財如法用之供養三寶濟

恤老病等堪受能行者則為重任不
堪行者則不受若菩薩於今世事及
後世事若自利若利他如先所說必
能成立若知不堪行者此則不受復次
世法无憂喜能捨於自利常勤行他利
深知恩倍報

世間法者利衰毀譽稱讚苦樂於此
法中心无憂喜捨自利勤行他利者
菩薩乃至未曾知識无因緣者而行
善行捨置自利助成彼善問曰捨自
利勤行他利此事不然如佛說雖大
利人不應自捨已利如說捨一人以
成一家捨一家成一聚落捨一聚落
成一國土捨一國土以成已身捨已
身以為正法

先自成已利然後乃利人捨已利利人
後則生憂悔捨自利利人自謂為智慧
此於世間中實為第一癡

若曰於世間中為他求利猶稱為善
以為堅心况菩薩所行出過世間若
利他者即是自利如說

菩薩於他事心意不劣弱發菩提心者
他利即自利

此義初品中已廣說是故泐語不然

十住毗婆沙論卷第七 第十誡 覽

深知恩倍報者若人於菩薩所作好事應當厚報又深知其恩此是善人相復次

貧者施以財畏者施无畏如是等功德

乃至堅牢

施貧以財者有人先世不種福德今

无方便資生儉少如是之人隨力給

與施無畏者於種種諸怖畏若怨

賊怖畏飢餓怖畏水火寒熱等苦

於此眾怖畏中教喻諸人安隱歡悅

令无怖畏如是功德最堅牢安在後

者於諸憂者為除其憂於无力者而

行忍辱難憐大憐等於諸所尊深加

恭敬於多聞者常行親近於智慧者

諮問善惡自於所行常行正見於諸

眾生不誦不曲不作假愛求善无狀

多聞无量諸所施作堅心成就常與

善人而共從事於惡人中生大悲心

於善知識非善知識皆作堅固善知

識想等心眾生不恠要法如所聞者

為人演說諸所聞法得其趣味於諸

五欲戲樂事中生无常想於妻子所

生地獄想於資生物所生疲苦想於

十住毗婆沙論卷第七 第十誡 覽

產業事生憂惱想於諸所求破善根

想於居家中生牢獄想親族知識生

獄卒想日夜思量得何利想於不

牢身得牢身想於不堅財生堅財想

復次

在家法五戒心應堅牢住

在家菩薩以三自歸行上諸功德應

堅住五戒五戒是持在家之法應離

教心慈愍眾生知自止足不貪他物

乃至一草非與不取離於邪淫獸惡

房內防遠外色目不邪視常觀惡露

生厭離想了知五欲究竟皆苦若念

妻欲亦應除捨常觀不淨心懷怖畏

結使所逼離欲不著常知世間為苦

無我應發是願我於何時心中當得

不生欲想况復身行遠離妄語樂行

實語不欺於人心口相應有念安惠

如見聞覺知而為人說以法自愛乃

至失命言不說異酒是放逸眾惡之

門常應遠離不過於口不狂亂不迷

醉不輕躁不驚怖不无著不戲調常

能一心籌量好醜是菩薩或時樂捨

一切而作是念須食與食須飲與飲

十住毗婆沙論卷第七 第十誡 覽

若以酒施應生是念今是行檀波羅

蜜時隨所須與後當方便教使離酒

得念智慧令不放逸何以故檀波羅

蜜法悲滿人願在家菩薩以酒施者

是則无罪以是五戒福德迴向阿耨

多羅三藐三菩提護持五戒如護重

寶如自護身命問曰是菩薩但應護

持五戒不護持諸餘善業耶答曰

菩薩應堅住持相五戒中餘身口意業

念亦復應行

在家五戒已說其義受此五戒應堅

牢住及餘三種善業亦應修持復次

在家菩薩所應行法

隨應利眾生說法而教化

是菩薩於諸眾生隨有所乏皆能施

與若在國土城郭聚落林間樹下是

中眾生隨所利益說法教化所謂不

信者為說信法不恭敬者為說禮節

為少聞者說多聞法為慳貪者說布

施法為瞋恚者說和忍法為慳吝者

說精進法為亂意者說正念處為愚

癡者解說智慧復次

隨諸所乏者皆亦應給足

諸衆生有所乏少皆應給足有人雖富猶有不足乃至國王亦應有所乏少是故先雖說貧窮者施財今更說隨所乏少而給足之復次

諸有惡衆生種種加惱事誦曲懷憐逸惡罵輕欺詐背恩无返復癡弊難開化菩薩心堅傷勇猛加精進

諸惡衆生以種種惡事侵燒菩薩菩薩於此心无憊厭不應作是念如是惡人誰能調伏誰能教化誰能勸勉令度生死究竟涅槃誰能與此往來生死誰能與此和合同事諸惡无理誰能忍之我意止息不復共事我悲捨遠不復共事亦復不能與之和合是惡中之惡无有返復何用此等而共從事菩薩知見衆生惡罪難除應還作是念是等惡人非少精進能得令住如所樂法為是等故我當加心勉力勤行億倍精進後得大力乃能化此惡中之惡難悟衆生如大醫王以小因緣便能療治衆生重病菩薩如是除煩惱病令住隨意所樂

德我於重罪大惡衆生倍應憐愍起深大悲如彼良醫多有慈心療治衆病其病重者深生憐愍勤作方便為求良藥菩薩如是於諸衆生煩惱病者悲應憐愍於惡中之惡煩惱重者深生憐愍勤作方便如心療治何以故菩薩隨所住不聞化衆生今墮三惡道深致諸佛責

菩薩隨所住國土城邑聚落山間樹下力能饒益教化衆生而憊厭嫌恨貪著世樂不能開化令墮惡道是菩薩即為十方現在諸佛深所呵責甚可慙恥云何以小因緣而捨大事是故菩薩不欲諸佛所呵責者於種種諂曲重惡衆生心不應沒隨力饒益應以諸方便勤心開化譬如猛將將兵多所傷損王則深責以諸兵衆无所故王不責之

知家過患品第十六

菩薩如是學應知家過患何以故若知過惡或捨家入道又化餘人令知家過出家入道問曰家過云何答曰如經中說佛告耶加羅家是破諸善

根家是深棘刺林難得自出家是壞清白法家是諸惡覺觀住處家是弊惡不調凡夫住處象象是一切不善所行住處象是惡人所聚會處象是貪欲瞋恚愚癡住處象是一切苦惱住處象是消盡先世諸善根屢凡夫住此家中不應作而不應說而說不應行而行在此中住輕慢父母及諸師長不敬諸尊福田沙門婆羅門家是貪愛憂悲苦惱衆惡因緣家是惡口罵詈苦切刀杖繫縛拷掠割截之所住處未種善根不種已種能壞能令凡夫在此貪欲因緣而墮惡道瞋恚因緣惡癡因緣而墮惡道怖畏因緣而墮惡道家是不持戒品捨離定品不觀慧品不得解脫品不生解脫知見品於此家中生父母愛兄弟妻子眷屬車馬增長貪求无有厭足家是難滿如海吞流象是无足如火焚薪象是无息覺觀相續如空中風象是後有惡如美食有毒象是苦性如怨詐親象是障導能妨聖道家是聞亂種種因緣共相違諍家

十住毘婆沙論卷第七 第三張 梵
是多瞋呵責好醜家是无常雖久失

壞家是衆苦求衣食等方便守護家是多疑慮猶如怨賊家是無我顛倒貪著假名為有家是技人雖以種種文飾莊嚴現為貴人須臾不久莊嚴還作貧賤家是變異會必離散家如幻假借和合无有實事家如夢一切富貴久則還失家如朝露須臾滅失家如蜜滯其味甚少家如棘藿受五欲味惡刺傷人家是鍼劈圭不善覺觀常啖食人家汙淨命多行欺誑家是憂愁心多濁亂家是衆共王賊水火惡親所壞家是多病多諸錯謬如是長者在家菩薩應當如是善知家過復次

菩薩應當知在家之過惡親近於布施持戒善好喜若見諸乞人應生五三想在家菩薩應如是知家過惡當行布施持戒善好布施名捨貪心持戒名身口業清淨善名善攝諸根好喜名同心歡樂五三想名見乞兒應生五三想初三者善知識想轉身大富想裨助善提想又有二想折伏慳貪想

十住毘婆沙論卷第七 第三張 梵
捨一切想貪求一切智慧想又有三

想隨如未教想不承果報想降伏魔想又有三想求求者生眷屬想不捨攝法想捨邪受想又有三想離欲想修慈想无癡想今當解第五三想菩薩因求求者令三毒折薄捨所施物生離欲想於求者與樂因緣故瞋恨心薄名修慈想是布施迴向無上道則癡心薄是名不癡想餘想義應如是知復次

菩薩因求求者具六波羅蜜以是因緣故見求應大喜

六波羅蜜者布施持戒忍辱精進禪定智慧以因求者能得具足以是利故菩薩遇見求者心大歡喜作是念行福田自然而至我因此人得具足六波羅蜜所以者何若於所施物心不貪惜是名檀波羅蜜為阿耨多羅三藐三菩提施與是名尸羅波羅蜜若不瞋乞者是名羼提波羅蜜當行施時不應空匱心不退沒是名毗梨耶波羅蜜若與乞者若自與時心定不悔是名禪波羅蜜以不得一切法而

十住毘婆沙論卷第七 第三張 梵
行布施不求果報如賢聖无所著以

是布施迴向阿耨多羅三藐三菩提是名般若波羅蜜復次

所施物果報種種皆能知慳惜在家者亦知種種過

所施物所獲功德利物慳惜在家所有過惡菩薩於此皆悉了知問曰若施得何功德若惜在家有何過各答曰菩薩以真智慧如是知施與已是我物在家者非我物物施已則堅牢在家者不堅牢物施已後世樂在家少時樂物施已不憂守護在家者有守護苦物施已憂心薄在家者增長愛物施已无我所在家者是我所物施已無所屬在家者有所屬物施已无所畏在家者多所畏物施已助善提道在家者助魔道物施已无有盡在家則有盡物施已從得樂在家從得苦施已捨煩惱在家增煩惱施已得大富樂在家不得大富樂施已大人業在家小人業施已諸佛所歎在家惡趣所讚復次

於妻子眷屬及與善知識財施及畜生

應生幻化想一切諸行業是則為幻師
在家菩薩於妻子等應生幻化想如
幻化事但誑人自行業是幻主妻子
等事不久則滅如經說佛告諸比丘
諸行如幻化誑惑愚人無有實事當
知因業故有業盡則滅是故如幻作
是念

我非彼所有彼非我所有彼我皆屬業
隨業因緣有如是正思惟不應起惡業
父母妻子親里知識奴婢僮客等不
能為我作救作歸作趣非我非我所
五陰十二八十八界尚非我非我所
何況父母妻子等我亦不能為彼作
救作歸作趣我亦屬業隨業所受彼
亦屬業隨業所受好惡果報如是三
種善量一有義趣二見經說三見現
事不應為父母妻子等起身口意
毫釐惡業復次

菩薩於妻所應生三三想亦復有三三
又復有三三

在家菩薩應生三想所謂三者妻是
無常想失想壞想又有三想是戲笑
伴非後世伴是共食伴非受業果報

伴是樂時伴非苦時伴又有三想是
不淨想臭穢想可厭想又有三想是
惡家想惱害想相違想又有三想羅
刹想獸舍閻鬼想醜陋想又有三想
入地獄想入畜生想入餓鬼想又有
三想重擔想戒想屬畏想又有三想
非我想無定屬想假借想又有三想
因起身惡業想起口惡業想起意惡
業想又有三想欲覺慮想瞋覺慮想
惱覺慮想又有三想加相相纏相
縛繫相復有三相遮持戒相遮禪定
相遮智慧相復有三相坑相羅網相
圍合相復有三相害相相疫病相衰
惱相復有三相罪相黑耳相害害
相復有三相病相去相死相復有三
相魔相魔魔相畏相復有三相憂
愁相憊惱相啼哭相復有三相大狩
狼相大魔竭魚相大貓狸相復有三
相黑毒蛇相鱷魚相棄勢力相復有
三相无救相無歸相无舍相復有三
相失相退相疲極相復有三相賊相
獄卒相地獄卒相復有三相留相縛相
結相復有三相混相流相澍相復有

三相械相鐐相糝粘相復有三相猛
火聚相刀輪相草炸相復有三相无
利相刺棘相惡毒相復有三相陵上
相覆膜相貪著相復有三相恨相鞭
杖相刀稍相復有三相忿惠相諍訟
相打棒相復有三相憎會相離愛相肉
相取要言之是以一切臭惡不淨相一
切衰濁相是一切不善根相是故在
家菩薩於妻子見如是相應生厭離
心出家修善為善若不能出家不應
於妻起諸惡業復次

若於子偏愛即以智力捨因子行平等
普慈諸眾生

在家菩薩若自知於子愛心偏多即
以智力思惟捨離智力者應如是念
菩薩平等心乃有阿耨多羅三藐三
菩提高下心者則無菩提是阿耨多
羅三藐三菩提從一相无相得不從
別異相得我今求阿耨多羅三藐三
菩提若於子所愛心偏多即有高下
不名平等即是別相非是一相若如
是者去阿耨多羅三藐三菩提則為
甚遠是故我不應於子偏生愛心介

十住毗婆沙論卷第七 第三十頌 竟

時於子應生三相一於我為賊佛說等
慈破令不等愛心偏多故二為賊害
因是子故破諸善根違正智命三我
因是子逆道中行不行順道即時因
子於諸衆生等行慈心應作是念子
從餘處來我亦從餘處來子至異處
我去異處我不知彼去處彼不知我
去處彼不知我來處我不知彼來處
是子非我所有何為无故橫生愛縛
如說

彼我不相知而來而去處 彼我云何親
而生我心

復次無始生死中一切衆生曾為我
子我亦曾為彼子有為法中無有決
定此是我子彼是他子何以故衆生
於六道中輪轉手為父子如說

無明蔽慧眼 數數生死中 往來多所作
更互為父子 貪著世間樂 不知有勝事
怨數為知識 知識數為怨

是故我方便莫生憎愛心何以故若有
善知識常種種求利益若有怨賊常種
種生无益相有此憎愛心則不得通
達諸法平等想心高下者死後生邪

十住毗婆沙論卷第七 第三十頌 竟

處正行者生正行處是故我不應行邪
行於衆生行平等當得平等薩婆若

十住毗婆沙論卷第七

癸卯歲高麗國分司大藏都監奉
勅彫造

十住毗婆沙論卷第八

竟

聖者龍樹造

後秦龜茲國三藏鳩摩羅什譯

入寺品第十七

如是在家菩薩不應於諸事中生貪
著心我我所心何以故隨所貪者難
捨之物法應施與若能施與則除此過
苦薩如是无有貪著慳惜之心可以
處家問曰在家菩薩或有貪惜愛著
之物有來求者此應云何答曰

於所貪著物有來求索者當自勸喻心
即施勿慳惜

菩薩所貪惜物若有乞人惠從求索
汝以此物施與我者速得成佛菩薩
即時應自勸喻而施與之如是思惟
若我今者不捨此物此物必當遠離
於我設至死時不隨我去此物則是
遠離之相今為阿耨多羅三藐三菩
提具足檀波羅蜜故施與後至死時
心无有悔經說不悔心死必生善處
是得大利云何不捨如是自勸猶貪
惜者應辭謝七者言

我今是新學善根未成就心未得自在
願後當相與

應辭謝七者言勿生瞋恨我新發意
善根未具於菩薩行法未得勢力是
以未能捨於此物後得勢力善根成
就心得堅固當以相與復次

若眾不和合斷於經法事菩薩應隨力
方便令不絕

眾僧或以事緣諍競乖散法事有廢
在家菩薩應勤心方便彼此之間心
無所偏若以財物若以言說禮敬求
請令還和合或以乏少衣食因緣或邪
見者橫作障導或說法者欲求利養
或聽法者心不恭敬在家菩薩於此事
中隨宜方便若以財物若以言說下
意求請使法事不廢法事不廢者是為
然佛法燈供養十方三世諸佛復次
齋日受八戒親近淨戒者以戒善因緣
深心行愛敬

齋日者月八日十四日十五日二十
三日二十九日三十日及遮三忌三
忌者十五日為一忌從冬至後四十
五日此諸惡日多有鬼神侵刺縱暴

世人為守護日故過中不食佛因教
令受一日戒既得福德諸天來下觀
察世間見之歡喜則便護念在家菩
薩於諸小事猶尚增益何況先有此
齋而不隨順是故應行一日齋法既
得自利亦能利人問曰齋法云何答
曰應作是言如諸聖人常離殺生棄
捨刀杖常無瞋恚有慈愍心慈悲眾
生我某甲今一日一夜遠離殺生棄
捨刀杖無有瞋恚有慈愍心慈悲眾
生以如是法隨學聖人如諸聖人常
離不與取身行清淨受而知足我今
一日一夜遠離劫盜不與取求受清
淨自活以如是法隨學聖人如諸聖
人常斷淫泆遠離世樂淨修梵行以
夜除斷淫泆遠離世樂淨修梵行以
如是法隨學聖人如諸聖人常離妄
語真實語正直語我今一日一夜遠
離妄語真實語正直語以如是法隨
學聖人如諸聖人常遠離酒酒是放
逸處我今一日一夜遠離於酒以如
是法隨學聖人如諸聖人常遠離歌
舞作樂花香瓔珞嚴身之具我今一

日一夜遠離歌舞作樂華香瓔珞嚴
身之具以如是法隨學聖人如諸聖
人常遠離高廣大牀處在小檣草蓐
為座我今一日一夜遠離高廣大牀
處在小檣草蓐為座以如是法隨學
聖人如諸聖人常過中不食遠離非
時行非時食我今一日一夜過中不
食遠離非時行非時食以如是法隨
學聖人如說

然盜淫妄語飲酒及華香瓔珞歌舞等
高牀過中食聖人所捨離我今亦如
以此福因緣一切共成佛

親近持淨戒比丘者在家菩薩應親近
諸比丘盡能護持清淨禁戒成就勿
德防遠眾惡者以戒善因緣者又應
親近持戒比丘身口業淨心行直善
無眾惡者深心愛敬者於上直心善
行持戒比丘成就諸功德者應生眾
上恭敬深心愛敬問曰在家菩薩若
於持戒比丘成就功德生愛敬心者
應於破戒比丘生輕恚心耶答曰
若見破戒者不應起輕恚
在家菩薩若見破戒難行比丘威儀

十住毗婆沙論卷第八 第五段 竟

不具所行穢濁覆蔽瑕癥無有梵行
自稱梵行於此比丘不應輕慢有瞋
恚心問曰若不瞋恨應生何心答曰
應生憐愍心訶責諸煩惱

在家菩薩若見破戒比丘不應生瞋
恨輕慢應生憐愍利益之心作是念
咄哉此人過佛妙法得離地獄畜生
餓鬼色无色界邊地生處諸根具足不
能覺不頑鈍值佛妙法別識好醜心
存正見解知義理人身難得如大海
中有一眼鼈頭入板孔生在人中倍
難於此既聞佛法能滅諸惡度諸苦
惱得至正智捨諸資生所有多少永
割親族無所顧慮若生凡庶或在種
姓信佛語故能捨出家常聞破戒之
罪所謂自賤其身智所訶責惡名流
布常懷疑悔死墮惡道得聞此事而
猶破戒行十善道乃得人身而不能
如法善用以自利益咄哉三毒其力
甚惡常陵衆生難得捨離諸佛種種
呵罵煩惱惡賊惡行如實有理如是
思惟不應輕賤破戒之人又作是念
若我不能都離瞋恚輕慢心者應自

十住毗婆沙論卷第八 第六段 竟

思惟佛法无量猶如大海或有問通
而我不知如大海決定王經中佛告
阿難或有比丘根鉢闇塞心不明瞭
不達諸法相常念有想无想法中而
取有想生男女想生罪尋想生垢想
生淨想生如是想者名為鉢根心不明
了則為有罪阿難若人一切法中不
能善解名為不了一切諸法從初以
來本體性相常不可得是人不知如
是之事生是諸想則與外道无差
別阿難我所說法皆有開通明了清
淨此中无罪亦無罪者阿難罪名疑
悔惡礙闇冥罪者名生衆生想我想
命想人想皆因身見名為罪者於我法
中无如此人若我法中定實有我衆
生令人身見等者不言我法有開非
是不開我法從本已來常清淨明了
復次阿難若決定有罪有受罪者則
身即是神即墮常見則无佛道若身
異於神即墮斷見亦无佛道如是六
十二見皆可提但是事不然是
故阿難我於大衆中師子吼說而無
所畏言我法有開非不有開從本已

十住毗婆沙論卷第八 第七段 竟

來常清淨明了阿難若罪定有則畢
竟元涅槃我則不言我法有開阿難
我法實從本已來清淨明了是故我
弟子降心安隱无有疑悔无諸罪惡
清淨行道菩薩應如是思惟不應瞋
恚破戒者又作是念是戒必定得住
阿耨多羅三藐三菩提何以故曾聞
必定菩薩有起罪者如過去十萬劫
有菩薩誹謗漏盡阿羅漢名為阿羅漢
又聞必定菩薩於此劫前三十一劫
以矛刺須陀洹又此賢劫中間有菩
薩誹謗勸樓孫佛言何有死人而當
得道如是等衆生難可得知是故我
於此事何用知為得失好惡彼自作
自受何豫於我我今若欲實知彼事
或自傷害籌量衆生佛所不許如經
中說佛告阿難若人籌量於他即自
傷身唯我可得籌量衆生與我等者
亦應籌量如說
有瓶蓋亦空無蓋亦復空有瓶蓋亦滿
无蓋亦復滿當知諸世間有此四種人
威儀及功德有无亦如是若非一切智
何能籌量人寧以見威儀而便知其德

正智有善心名為賢人相但見外威儀何由知其內內有功德慧外現無威儀遊行無知者如以灰覆火若以外量內而生輕賤心敗身及善根命終墮惡道外詐現威儀遊行似賢聖但有口言說如雷而無雨諸心所行處錯謬難得知是故諸衆生不可妄度量唯有一切智悉知諸心心微密所行處是故量衆生佛言與我等乃能量衆生若佛如是說誰能度量人若見外威儀稱量其內德自敗其善根如水自崩岸若於此錯謬則起大業障是故於此人不應起輕賤是故在家菩薩不應於破戒人起輕慢瞋恚又持戒破戒白衣之人不與同住何由得知我若欲於此事分別明了者則起罪障罪障因緣故於千萬劫受苦若分如元行經中說又大乘經中佛告郁伽羅長者如是在家菩薩應於破戒比丘生憐愍心是人垢行惡行不善何以故是人被如來善寂滅聖主法衣自不善更不能調伏諸根行敗壞行又佛經中說不輕未學此非人罪是煩惱罪此人以是

惱起不善事又佛法有開是人或能自除過罪正念因緣得入法位若入必定在於阿耨多羅三藐三菩提又如佛言唯有智慧可破煩惱又復語言不應妄稱量人若稱量者則為自傷唯佛智慧乃能明了如此事者非我所知即於破戒人中不生瞋恚輕慢之心復次

菩薩若入寺應行諸威儀恭敬而禮拜供養諸比丘

是在家菩薩若入佛寺初欲入時於寺門外五體投地應作是念此是善人住處是空行者住處無想行者住處無願行者住處此是行慈悲喜捨者住處此是正行正念者住處若見諸比丘威儀具足規瞻安詳攝持衣鉢坐卧行止寤寐飲食言說寂默容儀進止皆可觀察若見比丘修行四念聖所行處持戒清淨誦讀經法精思坐禪見已恭肅勤心禮拜親近問訊應作是念

若我恒沙劫常於天祠中大施不休廢不出一出家

是菩薩今時應作是念我如法求財於恒河沙等劫常行大施是諸施福猶尚不如發心出家何況有實何以故在家則有無量過惡出家能成無量功德在家則漬肉出家則閉靜在家則屬垢出家則無屬在家是惡行處出家是善行處在家則染諸塵垢出家則離諸塵垢在家則沒五欲沒出家則出五欲沒在家難得淨命出家易得淨命在家則多怨賊出家則無怨賊在家則多惱礙出家則無惱礙在家是憂家出家是喜慶在家是惡道門出家是利益門在家是繫縛出家是解脫在家則難免出家則無畏在家有鞭杖出家無鞭杖在家有刀稍出家無刀稍在家有悔熱出家無悔熱在家多求故苦出家無求故樂在家則戲調出家則寂滅在家是可惡出家無可惡在家則愁悴出家無愁悴在家則卑下出家則高顯在家則熾然出家則寂滅在家則為他出家則自為在家少勢力出家多勢力在家隨順垢門出家隨順淨門在家

十住毗沙論卷第八 第十二 竟

增刺棘出家破刺棘在家成就小法
出家成就大法在家作不善出家則
修善在家則有悔出家則无悔在家
增淚乳血海出家竭淚乳血海在家
則為諸佛辟支佛聲聞所呵賤出家
則為諸佛辟支佛聲聞所稱歎在家
則不知足出家則知足在家則魔喜
出家則魔憂在家後有衰出家後无
衰在家則易破出家則難破在家是
奴僕出家則為主在家永在生死出
家究竟涅槃在家則墮坑出家則出
坑在家則黑闇出家則明顯在家不
能降伏諸根出家則能降伏諸根在
家則傲誕出家則謙遜在家則鄙陋
出家則尊貴在家有所由出家无所
由在家則多務出家則少務在家則
果小出家則果大在家則諂曲出家
則質直在家則多憂出家則多喜在
家如箭在身出家如身離箭在家則
有病出家則病愈在家行惡法故速
老出家行善法故少壯在家放逸為
死出家有智慧命在家則欺誑出家
則真實在家則多求出家則少求在

十住毗沙論卷第八 第十三 竟

家則飲雜毒漿出家則飲甘露漿在
家多侵言出家无侵言在家則衰耗
出家无衰耗在家如毒樹果出家如
甘露果在家則怨憎和合出家則離
怨憎會苦在家則愛別離苦出家則
親愛和合在家則癡重出家則癡輕
在家則失淨行出家則得淨行在家
則破深心出家則成深心在家則無
救出家則有救在家則孤窮出家不
孤窮在家則无舍出家則有舍在家
則無歸出家則有歸在家則多瞋出
家則多慈在家則重擔出家則捨擔
在家則事務无盡出家則无有事務
在家則罪會出家則福會在家則苦
惱出家則无苦惱在家則有熱出家
則无熱在家則有諍出家则无諍在
家則染著出家无染著在家有我憊
出家无我憊在家貴財物出家貴功
德在家有灾告出家滅灾告在家則
減失出家則增益在家則易得出家
則難過千万劫中時乃一得在家則
易行出家則難行在家則順派出家
則逆派在家則漂流出家則棄棧在

十住毗沙論卷第八 第十四 竟

家則為煩惱所澗出家則有菩提白
度在家是此岸出家是彼岸在家則
經縛出家離經縛在家懷結恨出家
離結恨在家隨官法出家隨佛法在
家有事故出家无事故在家有苦果
出家有樂果在家則輕躁出家則威
重在家伴易得出家伴難得存家以
婦為伴出家堅心為伴在家則入圍
出家則解圍在家則以侵惱他為貴
出家則以利益他為貴在家則貴財
施出家則貴法施在家則持魔幢出
家則持佛幢在家有歸處出家壞諸
歸處在家增長身出家則離身在家
入深榛出家出深榛復次
又於出家者心應深貪慕
是在家菩薩如是思惟出家功徳於
出家者心應貪慕我何時當得出家
得有如是功德我何時當得出家次
第具行沙門法則說戒布薩安居自
恣次第而坐我何時當得聖人所著
戒定慧解脫解脫知見熏修法衣何
時當得持聖人相何時當得閑林靜
注何時當得持鉢食糧與不得云

多者少若美若惡若冷若熱次第而受趣以支身如塗膏膏車何時當得於世八法心无憂喜何時當得開六情如繫狗鹿魚蛇猴鳥狗樂聚落鹿樂山澤魚樂池沼蛇好穴處猴樂深林鳥依虛空眼耳鼻舌身意常樂色聲香味觸法非是凡夫淺智弱志所能降伏唯有智慧堅心正念乃能摧伏六情寂滅不令為患自在无畏何時當得樂欲坐禪誦讀經法樂斷煩惱樂修善法樂著弊衣趣足障體念者在俗多行放逸今得自利又利他故當勤精進何時當得隨順菩薩而行道法何時當得亦為世間作无上福田何時當得離恩愛奴何時當得脫是家獄如說

禮敬諸塔寺 因佛生三心

是在家菩薩既已慕尚出家若入塔寺敬禮佛時應生三心何等為三我當何時得於天龍夜叉乾闥婆阿修羅迦樓羅摩睺羅伽人非人中受諸供養何時當得神力舍利流布世間利益眾生我今深心行大精進當得

阿淨多羅三藐三菩提我作佛已入元餘涅槃後次
諸諸比丘時隨所行奉事默然順所誨濟之无所惜

是在家菩薩敬禮塔已求造諸比丘說法者所持律者讀修多羅者讀摩多羅迦者讀菩薩藏者作阿練者者著納衣者乞食者一食者常坐者過中不飲漿者但三衣者著褐衣者隨敷坐者在樹下者在塚間者在空地者少欲者知足者遠離者坐禪者勤化者應各隨諸比丘所行奉事若至讀阿毗曇者所隨其所說諸法性相相應不相應等請問所疑問已習學者過持律者應當請問起罪因緣罪之輕重減罪之法及阿波陀那事問已修學行者過讀修多羅者應當請問諸阿含諸部中義習學多聞者過讀摩多羅迦應利眾經受施師波羅延法句者應當學習如是等經若過讀菩薩藏者應當請問六波羅蜜及方便事問已修學若過阿練者應學其遠離法若過坐禪者應學其坐

禪法餘諸比丘亦應如是隨其所行請問修學无所違逆攝護口者諸諸比丘應善攝口安詳默然觀時觀土隨事思惟心不錯亂少於語言又於說法者所諸比丘等隨所之少若衣若鉢若尼師壇資生之物隨力而施无所匿惜所以者何菩薩尚應施諸惡人何況比丘有功德者乃至身肉猶當不惜況復外物助道因緣復次
若行布施時莫生他煩惱

行布施時若與一人一人不得便生悲惱應善籌量而行布施勿使他人生於悲惱何以故
將護凡夫心應勝阿羅漢

是在家菩薩施諸比丘衣服飲食醫藥卧具供養迎送敬禮親近將護凡夫心應勝將護阿羅漢何以故諸阿羅漢於利衰毀譽稱讚譏苦樂心无有異凡夫有愛悲慳嫉故能起罪業以是罪業墮在地獄畜生餓鬼是故應深將護凡夫菩薩事者皆為利益一切眾生布施非為自樂不為自得後世界報非如市易復次

因以財施故可以法施攝隨所欲利益教發无上心

是在家菩薩為自利故隨所利益比丘若以衣施若以鉢施如是等種種餘財物施如是比丘未入法位未得道果應勸令發阿耨多羅三藐三菩提願何以故因財施攝故得以法施攝或於所施檀越有受敬心信受其語復次為欲護持法捨命而不惜療治病比丘乃至以身施

是在家菩薩為欲護持法故乃至自捨身命勤行精進摧破六十二種外道及諸魔民憎嫉佛法者佛弟子中或有邪行詭異佛法如是之人如法摧破名為護持法又應於諸多聞說法者加信敬心四事供養亦名護持法若自讀誦解說書寫為修多羅毗尼阿毗曇摩多羅迦菩薩藏者亦教他人讀誦解說書寫以是因緣法得久住利益一切在家出家稱揚歎說法久住利若法疾滅說有過惡又念如來久遠已來行菩薩道行諸難行乃得是法以是因緣於諸在家出家勤

十住論卷第八 第六波覽
心精進示教利喜若令得道若令入

阿惟越致略說護法因緣令得一切安樂之具亦復自能如說修行皆名護持法復次是在家菩薩法若有病比丘應須療治是菩薩乃至捨身為治其病而不愛惜是取為要出家之人應於在家求此要事所謂身自瞻視疾病供給醫藥復次決定心布施施已而無悔

是菩薩若為護持正法若為瞻視病人應時供施心无有悔是名清淨施若不求果報不分別是應受是不應受但以憐愍利益心與是名清淨施如說

若人悲心施是名清淨施不言是福田不言非福田若人行布施无有所為故與若人為果報是名為出息是故說施已心无有悔恨乃至微小福皆向无上道以是布施因緣所得福德皆應迴向阿耨多羅三藐三菩提不求今世後世利樂及小乘果但為眾生求阿耨多羅三藐三菩提如我先說在家菩薩餘行當說者今已說音皆於大乘

十住論卷第八 第九波覽
經中屢屢抄集隨順經法菩薩住是

行中疾得阿耨多羅三藐三菩提第二地中多說出家菩薩所行在家出家菩薩共行今當復說共行品第十八

問曰汝言當說在家出家菩薩共行法今可說之答曰忍辱法施法忍思惟不世法尊重法不障法供養法信解修空不貪嫉隨所說行燈明施伎樂施乘施正願攝法思量利安眾生等心於一切此是在家出家共行要法是故偈說

行忍身端嚴法施知宿命法忍得穩持思惟獲智慧於諸法不曲常得正憶念行忍得端嚴者能忍惡言罵詈咒指繫縛刀杖考掠撻笞心不動異惑能堪受如是忍辱所獲果報生於人天常得端正後成佛時相好無比法施知宿命者行法施者能知過去无量劫事法施名為種種分別聲聞乘辟支佛乘佛乘解說義理法施果報雖有三十五要者知宿命說法因緣斷人所疑是故得知宿命法忍得穩持者

法名應空無相無願應六波羅蜜等
薩諸地一切菩薩所行之法曉了明
解心能忍持名為法忍行是忍則
得持持持持名為如所聞經如所讀
誦其中義趣乃至百千萬劫終不忘
失思惟得智慧者思惟名為善量善
法分別義趣是故能得今世後世利
益不曲心得正念者不曲名為質直
無諂脩行此法則於一切法中得堅
固念復次

重法法則堅不障得守護供養法值佛
信解捨諸難

重法法則堅者若人尊重恭敬於法
法則堅固堅法名為所受持習學之
法自然牢堅不可動轉後成佛時多
有菩薩聲聞弟子住是堅固法无能
障其所受法者又堅名為法得久住
不障得守護者若人說法及人聽法
不橫與作障事之後後成佛時諸天
世人共守護法未得佛道常能護持
諸佛正法諸佛滅後守護遺法乃能
至於後佛出世以是因緣菩薩聲聞
皆應盡心善守護法供養法值佛者

供養名為恭敬諸法法施法會敬心
供養說法之人施設法座起立禪坊
莊校嚴飾講法之處如是深心愛樂
供養法因緣故得值諸佛以信解捨諸
難者信名於諸善法深生欲樂以是
法故得離八難解者能滅諸罪能於
諸善法中以心力故隨意而解如十
一切入隨意所解若人多有信解力
者能滅无始生死已来无量罪惡如
先悔過品中說復次

修空不放逸不貪得成利隨說滅煩惱
燈施得天眼

修空不放逸者修有二種得修行修
修空力故信有為法皆是虛誑亦不
住空諸法无定是故常自攝捨心不
放逸不貪得成利者貪名於他物中
生貪取心若除是事所求皆成所願
皆滿隨說滅煩惱者隨有所說身即
行之則斷煩惱於諸事中皆如說行
世世已來諸煩惱氣常熏其心則皆
除滅轉諸煩惱惡氣習性燈施得天
眼者若人然燈供養佛聲聞辟支佛
及塔像舍利以是因緣得天眼報

復次

樂施天耳報以正願淨土垂施獲神足
攝法得具僧

樂施得天耳報者於大會作諸音樂
供養於佛得天耳報乘施得神足者
乘名輦輦為馬等乘復有人言以履
屐等施亦得神足以正願淨土者隨
以所願取清淨土若金銀頗梨珊瑚
琥珀車渠碼瑙无量眾寶清淨國土
攝法得具僧者若菩薩具足行四攝
法得具足僧以布施愛語利益同事
攝取眾生成後成佛時得清淨具足
无量菩薩僧及聲聞僧如門弥陀佛
有二種僧清淨具足願具足者如先
十願中說復次

利益眾生成一切所愛敬平等心无二
得為眾勝者

若菩薩以身口意業有所作皆為利
益安樂眾生成是故眾皆悉敬愛若
菩薩於諸眾生成親中人行平等心
不捨一切眾生成是業報得為眾勝
勝名能勝貪欲瞋恚愚癡一切煩惱
惡法故名為佛問曰人皆俱有眼耳

十住毘盧沙論卷第八 第三張 覽 二

鼻舌口等元有異云何得知是佛答曰
佛有三十二大人相有是相者當知
是佛在家出家應當分別了知三十
二相是相以何法得是法以何業得
是相是業亦應當知何以故欲得切
德當知是相欲得是相當知是業問
曰如此事者於何得解答曰

於法相品中一相三分別

阿毗曇三十二相品中一一相有三
種分別悲應當知問曰云何為一一
相有三種分別答曰一說相體二說
相果三說得相業手足輪相等先已
說轉輪聖王亦有是相諸菩薩亦有
是相餘人亦有但不如耳手足輪者
手足掌中有千輻輪具足明了如印
文現足安住不動名足安立相網縷
軟薄猶如鵝王畫文明了如真金縷
故名手足網相柔爽猶如兜羅樹綿
如嬰兒體其色紅赤勝身餘分名為
手足柔爽相手掌足下項上兩腋七
處俱滿故名七處滿相脣指纖腠故
名長指相足跟長廣故名足跟廣相
身長七肘不曲故名身直大相足上

十住毘盧沙論卷第八 第三張 覽 三

隆起故名足趺高相毛上向右旋故
名毛上旋相臍臍漸展如伊溫鹿蹠
故名鹿蹠相平立兩手摩膝故名長
臂相如寶馬寶為陰不現故名陰藏
相第一金色光明故名金色相皮軟
如成鍊金不受塵垢故名皮薄細密
相一一孔一毛生故名一一毛相眉間
白毫光如珂雪故為白毛相如師子
前身廣厚得所故名師子上身相肩
圓大故名肩圓大相腋下平滿故名
腋下滿相舌根不為風寒熱所壞故
善分別諸味餘人不介故名知味味
相身縱廣等如巨駒樹故名圓身
相肉脣團圓駁右上旋故名肉脣相
舌如赤蓮華廣長而薄故名廣長舌
相聲如梵王迦陵頻伽鳥故名梵音
相頰圓廣如鏡故名師子頰相齒白
如珂雪如君垣華故名齒白相平齊
不參差故名齒齊相齒密緻不疎故
名具足齒相齒上下相當故名四十
齒相眼白黑分明淨無赤脉故名紺
青眼相睫不交亂上下俱眇不長不
短故名為牛王睫相於諸所尊迎送

十住毘盧沙論卷第八 第三張 覽 四

恭敬於塔寺中大法會慶讚法慶供
給人使故得手足輪相有是相故在
家作轉輪聖王多得人民出家學道
多得徒眾所受諸法堅持不捨故得
安立足相有是相故无能傾動常修
四攝法布施愛語利益同事故得手
足網縷相有是相故速攝人眾以諸
香甘美漏飲食供施於人及諸所尊
供給所須故得手足柔爽相及七處
隆滿相有是相故多得香甘美爽飲
食救免應死及增壽命又受不熱戒
故得纖長指相足跟滿相身大直相
有是相故壽命長遠所受善法增益
不失故得足趺高毛上向右旋相有是
相故得諸功德不退失能以技藝及
諸經書教授不惜及履屐等施故得
伊且鹿蹠相有是相故諸所修學速
疾如意有求求索无所遺惜故得臍
長臂相有是相故能得勢力能大布
施能善調人不令眾生親里遠離若
有爭難還令和合故得陰藏相有是
相故多得弟子以好淨潔衣服卧具
樓閣房舍施故得金色相及皮膚薄

相有是相故得好淨潔衣服卧具樓閣房舍隨所應供養和尚阿闍梨父母兄弟及所尊重善能衛護故得一孔一毛生毛右旋相白毛莊嚴面相有是相故無與等者慚愧語隨順語愛語故得上身如師子相肩圓大相有是相故見者樂視無有厭足供給疾病醫藥飲食身自看視故得腋下滿相得味味相有是相故身少疾病布施園林甘果橋梁茂樹池井飲食華香瓔珞房舍起塔福舍等及共衆施時能出多物故得身如巨俱樓樹相及肉髻相有是相故得尊貴自在長夜修習實語更語故得廣長舌相梵音聲相有是相故得五功德音聲五功德音聲者易解聲聽者無厭聲深遠聲悅耳聲不散聲長夜實語不綺語故得師子頰相有是相故言必信受初既供養後不輕慢隨意供給故得齒白相齒齊相有是相故得清淨和順同心眷屬長夜實語不譏謗故得四十齒相齒密緻相有是相故眷屬和同不可沮壞深心愛念

和顏親衆生無愛患癡故得紺青眼相眼如牛王相有是相故一切見者無不愛敬

十住毗婆沙論卷第八

癸卯歲高麗國分司入藏都監奉勅彫造

十住毗婆沙論卷第九 覽

聖者龍樹造

後秦龜茲國三藏鳩摩羅什譯

四法品第十九

如所說得三十二相諸業菩薩應一心修習修如此三十二相業以慧為本是故

退失慧四法菩薩應遠離得慧四法應常修習行

有四法能退失慧菩薩所應遠離復有四得慧法應常修習何等四法失慧一不敬法及說法者二於要法秘匿悵惜三樂法者為作障導壞其聽心四懷憍慢自高卑人何等四法得慧一恭敬法及說法者二如所聞法及所讀誦為他人說其心清淨不求利養三知從多聞得智慧故勤求不息如救頭然四如所聞法受持不忘貴如說行不貴言說是為四若人不壞諸善根者是人能捨失慧四法能行得慧四法是故求增益智慧者如偈說食善根四法菩薩應遠離增善根四法

菩薩應修習
十住毗婆沙論卷第九 第二疏 覽

何等是侵食善根四法一懷憍慢貪求世事二著利養出入諸家三起憎嫉謗諸菩薩四未聞經聞不信受何等是增長善根四法一所未聞經求之無厭所謂六波羅蜜菩薩截二於眾生除憍慢心謙遜下下三如法得財趣足而已離諸邪命樂行四聖種行四於他罪若實不實无有刺譏不求人短若於法中有所不達心不違逆以佛為證佛是一切智其法无量隨宜而說非我所知如是增益善根四法非謬曲者所能成就是故
菩薩應遠離謬曲相四法應常修習行直心相四法
在家出家菩薩應遠離四謬曲法如曲木在稠林難可得出如是世間有佛弟子雖入佛法不能得出生死深林何等為四一於佛法懷疑不信元有定心二於眾生憍慢瞋恨三於他利心生貪嫉四毀謗菩薩惡聲流布是為四何等是四直心相一者有罪即時發露无所隱蔽悔過除滅行元

悔道二者若以實語失於王位及諸財寶猶不妄語口未曾說輕人之言
十住毗婆沙論卷第九 第三疏 覽

三者若人惡口罵詈輕賤謗謗繫問鞭杖考掠等罪但怨前身不各於他信業果報心无悲恨四者安住信功德中諸佛妙法甚難信解心清淨故皆能信受敗壞菩薩行四謬曲調和菩薩有四直行是故菩薩欲不行謬曲相欲行直心如說
應捨離四種敗壞菩薩法應修習四種調和菩薩法

云何名為四敗壞菩薩法一多聞而戲調不隨法行二於教化而生戲論不敬順和尚阿闍梨三者不能消人信施毀壞防制而受供養四者不敬柔善菩薩心懷憍慢是為四云何名為四調和菩薩法一常樂聞所未聞法聞已能如所說行依法依義依如說行二隨順義趣不惑言辭調和易化於師事中用意施作三不失戒定清淨活命四於調和菩薩生恭敬心隨順情重破憍慢心求其功德復次菩薩有四種錯謬常於此中求菩薩短

是名敗壞菩薩若能親近四種善道是名調和菩薩如偈說
十住毗婆沙論卷第九 第四疏 覽

菩薩應遠離四種菩薩謬菩薩應修習四種菩薩道

何謂菩薩四種錯謬一於非器眾生說甚深法是名錯謬二樂深大法者為說小乘是名錯謬三於正行道者持戒善心輕慢不敬是名錯謬四於未成就者未可信而信攝破戒惡人以為親善是名錯謬何等為四種菩薩道一於一切眾生行平等心二以善法教化一切三等為一切眾生說法四以正行行於一切眾生若常行菩薩四種錯謬不樂思惟諸法不勤修習善法則是像菩薩是故
諸菩薩法中四種像菩薩佛說如是法一一應遠離
何等為四一貪重利養不貴於法二但為名譽不求功德三不欲自樂不念眾生四貪樂眷屬不樂遠離是為四問曰像菩薩法云何可捨答曰若菩薩應修菩薩初行功德是則能離像菩薩法是故菩薩若欲離像菩薩

法如偈說

初行四切德 精勤令得生 生已令增長 增長已當護

何等為四一者信解空法亦信業果報二者樂元教法而於一切眾生生死大悲心三者心在涅槃而行在生死四者布施為欲成就眾生而不求果報若人欲生菩薩初行四切德增長守護者當親近善知識如偈說

菩薩當親近四種善知識亦應當遠離四種惡知識

菩薩愛樂阿耨多羅三藐三菩提者應當親近恭敬供養四種善知識當深遠離四種惡知識何等為四種善知識一於來求者生賢友想以能助成無上道故二於說法者生善知識想以能助成多聞智慧故三稱讚出家者生善知識想以能助成一切善根故四於諸佛世尊生善知識想以能助成一切佛法故何等為四種惡知識一求辟支佛乘心樂少欲少事二求聲聞乘比丘樂坐禪者三好讀外道路伽耶經莊嚴文頌巧問答者四所

親近者得世間利不得法利是故菩薩應親近四善知識遠離四惡知識若菩薩能遠離四惡知識親近四善知識者則得四廣大藏過一切魔事法能生无量福德盡能攝取一切善法問曰何等是菩薩大藏法何等是能過一切魔事法何等是能生无量福德法何等是能攝取一切善法答曰諸菩薩有四廣大藏妙法四攝諸善云菩薩提心為先

何等為四一得值佛二得聞六波羅蜜三於說法者心无瞋闍四以不放逆心樂住阿練若處是為四大藏能過一切魔者有四法何等四一不捨菩提心二於一切眾生心无瞋導三覺知一切諸見四於諸菩薩心无瞋惱是為四得无量福德法復有四法何等為四一於法施无所怖求二於破戒惡人生大悲心三於教眾生中發无上菩提四於下劣眾生而行忍辱是為四攝一切善法者有四法何等為四一於空閑下現矯異常行二行四攝法不求恩報三不惜身命護持

正法四種諸善根時以菩提心為先是為四是一一四法皆應廣解於文煩多故不廣今如佛所說以得略解若菩薩欲得諸菩薩藏欲過一切魔事欲攝一切善法者皆當遠離二空繫二縛二障二垢法二瘡及二坑二燒二病法

若菩薩欲得諸菩薩藏等功德者應當遠離是諸二法何等為二空繫法一貪著應路伽耶等經二嚴飾衣鉢二縛者一著諸見縛二貪名利縛二障法者一親近白衣二疎遠善人二垢法者一忍受諸煩惱二樂諸檀越知識二瘡法者一見他人過二自蔽其過二坑法者一毀壞正法二破戒受供二燒法者一以穢濁心而著袈裟二受淨戒者供給出家之人有二病難治一憎上慢人自謂能降伏心二求大乘者沮壞其意若菩薩遠離如是等法更有疾得阿耨多羅三藐三菩提法則能疾得又得諸佛辟支佛阿羅漢之所稱歎問曰何等法是疾得阿耨多羅三藐三菩提法何等

十住毗沙論卷第九 第八十經

是諸佛辟支佛阿羅漢之所稱歎答曰
能行四諦相 疾得佛菩提 又行四法者
三聖所稱歎

何等為四諦相一求一切善法故
勤行精進二若聽受讀誦經法如所
說行三厭離三界如教人處常求免
出四為利益安樂一切衆生故自利
其心諦名真實不誑得阿耨多羅三
藐三菩提故名為不虛復有四法為
三聖稱歎何等為四一乃至失命不
為惡事二常行法施三受法常一其
心四若生染心即能正觀染心起染
因緣是染根者何名為染何者是染
於何事起誰生是染如是正憶念知虛
妄無實無有決定信解諸法空故元
所有法故如是正觀染因緣故不起
諸惡業餘一切煩惱亦如是觀菩薩
得是大人所稱歎法離諸惡煩惱業
故心則具足捨心者如說
具足於捨心求世出世利求此諸利時
心無有厭倦
是菩薩具足捨法欲行法施行財施
利益衆生故若求世間出世間諸利

十住毗沙論卷第九 第八十一經

未得時心无疲憊世間利者善解世間
經書技藝方術巧便等出世間利者
諸无漏根力覺道法如說

如是求二利心無有疲憊以无疲憊故
能得諸深法因從求經書而能得智慧
具足知世間取上第一法

無疲憊者疲憊名厭惡而學若无厭
惡則心无疲憊若无疲憊則求諸經
藝醫方技術札儀法則皆无疲憊元
疲倦故則得智慧具足深知世間宜
法世間法者方俗所宜隨世間心世
間治法皆悉能知是故能知上中下
衆生隨宜而引導善解世間事深有
慚愧心隨宜引導者於上中下者各
有所宜慚愧者自耻所行名為慚因
他生耻名為愧有人以自作而善見
他而愧世間法中愧為先用如經說二
清白法護持世間所謂慚愧如偈說
隨人有愧時知法知罪福無愧善人遠
无惡而不作
問曰何故慚愧教菩薩善知世間宜
法答曰菩薩若知世間法者則於衆
生易相悅入化導其心令住大乘若

十住毗沙論卷第九 第八十二經

不知世法乃至不能教化一人是故
世間法者則是教化衆生方便之道
菩薩如是知世間法具足慚愧心如說
加惡而敬養何況利己者有愧有恭敬
不輕笑善者

是菩薩愧心多故於諸惡人尚能恭
敬供養迎送問訊何況善人能利於
我有功德者有愧恭敬二心故於諸
賢善少知識者而不輕慢作是念有
功德者自願於世如灰覆火鄙薄世
法不應輕賤若我以小因緣而輕賤
者即便得罪復次
凡諸有所作雖難能究竟則於世間中
亦是不退相
是菩薩凡有所作若起塔寺若設大
會若救罪人如是等一切世間諸難
事中心无廢退所造未成要以種種
諸方便力身口心力令得成就不但
佛法有不退轉世間事中亦有不退
轉相問曰以何因緣能成此事答曰
有堪忍力者則能究竟如說
得大堪忍力深供養諸佛隨佛所教化
皆悉能受持

菩薩得此三念力故以是力於諸佛供養敬札隨宜供奉衣服飲食等又憐教化若持戒禪定若降伏心意若實觀諸法於是事由用堪任力如人得利刀宜應有益中用不於无益中同如說

以信悲慈捨堪受无疲歇又能知義引導眾生意愧堪受第一深供養諸佛住佛所說中正行此十法能淨治初地是則菩薩道

若菩薩以信為始後住佛故則能淨治初地是十法中以信為初信名於諸佛法因緣中心得決定又加好樂何以故是菩薩心性清淨故得深根信力有信力故於眾生中而生悲心作是念一切諸佛法以大悲為本我今一心好樂佛法是故於眾生中應生悲心此悲漸增則成大悲得大悲故於眾生中則生慈心作是念我應隨力利益眾生則成實悲行慈利眾生時即能行捨內外所有皆能施與作是念如我是物為欲利益安樂眾生則成實慈又諸眾生信

受我語為欲行捨求利財物故堪受種種穩諸苦惱事作是念若有疲歇則於世間技藝經書田作工巧諸求財利因緣則无所獲是故應於世間技藝經書等无有疲歇以堪受故能知義趣作是念世間經書以義為味若人善知經書義味則於世間法皆能通了能通了故則能引導上中下眾生生作是念若人无有慚愧則不能令眾主歡喜為今歡喜故當行慚愧作是念若无堪受則不成世間出世間利有堪受故則能引導一切眾生皆令歡喜心歡喜故信受我語以信受故勤行方便而作唱導作是念若眾生供養佛者則多所利益欲令眾生供養佛故即自一心供養於佛及形像舍利眾生信受則便隨効供養於佛種人天因緣住於三乘菩薩如是次行十法則能淨治初地

念佛品第二十

菩薩於初地究竟所行處自以善根力能見數百佛等薩如是降伏其心深愛佛道如所聞初地行具足究竟自

以善根福德力故能見十方現在諸佛皆在目前問曰但以善根福德力故得見諸佛為更有餘法耶答曰佛為跋陀婆所說深三昧得是三昧實能得見諸佛

跋陀婆羅是在家菩薩能行頭陀佛為是菩薩說般舟三昧經般舟三昧名見諸佛現前菩薩得是大寶三昧雖未得天眼天耳而能得見十方諸佛亦聞諸佛所說經法問曰是三昧者當以何道可得答曰

當念於諸佛處在大眾中三十二相具八十好嚴身

行者以是三昧念諸佛三十二相八十種好莊嚴其身比丘親近諸天供養為諸大眾恭敬圍繞專心憶念取諸佛相又念諸佛是大願者成就大悲而不斷絕具足大慈深安眾生行於大喜滿一切願行於捨心捨難憎愛不捨眾生行於諦處常不欺誑行於捨處淨除慳垢行於善處其心善寂行於慧處得大智慧具行檀波羅蜜為法施主具行尸羅波羅蜜戒行清淨

十位眼沙論第九 第四卷

具行鼻提波羅蜜能忍如地具行毗梨耶波羅蜜精進超絕具行禪波羅蜜滅諸定障具行般若波羅蜜破智慧障闍手足輪相能轉法輪足安立相安住諸法手足網縵相滅諸煩惱七處滿相諸功德滿手足柔栗相說柔和法纖長指相長夜修集諸善妙法足跟廣相眼廣學廣大直身相說大直道足跌高相一切中高毛上旋相能令衆生住上妙法伊沍鹿蹠相踣躡漸展臂長過膝相臂如金闍陰馬廐相有法寶藏身全色相有元量色皮細薄相說細妙法一一毛相示一相法白毫莊嚴面相樂觀佛面無欺師子上身相如師子無畏有圓大相善分別五陰腋下滿相滿大善根得味味相具足寂滅味方身相破生死畏肉髻相頭未嘗位敬舌大相色如真珊瑚能自覆面梵音相身相至梵天師子頰車相肩廣相能破外道齒齋相行清白禪齒平等相平等心於一切衆生齒密緻相離諸貪著四十齒相具足四十不共法紺青眼相慈心視

十位眼沙論第九 第五卷

衆生牛三昧相眼長不乱得希有樂見无欺以此三十二相莊嚴其身八十種好聞錯發福德具足威力殊絕名聞流布戒香塗身世法所不動諸煩惱所不染惡言所不汗遊戲諸神通諸佛如是威力猛盛无敢當者以慧說法如師子吼如意自在以精進力破諸癡闇以大光明普照天地諸問答中軍无有上一切仰瞻无下觀者常以慈心觀察衆生念如大海定如須弥忍辱如地增長衆生所種福德如水滋潤能生衆生諸善根力如風開發成就衆生如火熟物智慧无邊猶如虛空普雨大法如大雲雲不染世法猶如蓮華破外道師如師子搏鹿能舉重擔如大鳥王能導大衆如大牛王普爲清淨如轉輪王世間軍上如大梵王可愛可樂如清天明月普照能然猶如朗日與諸衆生安樂因緣猶如仁父憐愍衆生隨宜將護猶如慈母所行清淨如天具金有大勢力如天帝釋勤利世間如護世主治煩惱病猶如醫王救諸衰

十位眼沙論第九 第六卷

患猶如親族積諸功德如大庫藏其戒无量其定无邊其慧无稱解脫无等解脫知見无等等於一切事寂无有比一切世間軍無上故名第一大成大法故名爲大人如是菩薩以大入相念觀諸佛是諸佛者於无量無邊百千万億不可思議不可計劫修習功德善能守護身口意業於過去未來現在无爲不可說五藏法中悉斷諸疑定答分別答及問答置答於四問答无有錯謬善說根力覺道念處正勤如意三十七助道法善能分別无明諸行識名色六入觸受愛取有生老死因果於眼色耳聲鼻香舌味身觸意法无所繫著善說九部經法所謂修多羅歧夜授記陀羅尼經陀羅尼經如是諸經斐麗儼未曾有經不爲貪欲瞋恚愚癡憍慢身見邊見邪見見取戒取疑諸使所使不爲无信無憍慢淫曲戲調放逸懈怠瞋瞋恨慳嫉諸惱所侵知見苦斷集證滅修道可去已去可見已見所作已辦盡破怨賊具足諸願是世間尊是世間父

是世間主是善來善去善意善寂善滅善解脫者在无量無邊十方恒河沙等世間中住如現在前菩薩又應以八十種好念觀諸佛甲色鮮赤行清白法甲隆而大生在大家甲色潤澤深愛衆生指圓纖長其行深遠指肉充滿善根充滿拍漸次而長次第集諸佛法脉覆不見不覆身口意念脉无麤結破煩惱結蹉平不現不隱藏法足不邪曲度墮邪衆行如師子是人中師子行如爲王是人爲王行如鵝王高飛如鴻行如牛王人中軍尊行時右旋善說正道身不彎曲心常不曲身堅而直讚堅牢戒身漸次大次第說法普身諸分大而端嚴善能解說大妙功德身相具足具足法者足步間等等心衆生其身淨潔三業清淨身膚細爽心性自爽身離塵垢善見離垢身不縮沒心常不沒身無邊量善根无量肌肉緊密永斷後身支節分明善說十二因緣分別明了身色无闇知見無闇腹圓周滿弟子行具腹淨鮮潔善能了知生死

過惡腹不高出破慍慍山腹平不現說平等法齊圓而深通甚深法齊圓右旋弟子順教身遍端嚴弟子遍淨威儀鮮潔心淨无比身無點子无黑印法手遍勝兜羅綿受化者身輕如毛手畫文深威儀深重手畫文長觀受法者長遠後事手畫潤澤捨親愛潤得大道果面貌不長結戒有開脣赤如頻婆果見一切世間如鏡中像舌柔而爽先以爽語度脫衆生舌薄而廣功德純厚舌赤如深紅凡夫心難解佛法令解聲如雷震不畏雷聲其聲和柔說柔爽法四牙圓直說直道法四牙俱利度利根者四牙鮮白清白第一四牙齊等住戒平地牙漸次細漸次說四諦法鼻高隆直住智高山鼻中清淨弟子清白眼廣而長智慧廣遠睡不希踈善擇衆生眼白黑鮮淨如青蓮華衆天人姝女以好眼敬礼眉高而長名聞遠流眉毛潤澤善知爽法耳等相似聞法者等耳根不壞度不壞心衆生額平而好善離諸見額廣无妨廣破外道頭分具

足善具大願髮色如黑蜂轉五欲樂髮厚而緻結使已盡美髮柔爽爽利智者能知法味髮不散亂言常不亂髮潤而澤常无麤言最有益香以七覺意香華隨宜化道中後有德字安字喜字手足中亦有德字安字喜字菩薩如是應念諸佛處在大衆講說正法坐師子座其座以琉璃雜寶爲脚以真珊瑚妙赤真珠以爲枕金薄憚帳柔爽滑澤種種天衣以爲敷具以寶師子赤金爲身虎珀爲眼車乘爲尾珊瑚爲舌白金剛爲四牙真白銀爲髮毛髮長廣具足其牀在此四師子上大爲王牙以爲凭机其承足机衆寶所成爲諸天龍夜叉乾闥婆阿修羅迦樓羅緊那羅摩睺羅伽之所敬礼諸佛如是在此牀上著竭支沮洳僧不高不下覆身三分周巾齊整著淺色袈裟條數分明不高不下亦不衆差處八大聖莊嚴衆中人天大會龍金翅鳥俱共聽法心无瞋恨一切大衆深心慚愧敬愛於佛皆共一心聽佛所說受持思惟如所說行專心

◇高麗大藏經◇

十住毗沙論卷第九 第三十 戒

聽受心清淨故能障諸蓋一切大眾
瞻仰如來无有厭足衣毛皆豎泣淚
心熱或有大喜有如是者則知其入
心得清淨寂默湛然如入禪定无愛
無恚心無餘緣有大悲相慈愍眾生
欲救一切心不諂曲寂滅清淨分別
好醜有大志量不沒不縮不高不下
佛悉瞻見處在如是大眾說法易解
易了樂聞无厭音深不散柔爽悅耳
從齋而出咽喉舌根鼻額上斷齒屑
氣激變成音句柔濡悅耳如大密雲
雷聲隱震如大海中猛風激浪如大
梵天音聲引導可度眾生離眉眼眉
可呵語法言不關少又不煩重所說
无疑言必利益无有誑語可破語等
難如是過遠近等聞四種問難隨
意能答開示四諦令得四果建立義
端因緣結句語言法則皆悉具足種
種所說事義易了所宣分明不故
隱曲言不乖疾又不遲緩始終相稱
无能難者以如是語敷演說法初中
後善有義有利唯法具足能令眾生
得今世報无有時節可得嘗試能滿

十住毗沙論卷第九 第三十一 戒

所願深妙智者以內可知能滅眾生
三毒猛火能除一切身口意罪善能
開示戒定慧品初以名字後令知義
而生歡喜從喜生樂從樂生定從定
生如實智從如實智生歡喜從歡喜
滅結使滅結使故得解脫如是能令
此法次第善能開示諦捨滅慧四處
能示眾生令滿布施持戒忍辱精進
禪定智慧波羅蜜能令眾生次第得
至喜地淨地明地炎地難勝現前深
遠不動善慧法雲能分別聲聞乘辟
支佛乘大乘能令證須陀洹斯陀含
阿那含阿羅漢果能令成就人天之
中所有富樂是為一切第一利益諸
功德藏如是正心憶念諸佛在閑靜
處除却貪欲瞋恚睡眠疑悔調戲一
心專念不生障導失定之心以如是
心專念諸佛若心沒當起若散當攝
并見大眾當如現前未入定時常應
稱讚相好二事以偈讚佛令心調習
如此偈說

世尊諸相好 何業因緣得 我以相及業
稱讚於大聖 足相千福輪 清淨眷屬施

十住毗沙論卷第九 第三十二 戒

以是因緣故 賢聖眾圍繞 足下安立相
受善持不失 是故魔軍眾 不能得毀壞
手足指網縷 身相紫金色 善行攝法故
大眾自然伏 手足極柔濡 身相七處滿
隨意食施故 多得自然供 長指廣脚跟
身膈大直相 離教因緣故 乃至於初壽
毛上向右旋 足趾隆高相 常堪諸喜事
故得不退法 伊沮鹿蹄相 常樂讀誦經
為人說法故 疾得无上道 脩辭下過膝
一切所有物 求者无怯惜 隨意化道人
陰藏功德藏 善和離散故 多得人天眾
淨慧眼為子 薄皮輝金光 妙衣堂閣施
故多得妙水 清淨房樓觀 一孔一毛生
肩間自毫時 常為最上護 故於三界尊
身上如師子 兩肩圓而滿 常行人愛語
无有違反者 腋滿知味相 病施醫藥故
人天皆敬愛 身无有疾病 身圓肉髻相
和悅心施福 勸化剛強者 法王中自在
迦陵頻伽音 廣舌聲如梵 所言常漏實
得大聖八音 先加以思慮 後言必有實
故得師子相 見者皆信伏 齒白齊密相
所曾供養者 後常不輕故 眷屬心和同
上下四下齒 密綴不疎漏 无說不妄言

十住毗婆沙論卷第九 第三十五張 梵
徒衆不可破 眼黑青白明 睦相如牛三
慈心和視故 觀者无厭足 雖轉輪聖王

典主四天下 有是諸相好 光明不如佛
我所稱歎說 諸相好功德 願令一切人
心淨常安樂

菩薩又應以八十種好念諸佛如此
偈說

諸佛有妙好 八十莊嚴身 汝等應歡喜
一心聽我說 世尊圖纖指 其甲紫紅色

隆高右潤澤 所有无有量 脉平蹠不現
雙足无邪曲 行如師子王 威望无等比

行時身右旋 安座有儀雅 方身分次第
端嚴可愛樂 身堅極柔軟 支節甚分明

行時不遠遙 諸根悉充滿 肌體極密緻
鮮明甚清淨 身形甚端雅 无有可呵處

腹圓不高現 齋深而无孔 其文右向旋
威儀甚清淨 身无有疵點 手足極柔濡

其文深且長 修直有潤色 舌薄面不長
牙白圓纖利 唇色頻婆果 音深若鴻王

鼻隆眼明淨 睦緻而不亂 眉高毛柔濡
端直不邪曲 眉毛齊而整 善知諸法過

眉毛色潤澤 善度潤衆生 耳滿長而等
不壞甚可愛 額廣而齊正 頭相皆具足

十住毗婆沙論卷第九 第三十五張 梵
駿緻而不亂 如黑蜂王色 清淨而香潔
中有三種相

是名八十種好 以此八十種好開離
莊嚴三十三相 若人不念三十二相

八十種好讚歎佛身者是則永失
世後世利樂因緣

十住毗婆沙論卷第九

世即歲萬壽國分大藏都監奉
刊印

十住毗婆沙論卷第十 梵

聖者龍樹造

後秦龜茲國三藏鳩摩羅什譯

四十不共法品第二十一

菩薩如是以三十二相八十種好念
佛生身已今應念佛諸功德法所謂

又應以四十不共法念佛諸佛是法身
非但肉身故

諸佛雖有無量諸法不與餘人共者
有四十法若人念者則得歡喜何以

故諸佛非是色身是法身故如經說
汝不應但以色身觀佛當以法觀四

十不共法者一者飛行自在二者變
化无量三者聖如意无邊四聞聲自

在五无量智力知他心六心得自在
七常在安慧處八常不忘誤九得金

剛三昧力十善知不定事十一善知
無色定事十二具足通達諸永滅事

十三善知心不相應无色法十四大
勢波羅蜜十五无尋波羅蜜十六一

切問答及記具足答波羅蜜十七具
足三轉說法十八所說不空十九所

十住毗婆沙論卷第十 第二分 梵

說无謬失二十无能害者二十一諸賢聖中大將二十五四不守護二十九四無所畏三十九佛十種力四十无碍解脫是為四十不共之法今當廣說飛行自在者諸佛飛行如意自在如意滿足速疾無量无碍所以者何佛若欲於虛空先舉一足次舉一足即能如意若欲舉足躡虛空而去若欲住立不動而去即能得去若結跏趺安坐而去亦能得去若欲安卧而去亦復能去若欲於青瑤瑤真瑤瑤葉黃金為璣如意珠臺无量圍繞如日初出是寶蓮花遍於空中蹈上而去若欲如日月宮殿帝釋勝殿夜摩天兜率陀天化樂天他化自在天諸梵王等宮殿隨意化作如彼宮殿坐中而去即能成辦若更以餘種種因緣隨意能去是故說言隨諸所願皆能滿足是故諸佛能以一步過恒河沙等三千大千世界有人言佛能一念頃過若干百千國土有人言若知佛一步一念能如是去即可得量經中說諸佛力无量是故當知諸佛虛

十住毗婆沙論卷第十 第三分 梵

空飛行自在無量无边何以故若大聲聞弟子神通自在以一念頃能過百億閻浮提瞿陀尼弗婆提鬱多羅越四大王天忉利天夜摩天兜率陀天化樂天他化自在天梵天一瞬中過若干念積此諸念以成一日七日月一歲乃至百歲一日過五十三億二百九十六万六千三千大千世界如是聲聞人百歲所過佛一念能過復次假令恒河中沙一沙為一劫有大聲聞神通第一壽命如是諸恒河沙大劫於一念中過若干世界積如是念以為日月歲數以自在力盡是諸大劫數所過國土佛能一念中過諸佛飛行自在如是速疾於一切鐵圍山十寶山四天王處忉利天處夜摩兜率陀化樂天他化自在梵世梵眾大梵少先无量光光音少淨無量淨遍淨廣果無相不廣不惱喜見妙見阿迦尼吒天如是諸廣大風大水劫盡火等及諸天龍夜叉乾闥婆阿修羅緊那羅摩睺羅伽諸天魔及梵沙門婆羅門及得諸神通者不能為是

十住毗婆沙論卷第十 第四分 梵

故說飛行無碍又飛行自在如意所作出沒於地能過石壁諸山障等佛於此事勝諸聖人又佛能以常身立至梵天聲聞人所不能及有如是等差別變化自在者變化事中有无量力餘聖變化有量有邊諸佛變化無量无边餘聖於一念中變化一身佛以一念隨意變化有无量事如大神通經中說佛從齊中出蓮花上有化佛次第遍滿上至阿迦尼吒天諸佛變化所作眾事種種色種種形皆以一念又聲聞人能於千國土內變化諸佛能於无量無邊國土變化自在又能倍是諸佛得堅固變化三昧又諸佛變化能過恒沙世界皆從一身出復次佛能普於十方无量無邊世界現身受身隨地行七步出家學道破魔眾衆得道轉法輪如是等事皆以一念作之是諸化佛皆亦復能施作佛事如是等諸佛所變化事无量无边又於聖如意中有无量力聖如意者所謂從身放光猶如猛火又出諸雨變化壽命通意長短於一念頃能至梵天能

變諸物隨意自在能動大地光明能照无量世界而不斷絕聖如意者不與凡夫等故无有量故過諸量故諸凡夫等雖變化諸物少不足言聲聞人能裂千國土還使令合能令壽命若至一劫若減一劫還能令短短已不能令長於一念中能至千國土梵世界能於千國土隨意變化能動千國土能身出光明相續不絕照千國土設使身滅能留神力變化如本於千國土小辟支佛能於萬國土萬種變化中辟支佛能於百萬國土百萬種變化大辟支佛能於三千大千國土變化如上諸佛世尊能過諸恒河沙世界算數變化身出水火能末恒河沙等世界令如微塵又能還合能住壽命无量劫數還能令少少已還能令長能於无量時住變化隨意能以一念至无量無邊恒河沙等世界能以常身立至梵世又能變化无量無邊阿僧祇世界皆令作金或令作銀琉璃珊瑚車渠馬瑙取要言之能令作无量寶物隨意所作又復能變

恒河沙等世界大海水皆使為乳酥油酪蜜隨意而成又能以一念變化諸山皆是真金過諸竿數不可稱計又能震動无量無邊世界一切欲界色界諸天宮殿又以一念能令若干金色光明遍照如是无量世界日月光明及欲色界諸天宮殿光明皆令不現雖滅度後能於如是諸世界中隨意久近派布神力常不斷絕聞聲自在者諸佛所聞聲中隨意自在若无量百千萬億眾生一時發言若遠若近隨意所聞假令恒河沙等三千大千世界所有眾生同時俱作若干百千萬種技樂遍滿世界復有恒河沙等世界眾生同時以梵音遍滿一切世界諸佛若欲於中間一音聲隨意得聞餘者不聞聲聞所應聞者若有大神力障者不能得聞諸佛所聞音聲雖有大神力障亦能得聞聲聞能聞千國土內音聲諸佛世尊所聞音聲過无量無邊世界取細音聲皆亦得聞大神力聲聞住梵世界發大音聲能滿千國土

內諸佛世尊若住於此若住梵世若住餘處音聲能滿无量無邊世界若欲令眾生聞過无量无邊世界取細音聲能令得聞欲令不聞即便不聞是故但有諸佛於聞聲中得自在力知他心元量自在力者諸佛世尊於無量无邊世界現在眾生悉知其心餘人但隨名相故知諸佛以名相義故知又餘人不能知无色界眾生諸心諸佛能知餘人雖有知他心智大力者障則不能知假使一切眾生成就心通皆如舍利弗目犍連辟支佛等以其神力障一人心不令他知而佛能壞彼神力得知其心復次佛以神力悉知眾生上中下心垢心淨心又知諸心各有所緣從是緣至是緣次第遍知一切諸緣又以實相知眾生心是故諸佛以元量力悉知他心第一調伏心波羅蜜者善知諸禪定三昧解脫住入起時諸佛若入定若不入定欲繫心一緣中隨意久近如意能住從此緣中更住餘緣隨意能住若佛住常心欲令人不知則不能知假使一

十住毗婆沙論卷第十 第八張 梵

切眾生知他心智如大梵王如大聲聞辟支佛成就智慧知他人心以此諸智令人得是人欲知佛常心若佛不聽則不能知如七方便經中說行者善知定相善知住定相善知起定相善知安隱定相善知定行處相善知定生相善知宜諸定法不誑諸定法是名諸佛第一調伏心波羅蜜諸佛常安慧者諸佛安慧常不動念常在心何以故先知而後行隨意所緣中住無疑行故斷一切煩惱故出過動性故如佛告阿難佛於此夜得阿耨多羅三藐三菩提一切世間若天魔梵沙門婆羅門以盡苦道教化周畢入無餘涅槃於其中間佛於諸受知起知住知生知滅諸相諸觸諸覺諸念亦知起知住知生知滅惡魔七年晝夜不息常隨逐佛不得佛短不見佛念不在念安慧是名諸佛常住安慧行中不忘失法者諸佛得不退法故通達五藏法故得無上法故諸佛常不忘失諸佛菩提樹下所得乃至入無餘涅槃若天魔梵沙門婆羅門

十住毗婆沙論卷第十 第七張 梵

及餘聖人元能令佛有所忘失如法印經中說道場所得是名實得更元勝法如不毛堅經說舍利弗若人實語有能於法不忘失者應說我是何以故准我一人無有忘失是名諸佛於法元忘失金剛三昧者諸佛世尊金剛三昧是不共法元能壞故於一切處元有障導故得正遍知故壞一切法障導故等貫穿故得諸功德利益力故諸禪定中寂上故元能壞者是故名金剛三昧如金剛寶元物能破者是三昧亦如是元有法可以壞者是故名金剛三昧問曰何故不可壞答曰一切處元有闍故如帝釋金剛元有闍處是三昧亦如是問曰是三昧何故名一切處不闍答曰正通達一切法故諸佛住是三昧悉能通達過去現在未來過出三世不可說五藏所攝法是故名一切處不闍若諸佛住是三昧諸所有法若不通達名為有導而實不令是故名元導問曰何以故是三昧通達一切法答曰是三昧能開一切障導法故所謂煩

十住毗婆沙論卷第十 第十張 梵

惱障闍定障闍智障闍能開故是名能通達一切法問曰是三昧何故能開一切障餘三昧不能答曰是三昧善等貫穿二法能壞諸煩惱山令無餘故正遍通達一切法故善得不壞心解脫故是故此三昧能開一切障問曰是三昧何故等貫穿二法答曰住是三昧得力故能得一切諸功德餘三昧元如是力是故是三昧能等貫穿問曰何故住是三昧得力故能得一切諸功德答曰是三昧於諸定中寂為第一是故住是三昧能得諸功德問曰何故是三昧於諸定中寂為第一答曰是三昧元量無邊善根所成故於諸定中寂為第一問曰是三昧何故元量無邊善根所成答曰是三昧唯一切智人有餘人所無是故名金剛三昧四十不共法中難一切智人品第三十二問曰汝說金剛三昧唯一切智人有餘人所无若是三昧但一切智人有餘人無者即元是三昧何以故元一切智人故何以故所知法元量無邊而智慧有量有邊以此有量有邊智

慧不應知無量事如今現聞淨提水
陸衆生過諸竿數是衆生三品者男
若女非男非女在胎孩童少壯衰老
苦樂等法過去未來現在諸心數
法及諸善惡業已集今集當集已受
報今受報未受報萬物生滅及閻浮
提中山河泉池草木叢林根莖枝葉
花果所可知者无有邊際餘三天下
亦如是如四天下三千大千世界物
亦如是如三千大千世界物一切世
界所可知物亦如是但是世間數尚无
量無邊難可得如何況諸閻浮提
諸世間中衆生非衆生諸物分以是
因緣當知所可知物无量無邊故無
一切智者若謂智慧有大力於所知
法中无障闕故遍知一切可知法如
虛空遍在一切法中是故應有一切
智人者是事不然智大力可令大智不
能自知如指端不自觸是故無一切
智若謂更有智能知是智是亦不然
何以故有无窮過故智若自知若以
他知二俱不然若是智有无量力以
不自知故不得言有无量力是故無

有能知一切法智無知一切法智
故則無一切智者何以故一切智者
以智知一切法故復次所知法無量
无边若和合百千万億智人尚不能
盡知何況一人是故無有一人能知
一切法無有一切智若謂不以遍知
一切山河衆生非衆生故名一切智
人但以盡知一切經書故名一切智
人者是亦不然何以故佛法中不說
韋陀等經書義若佛是一切智人者應
用韋陀等經書而實不用是故佛非
一切智人又四韋陀羅經有量有限
今世尚无盡能知者況有盡知一切
經書是故无有一切智人復次有經
書能增長貪欲歌舞音樂等若一切
智人知是事者即有貪欲是經書者
是貪欲因緣若有因必有果若一切智
人不知此事則不名一切智人復次
有諸經書能助瞋恚喜誑於人所謂
治世經書等若知是事則有瞋恚何
以故有因必有果故若不知則不名一
切智人是故知無一切智人復次佛
不必盡知未來世事譬如我今難一

切智人佛无經書豫記是人如是姓如
是家在宗家以如是事難一切智人
若謂佛盡知何以故不說是事若說
經者經中應有不說是事是故知非
一切智人復次佛若盡知未來世事
應當豫知調達出家已破僧若知者
不應聽出家復次佛不知木機激石
佛若豫知者則不應於中經行復次
佛不知旃遮婆羅門女以姓欲誘若
佛先知應告諸比丘未來當有是事
復次有梵志嫉佛故於餘處殺梵志
女孫陀羅於祇洹塹中埋佛不知是
事若知是者應於諸梵志所救此女
命至調達所推石下不說婆羅門女梵
志女事以不知故當知佛不盡知未
來世是故非一切智人復次佛入婆
羅門聚落乞食空鉢而出不能豫知魔
時轉諸人心乃至不得一食佛若知
者則不應入婆羅門聚落是故知佛
不盡知未來事復次阿闍世王欲害
佛故放守財醉為佛不知故入王舍
城乞食若豫知者則不應入城是故
不知未來事不知未來事故則非一

十住毗婆沙論卷第十 第五分 第六

切智人復次佛不知惡涅達多請佛因緣即受其請將諸比丘詣耆羅闍國是婆羅門忘先請故使佛食馬麥若佛豫知則不應受請三月食馬麥是故知佛不知未來事不知未來事故則非一切智人復次佛受須涅又多羅為弟子故則不知未來事是人惡心堅牢難化不信佛語佛若知者云何受為弟子受為弟子故則不知未來事不知未來事故則非一切智人復次若佛是一切智人則應防護未因緣有作罪已方乃結戒則不知未來事不知未來事故則非一切智人復次佛法但以出家受戒歲數處在上座恭敬禮拜不以著貴族諸家功德智慧多聞禪定果斷神通為大若是一切智者應以著年貴族諸家功德恭敬若如是者名為善制歲數者受戒年數如五歲道人六歲者貴族者世間有四品眾生婆羅門刹利尊舍首陀羅首陀羅應恭敬尊舍刹利尊

十住毗婆沙論卷第十 第五分 第六

軍門尊舍應恭敬刹利婆羅門刹利應恭敬婆羅門諸家者巧家商估家居士家長者家大居士家等諸家中其小家應恭敬大家如是於貧賤中出家者應恭敬富貴中出家者功德者毀戒人應恭敬禮拜持戒者持戒者不應禮毀戒者不行十二頭陀者應行十二頭陀者不具足行頭陀者應禮具足行頭陀者智慧者元智慧人應禮敬有智慧者多聞者少聞人應禮多聞者下多聞者應禮敬多誦者果者須陀洹應禮敬斯陀含如是展轉應禮阿羅漢一切凡夫應禮得果者斷者少斷結使及未斷者應禮多斷者神通者若未具神通者應禮具神通者佛若如是次第善說供養恭敬法者是為上說而實不亦是故知非一切智人復次佛尚不能知現在事汝若謂我云何知佛不知現在事者今當說之有眾生結使薄者無業障者離八難者堪行深法者能成正法者而佛不知佛成道已初欲說法生如是疑我所得法甚深玄遠微妙寂滅

十住毗婆沙論卷第十 第五分 第六

難知難解唯有智者可以內知世間眾生貪著世事此中除斷一切煩惱滅受歇離第一難見若我說法眾生不解徒自疲苦生如是疑而實眾生有薄結使無業障者有離八難者堪行深法者能成正法者佛不能知如是眾生是故當知不知現在事又作是念昔我昔行五比丘供養執侍應是先利益今在何處作是念已時有天告今在波羅捺鹿野苑中是故當知佛不知現在事不知現在事故則非一切智人復次佛得道已受請說法而作是念我今說法誰應先聞即復念言憍頭藍弗此人利智易可開悟今時此人先已命終而佛訪求時天告言昨夜命終佛又思惟迴心欲度阿羅漢天復自言是人亡來七日若佛是一切智者先應知此諸人命終而實不知不知過去事故則不名一切智人一切智人法應度可度者不可則置復次佛處有疑語如巴達弗城是事當以三因緣壞若水若火若內人與外人謀若佛是一切智人者則不

應有疑惑語是故知非一切智人復次佛問比丘汝等聚會為說何事如是等問若一切智人者則不應問如是等事以問他故非一切智人復次佛自稱讚身毀訛他人如經中說佛告阿難唯我一人第一無比無與等者告諸比丘且捷子等是弊惡人成就五邪法諸且捷子等无信无慚無愧家間憊怠少念薄智又說梵志且捷諸外道弟子等諸不可事若自稱讚毀訛他人世人尚愧何況一切智人有此事故非一切智人復次佛經始終相違如經中說諸比丘我新得道又言我得往古諸佛所得道世間有智尚難終始相違何況出家一切智人而有相違以終始相違故當知非一切智人是故汝說金剛三昧唯一切智人得是事不然無一切智人故一切智三昧亦不成若曰汝莫說此佛實是一切智人何以故凡一切法有五法歲所謂過去未來現在法出三世法不可說法唯佛如實遍知是法如汝先難所知法无量無邊故無一切

智人者我今當答若所知法无量無邊智亦無量无边以无量无边智知無量无边法无各若謂是知亦應以智知是則無窮者今當答法應以智知智如世間人言我是智者我无緣以智知智故則无无穷過如以現在智知過去智則盡知一切法无有遺餘復次如人數他通身為十知亦如是自知亦知他則無有各如燈自照亦照他如汝所說和合百千万億智人尚不能盡知一切法何況一人知者是事不然何以故一切智慈人能知衆事雖復衆多无有智慈不能有所知如百千盲人不任作導一人有眼任為導師是故汝以一人為難雖復多智於佛則无智是事不然汝謂佛不說韋陀等外經故非一切智人者今當答韋陀中无善寂滅法但有種種諸戲論事諸佛所說皆為善寂滅故佛雖知韋陀等經不能令人得善寂滅是故不說問曰韋陀中亦有善寂

滅解脫說世間先皆幽闇都无所有初有大人出現如日若有見者得度死難更有餘道又說人身小則神小人大則神大身為神宅常處其中若以智慧開解神縛則得解脫是故當知韋陀中有寂滅解脫若曰无是事也何以故韋陀經中有四顛倒世間無常而別有常世間如說一作天祠墮落亦墮落三作則不墮是為无常中常顛倒世間苦而說有常樂處是為苦中樂顛倒又說我神轉為子願使壽百歲子是他身云何為我是為无我中我顛倒說身清淨第一无比金銀珍寶无及身者是名无淨中淨顛倒顛倒則无實無實云何有寂滅是故韋陀中无善寂滅法問曰韋陀中說能知韋陀者清淨安隱云何言无善寂滅法答曰知韋陀者雖說安隱非畢竟解脫於異身中生解脫想是說因長壽天說為解脫是故韋陀中實無解脫復次韋陀中略說有三義一者呪願二者稱讚三者法則呪願名為令我得妻子牛馬金銀珍寶

十住毗沙論卷第十 第三疏 梵

稱讚名為汝大神頭黑頭赤體黃常在衆生五大中法則名為是事應作是不應作如從昂星初受火法而寶呪願稱讚法則無有寂滅解脫何以故貪著世樂然蘇呪願無真智慧不斷煩惱何有解脫問曰韋陀法自古有之第一可信汝言無善寂滅故不可信者是事不然何以故佛法近乃出世韋陀自古久遠常在世間是故古法可信近法不可信汝言韋陀中無善寂滅法是事不然答曰時不可信無明先出正智後出邪見先出正見後出不可以無明邪見先出故可信正智正見後出不可信如先有汗泥後有蓮花先有病後有藥如是不可以在先出者為貴是故韋陀先出佛法後出謂不可信者是事不然復次過去錠光等諸佛皆先出世其法則古出韋陀是後出若汝以先久為貴者此諸佛及法則應是貴問曰韋陀不能作善寂滅是故佛法中不說若佛知不能作寂滅何用知為若不知則非一切智人二俱有過答曰汝

十住毗沙論卷第十 第三疏 梵

語非也佛先知韋陀不能善寂滅故不說亦不修行問曰若佛知韋陀無有利益故而說不修習者何用知為答曰大智之人應悉分別是正道是邪道欲令无量人衆度險惡道故行於正道譬如導師善分別邪道正道佛亦如是既自得出生老死險道亦復欲令衆生出故善知八真聖道亦知韋陀等邪險惡道為離邪惡道故行於正道故但知而不說猶如農夫為穀種植至秋收穫亦得草穀佛亦如是為無上道故勤行精進得菩提道亦知韋陀等諸邪道是故無咎如汝先說無人能有具知四韋陀者此難不然世間人各有念力有人一日能誦五偈有誦百偈有誦二百偈若人一日不誦十偈則謂無能誦百偈出百偈者此非實語汝等不能盡知故便言都無智者若人見一人不能度河便言无能度者是人不名正說何以故自有餘大力者能度此亦如是設使餘人不能盡知一切智者知之何各復次脾婆仙人皆讀韋陀亦應成

十住毗沙論卷第十 第三疏 梵

一切智若有盡讀韋陀何以言无一切智若汝言有經書能生貪欲瞋恚者我今當答若人欲長壽應離死因緣佛亦如是欲斷一切衆生貪欲瞋恚應知貪欲瞋恚因緣復次如汝說能知生貪欲瞋恚經書則有貪欲瞋恚者無有是處也佛雖知是不用不行故無過各如人知死因緣則不死若行死因緣則死是事亦余若汝說不知未來事故不名一切智者我今當答此則非難我等亦知有難一切智者如經中說佛告諸比丘凡夫无智有三相不應思而思不應說而說不應作而作是故皆已捨汝等未來世凡夫皆在其中无利益故何用分別說其名字等若謂佛知有難不豫答者亦不須此今現四衆中亦有善斷疑難者今亦有能破諸難問者何用先答如汝今日現見比丘之中能破婆羅門者是故不須先答又先時亦有答散在衆經人不能具知佛法故不知慶所若言受調達出家事我今當答謂受調達出家則非一切智人者

是語不然調達出家非佛所度問曰
若餘人度者佛何以聽答曰善惡各
有時不必出家便惡調達出家之後
有持戒諸功德是故出家無過復次
調達於十二年清淨持戒誦六万法
藏此果報者當來不空必有利益汝
說調達機聞激石者我今當說諸佛
成就無救法故一切世間无能奪命
者問曰若成就就不救法者何故逆石
而來答曰佛於先世種壞身業定報
應受示衆生業報不可捨故現受是
故自來汝言旃遮女佛不先說者我
今當答以旃遮女故識佛者不能壞
一切智人因緣若佛先說旃遮女當
來誘我者旃遮女則不來復次佛先
世誘人罪業因緣今必應受汝說佛
何以不遮孫陀利入袂沮事我今當答
此事不能壞一切智人因緣佛無有
力令一切衆生盡作樂人又諸佛離
一切諍訟不自高身不著持戒是故
不遮復次佛先世業熟故必應受七
日誘又衆生見佛聞誘不憂重明不
喜故發無上道心作是願言我等亦

當得如是清淨心是故無各汝先說
佛入婆羅門聚落空鉢而出非一切智
人者今當答佛不以飲食先觀人心入
聚落已魔轉其意問曰是事佛應
先知我入聚落魔當轉人心答曰佛
亦先知此事為大利益衆生諸佛非
但以受人食故以為利益度脫衆生
有以清淨心迎逆敬禮和顏瞻視此
皆大利何必飲食以種種門利益衆
生非空入聚落汝說佛逆趣醉為者
今當答佛雖知此事以因緣故往以
此醉為必應得度又能障其害佛罪
業復次此鳥身如黑山衆人見此伍
頭礼佛皆起恭敬以是因緣故佛故
往趣復次佛趣此為元有過失若有
惡事可作此難汝難至隨聞若者為
受先世業果報故汝說當須涅槃又多
羅為弟子者今當說佛身口意命不
須守護无所畏故聽為弟子復次是
人常近佛故得見種種大神力見諸
天龍夜叉乾闥婆阿修羅等諸王來
供養佛請問種種甚深要法心得清
淨心清淨故得利益因緣是故雖惡

聽為弟子問曰此人於佛多生惡心是
故不應聽為弟子答曰若不聽為弟
子亦有惡心是故聽為弟子无咎汝
說先未作罪時何以不制戒今當答
佛先結戒說八聖道正見正思惟正
語正業正命正精進正念正定說是
至涅槃道故已說一切諸戒復次佛
說三學善學戒善學心善學慧當知已
說一切諸戒復次佛告諸比丘一切
惡決定不應作是不名先結戒耶復
次佛說十善道離殺盜淫兩舌惡罵
妄言綺語貪嫉瞋惡邪見不名先結戒
耶佛先十二年中說一偈為布薩法而
謂一切惡莫作一切善當行自淨其
志意是則諸佛教是故當知先已結
戒復次佛說諸小惡因緣皆應當離
如說
離身諸惡行亦離口諸惡離意諸惡行
餘惡悉遠離
如是說者當知先已結戒復次佛先
已說諸守護法如說
護身為善哉能護口亦善護意為善哉
護一切亦善比丘護一切得遠離諸惡

十住毗婆沙論卷第十一 第六集 竟

如是說者當知先已結戒復次佛先說善相如說

手足勿妄犯節言慎所行當樂守定意是名真比丘

如是說者當知先已結戒復次說沙門法故當知先已結戒沙門有四法一於曠不報二於罵默然三於撻能受四智者忍之復次佛說四念處觀身觀受觀心觀法是涅槃道住處故當知先已結戒若微小惡尚不聽何況身口惡業如是等因緣當知先已結戒如王者立制不應作惡後有犯者隨事輕重作如是罪如是治之佛亦如是先說戒後有犯者說其罪相如有作惡者教令懺悔作如是罪應如是懺不見損減損不共住等成如是事故後乃結戒

十住毗婆沙論卷第十一

癸卯歲高麗國分公藏書奉勅彫造

十住毗婆沙論卷第十一

資

聖者龍樹造

後秦龜茲國三藏持摩羅什譯

四十不共法中難一切智人知之

汝說者年貴族家等應為上座今當答道法中者年貴族家等於道元益何以故生佛法中名為貴族好家中生從受大戒數其年數名為耆年汝謂耆年應供養者先出家受戒非是大耶又從受戒以後元有諸姓等老別諸比丘受大戒名為生在佛家是則失先大小家名皆為一家汝說持戒者出家在先持戒日久長夜護持年歲多故應為上座如結戒中說汝說持戒之人不應札破戒者今當答破戒人尚不應共住何況札拜供養以其自言是比丘故隨其大小而為作札如札泥木天像以念真天故佛初年少應札上座順佛教故則便得福汝說以頭陀故應敬札者今當答若頭陀人有五種故難得分別一者愚癡无所知故貪受難法二者鈍根

十住毗婆沙論卷第十一 第七集 竟

怖望得利三者惡意欺誑於人四者狂亂五者作念頭陀法者諸佛賢聖所共稱讚以其隨順涅槃道故是五種人行頭陀法真偽難別多聞者多聞之人亦如頭陀難可分別何以故或以樂道故多聞或以利養故多聞如是等亦難分別又佛法貴如說行不貴多讀多誦又如佛說行一法句能自利益名為多聞智慧亦如是若不能如所說行何用智慧為是故不以智慧故說為上座譬如世間現事弟雖多聞多智而兄不為作札是故不以智慧故先受供養札拜如是雖多聞智慧應札先受戒者若先供養多聞智慧者則為闍餘得沙門果斷結得神通取難知是人得果是不得果是多斷結是少斷結是得神通是不得神通不可以此為上座若同得道果斷結神通誰為上座是故隨佛教行軍為第一汝說佛於說法生疑今當答佛於深法尚不有疑何況應說不應說中而有疑乎佛不言我都說不說法但云心樂閑靜不務興事而

後於說法中无咎復次諸外道言佛為大聖寂默无戲論何用畜眾而教化為設使教化亦不可盡似如分別何用說法畜養弟子是貪著相是故佛自思惟我法甚深智慧方便無量無邊而可度者少是故自言不如默然又防外道所譏呵故令梵天王求請說法即時梵天王等白佛言眾生可愍中有利根結使薄者易可化度是故受諸梵王等請如人得大寶藏應示餘人如是諸聖自得法利亦應利人如汝所說佛不知阿蘭迦蘭等先已命終欲為說法者今當答佛不念其死與不死但念此人結使微薄堪任化度隨所念處則有智生是故佛先自說而後天告理故宜然又佛先出家就此二人曾經宿止諸天人民儻能疑佛受其妙法餘處得道佛欲斷彼疑故即時唱言彼人長衰如此妙法如何不聞推如是義五比丘事亦復可知但念其可度因緣不念其住止所在後念住處即便得知是故不應破一切智人汝言疑說已連弗

◎十住毗婆沙論

城壞若今當答是城破因緣不定不定因緣而定說者是則為過又我先說四十不共法中諸佛善知不定若若則不受此難汝說佛問諸比丘汝等聚會為何所說今當答佛將欲說法門故作如是問或欲結戒故命其自說如是種種說法故問而無咎世間亦有知而復問如見人食問言食耶如天寒時問言寒耶佛亦如是知而復問隨俗无咎汝言自讚毀他非一切智人者今當答佛不貪身不貪供養不忌他人不增上慢所以自說我於世間第一者有信眾生諸根猛利捨惡知識以我為師是人長夜當得安隱是故佛自讚身復次有人求第一樂道而有懈怠不能精進是故佛言無上剎中不應懈怠我於世間第一導師善說正法宜勤精進可得道果如是等因緣自讚其身非為自貴輕賤他人呵惡人者欲令除滅惡法非為憎惡眾生有人求如法利其心清淨質直而與惡知識和合欲令遠離此故而呵罵之未得佛時尚以

戲腦施人何況成佛而當呵罵汝評佛法初後相違今當答佛法中无有始終相違事汝等不知佛法義故以為相違是涅槃道者從迦葉佛滅已來无復人說亦無人得是故言我新得道餘處復說我得故道是道鉸光等諸佛所得所謂八聖道能至涅槃一道一因緣故名為故道是故當知佛成一切智問曰所言一切智者云何名為一切智為知一切故名為一切智耶答曰一切智者知可知可知者五法歲過去未來現在出三世不可說所用知此五歲者名為知是故知及所知名為一切問曰知可知名一切者是事不然何以故是法但是一可知知亦是可知故如世間言是人知利是人知鈍答曰若一切是一者則寒熱相違皆應是一明闇苦樂諸相違事亦應是一但是事不然是故不得言一切皆是一問曰汝所執亦同此過若可知是一者苦樂等亦應是一而實不一答曰我不言一切可知是一汝所執一切皆是一是故不

十住論卷第二 第六

寶

與汝同過復次汝說同有過故汝自執中有過若人自受所執中過即墮負處汝知所執有過不應復說他過是故汝說同有過者是事不然復次若謂可知二法為一者應用可知法知瓶衣等物而實用知知一切物若謂瓶衣等於知无異者今瓶衣等不能知物即應有異而實用知知一切物如是處處有過故不得言一切皆是一復次知所知是二名為一切知是一切法故名如來名一切智者是一切智人因金剛三昧是故金剛三昧成汝先言金剛三昧不成一切智不成者是事不然

四十不共法中善知不定品第二十三

善知不定法者諸法未生未出未成未定未分別是中如來智慧得方如佛分別業經中說佛告阿難有人身行善業口行善業意行善業是人命終而墮地獄有人身行惡業口行惡業意行惡業是人命終而生天上阿難白佛言何故如是佛言是人或先世罪福因緣已熟今世罪福因緣未熟

十住論卷第二 第七

寶

或臨命終生正見邪見善惡心垂終之心其力大故又首迦經中說叔迦婆羅門子自佛言瞿曇諸婆羅門在家白衣能修福德善根勝出家者是事云何佛言我於此中不定若出家或有不修善則不如在家在家能修善則勝出家又大涅槃經中說巴連弗城當以三事壞或水或火或為人與外人謀又因波梨末梵志說是裸形波梨末梵志若不捨是語若是心若是邪見到我目前無有是處若皮繩斷若身斷終不來到佛前又戒喻經中說我此法甚深以方便說今淺易解若有直心如教行者得二種利若今世盡漏若不盡漏當得不還道又增一阿舍迦梨經中佛告阿難若人故起業无有不受報而得道者若現受報若主受若後受又增一阿浮羅經中說佛告諸比丘諸惡人死若作畜生若墮地獄善人生處若天若人又無畏王子經中說无畏白佛言佛有所說能令他瞋不佛言王子是事不定佛或憐愍心故令他人真

十住論卷第二 第八

寶

得檀善因緣如乳母以曲指鉤出小兒口中惡物雖傷无患又阿毗曇中說眾生三品從不定聚或墮邪定或墮正定如是等四法藏中無定事數千萬種問曰若人智慧不定無決定心於事中或余或不余則不名一切智人一切智人者不二語者決定語者明了語者是故善知不定不得名為佛不共法答曰不定事若余若不余隨屬眾因緣故是中不應定說又若不定事而作定答不名一切智人是故於不定事中必應用不定智是故有不定智不共法復次若人於一切法中決定知是人即墮必定邪論中若一切法必定則諸所作為則不須入功方便而得如說

若好觀已定人切則應定不須諸因緣方便而修習

復次現見不自守護身則有眾苦若自防護身則安樂又如種種作業事中受諸苦後得種種富樂果報或復有人今世靜默都无所作而得果報是故有是不定事為知是不定事

故知有不定智問曰汝守護不守護
施功不施功而亦有不定事成者有
人好自防護而得苦惱不自防護不
得苦惱又勤自疲苦不得功果不勤
施功而得功果是事不定答曰汝所
說則成我不定義若有不定事應有
不定智我不言若人不自防護悲皆
受苦又不言離功業有果報有人雖
作功夫先世罪障故不得受樂不言
一切皆余是故汝難非也是名諸佛
於不定事中獨有不定智具足知無
色處者聲聞辟支佛知生無色處衆
生及法少分諸佛世尊於无色處衆
生及法具足知是无色處有若干衆
生生此處若干衆生生彼處若干衆
生生初無色定處若干衆生生第二
處若干衆生生第三處若干衆生生
第四處若干衆生生來余所時若干
衆生經余所時當退沒若干衆生極
壽余所時若干衆生畢定壽命若干
衆生不畢定壽命若干衆生從欲界
命終來生此中若干衆生從色界命
終來生此中若干衆生從无色界命
終來生此中若干衆生從无色界命終

還生此中若干衆生人中命終即來
生此若干衆生天中命終即來生此
是諸衆生於此命終若生欲界若生
色界若生无色界是諸衆生此中命
終若生天道若生人道若生阿修羅
道若生地獄畜生餓鬼道中是諸衆
生於彼處入涅槃若干衆生皆是九
夫若干衆生是佛賢聖弟子若干衆
生凡夫弟子若干衆生成聲聞衆若
若干衆生成辟支佛衆若干衆生皆成
大乘若干衆生不成聲聞衆若干衆
生不成辟支佛衆不成大乘若干衆
衆生行滅者若干衆生不行滅者
若干衆生上行若干衆生某佛弟
子諸佛又知是定受味是定不受味
是善是无記是定中斷若干結是定
上中下略說無色諸定唯有諸佛以
一切檀智志能分別大小深淺心相
應不相應果報非果報等是名諸佛
具足知无色定處通達滅法者諸
辟支佛諸阿羅漢過去現在滅度者
諸佛通達如經中說諸比丘是賢劫
前九十一劫毗婆尸佛出至三十一

劫有二佛出一名尸棄二名毗舍婆
此賢劫中鳩摩孫迦那舍牟尼迦葉
佛出如是過去諸佛大知見經此中
應說及諸聲聞弟子滅度入无餘涅
槃及辟支佛号曰成号曰華相号曰
見法号曰法薩号曰喜見号曰无垢
号曰無得如是等諸辟支佛入无餘涅
槃佛悉通達復次未滅度在有餘涅
槃生緣都盡通達是事亦名通達知
滅如經說佛告阿難我於此人悉知
无有微闇是人畢定盡是內法是人
命終當入涅槃亦名知滅又於餘人
通達四諦能知其事亦名知滅如經
說我何不方便令此人即於此處漏
盡解脫如佛告阿難汝樂禪定樂斷
結使亦名通達知滅如佛告舍利弗
我知涅槃知至涅槃道知至涅槃衆生
如是等諸經此中應說是名諸佛通
達知滅善知心不相應非色法者戒
善根使善律儀不善律儀等諸心不
相應非色法聲聞辟支佛不能通達
諸佛善能通達如現目前於心不相
應諸法中成就第一智慧力故問曰

六度集經卷第十 第十卷

戒善律儀不善律儀是色法何以言
非色法答曰戒善律儀不善律儀有
二種有作有無作作是色無作非色無
作非色佛以不共力故現前能知餘人
以比智知問曰諸佛但善知心不相應
非色法不善知相應法耶答曰若通達
不相應法相應法無所復論如人能
射毫毛塵物則不論復次七百不相
應法中聲聞辟支佛以第六識能知
七法一名二相三義四无常五生六
不生七度佛以第六識皆悉能知佛
知四諦相及知世俗法是故言諸佛
善知心不相應无色法勢力波羅蜜
者於一切所知法無餘中得一切種
智勢力十力四无所畏四功德處助
成故又善得十力故是故佛能成就
勢力波羅蜜是勢力在第十六心中
得增益一切智常在佛身乃至无餘
涅槃因是事故於一切法中得无導
智無導智波羅蜜者法義辯樂說於
此四法勢力无量通達无導如經中
說佛告諸比丘如來四弟子成就第
一念力智慧力堪受如善射射樹

法華經卷第十 第十卷

榮即過无難是諸弟子以四念處來
問難我常不休息除飲食便利睡眠
於百年中如來常答樂說智慧无有
窮盡佛於此中以少欲相自論智慧
若三千大千世界所有四天下滿中
微塵隨余所塵數作余所三千大千
世界滿中眾生皆如舍利弗如辟支
佛皆悉成就智慧樂說壽命如上塵
數大劫是諸人等因四念處盡其形
壽問難如來如來還以四念處義答
其所問言義不重樂說无益法無導
智者善能分別諸法名字通達無導
義无導者於諸法義通達无導辭無
導者隨眾生理以諸言辭今其解義通
達無導樂說无導者問答時善巧說
法無有窮盡餘賢聖不能究盡唯有
諸佛能盡其邊是故名无導智波羅
蜜具足答波羅蜜者一切問難中佛
善能具足答何以故於四種問答中
無有錯乱善知義故具足不壞義波
羅蜜故樂欲深知一切眾生理性所行
所樂故如舍利弗白佛言世尊佛為
人說善法而是中多有眾主得證證

十住論卷第十 第十卷

已心無渴愛无渴愛故於世間无所
受無所受已心則內滅佛於善法中
無上事盡知无餘更無勝者問曰汝
言四種問答何謂為四答曰一定答
二分別答三反問答四置答定答者
如一比丘問佛世尊頗有色常不變
異不世尊受想行識常不變異不佛
答言比丘無有色常而不變無有
受想行識常而不變如是等名為
定答分別答者如布多梨子梵志
問婆摩提有人故作身口意業受
何等果報婆摩提定答有人以身口
意故作業受苦惱報是問應分別答
是梵志後來問佛是事佛答言布多
梨子有人若身口意故作業是業或
受苦報或受樂報或受不苦不樂報
答業受苦報樂業受樂報不苦不樂
業受不苦不樂報如是等諸經皆分
別答反問答者如先尼梵志問佛佛
言我選問汝隨汝意答先尼於汝意
云何色是如來不受想行識是如來
不答言非也世尊離已受想行識是
如來不答言非也世尊如是等經應

廣說是名反問答置答者十四種邪見是所謂世間常世間无常世間常無常世間非常非无常世間有邊世間无边世間亦有邊亦无边世間非有邊非无边如來滅後有如來滅後無如來滅後亦有亦無如來滅後非有非无身即是神身異神異如上一切衆生如大辟支佛智慧樂說以如是四種問佛佛皆隨順答其所問不多不少是故說佛具足答波羅蜜无有能害佛者得不可煞法故无能断佛身分支即存亡自在如經說若人欲方便害佛者无有是處問曰佛壽命為定為不定答曰有人言不定若佛壽命有定者於餘定壽命者有何差別而實佛壽命不定无能害者乃為希有有人言佛壽命有定餘人壽命雖定而手足耳鼻可断佛无是事問曰云何佛不可害是不共法答曰諸佛不可思議假喻可知假使一切十方世界衆生皆有勢力設有一魔有餘所勢力復令十方一衆生力如惡魔欲共害佛尚不能動佛一毛况有言者問曰若介者調達云何得

傷佛答曰此事先已答佛欲示衆生三毒相調達雖持戒修善貪著利養而作大惡又今知佛於諸人天心無有異加以慈愍視調達羅睺羅如左右眼佛常說等心是時現其平等天見佛先世有惡業行若今不受謂惡行无報佛欲断其邪見故現受此報復次佛於苦樂心無有異无吾我心畢竟空故諸根調柔不可變故不須作方便離苦受樂如菩薩藏中說佛以方便故現受此事應當廣知是名佛不可煞害不共法說法不空者諸佛所有言說皆有果報是故諸佛說法不空何以故諸佛未說法時先觀衆生本末心在何處給使淨護知其先世所從功德見其根性勢力多少知其障碍方處時節應滿法可度苦事可度或復應以漏苦事度或須小發度或廣分別度有以陰入界十二因緣而得度者或以信門或以慧門而得入者是人應從佛度是人應從聲聞度是人應以餘緣得度是人應成聲聞乘是人應成辟支佛乘是人應成大乘是人久習貪欲瞋恚習愚癡是人習貪欲瞋恚是人習貪欲愚癡如定各各分別是人墮斷見是人墮常見是人多著身見是人多習憍慢是人多習自卑諂曲是人心多疑悔是人好樂言辭有貴義理有樂深義有樂淺事是人先世集助道法是人今世集助道法是人但集福報善根是人但集實善善根是人應疾得道是人乃得道佛先觀察籌量隨應得度而為說法而度脫之是故一切說法皆悉不空如經說世尊先知見而說法非不知見說法无謬无失者諸佛說法无謬無失无謬者語義不乖違故無失者不失義故不失道因緣故名不失不謬道果因緣故名不謬不少故名不失不過故名不謬以通達四无等智故念安慧常調和故速離斷常无因邪因等諸見故所說法中不使八有迷悶所言初後无相違過隨此義經應此中廣說如經說諸比丘為汝說法初善中善後善語善義善法二无雜具說梵行

人應成大乘是人久習貪欲瞋恚習愚癡是人習貪欲瞋恚是人習貪欲愚癡如定各各分別是人墮斷見是人墮常見是人多著身見是人多習憍慢是人多習自卑諂曲是人心多疑悔是人好樂言辭有貴義理有樂深義有樂淺事是人先世集助道法是人今世集助道法是人但集福報善根是人但集實善善根是人應疾得道是人乃得道佛先觀察籌量隨應得度而為說法而度脫之是故一切說法皆悉不空如經說世尊先知見而說法非不知見說法无謬无失者諸佛說法无謬無失无謬者語義不乖違故無失者不失義故不失道因緣故名不失不謬道果因緣故名不謬不少故名不失不過故名不謬以通達四无等智故念安慧常調和故速離斷常无因邪因等諸見故所說法中不使八有迷悶所言初後无相違過隨此義經應此中廣說如經說諸比丘為汝說法初善中善後善語善義善法二无雜具說梵行

十誦沙彌卷第七 第十八 誦

以希有事說法者隨所教化即得道果是名希有若有所香若所受記皆實不異是亦希有佛有所說道此道不雜煩惱能斷煩惱是亦希有佛有所說皆有利益終不空言是亦希有若人於佛法中勤心精進能斷不善法增益善法是亦希有復次有三希有現神通希有逆說彼心希有有教化希有以是三希有說法名為以希有說法諸眾聖中最上導師者諸佛知一切眾生心所行所樂結使深淺諸根利鈍上中下智慧善知通達故於眾聖中最上導師又能善知四諦相善知諸法揔相別相又以說法不空因緣不謬不失法故於眾聖中最上導師問曰四眾亦能說法破外道令入佛法何以但稱佛為最上導師答曰當以假喻說若一切眾生智慧勢力皆如辟支佛是諸眾生若不承佛意欲度一人無有是處若是諸人說法時乃至不能斷無色界結使毫釐分若佛欲度眾生有所言說乃至外道邪見諸龍夜叉等及餘不解佛語

十誦沙彌卷第七 第十九 誦

者皆急令解是等亦能轉化无量眾生乃至今日聲聞眾令眾生住四果中皆是如來最上導師相是故佛名最上導師於眾聖中不共之法四不守護法者諸佛不守護身業不護口業不護意業不護資生何以故是四事於他不護不作是念我身口意命恐他人知何以故長夜修習種種清淨業故皆善見知斷一切煩惱法故成就一切無比善根故善行可行法无可呵故具足行捨波羅蜜故捨者眼見色捨憂喜心乃至意法亦如是婆呵提鬱多羅等諸經應此中說四无所畏者問曰一法名為無畏何以故有四答曰於四事中元有疑畏故有四一者如佛告諸比丘我自發誠言是一切智人此中若有沙門婆羅門諸天魔梵及餘世間智人如法難言不知此法我於此中乃至不見有微畏相不見是相故得安隱无畏是初無畏如實盡知一切法故二者自發誠言我一切諸漏盡若沙門婆羅門諸天魔梵言是漏下盡乃至不見有是

十誦沙彌卷第七 第二十 誦

相不見是相故安隱无畏是二無畏善斷諸煩惱及新煩惱習氣故三者我說障道法此中若有沙門婆羅門諸天魔梵及餘世間智人如法難言是法雖用不能障道我於此中不見有微畏相不見是相故得安隱无有疑畏是三元畏善知障解脫法故四者我所說道如法說行者得至苦盡若有沙門婆羅門諸天魔梵及餘世間智人如法難言如是法雖如說行不能至盡苦道我於此中元有微畏相不見是相故得安隱无有疑畏是四無畏善知至苦盡道故是四無畏皆過怖畏心驚毛豎等相故名為無畏又在大眾威德殊勝故名為无畏又善知一切問答故名為无畏諸天會經此中應廣說問曰若佛是一切智人應於一切法盡无畏何以但說四答曰略舉大要以開事端餘亦如是佛十力者力名扶助氣勢不可窮盡无能沮壞雖有十名而實一智緣十事故故名為十力佛智緣一切事故應有力量力以此十力足度眾生故但說十力

但開此十力餘皆可知初力者一切法因非因決定通達智名為初力如佛說若是狂人不捨是語不捨邪見不捨是心來在佛前无有是處如佛告阿難世間二佛一時出世无有是處一佛出世則有是處是事為一佛世界故說而實十方无量無邊諸世界中有百千萬億无數諸佛一時出世又經說身口意惡業有妙受果報無有是處若身口意善業有妙受果報則有是處如是等五藏諸經應此中廣說第二力者於過去未來現在諸業諸法受佛如實分別知處所知事知果報佛若欲知一切衆生過去諸業過去業報即能知或業過去報在現在或業過去報在未來或業過去報在過去或業過去報在過去未來或業過去報在過去現在或業過去報在未來現在或業現在報在現在或業未來現在或業現在報在未來有如是等分別受法者四受法現受樂後世受

告現受苦後世受樂現受樂後受樂
現受苦後受苦處者隨業時方所在
又知是業受報處事者或隨因緣或
隨三不善根或多自作或多因他如
是等善惡業因緣佛盡知報者知諸業
各各有報善業或善處生或得涅槃
惡業諸惡處生佛悉知是諸業本末
因緣自身及他是中智力不退故名
為力三力者佛於禪定解脫三昧垢
淨相如實知禪者四禪定者四元色
定四無量心等皆名為定解脫者八
解脫三昧者除諸禪解脫餘定盡名
三昧有人言三解脫門及有覺有觀
定元覺有觀定元覺無觀定名為三
昧有人言定小三昧大是故一切諸
佛菩薩所得定皆名三昧是四處皆
攝在一切禪波羅蜜垢名受味淨名
不受味復次垢名有漏定淨名元漏
定三昧解脫等分別者如是禪分別
知他衆生他人上下諸根如實知名
第四力他衆生者凡夫是他人者須
陀洹等諸賢聖是或有人言衆生名
為凡夫及諸學人煩惱未盡故他人

者阿羅漢等煩惱盡故或有人言眾生與人一種名有差別諸根者信精進念定慧非眼等根上名猛利堪任得道下名闇鈍不堪受道佛於此二根上下如實知不錯謬他衆生他人心各有所樂如實知是第五力所樂名為貴所向事如有人貴財物世樂或有貴重福德善法是事佛如實知世間種種性元量性佛如實知是第六力種種性者雜性万端无量性者於一性有元量種分別性者從先世來心常習用常所樂行修習故成性是二善惡性佛如實知至一切處道如實知是第七力至一切處道者能得一切功德是道名為至一切處道所謂五分三昧若五知三昧若八聖道分是或聖道所攝諸法或四如意足如經說比丘善修習四如意足无利不得有人言四禪是如經說比丘得四禪心安住一處清淨除諸煩惱滅諸障導調和堪用不復動轉若迴向知宿命事即能知宿命事是第八力佛若欲念自身及一切衆生无量无

十住論卷第十一 第三十 寅

邊宿命一切事皆悉知无有不知過恒河沙等劫事是人何處生姓名貴賤飲食資生苦樂所作事業所受果報心何所行本從何來如是等事以天眼清淨過於人眼見六道衆生隨業受身是第九力大力聲聞以天眼見小千國土亦見中衆生時死時小辟支佛見千小千國土見中衆生時死時中力辟支佛見百萬小千國土見中衆生時死時大力辟支佛見三千大千國土見中衆生時死時趣諸佛世尊見无量无边不可思議世間亦是中衆生時死時第十力者欲漏有漏无明漏一切漏盡諸煩惱及氣都盡是名第十力无導解脫者解脫有三種一者於煩惱障導解脫二者於定障導解脫三者於一切法障導解脫是中得慧解脫阿羅漢得離煩惱障導解脫共解脫阿羅漢及辟支佛得離煩惱障導解脫得離諸禪定障導解脫唯有諸佛具三解脫所謂煩惱障導解脫諸禪定障導解脫一切法障導解脫是三

十住論卷第十一 第三十一 卯

猶解脫故佛名无導解脫常隨心共生乃至无餘涅槃則止是四十不共法略開佛法門令衆生解脫故說所不說者无量无边所謂一常不離慧二知時不失三滅一切習氣四得定波羅蜜五一切功德殊勝六隨所宜行波羅蜜七无能見頂者八無與等者九無能勝者十世間中上十一不從他聞得道十二不轉法者十三自言是佛終不能到佛前十四不退法者十五得大悲者十六得大慈者十七第一可信受者十八第一名聞利養十九與佛同止諸師无與佛等者二十諸師无有得弟子衆如佛者二十一端正第一見者歡悅二十二佛所使人无能害者二十三佛欲度者无有傷害二十四心初生時能斷思惟結二十五可度衆生終不失時二十六第十六智得阿耨多羅三藐三菩提二十七世間第一福田二十八欲无量光明二十九所行不同餘人三十百福德相三十一无量无边善根三十二入胎時三十三生時三十

十住論卷第十一 第三十二 辰

四得佛道時三十五轉法輪時三十六捨長壽命時三十七入涅槃時能動三千大千世界三十八擾動无量无边諸魔宮殿令无威德皆使驚畏三十九諸護世天王釋提桓因夜摩天王兜率陀天王化樂天王自在天王梵天王淨居諸天等一時來集請轉法輪四十佛身堅固如那羅延四十一未有結戒而初結戒四十二有所施作勢力勝人四十三菩薩處胎母於一切男子无染著心四十四力能投度一切衆生佛不共法有如是等无量無數妨餘事故不須廣說聲聞法雖似佛法優劣不同則有老別復次說諸佛一切諸法无量无边不可思議第一希有一切衆生所不能共假使十方諸三千大千世界過諸華數是中有衆生智慧皆如大梵天王皆如大辟支佛皆如舍利弗合集是諸智慧令一人得欲及於佛四十二不共法中微少分者无有是處若於一法百千萬億分中不及其一諸佛有如是无量无边功德之力何以故

元數大劫安住四功德處深行六波羅蜜善能具足菩薩一切所行諸法

不共一切眾生故果報亦不共

十住毗婆沙論卷第十二

癸卯歲高麗國大藏都監奉勅彫造

十住毗婆沙論卷第十二

聖者龍樹造

資

後秦龜茲國三藏鳩摩羅什譯

讚偈品第二十四

已如是解四十不共法竟應取是四十不共法相念佛又應以諸偈讚佛如現在前對面共語如是則成念佛三昧如偈說

聖主大精進四十獨有法我今於佛前敬心以稱讚如意及飛行其力无邊限於聖如意中無有與等者聲聞中自在他心智無量善能調伏心隨意而應通其念如大海湛然在女隱世間無有法而能擾亂者諸佛所稱歎金剛三昧寶得之在日月中如賢懷直心善知不定法四无色定事微細難分別盡知无有餘眾生若已滅今滅及當滅唯獨有世尊智慧能通達善知不相應非色法中事一切諸世間悉皆不能知世尊大威力功德不可量智慧无邊際皆无與等者於四問答中超絕无倫足眾諸問難一切皆答若諸世間中欲有害佛者

是事皆不成以成不煞法若於三時中諸有所說者言必不虛設常有大量報九有所說法无非是希有義趣尚不謬何況於言辭於三聖弟子上中下老別四雙八輩等第一大導師身已意業命畢竟常清淨是故於此中不復須防護自說一切智心無有疑畏若人來難我恐有所不知自說漏盡相盡到无漏邊心无有疑畏餘漏有不盡自說障障法於中无疑難雖有用此法不能為障障所說八聖道心無有疑畏有言是八道不能至解脫如實知是因是果及與非故号一切智名聞流无量三世所有業是諸業定報及非定果報種種皆悉知諸禪三昧中應細深淺事皆悉能了知禪中无等者先知眾生根上中下老別種種樂及性隨宜而說法行道得諸利兼以化導人是以弟子眾如實得善利宿命知无量天眼見無邊一切人天中无能知其限住金剛三昧滅煩惱及氣又知人漏盡故名漏盡力煩惱諸障障一切法障障三身得解脫号无身解脫四十不共法功德不可量无能廣說者

十地經卷第十二 第三張

我已略說竟世尊若一切稱說此佛法
猶尚不可盡況我無此智世尊大慈陰
无量業善集四功德處故得佛无量法
世尊所稱說四功德勝處我今還以此
稱讚於如來三十二相具有百福德
八十種妙好三界誰能有三千大千界
衆生所有福果報為百倍相有如是德
如此諸福德并及其果報復以為百倍
成一白毫相三十相一一福德及果報
復以為千倍成一肉髻相世尊諸功德
不可得度量如人以尺寸量空不可盡
從初發大心為度衆生故堅心无量劫
是故成佛道精勤欲成滿如此之大願
无量劫數中行諸難苦行如諸往古佛
說四功德處无量劫乃成今得安住中
本為護實諦捨身及親愛財寶諸富樂
是故得具足无量劫數中見聞覺知法
每先善思惟而後為人說若於不見等
及於中有疑而能如實說所益无有量
不說他區事嫌譏而排逆念常在安慧
順化令安隱第一真妙諦涅槃實為取
餘者皆虛妄世尊德具足飲食卧具等
堂閣妙樓觀名好象馬車端嚴諸婢女

十地經卷第十二 第四張

金銀珍寶等廣落諸城邑國土及榮位
并以四天下愛子所親婦支節及眼目
剝肉出骨髓及以舉身施憐愍諸衆生
悉施无所惜為求出生死不求自樂
虛空諸星宿地上所有沙世尊菩薩時
布施數過是終不以非法求財而布施
无有不知施無侵惱人施不貪惜好物
而以惠者施無詭曲心施无惜而強施
无志无疑心無邪无輕笑无厭无不信
顛面等布施無有分別心此應彼不應
但以悲心故平等而行施不輕於衆生
以為非福田見聖心恭敬破戒者憐愍
不自高其身卑下於他人亦不為稱讚
不求報等施無悔无憂愁无惡賤心施
無待急恨心無法應當施无不敬心施
無棄著地施無求惱者施无垢覓勝施
無戲弄者施無不自手施不輕於少物
以多自高施不以聲聞乘辟支佛乘施
不限一世施無有非時施世尊無數劫
行諸希有施皆為無上道不為求自樂
於諸佛法中出家行遠離修習諸佛法
為諸人天說說如是施法於諸施中上
猶如日光明星月中殊勝如是勝捨處

十地經卷第十二 第五張

超越諸天人猶亦如世尊一切世間上
是故能具足如是勝捨處名聞无量劫
沉布无窮已世尊無量劫護持清淨戒
開諸禪定門為得深寂處先難於五相
後行八解脫入淨三昧亦住三解脫
世尊善分別六十五種禪无有一禪定
先來不生者於此諸定中亦不受其味
世尊因諸定得三種神通以此度衆生
是故一切勝世尊无量劫等心弘慈化
阿僧祇衆生令住於梵世能以巧方便
善說禪定故
世尊菩薩時常於無量世无貪煩惱經
而往來世間過去得值者无量生天上
過去諸菩薩所可行寂滅世尊菩薩時
亦等无有異是故於寂滅勝處志充滿
世尊菩薩時所有諸智慧以慧求菩提
今成是慧報一切所資食如人依地生
世尊於世世捨十閻惡道常行十善道
斯由慧氣分捨五欲五蓋得種種禪定
无量劫數世不從他人受善哉大聖尊
悉是慧勢力
衆生因世尊无量生六天亦今至梵世
斯皆由慧力世尊於生死苦樂所迷悶

不失菩提心 斯皆是慧力 世尊於生死
不樂而常在 樂涅槃不取 斯皆是慧力
安坐道場時 降魔及軍衆 度脫諸群生
斯皆是慧力 本求菩提時 集无量助法
聞者常迷悶 何況能受行 世尊能堪忍
斯皆是慧力

經書諸技術 世生自知 亦能教人
斯皆是慧力 親近无量佛 悉飲甘露教
種種諸請問 亦隨而分別 經法智慧中
未曾有憚惜 乃至僕僮奴 亦諮受善語
世尊以是故 慧勝廣流布

世尊於前世 求菩提時 於一切衆生
行大慈悲心 以第一智慧 常出大勢力
悲作無量種 希有諸難事 一切諸世間
盡共無量劫 說之不可盡 亦非筆數及
如是等諸事 超越於人天 一切世間中

奇特無有比 大業所獲果 具足一切智
能破生死王 安住法王處

助念佛三昧品第二十五

菩薩應以此 四十不共法 念諸佛法身
佛非色身故

是偈次第略解 四十不共法 六品中
義是故行者 先念色身 佛次念法身

佛何以故 新發意菩薩 應以三十二
相八十種 好念佛如 先說轉深入得
中勢力 應以法身 念佛心轉深入得
上勢力 應以實相 念佛而不貪著
不染著色身 法身亦不著 善知一切法
永寂如虛空

是菩薩得上勢力 不以色身 法身深
貪著佛何以故 信樂空法 故知諸法
如虛空 虛空者 无障碍 故障碍因緣
者 諸須彌山 由乳酪等 十寶山 鐵圍
山 黑山 石山 等如是 无量障碍 因緣

何以故 是人未得天眼 故念他方世
界佛 則有諸山 障碍 是故新發意菩
薩 應以十号 妙相 念佛如說

新發意菩薩 以十号 妙相 念佛 无毀失
猶如鏡中像

十号 妙相者 所謂 如來 應供 正遍知
明行足 善逝 世間解 無上士 調御丈

夫 天人 師佛 世尊 無毀失者 所觀事
空如虛空 於法 无所失 何以故 諸法

本來 无生 寂滅 故如是一切 諸法 皆
亦如是 是以 緣名号 增長 禪法 則

能得相 是人 介時 即於 禪法 得相 所謂

身得殊異快樂 當知 得成 般舟 三昧
三昧 成故 得見 諸佛 如鏡 中像 者 若
菩薩 成此 三昧 已如 淨明 鏡 自見 面
像 如清 澄水 中見 其身 相 初時 隨先
所念 佛見 其色 像 見是 像已 後若 欲
見他 方諸 佛隨 所念 方得 見諸 佛无
所障碍 是故 此人

雖未有神通 飛行 到于 彼而 能見 諸佛
聞法 無障碍

是新發意菩薩 於諸須彌山 等諸山
无能為作障碍 亦未得神通 通天 眼天

耳 未能 飛行 從此 國至 彼國 以是三
昧力 故住 此國 土得 見他 方諸 佛世
尊 聞所 說法 常修 習是三 昧故 得見

十方 真實 諸佛 問曰 如是 定以 何法
能生 云何 可得 答曰

親近 善知識 精進 无懈 退智慧 甚堅 牢
信力 不妄動

以是 四法 能生 是三 昧親 近善 知識
者 能以 是三 昧教 誨人 者名 為善 知

識 應加 恭敬 勤心 親近 莫有 懈怠 廢
退捨 離則 得聞 是深 三昧 義利 智通 達

言 不失 智名 為堅 牢信 根深 固若 沙門

十律要沙論卷第十二 第九法

婆羅門若天魔梵及餘世人无能傾動名為信力不可動如是四法能生三昧復次

慙愧受恭敬 供養說法者 猶如諸世草能生是三昧

慙愧受恭敬者於說法者深生慙愧恭敬愛樂供養如佛如是四法能生是三昧復次初四法者一於三月未嘗睡眠唯除便利飲食坐起二於三月乃至彈指不生我心三於三月經行不息四於三月兼以法施不求利養是為四復有四法一能見佛二安慰勸人聽是三昧三常不貪嫉行菩提心者四能集菩薩所行道法是為四復有四法一造作佛像乃至書像二當善書寫是三昧經令信樂者得已誦讀三教壇上傍人令離憎上傍法使得阿耨多羅三藐三菩提四當護持諸佛正法是為四復有四法一少語言二在家出家不與共住三常繫心取所緣相四樂遠離空閑靜處是為四初五法者一往生忍法厭離一切諸有為法不樂一切諸所生處不

七法要沙論卷第十二 第十法

受一切諸外道法惡狀一切世間諸欲乃至不念何況身近二心常修習無量諸法定在一處於諸眾生无有瞋尋心常隨順行四攝法三能成就慈悲喜捨不出他過四能多集佛所說法如所說行五清淨身口意業及此是為五復有五法一樂如經所讚布施无有慳心樂說深法无有憚惜亦能自住二忍辱柔和同住歡喜惡口罵詈鞭撻縛等但推業緣不恚他人三常樂聽是三昧讀誦通利為人解說今流布增廣勤行修習四心无妬嫉不自高身不下他人除眠睡蓋五於佛法僧實信心清淨於上中下坐深心供奉他有小恩常憶不忘常住真實語中是為五復次

出家諸菩薩所學三昧法 在家菩薩若

是法應當知 若在家菩薩欲修習是三昧一當深以信心二不求業果報三當捨一切內外物四歸命三寶五淨持五戒元有毀缺六具足行十善道亦令餘人信法中七斷除煩惱八毀譽五欲九

七法要沙論卷第十二 第十一法

不樂如十於妻子中不生愛著十一心常願出家十二常受齋戒十三心樂住寺廟十四具足慙愧十五於淨戒比丘起恭敬心十六不慳吝法十七於說法者深愛敬心十八於說法者生父母大師想十九於說法者以諸樂具敬心供養二十知恩報恩如是在家菩薩住如是等功德者則能學是三昧出家菩薩修習是三昧法者所謂一於戒無毀滅二持戒不難汗三持戒不濁四清淨戒五无損戒六不取戒七不依戒八不得戒九不退戒十持聖所讚戒十一持智所稱戒十二隨波羅提木叉戒十三具足威儀行慶十四乃至微小罪心大怖畏十五淨身口意業十六淨命十七所有戒盡受持十八信樂甚深法十九於无所得法心能忍空无相無願法中心不驚二十勤發精進二十一念常在二十信心堅固二十三具足慙愧二十四不貪利養二十五无嫉妬二十六住頭陀功德二十七住細行法中二十八不樂說世間俗語二

十九遠離樂語三十知報恩三十一知作恩報恩者三十二於扣上阿闍梨所生恭敬思難心三十三破除憍慢三十四降伏我心三十五善知識難遇故勤心供給三十六所從聞是法處若得經卷若口誦處於此人所生父母想善知識想大師想大慈憐愛敬想三十七常樂阿練若三十八不樂住城邑聚落三十九不貪著超越善知識家四十不惜身命四十一心常念死四十二不存利養四十三於諸物中心不塗著四十四無所渴愛四十五守護正法四十六不著衣鉢四十七不畜遺餘四十八但欲乞食四十九次第七食五十常知慙愧心常有悔五十一不畜金銀珍寶錢財離諸不善悔五十二心無纏垢五十三常行慈心五十四除斷瞋恚五十五常行悲心五十六除斷愛著五十七常求利安一切世間五十八常憐愍一切眾生五十九常樂經行六十除却睡眠出家菩薩住如是等法中應修習是三昧復次

十住毗婆沙論卷第十三 第十卷
餘修三昧法亦應如是學

能生是般舟三昧餘助法亦應修習何等是一緣佛恩常念在前二不令心散亂三繫心在前四守護根門五飲食知止足六初夜後夜常修三昧七離諸煩惱障八生諸禪定九禪中不受味十散壞色相十一得不淨相十二不貪五陰十三不著十八界十四不塗十二入十五不持族姓十六破憍慢十七於一切法心常空寂十八於諸眾生親族想十九不取戒二十不分別定二十一應勤多學二十二以是多學而不憍慢二十三於諸法無疑二十四不違諸佛二十五不逆法二十六不壞僧二十七常詣諸賢聖二十八遠離九夫二十九樂出世間論三十修六和敬法三十一常修習五解脫處三十二除九瞋恚三十三斷八解怠法三十四修八精進三十五常觀九相三十六得大人八覺三十七具足諸禪定三昧三十八於此禪定无所貪无所得三十九聽法專心四十壞五陰相四十一

不住事相四十二深怖畏生死四十三於五陰生惡賊想四十四於諸入中生空聚想四十五於四大中生毒地想四十六於涅槃中生寂滅想安隱樂想四十七於五欲中生逆睡想心樂出離四十八不違佛教四十九於一切眾生无所諍訟五十教化眾生今安住一切功德復次如是三昧報菩薩應當知

菩薩行是般舟三昧果報亦應知問曰修習是三昧得何果報答曰於無上道得不退轉報復次如經所說果報佛語隨陀婆羅菩薩辭如有人能摧碎三千世界地皆如微塵又三千大千世界中所有草木花葉一切諸物皆為微塵隨陀婆羅以一微塵為一佛世界有餘所世界皆滿中上妙珍寶以用布施施陀婆羅於意云何是人以是布施因緣得福多不甚多世尊佛言隨陀婆羅我今實語汝若有善男子得聞諸佛現前三昧不驚不畏其福无量何況信受持讀誦誦為人解說何況定心修習如一擔牛

十法度論卷第三 第十一疏

乳與毘陀婆羅我說此人福德尚無有量何況能得成是三昧者佛又告毘陀婆羅若有善男子善女人受持讀誦為他人說若劫盡時設障此火大即尋滅毘陀婆羅持是三昧者若有官宰若遇怨賊師子虎狼惡獸惡龍諸毒虫等若夜叉羅剎鴟鵂荼毗舍闍等若人非人等若害身若害命若毀戒無有是處若讀誦為人說時亦无衰惱唯除業報必應受者復次毘陀婆羅菩薩受持讀誦是三昧時若得眼耳鼻舌口齒病風寒冷病如是等種種餘病以是病故而失壽命无有是處唯除業報必應受者復次毘陀婆羅若人受持讀誦是三昧者諸天守護諸龍夜叉摩睺羅伽人非人四天玉帝釋梵天王諸佛世尊皆共護念復次是人皆為諸天所共愛念乃至諸佛皆共愛念復次是人皆為諸天所共稱讚乃至諸佛皆共稱讚復次諸天皆欲見是菩薩來至其所乃至諸佛皆欲見是菩薩來至其所復次是菩薩受持是三昧者所未

十法度論卷第三 第十一疏

聞經自然得聞復次是菩薩得是三昧者乃至夢中皆得如是諸利益事毘陀婆羅菩薩若我一切若滅一切說受持讀誦是三昧者功德不可得盡何況得成就者毘陀婆羅如人於百歲中身力輕健其疾如風是人百歲行不休息常至東方南西北方四維上下於汝意云何是人所詣十方有人能數知里數不毘陀婆羅言不可數也唯除如來舍利弗阿惟越致餘不能知毘陀婆羅若有善男子善共人以此人所行處滿中真金布施若有人但聞是三昧以四種隨喜迴向阿耨多羅三藐三菩提常求多聞如過去諸佛行菩薩道時隨喜是三昧我亦如是如今現在菩薩隨喜是三昧我亦如是如未來諸佛行菩薩道時隨喜是三昧我亦如是如過去未求現在菩薩所行三昧我亦隨喜皆為得多聞我亦如是求多聞故隨喜是三昧毘陀婆羅是隨喜福德於上福德百分不及一百万億分不及一乃至無數譬喻所不能及是三

十法度論卷第三 第十一疏

味得如是無量無邊果報復次是三昧住處少中多差別如是種種相皆當須論義是三昧所住處少相中相多相如是等應分別如是事應當解釋住處者是三昧或於初禪可得或第二禪或第三禪或第四禪可得或初禪中間得勢力能生是三昧或少者人勢力少故名為少又少時住故名為少又見少佛世界故名為少中多亦如是說是三昧或說有覺有觀或无覺有觀或无覺无觀或喜相應或樂相應或不苦不樂相應或有入出息或无入出息或定是善性或有漏或無漏或欲界繫或色界繫或无色界繫或非欲界或非色界或非无色界繫是三昧是心數法心相應隨心行法共心生法非色非現能緣非業業相應隨業行非先世業果報除因報可修可知可證亦以身證亦以慧證或可斷或不可斷有漏應斷无漏不可斷知見亦如是不與七覺合如是一切諸分別三昧義皆應此中說復次修習是

三昧得見諸佛如說

十住毗婆沙論卷第十二 第六經 第三

得見諸佛已勤心而供養善根得增長能疾化眾生

供養名心意清淨恭敬歡喜念佛有元量功德以種種讚歎名口供養敬乳華香等名身供養是故福德轉更增長如穀子在地雨潤生長疾教化者今眾生住三乘中如是菩薩增長善根

以初二攝法攝取諸眾生後餘二攝法未盡能信受

初二者布施愛語利益同事名為後二是菩薩在初地不能具解故但能信受今時諸善根迴向於佛道如彼成煉金調熟則堪用

智慧火所煉故於菩薩所行事中善根成熟則堪任用

譬喻品第二十六

是菩薩應聞地相得修果為得諸地分故勤行精進

相者是相貌因以得知得者成就以是法故名成就就是法修名得修行修常念果者從因有事成名為果是

菩薩欲得十地行應善聞相得修果聞者從諸佛菩薩所聞及勝已者為得諸地分者為得是地分故勤行精進此中初地相者如先說

菩薩在初地多所能堪受不好於諍訟其心多喜悅常樂於清淨悲心愍眾生元有瞋恚心多行是七事

是故世人不諍喜悅清淨悲心元瞋等七法是初地相成就此堪受等七法名為得復次堪受等七法相即是初地得如偈說

若厚種善根善行於諸行善集諸資生善供養諸佛善知識所護具足於深心慈心念眾生信解无上法具此八法已當自發願言我已得自度當復度眾生為得十力故入於必定聚則生如來家元有諸過咎即轉世間道入出世上道以是得初地此地名歡喜

是故當知為善提故所得決定心名為初地得修名從初發心乃至成諸佛現前三昧於其中閒具說諸地功德能生是諸功德生已修集增長名為初地修果者先已處處說得若干

福德不迴向聲聞辟支佛地今當更說菩薩得初地果能得菩薩數百定等初地分者所有諸法合成初地名為諸分如麴米等合能成酒故名酒因緣所有諸法能成初地名為初地分所謂

信力轉增上成就大悲心慈愍眾生類修善心元憍喜樂於妙法常近善知識慙愧及恭敬柔軟和其心樂觀法无著一心求多聞不貪於利養離斷欺誑誑不汙諸佛家不毀戒欺佛深樂薩婆若不勤如大山常樂修習行轉上之妙法樂出世間法不樂世間法即治歡喜地難治而能治是故常一心勤行此諸法菩薩能成就如是上妙法是則為安住菩薩初地中

問曰菩薩何用聞是初地相等為答曰是菩薩初地相等法中應善知方便是故應問曰菩薩但應於此法中善知方便更於餘法中善知方便答曰是諸法中應善知方便亦於餘法善知方便問曰若今者可略說答曰有法能助地有法違於地有法能生地

十住毘婆沙論卷第三 第三十二
有法能壞地有諸地相果有諸地中得諸地清淨分從地至一地住地轉增若元能令退者從菩薩淨地至元星佛地於此諸事中應善知方便請問諸善人除破於憍慢

助初地法者所謂信戒聞捨精進念慧等如是等及餘諸法隨順初地者是名助法相違法者不信破戒少聞慳貪懈怠亂念無慧等及餘不隨順不能助初地者是滅地法者能令此地退失障導不現如劫盡時万物都滅何者是所謂能偷奪菩提心法是已說生地法者能生能成初地所謂不偷奪菩提心法是已說地相得果地分上已說清淨法者用是法能淨初地所謂如先說

初地中七法

菩薩在初地多所能堪受不好於諍訟其心多喜悅常樂於清淨悲心愍眾生無有瞋恚心多行是七事

如是七法能淨治初地從一地至一地者如從初地至二地從二地至三地餘亦如是從初地至二地得不諍

十住毘婆沙論卷第三 第三十三
曲等十心故從二地至三地得信樂等十心故得如是等種種心種種法故能從一地至一地住地轉增益者如初地中檀波羅蜜多第二地中尸波羅蜜多又信等諸法轉得勢力第三地中多聞多又布施持戒信等轉得勢力餘地中亦如是元能令退者住是地中若沙門婆羅門若天魔梵及餘世間無能轉者何以故得大功德力故深入法性底故大信解故從菩薩淨地至无量佛地者若菩薩具足清淨一切地已則得佛地於此諸事中皆應善知方便請問諸善人者成就正法故名為善人正法者略說一信二精進三念四定五慧六身口意律儀七元貪元恚無癡除捨於憍慢者自謂我於勝人中勝名為大憍慢於與已等中勝而心自高名為憍慢大不如他言小不如名為小憍慢曰汝說於是諸法中應善知方便得是方便何用為答曰

菩薩若善知諸地中相得不得成佛道不淨初地

十住毘婆沙論卷第三 第三十四
和名助諸地等七法得名相違法有八種滅等八法不應行若菩薩善知是法不得佛道終不退轉

癸卯歲高麗國大藏都監奉勅彫造

十住毗婆沙論卷第十三

次

聖者龍樹造

後秦龜茲國三藏鳩摩羅什譯

譬喻品之餘

問曰菩薩善知是諸法未得佛道終不退者其喻云何答曰

如大力導師善知好道相此處與彼處轉道之所宜資糧及行具皆悉令備足於彼險道中令衆得安隱得至大城邑能令衆无患由是大導師善能知道故善知諸地轉具足助道法菩薩善知道好惡此彼處自度生死險難導多衆生令至安隱處无為涅槃城悉令於惡道不過衆苦患菩薩方便力善能知道故好道相者多有薪草水无有寇賊師子狼虎及諸惡獸毒虫之屬不寒不熱无有惡山溝坑絕澗險隘深榛叢林限障亦无高下平直夷通少於歧道寬博多容多人行處行无厭倦多有華果可食之物如是等事名為好道相與此相違名為惡道相此處名衆止宿食息之處彼處名從是處

至異處若二宿中間亦名異處轉道名見有歧道至大城者是道應行餘者應捨資糧名麁蜜搏等道路所食大力名大勢力多有財物善解治法修足名多有飲食无所乏少安名無有賊寇恐怖之事隱名無有疾病苦痛衰患大城名多容人衆能令多人衆得至大城導師善解道相自無患難亦令人衆无有患難善諸道故无有寒熱飢渴然賊惡獸毒虫惡山惡水深坑坎等如是過患何以故善知道路好惡相故以此喻歡喜等十地如人行路去不休息能至大城菩薩如是行是十地得至佛法入涅槃大城如彼好道多有薪草水等行者無之草名如人乘馬路多好草馬力強盛十地道功德亦如是諦捨滅慧四勝處助諸功德故名為草何以故若人貴於實事樂隨諦語常親近實語者見實有利樂隨實事深德妄語遠離妄語見妄語過不欲樂聞如是等因緣得諦勝處捨等三處亦應如是知如彼好道須諸象馬牛驢等得至大城草助

成其力如是諦捨滅慧處能令至佛法入涅槃大城薪名多聞思修慧能至大智慧業如薪能令火然亦令猛盛如是聞思修慧能生大慧能令增長如火能燒能煮能照智慧火亦如是燒諸煩惱成熱諸善根照四聖諦如火是智慧薪是能生智慧等諸法多水名多有諸流河渠隨意取用充足大衆泉井及池所不能介復次多水者如人乘船隨水至大城井泉陂池水則不能得介如經說信為大河福德為岸如河除熱除渴除垢能生勢力善法中信亦如是能滅三毒熱除三惡行垢除三有渴為涅槃故於善法中得勢力如彼好道多有諸根樂草則行者無乏十地道亦如是根名深心所愛如有根故則生芽莖枝葉等及諸果實深心愛道生正憶念大願等諸功德樂草名諸波羅蜜如樂草能滅諸毒諸波羅蜜樂草滅貪患癡毒諸煩惱病亦復如是如彼好道不失卑婆隨則行道安忍卑隨秦言无對義是符撒如行者

十住論卷第五 第四

不失符微則在所欲至无有障導一地適亦如是不失婁婆陀則在所過諸地所集善根則能隨意助成增長現在善根彼又能教化聲聞道辟支佛道欲界色界諸天道衆生令住佛道若魔若外道不能干乱是不失婁婆陀如彼好道無有蚊蠅毒虫之屬十地道亦如是无有憂愁啼哭之聲如彼好道無有賊難十地道亦如是无有五蓋諸惡賊衆如佛告比丘衆落賊者所謂五蓋如賊先奪人物後乃害命五蓋賊亦如是先奪善根後斷慧命則墮放逸而死如道中无師子虎狼諸惡獸等十地道亦如是无有瞋恚鬪諍如師子等惡獸好惱害他瞋恚等為惱他故生亦復如是如惡獸等取肉飲血瞋恨等食多聞慧肉飲修慧等血亦復如是如彼好道无有寒熱過惡十地道亦如是不墮寒水地獄故無有寒過惡不墮熱地獄故无有熱過惡如彼好道無深坑等諸難十地道亦如是无有外道苦行等諸難所謂灰身入水拔髮日三洗

十住論卷第五 第五

翹一足日一食二日一食乃至一月一食默然至死常舉一臂常行忍辱五熱炙身卧刺棘上入火入水自投向炭深爐中立牛屎燒身直趣一方不避諸難常著濕衣棠水中卧等身苦心苦不至正智無如是等故名无難如道无邪徑十地道亦如是无身口意惡業故名无邪徑如道无刺棘者十地道亦如是無諸業障刺棘故名无刺棘如刺脚則廢行路業障刺棘障行佛法入涅槃如道正直十地道亦如是無一切諂曲欺誑故名為正直如道少歧道十地道亦如是少於異道何以故發大乘者少行聲聞辟支佛道是故少於異道或有菩薩行二乘道者當知未到菩薩地未入正位行於邊行故如彼好道無諸業林妨導十住道亦如是无有五欲諸惡業林問曰何故不言都无五欲業林但言无惡林耶答曰發大乘者福德因緣有第一五欲是故不得言无但无惡耳復次如深業林難入難過多諸難尋菩薩五欲則不然不如凡夫

十住論卷第七 第六

於五欲生諸過惡如是故但說无業林如道寬博多容不相妨導十住道亦如是多所容受無量百千万億衆生共發无上道心而不相妨導是百千万億衆生若一切衆生俱發阿耨多羅三藐三菩提心同行此道不相妨導如道多人所行十住道亦如是恒河沙等過去現在諸佛行菩薩道時皆行此道如彼好道行不疲厭十住道亦如是有因果諸樂所謂多生人天中受果報樂難欲故受歡喜樂禪定樂无喜樂現在樂得是諸樂故元有疲厭如道多有華果根十住道亦如是多根華果根者三善根華者七覺華是如經說七華者七覺意是果者四沙門果是无如是等遠好道功德過故名為離惡如導師知道中是中應食是應宿彼處亦應宿菩薩行十地亦如是知何處可宿何處可食可宿名有諸現在佛處可食名可得修習善法處如食能利益諸根亦助壽命諸善法亦如是能益信等諸根助成慧命具履宿名從彼佛所至

餘佛所復次此佛國土彼佛國土中間亦名異處善知道轉者如彼導師知道不安隱則轉菩薩亦如是善知道至聲聞是道三辟支佛是道至佛如是知已捨聲聞道辟支佛道但行至佛道如彼好道多有飲食十住道亦如是多行布施持戒修禪如彼導師以多財物善能治法有大勢力菩薩亦如是有財物治法故有大勢力財者七財所謂信戒慚愧捨聞慧治法者一切魔種種沙門婆羅門外道論師惡能摧伏是為威勢如彼大城无有怨賊疫癘暴死種種衰惱故名為安隱涅槃大城亦如是无有諸魔外道諸流貪欲瞋恚放逸死憂悲苦惱啼哭故名為安隱如彼大城多有飲食故名為豐饒涅槃城亦如是多有諸深禪定解脫三昧故名為豐饒如彼大城多所容受故名為大城涅槃城亦如是多受眾生故名為大假令一切眾生不受諸法故皆入无餘涅槃而涅槃性无增無減如彼導師能將多眾安隱示好道故名為導師善

◎十住毗婆沙論

薩亦如是善將眾生示佛法示涅槃從生死險道得至涅槃故名為大導師如彼導師善知道相故身及餘人皆无有惡菩薩亦如是自不行貪瞋恚等諸蓋諸惡若行老死深坑亦不墮寒熱地獄餓鬼故名為自不得惡行隨從者亦不得惡是故偈中說善知道相故自不得惡餘不得惡略行品第二十七

菩薩歡喜地今已略說竟菩薩住是中心常願作佛救護諸眾生多作閻浮王常離慳吝不失三寶念初地名歡喜已略說竟諸佛法无量无边是地為本若廣說亦无量无边是故言略說菩薩住是地中多作閻浮提勢力轉輪王先世修習是地因緣故信樂布施無慳貪若常施三寶故不失三寶念常念作佛救護諸眾生如是等善念常在心中復次

若欲得出家勤心行精進能得數百定得見數百佛能動百世界飛行亦如是若欲放光明能照百世界化數百種人能住壽百劫能擇數百法能變作百身

能化百菩薩示現為眷屬利根過走數依佛神力故已說初地相果力淨治法今當復更說第二無垢地

果名得數百定見數百佛等勢力名能化數百眾生餘偈義先已說不復解餘偈今當復說第二无垢地問曰汝欲廣說菩薩所行法初地義尚多諸學者恐轉增廣則懈怠心生不能讀誦是故汝今應為不能多讀誦者略解菩薩所行諸法答曰

菩薩所有法是法皆應行一切惡應捨是則名略說

如上来諸品所說能生能增長諸地法如上諸品中說若於餘廣說者皆應今生菩薩過惡事皆應遠離是名略說菩薩所應行如法句中說諸惡莫作諸善奉行自淨其意是諸佛教有一法攝佛道菩薩應行云何為一所謂於善法中一心不放逸如佛告阿難我不放逸故得阿耨多羅三藐三菩提如說

不放逸成佛世間無與等若能不放逸何事而不成

復有二法能攝佛道一不放逸二省

慧如說

大智度論卷第十三 第十根

六

不放逸智慧佛說是利門不見不放逸而事不成者

復有三法能攝佛道一學勝戒二學勝心三學勝慧如說

戒生上三昧三昧生智慧智散諸煩惱如風吹浮雲

復有四法能攝佛道一諦處二捨處三滅處四慧處如說

諦捨定具足得慧利清淨精進求佛道當集此四法

復有五法能攝佛道一信根二精進根三念根四定根五慧根如說

信根精進根念定慧堅牢是法大悲合終不退佛道如人得五根能通達五塵

如得信等根能通諸法相

復有六法能攝佛道所謂布施持戒忍辱精進禪定智慧波羅蜜如說

如所說六度降伏諸煩惱常增長善根不久當得佛

復有七法能攝佛道所謂七正法信慙愧聞精進念慧如說

能知諸功德是人能疾行无上佛菩提拔沒生死者令在安隱處

復有八法能攝佛道所謂八大人覺少欲知足遠離精進念定慧樂不戲論如說

若人決定心住八大人覺為求佛道故除諸惡覺觀如是則不久疾得无上道如人行善者必當得妙果

復有九法能攝佛道所謂大忍大慈大悲慧念堅心不貪不患不癡如說

具足於大忍大慈及大悲又能住於慧念及堅心中深心入无貪无患無善根若能如是者佛道則在手

復有十法能攝佛道所謂十善道自不煞生不殺他煞見煞心不稱讚見煞心不喜乃至邪見亦如是如是福德迴向阿耨多羅三藐三菩提如說

不惱害衆生亦不行劫盜不姪犯他婦是三為身業不妄語兩舌不惡口綺語不貪惱邪見是七口意行如是則能開元上佛道門若欲得佛者當行是初門如是等法菩薩應生生已應常護守護已已增長於一善事從一轉增亦

知求佛道者於一惡法應疾遠離所謂遠離不放逸如說

若人不能度生死險惡道是為可呵責亦是罪惡事雖樂於寶樂而生貧賤家不能種善根為人作奴僕皆由於放逸因緣之所致是故有智者疾遠如惡者若未成大悲无生忍不退而行放逸者是則名為死

復有二過應疾遠離一貪瞋二地二貪瞋支佛地如說

若墮瞋地及瞋支佛地是名菩薩死亦名一切失雖墮於地獄不應生怖畏若墮於二乘菩薩應大畏雖墮於地獄不永遮佛道若墮於二乘畢竟遮佛道佛說受命者斬首則大畏如是欲作佛二乘應大畏

復有三過應疾遠離一憎諸菩薩二憎菩薩所行三憎甚深大乘經如說

小智以小緣憎惡諸菩薩亦憎菩薩道亦憎大乘經不解故不信墮在大地獄怖畏大驚嘆是事應遠離

復有四過應疾遠離一諂二曲三偽四無慈惡如說

自言是菩薩其心多諂曲 惡性无所容
不行慈忍心 是近阿鼻獄 離佛道甚遠
復有五過應疾遠離一貪欲二瞋恚
三睡眠四調戲五疑是名五蓋覆心
如說

若人放逸者 諸蓋則覆心 生天猶尚難
何況於得果 若勤行精進 則能裂諸蓋
若能裂諸蓋 隨順急皆得

復有六過與六波羅蜜相違應疾遠
離一慳貪二破戒三瞋恚四懈怠五
調戲六愚癡如說

慳貪垢汙心 破戒而懈怠 元知如牛羊
好瞋如毒蛇 心乱如猕猴 不遠離諸蓋
生天為甚難 何況得佛道

復有七過應疾遠離一樂多事務二
樂多讀誦三樂睡眠四樂語說五貪
利養六常欲令人喜七迷悶於道心
隨愛行如說

弊人樂事務 樂多誦外經 癡人樂睡眠
樂共聚眾語 雖願欲作佛 而深著利養
是恩愛奴僕 迷悶於佛道 如是諸惡人
自言是菩薩

復有八法應疾遠離一邪見二邪思

惟三邪語四邪業五邪命六邪方便
七邪念八邪定如說

若有人愚癡 行於八邪道 學邪諸經法
好隨逐邪師 遠離八聖道 深妙諸功德
堅深著煩惱 而或願菩提 如是愚癡人
欲度於大海 捨好堅牢船 抱石欲求渡
復有九法應疾遠離一不聞阿耨多
羅三藐三菩提二聞已不信三若信
不受四若受不誦持五若又誦持不知
義趣六若知不說七若說不如說行
八若如說行不能常行九若能常行
不能善行如說

癡人不欲聞 元上正真道 聞已不能信
又不能誦持 不知義不說 不如所說行
不能常善行 又无念安慧 如是愚癡人
不堪得道果 猶如罪惡人 不得生天上
復有十過應疾遠離所謂十不善道
如說

癡人於少時 貪受弊五欲 捨離十善道
行十不善道 諸天樂在手 而復自捨棄
如貪小錢利 而捨大寶藏

問曰汝說无上道相時種種因緣呵
罵空發願菩薩自言菩薩但名字菩

薩若是不名菩薩者成就何法
名為真菩薩答曰

非但發空願 自言是菩薩 名字為菩薩
略說能成就 三十二法者 乃名為菩薩
若人發心欲求佛道自言是菩薩空
受名号不行功德慈悲心諸波羅蜜等
是不名為菩薩如土城名寶城但自
誑身亦誑諸佛亦誑世間眾生若人
有三十二妙法亦能發願是名真實
菩薩何等三十二深心為一切眾
生求諸安樂二能入諸佛智中三自
審知堪任作佛不作佛四不憚他
五道心堅固六不假偽結託親愛七
乃至未入涅槃常為眾生作親友八
親疎同心九已許善事心不退轉十
於一切眾生不斷大悲十一於一切
眾生不斷大悲十二常求正法心无
疲懈十三勤發精進心无厭足十四
多聞而解義十五常省己過十六不
譏彼闕十七於一切見聞事中常修
菩提心十八施不求報十九持戒不
求一切生處二十於一切眾生忍辱
无瞋尋二十一能勤精進修習一切

十住毗婆沙論卷第十五 第十四

十住毗婆沙論卷第十五 第十四

十住毗婆沙論卷第十五 第十四

十住毗婆沙論卷第十五 第十四

十住毗婆沙論卷第十五 第十四

十住毗婆沙論卷第十五 第十四

十住毗婆沙論卷第十五 第十四

十住毗婆沙論卷第十五 第十四

十法度沙論卷第五 第十一珠 寶市

善根二十二不隨元色定生二十三方便所攝智慧二十四攝法所攝方便二十五持戒毀戒慈愍無二十六一心聽法二十七心阿練若處住二十八不樂世間種種雜事二十九不貪著小乘三十見大乘利益為大三十一遠離惡知識三十二親近善知識菩薩住是三十二法能成七法所謂四无量心能遊戲五神通常修於智常不捨善惡眾生所言決定言必皆實集一切善法心無厭足是為三十二法為七法菩薩成就此者名為真實菩薩

分別二地業道品第一

諸菩薩已得具足於初地欲得第二地當生十種心

諸菩薩已得歡喜初地為得二地故生十種心因是十心能得第二地如人欲上樓觀要因梯而上問曰何等是十心得第二地方便答曰

直心堪用心軟伏寂滅心真妙不雜貪快大心為十

諸菩薩已具足於初地欲得第二地

十法度沙論卷第五 第十七珠 寶市

生是十方便心一直心二堪用心三柔軟心四降伏心五寂滅心六真妙心七不雜心八不貪心九廣快心十大心直心者離諂曲離諂曲故心轉柔軟柔軟者不剛強虛惡菩薩得是柔軟心生種種禪定亦修習諸善法觀諸法實心則堪用心堪用故生伏心伏心者善能降伏眼等諸根如經中說何等是善道所謂比丘降伏眼根乃至意根以降伏六根故名為伏心心已降伏則易生寂滅心寂滅心者能滅貪欲瞋恚愚癡等諸煩惱先伏心已盡今寂滅復有人言得諸禪定是名寂滅心如經說若人善知禪定相不貪其味是名寂滅心得寂滅心已必生真妙心真妙心者於諸禪定神通所願事中如意得用譬如真金隨意所用行者既得直心乃至真妙心已為守護是心故樂生不雜心不雜心者不與在家出家從事是人作是念我得如是等心皆由禪定力故以是諸心當得第一地等无量利益若與眾人雜者則失此利何以

十法度沙論卷第五 第十七珠 寶市

故若人與眾人雜行則眼等六根或時遂發諸不善法何以故親近可染可瞋可癡法故諸根發動煩惱火然煩惱火然故則失此利見此等過故生不雜心不應與在家出家者雜行是人得是不雜心已次生不貪心不貪心者於在家出家人中所謂父母兄弟和上師長等不生貪著者是念若我於在家出家生貪著者必當求往問訊我則何有不雜心耶是故我欲令諸禪定等利住不雜心者當於在家出家捨貪著心問曰菩薩法不應捨眾生不應生捨心如助菩提中說菩薩初精進所有方便力應令諸眾生住於大乘中若人教恒沙眾生住羅漢不如教一人住大乘為勝若人少勢力不堪發大乘次當教令住辟支聲聞乘若人不堪住辟支聲聞乘應教此眾生令行福因緣不任住三乘不堪入天樂當以今世事隨而利益之若有諸眾生不受菩薩利於此不應捨應生大慈悲汝云何言菩薩得不雜心生不貪心若菩薩不貪眾生則為捨離何能度

耶答曰應隨順菩薩道行捨心何以故是人因捨心生廣快心作是念我若捨是衆肉當得禪定因禪定生妙廣快法得是法已其後則能利益衆生勝今千万倍是故為多利益衆生少時捨心摧捨衆關當得禪定五神通等利益衆生菩薩何故作如是方便菩薩為行大心而作是念大人樂大利益故不存小利是故我今當求大人之法隨而修學應如是勤加精進為大利益所謂諸禪定神通滅苦解脫等是故汝說非也問曰初地中已有直心等法何故復說菩薩欲得二地生於十心答曰初地雖有此法未得深樂未有堅固在此地中心常喜樂轉深堅固堪任施用是故汝難非也問曰若深樂堅固此法者得何異事答曰

若其一時得深樂堅固心更不復用功如使常隨逐

如使一時生常隨逐人菩薩如是一時得深樂堅固心已即常隨逐更不須用功而生若以少因緣便生何以

故根深入故莖節相續問曰若菩薩得是十種心得何等果答曰若得是諸心正住第二地具三種難垢惡業及煩惱

若菩薩得是直等十心即名住第二菩薩地一難垢者地名也二難垢者於此地中難十不善道罪業之垢三難垢者難貪欲瞋恚等諸煩惱垢故名難垢復次難垢義者

十住毗婆沙論卷第十三

癸卯歲高麗國大藏部

十住毗婆沙論卷第十四

聖者龍樹造

後秦龜茲國三藏鳩摩羅什譯

分別二地業道品之餘

菩薩住此地自然不行惡深樂善法故自然行善道

問曰十不善道自然不作自然行十善道此二種道幾是身行幾是口行幾是意行答曰

身意三種口四善亦尔略說則如是此應當分別

不善身行有三種所謂奪他命劫盜邪淫不善口行四種妄語兩舌惡口散亂語不善意行三種貪取瞋恚邪見善身行亦有三種離奪命劫盜邪淫善口行亦四種離妄語兩舌惡口散亂語善意行有三種不貪取不瞋不誑正見身口意業道是善不善應須論議令人得解初奪命不善道者所謂有他衆生知是衆生故行惱害因是惱害則失壽命起此身業是名初奪命不善道離此事故名離奪命

十廣沙論卷第四 第二

寶

善行劫盜者所謂屬他之物知是物屬他生劫盜心手捉此物舉離此處若劫若盜計是我物生我利心是名劫盜行離此者名為離劫盜善行邪淫者所有女人若為父母所護親族所護為姓所護世法所護戒法所護若他人婦知有鞭杖惱害等障尋於此事中生貪欲心起於身業或於自所有妻妾若受戒若懷妊若乳兒若非道是名邪淫速離此事名為善身行妄語者覆相覆心覆見覆忍覆欲知如是相而更異說是名妄語速離此事名為速離妄語善行兩舌者欲離別他以此事向彼說以彼事向此說為離別他故和合者令別離別離者則隨順樂為別離意別離好別離是名兩舌離如此事名為速離兩舌善行惡口者世間所有惡語害語苦語惡語弊語令他人煩惱是名惡口速離此事名為離惡口善行散亂語者非時語无利益語非法語无本末語無因緣語是名散亂語速離此事名為離散亂善行貪取者屬他之物也

十廣沙論卷第四 第三

寶

所欲他田鳩他財物心貪取願欲得於此事中不貪不妬不願欲得是名不貪善行瞋惱者於他眾生瞋恨心尋心發瞋恚作是念何不縛縛煞害是名瞋惱離如此事名為無瞋惱善行邪見者言无布施無有恩報善惡業无果報无今世無後世無父母無沙門無婆羅門能知此世後世了了通達自身作證是名邪見正見者為有施者有恩報有善惡業報有今世後世世間有沙門婆羅門知此世後世了了通達自身作證是名正見善行是菩薩如是入正見道善道不善道各二十分別知何處起等十二種分別菩薩於十不善道十善道等種種別相知二十種分別又於是二十種分別善知從何處起等十二種分別於此十不善道中有二十種分別所謂不離奪他命罪一是不善二欲界繫三有漏四非心數法五心不相應六不隨心行七或共心生或不共心生何等共心生實有眾生知是眾生以

十廣沙論卷第四 第四

寶

身業故奪其命是名共心生云何名不共心生若人欲煞眾生捉持牽挽撲著地已然後能死是名不共心生又身不動口不言但生心我從今日當作煞眾生者如是事他命罪是名不共心生及是不離奪他命者若瞋若覺常積習增長亦名不共心生八或色或非色初共心生煞罪是色第二煞罪第三第四非是色九或作或非作有色是作餘者无作十或有緣或无緣是有緣餘者是无緣問曰是心為有緣為無緣答曰非有緣問曰若心非有緣身不動口不言時但心生念我從今日當作煞眾生者如是罪業云何名為非緣答曰若煞罪是心則應有緣今實煞罪非是心若心是煞罪即是身業而心實非身業是故煞生罪不名有緣但煞生罪共心在身中生以是无作故言非緣十一是業十二非業相應十三不隨業行十四或共業生或不共業生如共心生無異但除心與思共生為異十五非先世業報十六不可修十七應善知

十八應以慧證不以身證十九可斷二十可知見不離劫盜罪不離邪婬罪不離妄語罪中但一共心生二不共心生一有色二元色一作二無作一有緣二無緣餘如然中說不離兩舌不離惡口亦如是不離散亂語或不善或無記從不善心生是不善從無記心生是無記或欲界繫或色界繫欲界繫者以欲界身心散亂語是欲界繫色界繫亦如是餘如妄語中說貪取欲界繫是有漏心數法非心相應非隨心行心共生無色無作有緣非業相應非隨業行非共業生非先世業報除因報非可修應善知應以慧證身證可斷可見知瞋惱或心相應或心不相應經所攝名心相應使所攝名心不相應隨心行不隨心行亦如是共心生不共心生有覺眾生與心共生無覺眾生不與心共生如心相應隨心行共心生業相應隨業行共業生亦如是如心不相應不隨心行不共心生業不相應不隨業行不與業共生亦如是餘分別如貪取中說

如瞋惱邪見亦如是十善道中離奪他命是善性或欲界繫或不繫三界欲界繫者以欲界身離奪他命是欲界繫非三界繫者學无學人八聖道所攝離然生正業是或有漏或元漏欲界繫是有漏非三界繫是無漏非心數法非心相應非隨心行或共心生或不共心生何等是共心生如行人見虫而作是念我當身業遠離不傷害是名離奪命善行共心生何等是離然生善不共心生有人身不動口不言但心念從今日不煞生是名不共心生又有人先遠離然生若瞋若覺心緣餘事於念念中不煞生福常得增長亦不共心生或是色或非色一是色二非色一是作二非作一有緣二無緣是業非業相應不隨業行或共業生或不共業生如共心生不共心生除心與思為異非先業報除因報可修可善知可以身證慧證或可斷或不可斷有漏則可斷元漏不可斷可知見亦如是離劫盜離邪婬離妄語離兩舌離惡口亦如是離散亂語或欲界繫或色界繫或不

繫三界欲界繫者以欲界身心離散亂語色界繫亦如是不繫三界者如不煞中說或有漏或元漏有漏者繫無漏者不繫餘如離妄語中說不貪取者是善性或欲界繫或非繫三界欲界繫者欲界凡夫不貪取及賢聖不貪取善行是欲界繫非三界繫者諸賢聖不貪取元漏善行是或有漏或無漏欲界繫是有漏不繫三界是元漏是心數法心相應隨心行共心生无色無作有緣非業業相應隨業行共業生非先業報除因報可修可善知可以身證慧證或可斷或不可斷有漏可斷元漏不可斷可知見亦如是離瞋惱是善性或欲界繫或色界繫或无色界繫或不繫三界欲界繫者欲界不瞋惱善根餘二界亦如是不繫者餘不繫是或有漏或元漏繫三界者是有漏餘是元漏心數法或心相應或心不相應與相違不瞋善根與心相應與使相違不瞋善根與心下相應隨心行共心生亦如是无色元作或有緣或元緣心相應是

十誦法論卷第十四 第九段

有緣心不相應是無緣非業或與業相應或不與業相應或隨業行或不隨業行或共業生或不共業生亦如心說非業報除因報可以身證慧證或可斷或不可斷有漏可斷無漏不可斷可知見亦如是正見是善性或欲界繫或色界繫或无色界繫或非三界繫欲界繫者若凡夫若賢聖欲界念相應正見是色无色界亦如是不繫三界者賢聖無漏正見或有漏或無漏三界繫是有漏不繫是無漏心數法心相應隨心行共心生无色元作有緣非業業相應隨業行共業生非先業報除因報可以身證慧證或可斷或不可斷有漏可斷無漏不可斷可見可知亦如是是名善等二十種分別從何起等十二論者一從何起二起誰三從何起四與誰作因五何緣六與誰作緣七何所緣八與誰作緣九何增上十與誰作增上十一何失十二何果然罪從何起者從三不善根起又從邪念起又隨以何心奪衆生命從是心起起誰者從然

十誦法論卷第十四 第九段

罪邊所有諸法已生今當生是因緣亦如是因何緣者緣衆生又因何心奪衆生命亦緣此心與誰作緣者因然罪邊所有諸法若已生若今生若當生是法緣於然生罪何失者今世惡名人所不信等何果者墮地獄畜生餓鬼阿修羅等及餘惡處受苦惱報增上與誰增上者如從何處起中說劫盜邪婬妄語兩舌惡口散亂語貪取瞋惱邪見亦如是但所緣有異劫盜罪緣所用物邪婬緣衆生妄語兩舌惡口散亂語緣於名字貪取緣所用物瞋惱緣衆生邪見緣名字餘殘亦如上不然生從三善根起又從正念起又隨以何心離然生從是心起起誰者從是法所有諸法若已生若今生若當生是因緣亦如是所緣者緣於衆生與誰作緣者因是不然生邊所有諸法若已生若今生若當生緣於不煞生增上者諸善根增上正念亦增上隨以何心不煞生是心亦增上與誰作增上者於是不煞生邊所有諸法若已生若今生若當

十誦法論卷第十四 第十段

生何利益者與然罪相違是名為利何果者與然生相違名為果不劫盜邪婬妄語兩舌惡口散亂語不貪不恚正見亦如是但所緣有異不劫盜緣所用物不邪婬緣衆生不妄語不兩舌不惡口不散亂語緣名字不貪取緣所用物不瞋惱緣衆生正見或緣名字或緣義有漏緣於名字無漏緣於義是菩薩於善等論及起等十二論行十善道應如是分別知又知七種不善處以貪瞋癡生及四門分別業衆生各二

是菩薩知七不善業道以貪瞋癡生而分別於世又知七種不善業中四門分別是然罪或從貪生或從瞋生或從癡生從貪生者若人見衆生生貪著心從是因緣受用好色聲香味觸或須齒角毛皮筋肉骨髓等是人如是貪心故奪他命是名從貪生然罪若人瞋心不喜然衆生是名從瞋生若人癡見不知後世善惡業然衆生是名從癡生然罪或以為福德故或欲使度苦故而然如西方央息

國等復有取福德因緣故然以是然
 業因緣故欲得生天如東天竺人於
 天寺中煞生以此事故欲生天上是名
 從癡生復有人以貪心故取他物作
 是念以我當隨意得好色聲香味觸
 是名從貪生復有人以瞋心不喜彼人
 故劫盜財物欲令其惱是名從瞋生
 復有人邪見不知果報劫盜他物是
 名從癡生如諸婆羅門說世間財寶
 皆是我物我力弱故諸小人等以非
 法取用若我取者自取其物元有過
 罪以如是心劫盜他物者是亦從癡
 生若人貪著色因緣故而邪淫是名
 從貪生若人瞋不喜作是念是人犯
 我母姊姊妹女等我亦還以姪事汗
 彼母姊姊妹女等是名從瞋生邪淫
 若人邪見不知果報而故犯者是名
 從癡生如有人言人中无有邪淫何
 以故女人皆為男子故生如餘所用
 物如有所須若與從事無邪淫罪以
 是心作姪欲者是名從癡生如劫盜
 罪妄語亦如是為貪財故妄語是名
 從貪生為欲誑彼令得苦惱是名從

瞋生邪見不知業果報故妄語是名
 從癡生兩舌惡口散亂語亦如是三
 不善道則是根本從是分別生七種
 身口業果問曰不離煞生皆是煞
 生罪不若煞生罪皆是不離煞生耶
 答曰有不離煞生即是煞生罪有不
 離煞生非煞生罪何等是不離煞生
 即是煞生罪若有衆生知是衆生故
 煞奪命起身業是名不離煞生亦是
 煞生罪何等是不離煞生非煞生罪
 此人先雖作煞因緣而衆生不死又
 身不動口不說但心念我從今日當
 煞衆生是名不離煞生非煞生罪是
 二門分別為四種分別所謂善不善
 各二種
 不但善不善身心二種業亦復應當知
 更有餘分別
 除身煞生劫盜邪淫餘殘打縛閉繫
 鞭杖牽挽等但不死而已如是不善
 身業非奪命等所攝善中迎逆合掌
 禮拜恭敬問訊洗浴按摩布施等善
 身業非不煞生等所攝意業中除貪
 取瞋惱邪見餘所有不守攝心諸結使

等不善法又意業中除不貪取不瞋
 惱正見餘善守攝心信戒聞定捨慧
 等善法
 七業亦業道三業道非業
 煞生劫盜邪淫妄語兩舌惡口散亂
 語七是業即業道貪取瞋惱邪見是
 業道非業此三事相應思是業問曰
 前七事何故亦是業亦是業道答曰
 習行是七事轉增故至地獄畜生餓
 鬼以是故名為業道是七能作故名
 業三業道非業者是不善業根本
 以是故名三業道非業善中亦如是
 所謂離煞生劫盜邪淫妄語兩舌惡
 口散亂語亦業亦業道餘三不貪
 取不瞋惱正見是業道非業此三相
 應思是業問曰前七事何故是業亦
 業道答曰常修習此事故能至人天
 好處名為道是七能作故名為業問
 曰餘三何故但業道非業耶答曰三
 是諸善業根本諸善業從中行故名
 為業道非業復次
 戒法即是業業或戒非戒業及於業道
 有四道分別

身口業是戒意業是業非戒業及於業道四種分別者有業非業道有業道非業有業亦是業道有非業非業道業非業道者三種不善身業業道所攝所謂手拳鞭杖等及三種善身業業道所不攝所謂迎逆敬札等是二善不善業非業道所攝或有人言亦是業道何以故是二業或時至善惡處故名為業道以不定故不說業道業道非業者後三不善及三善是煩惱性故非業能起業故名為業道三善是善根性故非業能起善業故名為業道亦業亦業道者所謂煞生不煞生等七事是非業非業道者餘法是復次

菩薩初地邊以三種清淨安住十善道則生決定心

是菩薩於第二地中了了分別知如是十善十不善道知已以三種清淨住十善道所謂自不煞生不殺他煞於煞生罪心不喜悅乃至正見亦如是問曰菩薩初地中已住十善道此中何故重說答曰初地中非不住十

善道但此中轉勝增長以三種清淨故先初住中雖作閻浮提王不能行此三種清淨是故此中說三種清淨菩薩住是二地知如是分別諸業生決定心

世所有惡道皆十不善生世所有善道因於十善生

世間所有惡道者所謂三種地獄道熱地獄冷地獄黑地獄三種畜生道水行畜生陸行畜生空行畜生種種惡道有飢餓鬼者食不淨鬼者火口者阿修羅夜叉等皆由行十不善道有上中下因緣故出世間所有善道若天若人皆由行十善道生三界所攝天有二十八人者四天下人是如是決定知已作是念我欲自生善處亦令眾生住於善處

是故我自應住於十善道亦令餘眾生即住此善道

若生善處若生惡處皆徧十善十不善道我知是世間諸業因緣有元有定主是故我應先自行十善道然後令諸眾生亦住十善道問曰何以故要先

自住十善道後乃令他住耶答曰行於惡業者令他善不易自不行善故他則不信受

若惡人自不行善欲令他行善者則為甚難何以故是人自不行善他人不信受其語如偈說

若人自不善不能令他善若自不寂滅不能令他寂以是故汝當先自行善寂然後教他人今行善寂滅是菩薩當如是行善法

從阿鼻地獄乃至於有頂分別十業界及其受報處

當如是正知下從阿鼻地獄上至非有想非無想處皆是善不善種種業受果報處於中習行上十不善道故生阿鼻地獄小減生大炙地獄小減生小炙地獄小減生大叫喚地獄小減生小叫喚地獄小減生僧伽陀地獄小減生大陌地獄小減生黑繩地獄小減生活地獄小減生劄林等小善處地獄中亦應如是轉小分別行中十不善道生畜生中畜生中亦應轉少分別行下不善道生餓鬼中如是

搃相說是中應廣分別差別有諸阿修畢夜又生鬼道中有諸龍王生畜生中所受快樂或與諸天同是諸眾生以不善因緣故生生已受善業果報行寂下十善道生閻浮提人中在貧窮下賤家所謂梅陀羅邊地工巧小人等轉勝生居士家轉勝生婆羅門家轉勝生刹利家轉勝生大臣家轉勝生國王家於十善道轉勝者生瞿陀尼轉勝生弗婆提轉勝生鬱單越轉勝生四天王處轉勝生忉利天炎摩天兜率陀天化樂天習行上十善道生他化自在天於是中亦應種種分別小大差別如人中小大王閻浮提王轉輪聖王四天王處有四天王忉利天中有釋提桓因炎摩天上有須炎摩天王兜率陀天上有瓏兜率陀天王化樂天上有善化天王他化自在天上有他化自在天王過是以上要行禪定思得上界問曰若以禪定思得上界者何以故說乃至非有想非无想處皆以十善道故得生答曰雖修禪定生色界元

色界要當先堅住十善道然後得修禪定以是故彼處以十善業道為大利益以是故說乃至非有想非無想處皆以十善道因緣故得生所以者何先行清淨十善道難欲修初禪下思得生梵衆天修初禪中思生梵輔天修初禪上思故得生大梵天修二禪下思生少光天修二禪中思得生无量光天修三禪上思得生妙光天修三禪下思得生小淨天修三禪中思故得生无量淨天修三禪上思得生遍淨天修四禪下思故生阿那婆伽天修四禪中思故生福生天修四禪上思故生廣果天修无想定中思得生无想天以無漏熏修四禪下思故生不廣天以無漏熏修四禪勝思故生不熱天以無漏熏修四禪勝思故生喜見天以無漏熏修四禪勝思故生妙見天以無漏熏修四禪上思故生阿迦膩吒天修虛空處定相應思得生空處天修識處定相應思得生識處天修无所有處定相應思得生无所有處天修非有想非無想處

定相應思得生非有想非无想處天是名生死世間衆生往來之處分別聲聞辟支佛品第二問曰是十善業道但是生人天因緣更有餘利益耶答曰有所有聲聞乘辟支佛大乘皆以十善道而為大利益凡出生死因緣唯有三乘聲聞辟支佛大乘是三乘皆以十善道為大利益何以故是十善道能令行者至聲聞地亦能令至辟支佛地亦能令人至於佛地問曰是十善道能令何等衆生至聲聞地答曰隨他无大悲畏怖於三界樂少功德分其志甚劣弱心樂於戲樂常觀世元常及知一切法皆亦無有我乃至一念須不樂於受生常不信世間而有安隱法觀大如毒蛇陰如拔刃賊六入如空聚不樂世富樂貴於堅持戒而為禪定故常樂於安禪修習諸善法唯觀於涅槃第一殺護者常求盡苦惡樂集行解脫但貴於自利一二勝處來善道令是人能至聲聞地

隨他音聲者聞他所說隨順而行不能自生智慧問曰十善道能令一切從他聞者皆作聲聞耶答曰不尔若无大悲心十善道能令此人至聲聞地若有菩薩從諸佛聞法以有大悲心故十善道不能令至聲聞地問曰一切无大悲心者十善道皆能令至聲聞地耶答曰不然怖畏三界者十善道能令此人至聲聞道餘不怖畏者令生人天善處以樂三界故問曰一切怖畏三界者十善道皆能令至聲聞地若尔者菩薩亦怖畏三界為身故復為衆生勤行精進求於涅槃如是十善道亦應令至聲聞地答曰不必一切怖畏三界者盡墮聲聞地何等為墮樂習行功德少分者於佛所教化六波羅蜜中受行少分如是之人墮聲聞地若人能取諸佛功德遍學智慧十善道必令此人往至佛道隨他聞聲怖畏三界取功德少分是人有二種十善道能令至聲聞地者至辟支佛地者問曰是人云何俱從他聞怖畏三界取功德少分十善道

能令至聲聞地至辟支佛地答曰志劣弱者作阿羅漢小堅固者作辟支佛問曰十善道令一切志劣弱者至聲聞地答曰不然何以故所謂志弱樂厭離生死者非但志劣无厭離者問曰觀何事得知樂厭離心答曰觀有為法无常一切法無我當知是必樂於厭離問曰已知樂厭離菩薩亦如是觀有為法无常一切法无我是十善道何得不令此人墮聲聞地耶答曰是人深厭離離離大悲故乃至一念中不樂受生不信世間有安隱相如經中佛告諸比丘譬如少糞尚臭穢不淨何況多也如是一念中受生尚苦何況多也諸比丘當學斷生莫令更受聲聞人信受是語故乃至一念中不樂受生是人復作是念世間无常於所作事及受命都无安隱相死常逐人誰能知死時節不知死時為受何業果報為生何心如是事中不安隱故不可信故當疾求盡苦菩薩則不尔於恒河沙无量阿僧祇劫受生為得阿耨多羅三藐三菩提度諸

衆生是故偈中說乃至一念須不樂於受生善道今是人能至聲聞地問曰是人樂修集何事故不樂受生答曰是人觀地水火風四大喜生瞋恨故不淨臭穢不知思故生毒地想色受想行識五陰能奪智慧命故生怨賊想眼耳鼻舌身意入難常離不動不變不壞无我無我所故生空聚想若人於世間一切受生及資生樂具以無常虛誑無須臾佳故不生喜悅心如是之人於一切生處生无安隱想但涅槃一法能為救護如經中說諸比丘世間皆是熾然所謂眼然色然眼識然眼觸然及眼觸因緣生受皆亦是然以何事故然所謂貪欲火熾熾火愚癡火生老病死憂悲苦惱火之所熾然耳鼻舌身意亦如是觀一切有為法皆是熾然唯涅槃寂滅法能為救護貴涅槃一法故捨一切事勤習坐禪問曰若觀一切有為法皆是熾然唯涅槃寂滅能為救護者十善道皆令至聲聞地耶答曰不然佛所結戒為禪定故貴重此戒有決定心而不

毀犯捨一切事但樂坐禪求盡苦智
常勤修習解脫因緣於先世中或從
一勝處來二勝處來者十善道能令
此人至聲聞地何以故持戒清淨則
心不悔心不悔故得歡喜得歡喜故
身輕軟身輕軟故心快樂心快樂故
攝心得定攝心得定故生如實智慧
生如實智慧故即生歡喜歡喜離從
離得解脫若一若二勝處來者如尊
者羅睺羅從諦勝處來如尊者施日
羅從捨勝處來如尊者離跋多從寂
滅勝處來如尊者舍利弗從慧勝處
來或從諦捨二勝處來或從諦寂滅二
勝處來或從諦慧二勝處來或從捨
寂滅二勝處來或從捨慧二勝處來
或從寂滅慧二勝處來如是十善道
能令至聲聞地

十住毗婆沙論卷第十四

癸卯歲高麗國大藏都監奉
勅彫造

十住毗婆沙論卷第十五

資

聖者龍樹造

後秦龜茲國三藏鳩摩羅什譯

分別聲聞辟支佛品之餘

問曰十善道今何等人至辟支佛地
答曰

於聲聞所行十善道轉勝深禪不隨他
常意於遠離恒樂善修習甚深因緣法
遠離方便力及以大悲心少欲及少事
惡取憤鬧語常樂遠離威德深重人
喜為福田地常觀於出性成辦有理事
恭敬於諸主已成就繫心知心在所緣
常樂於禪定中人之勢力樂於出家法
善心不縮沒得慧光明者或從二勝處
或三勝處來十善之業道能令如是人
至於緣覺地

於聲聞所行十善道轉勝者過聲聞
人所行十善道而不及菩薩所行作
是念聲聞人應隨他聞而行道然後
得自證智慧我則不然不樂隨他人
以是故我應令十善道轉勝以是因
緣故我樂不隨他十善道今我至辟

支佛地如是思惟已常樂於遠離作
是念若我常樂憤鬧則為集諸惡不
善法以近可染可瞋可癡事故於是
遠離中應修習甚深因緣法復作是
念若我不修習甚深因緣法者則不
得不隨他智我今何故不常修習甚
深因緣然後可得他不隨他智甚深者
難得其底不可通達一切九夫從无
始生死中所有經書及其技藝皆可得
其底底唯甚深因緣不可得底如兔等
小虫不能得大海邊底若人有方便
大悲心及修集甚深因緣即得阿鞞
多羅三藐三菩提若離此二事修集
甚深因緣智則成辟支佛方便名於
成就教化眾生中種種思惟而不錯
謬亦於甚深法不取相大悲名深憐
愍眾生勝聲聞辟支佛何況凡夫少
欲少事惡取憤鬧語如是則得辟支
佛地若大欲大事好聚眾人為方便
大悲所護者阿耨多羅三藐三菩提
則為易得何以故求辟支佛人少欲者
作是念但自度身少事者但自成就
善惡不及餘人是人捨離教化眾生

十德安分下第十五 妙三昧

事故不親近眾開菩薩大欲大事作是念我應度一切眾生以此大欲因緣故則為大事教化眾生教化眾生此非小事若憎惡憤鬧語則不成此事是故菩薩入憤鬧中亦用憤鬧之語但無所著復次覆真實功德故是為少欲少事務故名為少事慙賤憤鬧名少欲樂獨處故名為少事如是之人少欲少事不樂眾鬧語樂於親近遠離可畏深遠之處其心深大是人作是念若我住遠離可畏深遠之處人則不來以遠離處住故心亦深遠若人自不深遠意戲調者外人往來則不為難如是不與眾生和合雖捨眾生亦欲令眾生種諸善根為大利益作是念我云何不與眾生和合亦能利益眾生如是思惟知已我當為眾生作福田之利受其供養如是雖不與眾生和合而能作大利益是人復思惟我云何當得福田地即自見知若我深樂為福田地常觀出性然後福田地法自然而來乃至出性之法亦自然而來所謂持戒禪定智

十德善妙論卷第十五 第四段 實 可

慧等復作是念我當云何疾至福田地及出性法我當為正觀者於諸現有理趣事中皆悉成辦供養恭敬諸主如是福田地及出性法不久疾得何以故我當成辦有理之事正觀諸法能得不隨他智又供養恭敬諸主故令善根增厚善根增厚故智慧深厚智慧深厚故能通達實事能通達實事故能生厭從厭則生離從離得解脫得解脫故前後所集善根得為福田然後得證出性之法諸主者諸佛世尊是種諸善根時是取大因緣是人復思惟我云何能疾成有理趣事是人即自知見若我集繫心一處知其所緣常樂禪定是人能繫心一處則能得三昧得三昧故有理趣事皆能成辦如經中說得禪定能如實知如實見若人已行繫心則疾入三昧疾入三昧故名禪定者常定者若能如是修集諸法則為供養恭敬諸佛若人以香華四事供養佛不名供養佛若能一心不放逸親近修集聖道是名供養恭敬諸佛如經說般涅槃

十德善妙論卷第十五 第五段 實 可

時佛告阿難天雨文陀羅華及栴檀末香作天伎樂不名供養恭敬如來也阿難若比丘比丘尼優婆塞優婆夷一心不放逸親近修集聖法故名真供養佛是故阿難汝當修學真供養佛如是眾功德皆是中勢力人樂出家善心不縮沒者眾上勢力能得成佛下勢力者作聲聞以是故中勢力人作辟支佛樂出家故能成眾功德何以故若在居家則不能少欲少事不能身心遠離亦不能禪定若心縮沒不清淨者不能成辦眾事不能知甚深因緣法不能證出性不能如法真供養恭敬諸佛如是眾生是中勢力作是念我中勢力人常樂出家心不縮沒諸所願功德事皆自然來復作是思惟是中勢力樂為得何果即知當得智慧果何以故智慧能為照明如經中說諸比丘一切光明中智慧光為勝復作是念我所樂慧光云何當得即知若從二勝處來若三勝處來二勝處者先已說三勝處者所謂諸捨寂滅或諦捨慧或諦寂滅慧

以是故我當修集如是諸勝處我修集是已得智慧光明所願智慧自然而至如是相如是修集助道法者十善道能令至辟支佛地

大系品第三

問曰如仁已說十善道能令人至聲聞辟支佛地十善業道復今何等衆生至於佛地答曰

所行十善道勝於二種人无量希有修勝一切世間發堅善二願成大悲元導善受行方便忍辱諸苦惱不捨諸衆生深愛諸佛慧於佛力自在樂盡遍行者能破邪見意愛護佛法健堪受精進聖心化衆生不貪著自樂及无量身命一切事中上所作無過各一切種清淨一切勝處來善道令此人至十力世尊所修十善道勝二種人者菩薩修十善道於求聲聞辟支佛者為轉勝轉勝者一心修行常修行為自利故修行為他利故修行清淨修行一心行者用意修行常修行者不中休息為自利故修行者生天人因緣泥洹因緣為他利修行者菩薩修行十善道迥

向利安一切衆生故以是因緣故能變過竿數衆生清淨修行者不壞行無雜行不濁行自在行具足行不貪著行智者所讚行壞者有行有不與此相違名不壞行誰者自不作令他作與此相違名不雜行濁者與煩惱罪業合行與此相違名為不濁行自在者破戒人為田業妻于財物所繫不得自在持戒者无如是事隨意自在无所繫屬具足者盡行一切大小戒遮止諸煩惱常憶念守護為禪定作因緣迴同佛道能令同真際法性是名具足不貪著者不向世間不取戒相自高卑他智者所讚者聲聞法中不隨生死但為涅槃故名智者所讚此大乘法中尚不迴向聲聞辟支佛乘何況生死但向阿耨多羅三藐三菩提之名智者所讚十善道問曰修有何相名為善修答曰以无量希有修十善道勝一切世間是名善修問曰云何菩薩以此修勝一切世間答曰諸菩薩以五事修故勝一切世間一願二堅心三深心四善清淨

五方便願者菩薩所行願一切凡夫人及聲聞辟支佛人所無以是故菩薩所行願勝一切世間如大智經毗摩羅達多女問中佛曰目捷連說菩薩從初發願乃至道場能為一切世間天及人作福田又勝一切聲聞辟支佛又如淨毗尼中摩訶迦葉於佛前說世尊善說希有所謂菩薩初一發願勝一切聲聞辟支佛又如偈中說菩薩初發心與大慈悲合為於元上道即是心為勝是故以此願住於世間上堅心者菩薩於諸苦惱所謂活地獄黑繩地獄合會地獄小叫喚地獄大叫喚地獄小炙地獄大炙地獄阿鼻地獄沸屎劍林灰河阿浮陀尼羅浮陀阿波鞞阿羅邏休休鬱鉢羅拘勿陀須易那分陀利鉢頭摩寒熱地獄種種拷掠如是苦惱畜生餓鬼阿修羅人天共相食取互相恐怖飢餓殺害從天退失墜妬瞋惱等此六道中憎合會生老病死憂悲惱等此六道中所有諸苦若見若聞若受修十善道為阿耨多羅三藐三菩提心終不

十地經卷第三 第六
壞以是故此菩薩以堅心修十善道
勝一切世間如說

地獄及畜生 餓鬼阿修羅 天人六趣苦
不能動其心 是故諸菩薩以此堅固心
所修十善道勝一切世間

深心者大心用心愛心念心諸菩薩
以如是等心修十善道勝一切世間
除諸佛世尊及久行菩薩如說

深心及用心 利益世間心 菩薩以是心
勝一切世間

善清淨者菩薩修十善業道三種清
淨餘人所无以是故勝一切世間如說
菩薩人中實具深心淨心以是善法力
世間所不及

方便者菩薩以方便力修於善法餘
人所无是故勝一切世間无量修者
菩薩以五因緣故名无量修一時無
量二善根无量三緣无量四究竟無
量五迴向無量時无量者謂菩薩修
行善業道過於時量時量過故所修
善業道亦无量是故勝一切世間如說
諸菩薩摩訶薩所修善業道過諸作數時
故修善最勝

十地經卷第三 第七
善根无量者諸菩薩修无量无边善
根從是善根所修善業道亦无量是故
勝一切世間如大乘法中淨毗尼經
佛告迦葉譬如生酥滿四大海菩薩
有為善根資糧亦如是是福德迴向
無為智則大利益一切眾生是故菩
薩雖處有為能勝一切世間如說
為一切眾生及求佛道故善根則无量
以是勝世間

緣无量者菩薩不緣有量眾生故修
集善根而所修善根不言為利益若
干眾生菩薩但緣一切眾生故修集
善根是故菩薩緣无量眾生所修善業
道亦无量勝一切世間如淨毗尼經
中佛告諸天子如大菩薩有慈悲
心求利益他是心能令无量眾生得
利樂深發心菩薩勤行精進亦如是
能教化无量阿僧祇眾生令得涅槃
樂如說

菩薩无量善 功德自在嚴 皆為度眾生
无量之大者
究竟无量者初地中為發願故已說
十究竟是究竟無量故菩薩所修善

十地經卷第三 第八
善道亦无量是故勝一切世間如說
菩薩修善道從十究竟生是故勝一切
无有能壞者

迴向無量者如初地中說菩薩迴向
果報无量以是迴向果報無量所修
善業亦無量是故勝一切世間如說
以无量因緣修於善業道迴向佛乘故
是以為最上

希有者諸菩薩修善道以五因緣故
名希有一堪受故二精進故三心堅
故四慧故五果故堪受者我當作天
人中尊一切智慧者能如是堪受是
為希有若人以指舉三千大千世界
於虛空中令住百千萬劫是事可成
不足為難若發願言我當作佛是為
希有甚難如說

為无量佛法立誓當作佛是人无有比
何況有勝者

精進者多有人堪受發阿耨多羅三
藐三菩提心不能精進行六波羅蜜
若人以堪受發阿耨多羅三藐三菩
提心能精進行六波羅蜜是名實堪
受无量功德精進希有故所修善業

道亦希有如說
希有大精進 凡人念已怖 菩薩實行之
何得不希有

心堅者有人發精進心修集佛道若
有障尋心不堅固則不能成是故發
精進安住希有堅心中則成其事壞
諸障尋是為菩薩修善業道第一希
有如說

若人元堅心 尚不成小事 何況成佛道
世間无上者

慧者是堪受精進堅心皆以慧為根
本是故菩薩慧為第一希有能生如
是堪受精進堅心故以慧為希有以
慧為希有故所修善業亦希有如說
如有人堪受 欲得於佛法 精進得堅心
皆以慧為本

果者修善業故得无量无边諸佛之
法是故希有如說

行此善道得 無量功德力 為諸眾生師
誰聞而不行

堅願者菩薩以五因緣故名為堅願
一於聲聞乘心不轉二於辟支佛乘
不轉三於外道事不轉四於一切魔

事不轉五无因緣不轉如說
聞二乘解脫 何不為此道 若未入於位
則失菩薩道 又貪外道事 或為魔所壞
或復无因緣 自捨菩薩道

善願者菩薩以五因緣故名善願一
先籌量得失者二知道者三知道果
者四不貪惜自樂者五欲滅眾生大
苦者如是作願名為善願如說

先見世過患 佛道大利益 知行无上道
及其無量果 捨自寂滅樂 欲除眾生苦
發是无比願 為諸佛所讚

大悲无尋者以五因緣故知菩薩有
大悲一利安無量眾生故於資生之
物不生貪惜二不惜身三不惜命四
不觀時久遠五於怨親中等心利益
如說

内外所受物 於中不貪著 為利眾生故
及捨於身命 生死无量劫 猶如一眇項
怨親中平等 名菩薩大悲

無尋者菩薩以五因緣故悲心有尋
一以地獄苦故二以畜生苦故三以
餓鬼苦故四以惡人無返復故五以
生死過惡故若此五事不障其心是

名无尋大悲如說
第一地獄苦 畜生餓鬼苦 惡人及生死
不障名大悲 菩薩能如是 佛說无尋悲
善受行方便者菩薩以五因緣故名
善受行方便一知方時二知他心所
樂三知轉入道四知事次第五知引
導眾生知方時者知是方處應以如是
說法知是時中應以如是說法知是
方處應以如是因緣度眾生知是時
中應以如是因緣度眾生菩薩先知
是事已隨順而行如說

若以世尊意 為他人解說 先應知二事
後隨時方說 若不知時方 而欲說佛意
不得所為利 而更有過咎

知他心所樂者知他深心為在何事
為何所樂菩薩先知已入眾生所知
所樂隨順起發度脫方便如是則不
虛也如說

菩薩知眾生 深心難刺意 先知其意已
漸令住佛意 遍知世間事 自利亦利他
若能如是者 說名善方便

知轉入道者能轉外道凡夫意令入
佛道亦轉眾生惡事令住善事中亦

名无尋大悲如說
第一地獄苦 畜生餓鬼苦 惡人及生死
不障名大悲 菩薩能如是 佛說无尋悲
善受行方便者菩薩以五因緣故名
善受行方便一知方時二知他心所
樂三知轉入道四知事次第五知引
導眾生知方時者知是方處應以如是
說法知是時中應以如是說法知是
方處應以如是因緣度眾生知是時
中應以如是因緣度眾生菩薩先知
是事已隨順而行如說

若以世尊意 為他人解說 先應知二事
後隨時方說 若不知時方 而欲說佛意
不得所為利 而更有過咎

知他心所樂者知他深心為在何事
為何所樂菩薩先知已入眾生所知
所樂隨順起發度脫方便如是則不
虛也如說

菩薩知眾生 深心難刺意 先知其意已
漸令住佛意 遍知世間事 自利亦利他
若能如是者 說名善方便

知轉入道者能轉外道凡夫意令入
佛道亦轉眾生惡事令住善事中亦

佛道亦轉眾生惡事令住善事中亦

佛道亦轉眾生惡事令住善事中亦

佛道亦轉眾生惡事令住善事中亦

佛道亦轉眾生惡事令住善事中亦

佛道亦轉眾生惡事令住善事中亦

佛道亦轉眾生惡事令住善事中亦

佛道亦轉眾生惡事令住善事中亦

十法華經疏卷第五 第十五

知轉聲聞辟支佛道令入大乘中已
在佛法者不令入外道先知是事已
隨順而修行如說

若人令衆生遠離外道法及諸不善者
入佛上寂滅若知諸衆生上中下之心
知已能引導是名善方便

知事次第者如聲聞乘中初說布施
次持戒次生天次五欲過患次在家
苦惱次出家利樂次說苦諦次集諦
次滅諦次道諦次須陀洹果次斯陀
含果次阿那含果次阿羅漢果次不
壞解脫次說諸无尋辟支佛乘中亦
說我所物多有過患捨此過患之
物得大利益在家為過惡出家為利
次衆聞亂語為過惡獨行為善利衆
落為過惡阿練若處為善利厭離多欲
多事樂於少欲少事守護諸根飲食知
節初夜後夜隨時覺悟觀緣取相樂
住空舍貴於持戒禪定智慧不現奇
異令他歡喜但自利益樂於深法不
隨他智如大乘中次第者初說檀波
羅蜜次尸羅波羅蜜次忍波羅蜜次
禪耶波羅蜜次般若波羅蜜般若波羅蜜

十法華經疏卷第五 第十六

初說諸勝處次說捨勝處滅勝處慧
勝處復次初讚歎發菩提心次十種
願次十究竟次讚歎遠離退失菩提
心法次修集不退失菩提心法次堅心
精進次堅固堪受次堅增復次初說
能得諸地法次說能住諸地法次說
能得諸地底法次說遠離諸地垢法
次說能作淨地法次說諸地久住法次
說能到諸地邊法次說能作不退失諸
地法次說諸地果次說諸地果勢力
復次或初說歡喜地次說難陀地次
說明地次說炎地次說難勝地次說
現前地次說深遠地次說不動地次
說善慧地次說法雲地如說

初施次持戒果報得生天无常在家過
出家為大利次無上四諦斷結證四果
是方便次第令人住初乘初說生死過
次說涅槃利守護於諸根持戒及禪定
不隨他智慧功德樂獨處自依不依他
樂求自利樂亦不捨他人深行頭陀法
其求中乘者教法相如是以四十不共
說佛无量德亦說菩薩時一切所行法
為利衆生故次第說是法自利及利他

十法華經疏卷第五 第十七

說種種功德亦說諸佛子所樂十種地
求於大乘者如是次第度

引導者隨衆生所樂門知是門已以
是門引導衆生隨其所樂任其勢力
而今得度如說

或有諸衆生可以深經書難事及工巧
呪術以愛語善說及資財布施戒定慧
如是善量已引來入大乘或現於女身
引導諸男子復現男子身引導於女人
示衆五欲樂然後說欲過而今一切人
得離於五欲

善行是五事是名菩薩善受行方便能
忍苦惱者若有人過竿數劫於生死
中能忍諸苦惱十善業道能令此人
住於阿耨多羅三藐三菩提問曰一
切人皆樂樂惡苦是人云何能忍苦
惱答曰以五因緣故一樂無我二信
樂空三善量世法四觀業果報五念
過竿數劫唐受苦惱如說
樂无我空法又知業果報利衰等八法
處世必應受亦念過去世空受無量苦
何況為佛道而當不受耶
不捨於一切者或有衆生第一弊惡

无有功德不可利益菩薩於此終不生捨心問曰若是惡人不可度者云何不捨答曰以五因緣故一賤小人法故二貴大人法故三畏誑諸佛故四知恩故五為是世間事故出世間如欲度眾生故生心持重擔於惡惡賊中心常不應捨賤小貴大人是大小老別不應眾生中惡憐心還息於諸惡難中无事而利益擔於重擔時而不中解廢若發无上心或有捨眾生若自心疲苦及惡人所害即為欺誑於十方三世佛諸佛世尊為利益眾生行種種苦行修集於佛道佛於恒沙劫捨樂作福業若捨一惡人則為背佛恩是故惡眾生不應於中捨若人於元量阿僧祇劫中所修集佛道大悲為根本若以貪欲心瞋恚怖畏心捨一可度者是斷佛道根是故善業道能令不捨者至阿耨多羅三藐三菩提深樂佛慧者若人深樂佛慧便疾得阿耨多羅三藐三菩提以五因緣故深樂佛慧一佛慧无與等二佛智能令人為世中尊三佛

以佛智自度其身四佛智亦度他人五佛智是一切功德住處如說諸佛之智慧天上及世間一切无與等何況而得勝諸佛以此智為天阿修羅一切世間人恭敬而作札仰以智自度亦度於他人若得是佛智是功德藏者於諸佛力及自在法中樂盡遍行者遍行名久習一切行力名十種智力自在名隨意所作若人深樂佛十力及自在法中盡遍行如是人阿耨多羅三藐三菩提不久疾得以五因緣故樂盡遍行一尊重諸佛教勅二諸佛有大弟子故三身證一切法故四攝取墮落者五已墮落者能拔濟之如說尊佛教无比佛子有四八及以六三種堪為諸天師以佛智慧眼見諸法現前逆惡斷善根及諸破戒等如是墮落人攝取而濟度若人於佛力自在中遍行涅槃及天福常在此人手於是中諸佛以佛力能為五種事一令眾生學聲聞乘二令眾生學辟

支佛乘三令眾生學大乘佛法四具足者令得解脫五力劣者令住世樂如說諸佛以神力令欲離眾生或令學小乘中乘及大乘有力具足者令其得解脫力不具足者生天令世樂自在者諸佛於五事中自在一諸神通自在二自心中得自在三滅盡中得自在四聖如意中得自在五壽命中得自在如說飛行等自在自心得自在於滅禪定中如入出自舍一切淨不淨隨心而能轉命不為他害自緣亦无盡如是等自在一切法亦尔是故人師子名為自在者能破惡意者所謂遠離正道凡夫九十六種外道等略說惡意者說五陰為我或言我有五陰或言五陰中有我或言我中有五陰或言離五陰有我如說若五陰是我即為斷斷滅則失業因緣无功而解脫餘殘有四種異陰无有相无相無有法皆應如是破復次五邪見名為惡意所謂邪見身

十誦沙彌經第十三 第三誦 第三

見邊見見取戒取如說

破因果邪見二十種身見有見及元見
下事以為實但以戒力故而得於解脫
如先一異破此見如是破正意八道破
說名得解脫

守護諸佛正法者若人能守護諸佛
所教法所謂十二部經以其心能信能
受十善業道能令此人至阿耨多羅
三藐三菩提以五因緣故應受護正
法一知報諸佛恩故二令法久住故三
以奉上供養供養諸佛故四利益無
量眾生故五正法第一難得故如說
若人欲施作諸佛所受事亦令法久住
以上供養佛若欲療治於眾生之重病
亦知諸世尊從苦得是法以是因緣故
知法為難得是故有智者應當愛護法
於是中以五因緣故名為愛護正法
一如所說行二令他人如法行三除
破佛法刺棘故四離四黑印五行四
大印如說

自於佛法中如佛所教住悲心不恚法
亦令他得住又破於魔眾及外道論師
若憎佛法者以无瞋心破遠離四黑印

十誦沙彌經第十五 第三誦 第三

受行四大印如是則名為愛護於正法
勇健者菩薩以五因緣故名為勇健
一破魔賊故二破外道賊故三破煩惱
賊故四破諸根賊故五破五陰賊故
如說

惡魔起兵眾道樹欲害佛常求於佛便
繞亂惑者心佛日出世間魔請令淫
常亂受學者破於解脫道乃至於今日
其心猶不息是憎淫瞋者善人之大賊
應以戒定慧摧破魔力怨
自謂有智慧常輕慢於佛以種種因緣
滅佛法故出常惜佛弟子自失教他失
是諸外道輩世間之大賊當以无瞋心
應以多聞慧及以大心力摧破外道怨
煩惱力起業輪轉墮惡道煩惱力障故
不能行大道以煩惱力故墮種種邪見
以煩惱力故不行甘露道以是因緣故
煩惱軍大賊以正念定慧破此煩惱賊
若為根賊牽令人墮惡道又墮天人中
不得至涅槃今此諸根賊何不以此懃
正念及智慧摧破諸根賊譬如世間人
以軟語欺詐財物及刀稍以此四除賊
以此五陰故受生老病死亦墮大怖畏

十誦沙彌經第十五 第三誦 第三

得諸惡苦惱五陰因緣故憂悲及啼哭
五陰因緣故受種種諸苦是故汝當知
應以知見法摧破此五陰猶如破怨賊
惡受者心志力強有大人相見事深
遠以五因緣故名為堪受者一不願
事成其心不高二不願不成心亦不
下三苦惱切已其心不動四樂事加
身心亦不異五其心深遠若瞋若喜
難可得知如說
身心新苦至其意亦不動隨意樂事至
大智心不異若瞋喜怖畏他人不能測
如是深心相是說堪受者
勤精進者於五事中勤行精進一未
生惡法為不生故勤行精進二已生
惡法為斷滅故勤行精進三未生善
法為令生故勤行精進四已生善法
為增長故勤行精進五於世間事中
有所作无能障導故勤行精進如說
斷已生惡法猶如除毒蛇斷未生惡法
如預斷流水增長於善法如溉甘界
未生善為生如橫木出火世間善事中
精進无障導諸佛說是人名為勤精進
堅心化眾生若菩薩於五乘中教化

衆生時供養輕慢以愛怖畏苦樂極等事中其心不轉是名堅心化衆生五乘者一者佛乘二者辟支佛乘三者聲聞乘四者天乘五者人乘如說如應以一心一切諸力勢依種種方便離於憎愛心教化諸衆生離垢心清淨令得无量世難得無上乘者人無勢力不堪住大乘次教辟支佛聲聞天人乘不貪自樂者所謂不著一切諸樂菩薩以五因緣故不貪自樂一樂無常如水泡二世樂變苦三從衆緣生故四從渴愛起故五少樂如壑滯故如說樂少住如泡變苦如毒食三合從觸有貪欲疥故生若離於貪愛更元有別樂如枯井壑滯樂少而苦多利益衆生者不應有貪著

及无量身命者菩薩以五因緣故不貪惜身一身不從先世來二不去至後世三不堅牢四是身無我五元我所如說

汝身衆穢聚不淨遍充滿不從先世來不持至後世雖久好供事而破大愚分是身不堅固如沫不久壞緣生无定性

元性不自在是故應當知非我非我所是身无量過不應有貪惜

菩薩以五因緣故不貪惜壽命一樂慧命故二怖畏罪故三念無始生死中元量死故四與一切衆生共受故五不可免故如說

從多聞正論生貪慧命故怖畏失命時而起於罪惡又見一切人无脫死王者不可以財智方便力所免修集善法者何得惜是命

一切事中上者若人有所作事必能究竟名爲上人菩薩以五事發必得究竟一者財物二者布施三持戒四修定五道德如說

勤求衆財利懇慇行布施次第淨持戒精進求禪定行種種方便生八道解脫是名諸事中名之爲上人

所作元過咎者是菩薩所作智者不可以五因緣故所作元過智者不可一作可作事二大果利三不壞法四次後無過五大名聲如說

先種種善量自作易作事從是事所得無量大果利不妨於善法作已元惡通

善人所讚歎名聞廣流布智者所起衆名爲元過咎

可作及易作自屬於己身无量大功德疾得果利益智者如是知後元有過咎應加勤精進而作如是事

一切種清淨一切勝處來者以五因緣故諸勝處一切種清淨一深心清淨二迴向清淨三自如說行勝處四令他人行五離諸勝處相違法所謂妄語慳貪戲調愚癡如說

菩薩深淨心遠離於諂曲皆以四勝處迴向於佛道先自修善法後令他人行菩薩如是者四勝處清淨

十善道能令至十力世尊者如是修習十善業道能令人至十力十力者名爲正遍知正遍知者則是佛以五因緣故名世尊一斷過去世疑二斷未來世疑三斷現在世疑四斷過三世法疑五斷不可說法疑如說

元始過去世通達無有疑元邊未來世智通達無疑十方無有邊現在一切世出過於三世無爲微妙法十四不可說亦通元有疑是故切德咸諸佛名世尊

十住毗婆沙論卷第十五 第三藏 資

如是功德成就者十善業道能令菩薩至阿耨多羅三藐三菩提是故求佛道者應如是修十善業

十住毗婆沙論卷第十五

癸卯歲高麗國大藏部監奉

勅彫造

十住毗婆沙論卷第十六

資

一者龍樹造

後秦龜茲國三藏鳩摩羅什譯

護戒品第四

是菩薩如是行諸善道

於善不善道揔相及別相各各分別知有二種果報

十善業道揔相果報者若生天上若生人中別相果報者離煞生善行有二種果報一者長壽二者少病離劫盜善行有二種果報一者六畜二者固有財物離邪婬善行有二種果報一者妻婦貞良二者不為外人所壞離妄語善行有二種果報一者不為人所謗毀二者不為人所欺誑離兩舌善行有二種果報一者得好眷屬二者不為人所壞離惡口善行有二種果報一者得聞隨意所樂音聲二者无有聞諍離散亂語善行有二種果報一者人信受其語二者所言決定離貪取善行有二種果報一者知足二者少欲離瞋惱善行有二種果

十住毗婆沙論卷第十六 第三藏 資

報一者在所生處常求他好事二者不喜惱害眾生正見善行有二種果報一者離諂曲二者所見清淨十不善道亦如是揔相果報者上行墮地獄中行墮畜生下行墮餓鬼別相果報者煞生不善行有二種果報一者短命二者多病劫盜不善行有二種果報一者貧窮二者失財邪婬不善行有二種果報一者得醜惡妻婦又不貞良二者為他所壞妄語不善行有二種果報一者人所謗毀二者為人欺誑兩舌不善行有二種果報一者得惡眷屬二者眷屬可壞惡口不善行有二種果報一者耳聞惡聲二者常有聞諍散亂語不善行有二種果報一者語不信受二者言無本末貪取不善行有二種果報一者心不知足二者多欲无厭瞋惱不善行有二種果報一者惡性二者喜惱眾生邪見不善行有二種果報一者其心諂曲二者墮在邪見
知已愛樂法於法心不動於諸眾生中慈悲心轉勝

受法者但受於法更无勝事此中法者先說十善業道樂法者但樂於法更無餘事於法心不動者乃至失命終不捨法菩薩行如是法於眾生中慈悲轉勝切地中雖有慈悲不及此地以通達罪福業因緣故眾生可惡皆屬於業不得自在則无瞋恨憎恚之心如是行者慈悲轉勝作是念出哉諸眾生深墮於邪見我應說正見令得入正道

菩薩通達罪福業因緣於諸眾生深行慈悲作是念眾生可惡不知諸法實相故多行妄想生諸邪見因邪見故起諸煩惱因煩惱故而起諸業起業因緣故輪轉生死我先發心求阿耨多羅三藐三菩提為度眾生故當說正見是諸眾生是我應度今當為說正見令入正道使得度脫如是念已知諸眾生有種種煩惱所謂

觀所起煩惱及諸煩惱垢種種黑惡業受種種苦惱慙念諸眾生多有所關少種種觀察已是一如我有即時以悲心方便發大願云何令眾生得滅是諸苦

煩惱煩惱垢者使所攝名為煩惱經所攝名為垢使所攝煩惱者貪瞋慢无明身見邊見見取戒取邪見疑是十根本隨三界見諦思惟所斷分別故名九十八使非使所攝者不信无慙無愧諂曲戲侮堅執懈怠退沒瞋瞋恨戾慳嫉惱不忍食不知足亦以三界見諦思惟所斷分別故有一百九十六纏垢有人言煩惱在深心垢在淺心有人言諸障蓋名為纏垢餘皆名煩惱黑惡業者即是七不善業道及貪取瞋惱邪見相應思能生苦報種種苦惱者身中種種惡事名為苦心中種種惡事名為惱又今世苦名為苦後墮惡道名為惱多有所少者或諸根支體或資生所須或信戒等諸功德不具故名為少餘句易解如偈中所說不復須釋如是思惟已眾生其可惡墮在於二乘我當為發願令住於大乘是事如此十地經中金剛藏菩薩自說是菩薩離十不善業道亦令眾生住十善業道為眾生深求勝心好心樂心憐愍心慈悲心利益

心守護我心所有心大師心攝取心受取心作是念此諸眾生甚可憐愍墮種種邪惡邪見行邪險道我今應令住在真實正見道中是諸眾生種類不同互相諍競常懷忿恚瞋惱熾盛然我當令住無上大慈是諸眾生无有厭足貪求他利邪命自活我當令住清淨身口意業是諸眾生在貪欲瞋恚愚癡因緣中常起種種煩惱結使而求方便欲自出我當滅其諸苦惱事令住無苦惱處是諸眾生为无明所翳入黑闇稠林不能自出離智慧明入在諸見險惡道中我應救之使得无尋智慧之眼以是慧眼不隨他人於一切法知如實相是諸眾生墮在生死長流欲墮地獄畜生餓鬼阿修羅羅坑入邪曲網中種種煩惱惡業所覆无有導師不生出心道言非道非道言道魔民怨賊常共隨逐无有善師隨順魔意遠離佛法如是眾生我應令度此諸生死險惡道得住无畏無衰一切智慧慈城是諸眾生為欲流有流見流无明流所漂種種

十住論卷第十六 第二十一

罪業濤波所覆沒在愛河隨生死波浪為洄洑所轉不能自出為欲覺眼覺惱覺鹹水淹爛為身見羅刹之所執持入五欲深林為喜滌所著吹在我惕陸地甚可憐慙无洲无救於六入空聚落不能動發无善度者如是衆生我今應以大悲牢堅智慧之船載至諸安隱无怖畏一切智洲是諸衆生多苦可憫閉在生死憂悲苦惱牢獄多懷貪恚愛憎墮四顛倒為四大毒地所害為五陰恚家所殘喜滌詐賊所陷在六入空聚受無量苦惱我應破其生死牢獄令得自在无罣滯安隱快樂是諸衆生甚可憐慙狹劣小心樂於少利縮沒无有一切智心設求出者則樂聲聞辟支佛乘我應令得大心使樂佛廣大之法

菩薩如是行則得持戒力 善知起善業使令得增長 是則為佛子 深入離垢地持戒力者一心清淨具足十善道戒則得修集福德力能起善業者善知自生增長善道亦令他衆生深入者所行轉遠盡其邊底佛子者能隨法行

十住論卷第十六 第二十二

名為佛子於初地始生三二地增長是菩薩應如是勤行精進

菩薩若得三離垢地邊際亦時則得見百種千種佛

初地中已說般舟三昧見現在佛助三昧法所謂以三十二相八十種好四十不共法念佛於一切法无所貪著亦說利益三昧能成就果報勢力問曰若菩薩於初地中已到其邊能見諸佛初入第二地即應見諸佛云何言乃至第二地邊乃見諸佛若尔者入第二地初中應失此三昧至後乃得答曰初入第二地中亦見諸佛亦不退失是三昧汝不能善解傷義故作此難第二地初中但見百種佛乃至其邊得見百種千種佛見諸佛已心大歡喜欲得佛法故勤行精進即能以四事供養於諸佛能於諸佛而復受十業道

四事者衣服飲食卧具醫藥餘義則可知

作如是行已 從佛受遺道至百千万劫不毀亦不失

十住論卷第十六 第二十三

不毀者不令戒羸弱或以清淨事名不毀都不復行名為失是菩薩如是過初地入第二地已如說

善離慳貪垢 樂行清淨捨 善離慳貪垢 深愛清淨戒

清淨名但以善心行捨不雜諸煩惱深愛名堅住其中究竟不捨此地由慳貪垢破戒垢無有遺餘是故此地名為離垢菩薩如是無慳貪破戒心於四攝法中受語偏利六波羅蜜由戒度偏利利名多行勢力轉深問曰若第二地中尸羅波羅蜜已得勢力今此地中應解說尸羅波羅蜜分生力淨差別答曰

略說尸羅度有六十五分 生力淨差別慶慶論中說

尸羅波羅蜜无量无边但略說有六十三分餘戒生戒力戒淨戒老別論中先後慶慶說相如寶頂經中和合佛法品中无盡意菩薩於佛前說六十五種尸羅波羅蜜分尸羅名不慳一切衆生於他物中无劫盜想不著外色不誑衆生眷屬具足故不誑舌

多忍惡言故无有惡口常思惟善量
 利益語故無散乱語喜人樂故心無
 貪取忍諸苦故无有瞋恚不稱譽餘師
 故名為正見信淨心故信佛知法真
 實故信法樂尊重恭敬賢聖眾故信
 僧念佛以五體投地供養札敬乃至
 小戒深心怖畏故戒不羸弱不依餘乘
 故不毀戒離邪行故戒不缺損不起
 惡煩惱故名不離戒畢竟常樂增長
 善法故名不濁戒隨意行故名自在
 戒不為智者所呵故名為聖所讚戒
 常在念安慧故名為易行戒一切无
 過故名不可呵戒守護諸根故名為
 善護戒諸佛所念故名為名聞戒如
 法物中知量取故名為少欲戒斷慳
 貪故名知足戒身心遠離故名遠離
 戒離眾閑語故名阿蘭若戒不視他
 面望有所得故名為具足聖種戒屬
 善根故名細行頭陀戒生人天中故
 名隨說行戒殺一切眾生故名為慈
 戒忍一切苦故名為悲戒心不退沒
 故名為喜戒離憎愛故名為捨戒降
 伏心故名為自見過戒護彼心故名

為不錯戒善護戒故名為善攝戒成
 熟眾生成名為布施戒无所顧故名
 忍辱戒不懈退故名精進戒集助禪
 法故名為禪戒多聞善根無厭足故
 名為智慧戒從多聞得智慧故名為
 求多聞戒集助七覺法故名親近善
 知識戒捨邪道故名離惡知識戒觀
 無常故名不貪身戒勤集善根故名
 不信命戒深心清淨故名不悔戒行
 清淨故名不假偽戒深心无垢故名
 无熱戒善起業故名無憂戒不自高
 故名无慢戒離染欲故名不戲調戒
 心質直故名不自高戒心調和故名有
 善戒惡心不發故名調善戒滅諸煩
 惱故名為寂滅戒如說行故名為隨
 所教戒行四攝法故名教化眾生戒
 不失自法故名為護法戒本來清淨
 故名一切願滿戒迴向无上道故名
 至佛法戒等心一切眾生故名得佛
 三昧戒大德舍利弗是六十五分諸
 菩薩清淨戒則為无盡生戒者處處
 說略說有八種生戒四從身生四從
 口生從身生者離棄命離惱苦眾生

離劫盜離邪淫從口生者離妄語兩舌
 惡口散乱語是名八是八種戒從受
 生是受法若以身若以口若以心受
 和合為二十四教他受亦二十四隨
 喜受亦二十四修習行時亦二十四合
 九十六皆是欲界繫從是晝夜生何
 以故初受心已滅是第二心晝夜常
 生用福德亦如是所以者何初布施
 心滅已從第二心後用時當生是名
 善身業有十善業道所攝有不攝欲
 界所繫如是色界繫有二種一從身
 生二從口生從身生者離十不善道所
 不攝罪從口生者離散乱語是戒以身
 受口受心受二三為六教他亦六隨喜
 亦六習行時亦六四六二十四先說九
 十六合為百二十如是從行生成復有
 證道時生成退道時生成初生時生
 戒以事廣故今但略說戒力者隨波
 羅蜜增長戒轉得力隨所得地戒亦
 堅固得力戒淨者不毀壞缺減等如
 先說復次戒淨不淨相七梵行法中
 說如經說以七種姪欲名戒不淨一
 者雖斷姪欲而以染心受女人洗浴

十傳經論卷第十六 第三疏 寶鈴

按摩二以淙心聞女人香共語戲笑
三以淙心目共相視四雖有障導以
淙心聞女人音聲五先共女人語笑
後雖相離憶念不捨六自限介所時
斷婬欲然後當作七期生天上受天
女樂及後身富樂是故斷婬欲是名
不淨難此七事名戒清淨戒若別者
有二種一有漏二無漏三種欲界繫
色界繫不繫四種正命所攝二種正
語正業正命所不攝亦二種正語正
業五種凡夫戒菩薩戒聲聞戒辟支
佛戒无上佛戒六種欲界正命所攝
身口一正命所不攝二色界繫正命
所攝身口業三正命所不攝四無漏
正命所攝身口五正命所不攝六七
種七善業道八種如先說身四種口
四種九種七欲界繫七善業道二種
如先說十種道戒三種對治戒三種
但戒三種是九種無漏戒有漏戒為
十如是等種種分別差別問曰聲聞
乘中說身業口業名為尸羅此二善
業名好二不善業名惡是善身口業
名尸羅此論中即以此為尸羅為更

十傳經論卷第十六 第三疏 寶鈴

有尸羅答曰
不但身口業名之為尸羅修親近樂行
亦名為尸羅

此三事一義所謂修習親近樂行問
曰若以修習親近樂行名為尸羅者
一切法皆應名尸羅何以故常修習
親近樂行故汝今應說取勝修習尸
羅答曰

若無我我所遠離諸戲論一切无所得
是名上尸羅

若不知内外法實相即因尸羅生憍
慢貪著故開諸罪門是故若於內法
不見有我於外法中不得我所知內
外法畢竟空无所得亦於畢竟空不
取相戲論是名取勝尸羅何以故如是
尸羅中尚无心錯何況身口是故諸
佛菩薩第一能行尸羅者於一切法
无所得名為上尸羅如迦葉經中說佛
告迦葉尸羅名无我无非我無作無所
作无作者無行無不行无名無色无
相無無相非善非非善非寂滅非非
寂滅非取非捨无衆生無衆生因緣
无身无口無心無世間无世間法不

十傳經論卷第十六 第三疏 寶鈴

依世間不以尸羅自高不以尸羅下
人不以尸羅起增上慢不以尸羅分
別此彼迦葉是名諸賢聖尸羅難於
三界无漏无繫如无盡意菩薩尸羅
品中語舍利弗尸羅名不分別別是衆
生不說是我不是是壽者命者不說
是人不是是養育者不說是色陰受
想行識陰不說是地種水火風種尸羅
名不分別別是眼相不分別別是色相不
分別別是耳相聲相鼻相香相舌相味
相身相觸相意相法相尸羅名不分
別別是身是口是心尸羅名攝心故是
一心相選擇諸法故是慧相尸羅名
到空至无相際不難三界无作无起
無生忍尸羅名不從先際來不至後
際亦不住中際尸羅名不住心意識
不與念和合尸羅名不依欲界不依
色界不依无色界尸羅名離貪離除
瞋垢滅無明闇非常非斷不連衆緣
生相尸羅名離我心捨我所心不住
身見尸羅名不貪著名相不與名色
和合尸羅名不為結使所使不為諸
纏所覆不住障導疑悔中尸羅名貪

不善根所不住過瞋不善根斷癡不善根尸羅名无惡無熱痴心快樂尸羅名不斷諸佛種故不破法身不分別法性故不斷法種无為相故不斷僧稔舍利弗是名諸菩薩取勝无上尸羅如是尸羅則不可盡唯除諸佛尸羅皆有盡也所謂

從凡夫尸羅 後至辟支佛 是皆有盡相 菩薩則无盡

從凡夫來所有尸羅雖久受果報終歸於盡諸阿羅漢辟支佛所有尸羅皆亦有盡菩薩尸羅無我无我所難一切所得滅諸戲論是故無盡如无盡意菩薩尸羅品中說諸凡夫尸羅隨生處盡故尸羅則盡外道五通退轉時盡故尸羅則盡人以十善業道盡故尸羅則盡欲界諸天福德盡故尸羅則盡色界諸天四禪四无量盡故尸羅則盡無色界諸天隨定生處盡故尸羅則盡諸學无學人入涅槃盡故尸羅則盡諸辟支佛無大悲故尸羅則盡大德舍利弗但諸菩薩尸羅元有盡何以故從菩薩尸羅出諸

尸羅差別因无盡故果亦無盡菩薩尸羅無盡故如來尸羅亦無盡是故諸大人尸羅名為无盡問曰汝解盡尸羅時說六十五種尸羅聲聞中有八種尸羅四種從身生四種從口生如是事者何得不相違答曰不相違也何以故

雖非尸羅體 益故名為分 八種身口業 即是尸羅體

雖六十五種分非尸羅體而利益身口八種盡尸羅故名尸羅分凡能有所利益皆名為分如象馬扇蓋名為王分是故禪定智慧等雖非尸羅體以利益尸羅故亦名尸羅分

解頭陀品第五

菩薩如是行尸羅法

見十利應者 二六種依法 又以見十利 盡形應七食

比丘欲具足行持戒品應著二六種衣以見十利故何等十一以慙愧故二障寒熱蚊蠅毒虫故三以表示沙門儀法故四一切天人見法衣恭敬尊貴如塔寺故五以厭離心著涂衣

非為貪好故六以隨順寂滅非為熾然煩惱故七著法衣有惡易見故八著法衣更不須餘物莊嚴故九著法衣隨順修八聖道故十我當精進行道不以塗汙心於須臾間著壞色衣以見是十利故應著二種衣一者居士衣二者糞掃衣六種者一切貝二菴摩三縞綿耶四毳衣五赤麻衣六白麻衣見有十利盡形七食者一所用活命自屬不屬他二衆生施我食者

今住三寶然後當食三若有施我食者當生悲心我當勤行精進令善住布施作已乃食四隨順佛教行故五易滿易養六行破憍慢法七无見頂善根八見我乞食餘有修善法者亦當效我九不與男女大小有諸因緣事十次第七食故於衆生中生平等心即種助一切種智

佛雖聽請食 欲以自利已 亦利他人故 則不受請食

自利者能具諸波羅蜜利他者教化衆生今住三寶行者如是自利利他見有十利故常不捨空閑問疾及聽法

教化乃至寺

十住經卷第十六

第六

安

受阿練若處比丘雖增長種種功德略說見十利故盡形不應捨何等為十一自在來去二元我无我所三隨意所住无有障導四心轉樂習阿練若住處五住處少欲少事六不惜身命為具足功德故七遠離衆鬧語故八雖行功德不求恩報九隨順擇定易得一心十於空處住易生无障尋想問訊病等來至寺者

若有因緣事來在塔寺住於一切事中不捨空閑想

比丘雖受盡形阿練若法有因緣事至則入塔寺佛法有通有塞非如外道阿練若名常樂空閑靜處於一切法不捨空想以一切法體究竟皆空故問曰有何因緣故來至塔寺答曰一供給病人二為病求醫藥具三為病者來看病人四為病者說法五為餘比丘說法六聽法教化七為供養恭敬大德者八為供給聖眾九為讀誦深經十教他令讀深經有如是等諸因來至塔寺

十住經卷第十六 第六 安
精進行諸覺隨阿練若法比丘已住於阿練若處者常應接勤生種種諸善法大瞻心无我滅除諸怖畏

阿練若精進者若比丘斷食不惜身命利養故晝夜常勤精進如投頭然身依隨阿練若覺者所謂出覺不瞋覺不憍覺等諸善覺復次念佛是正追知者衆生中尊佛法是善說弟子衆隨順正行復次隨順空隨順无相隨順无願諸覺名隨阿練若覺復次隨順四勝處隨順六波羅蜜諸覺是名隨順阿練若覺復次如佛為郁伽長者說在家出家菩薩行者出家菩薩受阿練若法應如是思惟我何故住阿練若處我非但住阿練若處故名為沙門而阿練若處多有衆生多惡不善不護諸根不精進不修習善法者如摩鹿獐猴衆鳥惡賊旃陀羅等不名為比丘我今為何事故住阿練若處應成辦其事長者何等為事一謂念不散亂二得諸陀羅尼三行慈心四行悲心五自在住五神通六具足六波羅蜜七不捨一切智心八修

十住經卷第十六 第六 安
習方便智九攝取衆生十成就衆生十一不捨四攝法十二常念六思念十三為多聞故不捨精進十四正觀擇諸法十五應正解脫十六知得果十七住於正位十八守護佛法十九信業果報故名正見二十離一切憍想分別思惟故名正思惟二十一隨衆生所信樂為說法故名為正語二十二滅諸業故起業名為正業二十三破煩惱氣故名為正命二十四得无上道故名正精進二十五觀不虛妄法故名正念二十六得一切智慧故名正定二十七於空不怖二十八於无相不畏二十九於無願不沒三十故以智受身三十一依義不依語三十二依智不依識三十三依了義經不依不了義經三十四依法不依人長者如是等名為出家菩薩比丘利益事應生隨順阿練若法者所謂四禪四无量心天眼心眼他心智宿命智神通等滅諸怖畏者是以三因緣能滅怖畏一見無我我所法相故能除怖畏二以方便力故三以心勝力故能除怖畏見無我我所者如初

地中所說除五種怖畏方便力者此論中念正思惟業果報故名方便力應作是念諸大國王在深宮殿象馬車步四兵侍衛業因緣盡亦受種種諸衰惱事又業因緣守護者雖行險道中入大海水在大戰陣亦安隱元惠我先世業因緣若在聚落若在阿練若處業因緣必受其報如是思惟已除滅怖畏復作是念若我為守護身故入城邑聚落捨阿練若處者元有能勝善身業善口業善意業守護者如佛告波斯匿王若人行身善業行口善業行意善業是名為人善自守護是人若言我善自守護者是為實說大王是人雖无四兵衛護亦可名為善好守護何以故如是守護名內守護非外守護是故我以身業善行口業善行意善業行故名為善自守護復作是念是諸鳥獸腹行虫等在阿練若處身不行善口不行善意不行善以遠乘落住故而无所畏我之心智豈不如此鳥獸等耶如是思惟除諸怖畏又以念佛故在阿練若

處能破一切諸怖畏事如經說汝諸比丘阿練若處若在樹下若在空中舍或生怖畏心沒毛豎者汝當念我是如來應正遍知明行足善逝世間解無上士調御丈夫天人師佛世尊如是念時怖畏即滅大膽名心不怯弱決定求道如說比丘住空閑當以心瞻力除滅諸怖畏念佛无畏者若人自起業怖畏不得脫不怖亦不脫怖則失正利如是知不免而破餘利者則行小人事比丘所不應若有怖畏者應畏於生死一切諸怖畏生死皆為因是故行道者欲脫於生死亦投於他人不應主怖畏如佛離怖畏經中說怖畏法有沙門婆羅門住阿練若處應如是念以不淨身業故不淨口業故不淨意業故念不清淨故自高卑人故懈怠心故妄憶念故心不定故愚癡故怖畏與此相違身業清淨等則无怖畏又佛為郁伽長者說出家菩薩在阿練若處應作是念我何故在此即時自知欲離怖畏故來至於此怖畏於誰畏畏

開畏眾語言畏貪欲瞋恚愚癡畏怖畏惡恨嫉他利養畏色聲香味觸畏五陰處畏諸愚癡障等處畏非時語畏不見言見畏不聞言聞畏不覺而覺畏不知而知畏諸沙門垢畏共相憎惡畏欲界色界无色界一切生處畏墮地獄畜生餓鬼及諸難處略說畏一切惡不善法故來在此住若人在家樂在眾間不修習道住在邪念不能得離如是怖畏所有過去諸菩薩皆在阿練若處離諸怖畏得无畏處得一切智慧所有當來諸菩薩亦在阿練若處離諸怖畏得一切智慧今現在諸菩薩住阿練若處離諸怖畏得无畏處成一切智慧以是故我怖畏一切諸惡度諸怖畏故應住阿練若處復次一切怖畏皆從著我生貪著我故愛受我故生我想故見我故貴我故分別我故守護我故若我住阿練若處不捨貪著我者則為空在阿練若處復次長者見有所得者則不住阿練若處住我我所心者則不住阿練若處住顛倒者則下生可

十誦經卷第六 第三十四 第三

練若處長者乃至生涅槃想者尚不住阿練若處何況起煩惱想者長者譬如草木在阿練若處無有驚畏菩薩如是在阿練若處應生草木想三及想水中影想鏡中像想於語言生響想於心生幻想此中誰驚誰畏菩薩爾時則正觀身无我无我所無衆生無壽者命者無養育者无男無女无知者見者怖畏名為虛妄分別我則不應隨虛妄分別菩薩如是應如草木住阿練若處又知一切法皆亦如是斷聞諱名阿練若處无我无我所無所屬名阿練若處不應樂在家出家衆閑處住諸佛不聽阿練若處比丘與在家出家者和合問曰佛不聽與一切衆人和合耶答曰不然佛聽四和合餘者則不聽是故應親近餘者則遠離

是念云何諸佛所聽阿練若住處我當親近我或非阿練若住處謂是住阿練若處或有錯謬問曰何等是阿練若住處菩薩應當和合答曰佛自經中說阿練若住處名不住一切法不歸諸塵不取一切法相不貪色聲香味觸一切法平等故无所依止住名阿練若處住自心善故不相違住處名阿練若住捨一切擔荷樂住故名阿練若住脫一切煩惱无怖畏住故名阿練若住度諸流住故名阿練若住住聖種故名阿練若住知足趣得故名阿練若住易滿易養少欲住故名阿練若住智慧足住故名阿練若住正行多聞住故名阿練若住空無相無願解脫門現前故名阿練若住斷諸縛得解脫住故名阿練若住順十二因緣隨順住故名阿練若住畢竟寂滅所作已作住故名阿練若住阿練若住處者隨順戒品住助定品利益慧品易得解脫品易得解脫知見品易行諸助苦提法能攝諸頭陀功德阿練若住處通達諸阿練

十誦經卷第六 第三十五 第四

若處見知諸陰阿練若處諸性同為法性阿練若處出離十二入阿練若處不忘失菩提心阿練若處觀空不畏阿練若處能護佛法阿練若處求解脫者不失功德阿練若處能得一切智者則能增益阿練若處菩薩如是行疾得具六度

何以故若菩薩在阿練若處住不貪惜身命是名檀波羅蜜行三種善業清淨入細頭隨行法是名尸波羅蜜不瞋恨心於諸衆生慈心普遍但忍樂薩婆若衆不在餘衆是名羂提波羅蜜自立增願於阿練若處不得正法忍終不捨此處是名毗梨耶波羅蜜得禪定故不觀生處修習善根是名禪波羅蜜如身阿練若亦如是如身菩提亦如是如實中无差別是名般若波羅蜜

佛聽有四法住阿練若處何等四如佛告長者一者多聞二善知決定義三樂修正憶念四隨順如所說行如是人應住阿練若處復有菩薩煩惱深厚是人若在衆閑則發

煩惱應在阿練若處住降伏煩惱

復次菩薩得五神通是人欲教化成就天龍夜叉及閻婆故應住阿練若處復有菩薩作是念諸佛所讚聽處是阿練若處復次住阿練若處助滿一切善法增長善根然後入聚落為衆生說法成就如是功德乃可住阿練若處復次

決定王經中佛為阿難說阿練若比丘應住四法

菩薩住阿練若處者一遠離在家出家二欲讀誦深經三引導衆生使得阿練若處功德四晝夜不離念佛復有四法一乃至彈指頃於衆生中不生瞋恨心二不應一時頃使眠睡覆心三於一念頃不應生衆生想四於一念頃不應忘捨菩提心復有四法一常應閑坐不應聚衆二常樂經行三常觀諸法无新故想四不應離深空无相无願法復有四法一行四禪不行世間禪行四無量緣衆生悲心而不取衆生相二雖行慈心而不緣衆生雖行喜心而不貪樂雖行捨

心而不捨衆生三自見身有四聖種

行而不自高卑下他人四自行多聞如所聞行是為四復次

无智无精進而住空閑處即得於四法復得餘四法又復得三事如是佛所說

阿練若比丘於諸功德中應勤修習何以故阿練若功德中此二事能生

諸功德故若比丘愚癡懈怠在阿練若處住者則得四非法一多眠睡二

多貪利養三以因緣現矯異相四現不樂阿練若處復有四法一增上憐

未得謂得二於深經心懷憎惡三壞空无相无願法四於持深經者心生

瞋恨復有三事一若在阿練若處不精進無智慧或值女人墮在非法若

得僧殘若得重罪若反戒還俗是為三復次

廣說空閑法及與七食法餘十頭陀德皆亦應廣說

十二頭陀法上來以廣解二事餘十頭陀功德亦應如是知何以故是二

則為開十頭陀門餘則易解十頭陀者一著糞掃衣二一坐三常坐四

後不受非時飲食五但有三衣六毳衣七隨敷坐八樹下住九空地住十死

人間住糞掃衣者人所棄捨受而後著受者若心生若口言一坐者先受

食處更不復食常坐者夜常不卧食後不飲漿者食後不受非時飲石蜜

等可食之物但有三衣者唯受三衣更不畜餘衣毳衣者從毳所成鹿毛

毳衣褐毳欽婆羅等隨敷坐者隨所得坐處不令他起樹下住者樂住樹

下不入覆處空地坐者露地止住死人間者隨順狀離心故常止宿死

人間法是名十二頭陀令戒清淨糞掃衣有十利一不以衣故與在家者

和合二不以衣故現乞衣相三亦不方便說得衣相四不以衣故四方求

索五若不得衣亦不憂六得亦不喜七賤物易得无有過患八是順行初

受四依法九入在處衣數中十不為人所貪著一坐食亦有十利一无有

求第二食疲苦二於所受輕少三無有所用疲苦四食前无疲苦五入在

細行食法六食消後食七少妨患八

後不受非時飲食五但有三衣六毳

衣七隨敷坐八樹下住九空地住十死

人間住糞掃衣者人所棄捨受而後著受者若心生若口言一坐者先受

食處更不復食常坐者夜常不卧食後不飲漿者食後不受非時飲石蜜

等可食之物但有三衣者唯受三衣更不畜餘衣毳衣者從毳所成鹿毛

毳衣褐毳欽婆羅等隨敷坐者隨所得坐處不令他起樹下住者樂住樹

下不入覆處空地坐者露地止住死人間者隨順狀離心故常止宿死

人間法是名十二頭陀令戒清淨糞掃衣有十利一不以衣故與在家者

和合二不以衣故現乞衣相三亦不方便說得衣相四不以衣故四方求

索五若不得衣亦不憂六得亦不喜七賤物易得无有過患八是順行初

受四依法九入在處衣數中十不為人所貪著一坐食亦有十利一无有

求第二食疲苦二於所受輕少三無有所用疲苦四食前无疲苦五入在

細行食法六食消後食七少妨患八

少疾病九身體輕便十身快樂常生
亦有十利一不貪身樂二不貪眠睡
樂三不貪卧具樂四无卧時腸著席
苦五不隨身欲六易得坐禪七易讀
誦經八少睡眠九身輕易起十求坐
引具衣服心薄食後不受非時飲食
亦有十利一不多食二不滿食三不
貪美味四少所求欲五少妨患六少
疾病七易滿八易養九知足十坐禪
讀經身不疲極但三衣亦有十利一
於三衣外無求受疲苦二无有守護
疲苦三所畜物少四唯身所著為足
五細戒行六行来无累七身體輕便
八隨順阿練若處住九處處所住無
所顧惜十隨順道行受羈衣亦有十
利一在處未數二少所求索三隨意
可坐四隨意可卧五浣濯則易六浣
時亦易七少有虫壞八難壞九更不
受餘衣十不廢求道隨教坐亦有十
利一無求好精舍住疲苦二无求好
坐卧具疲苦三不惱上座四不令下
坐愁惱五少欲六少事七趣得而用
八少用則少務九不起諍訟因緣十

不奪他所樹下坐亦有十利一有
求房舍疲苦二无有求坐卧具疲
苦三無有所愛疲苦四无有受用疲
苦五无處名字六無閑諍事七隨順四
依法八少而易得无過九隨順修道
十无衆閑行死人間住亦有十利一
常得無常想二常得死想三常得不
淨想四常得一切世間不可樂想五
常得遠離一切所愛人六常得悲心
七遠離戲調八心常厭離九勤行精
進十能除怖畏空地坐者亦有十利
一不求樹下二遠離我所三有三元有
諍訟四若餘去无所顧惜五少戲調
六能忍風雨寒熱蚊毒虫等七不
為音聲刺刺所刺八不令衆生瞋恨
九自亦无有愁恨十無衆閑行處
十住毗婆沙論卷第十六

癸卯歲高麗國大藏都監奉
勅彫造

十住毗婆沙論卷第十七

聖者龍樹造

後秦龜茲國三藏鳩摩羅什譯

解頭陀品之餘

如五空閑說餘功德亦尔自讀誦教他
得捨空閑處

阿練若比丘有五種分別一以惡意
欲求利養二愚癡鈍根故行阿練若
三狂癡失意作阿練若四為行頭陀
行故作阿練若五以諸佛菩薩賢聖
所稱讚故作阿練若於此五阿練若
中為行頭陀行故作阿練若以諸佛
菩薩賢聖所稱讚故作阿練若是二
為善餘三可呵如五種分別阿練若
法餘十一頭陀行亦應如是分別知
問曰佛說若已受阿練若法終不應
捨若有因緣得捨去不答曰

讀誦經因緣可捨阿練若

若比丘欲從他受讀誦經法若欲教
他讀誦應從阿練若處來入塔寺以
是因緣可得捨離

教他讀誦時不應望供給即時應念佛

佛常有所作

十住毗婆沙論卷第十七 第三張

阿練若從空閑處來教他讀誦不應求敬心供給應當念佛尚自有所作何況於我念佛者佛是多陀阿伽陀三藐三佛陀諸天龍神乾闥婆阿修羅迦樓羅緊那羅摩睺羅伽釋提桓因四天王人非人所供養一切眾生无上福田尚不求他供給身自執事我今未有所知始欲求學云何受他供給復應作是念

我應善供給一切諸眾生不望彼供給自利利他故

云何為自利若貴供給則失法施功德若不貴供給者則得法施功德云何為利他若貴彼供給而教令讀誦者彼則生念師直以世利故而教誨我不以法故是人若以是心供給師者則不得大利若但恭敬法故尊重師者則得大利是名利他

從他求智慧應不惜身命

若行者欲從他求智慧應捨身命捨者為智慧故勤心精進恭敬於師不惜身命問曰何以故為智慧恭敬師

而不惜身命答曰

十住毗婆沙論卷第十七 第三張

若一字一心以此為劫數恭敬於師所能說此論者難諸諸曲心深愛而恭敬晝夜不休息盡於念所劫

隨師所教論義字數及念所心念若受法者心無諂曲不惜身命晝夜恭敬始終无異雖能如是猶不報師所益論議智慧之恩是故弟子應離諂曲心捨貪惜身命破於憍慢若師輕蔑及以敬愛心无有異當生深愛心第一恭敬心應生父母心應生大師心應生善知識應生能為難事想應生難報心若師聽則受所常行事不須師勅餘事則相望師意隨事而行師所受重隨而愛重不應因師求於世利莫求師讚歎莫求名聞但求智慧法寶師有謬失常應隱藏若師過咎若彰露者當方便覆之師有功德播揚流布深心愛樂聽受持解思惟義趣如所說行求自利利他者莫為結弟子莫為大弟子莫為垢弟子莫為衰弟子莫為无益弟子无如是等過但住善弟子法中供給於師如般

舟經說佛告毘陀婆羅若菩薩欲得

十住毗婆沙論卷第十七 第四張

答

是三昧者應勤精進於諸師所生尊重心難道心若從口聞若得經卷處於是師所應深心恭敬生父母心善知識心大師心以能說如是法助菩提故毘陀婆羅若求菩薩道者若求聲聞者所從師讀誦是法處不生深恭敬心父母心善知識心大師心能得誦利是法令不忘失久住不滅者无有是處何以故毘陀婆羅以不恭敬因緣故佛法則滅是故毘陀婆羅若求菩薩道者若求聲聞者於所從聞讀誦書寫是法處生恭敬心父母心善知識心大師心者於所讀誦書寫未得者今得已得久住則有是處何以故以恭敬心故佛法不滅是故毘陀婆羅我今告汝於是師所應生深恭敬心父母心善知識心大師心是則隨我所教助尸羅果品第六

如是菩薩為求多聞知多聞義已隨

說行故能令尸羅清淨清淨尸羅法應當修行問曰何等法能令尸羅清淨答曰

大毗婆沙論卷第十七 第五分

護身口意業亦不得護法終不令我見
及以餘見雜迴向薩婆若此四淨尸羅
行者修此四法尸羅自然清淨護身
口意業者常應正念身口意業乃至
小罪不令錯謬辭如龜驚常護頭足
此人深樂空故於第一義中而亦不
得護三業法有人雖見法空謂知空
者在是故說不雜我見衆生見人見
壽者見知者見迴向薩婆若者持戒果
報不求餘福但為度一切衆生以求
佛道是為四復有四法能令尸羅清
淨所謂

无我我所心亦无斷常見入於衆緣法
則能淨尸羅

無我我所心者不貪著我我所心但
知此心虛妄顛倒而无我法无斷常
見者以斷常見多過故入衆緣法者知
諸法從衆緣生無有定性行於中道
如是四法能淨尸羅復有四法能淨
尸羅所謂

行四聖種行及十二頭陀亦不樂衆間
念何故出家
四聖種者所謂趣得衣服而足趣得

大毗婆沙論卷第十七 第六分

飲食而足趣得坐卧具而足樂斷樂
脩行十二頭陀者所謂受阿練若法
受乞食法糞掃衣一坐常坐食後不
受非時飲食但有三衣毛毳衣隨敷
坐樹下住空地住死人間住亦不樂
衆間者不與在冢出家者和合有人
雖行阿練若法多知多識故多人往
來是故說不樂衆間若至餘處若心
不與和合何故出家者行尸羅者作
是念我何故而出家念已隨出家事
欲成就故如所說行是為四復有四
法能淨尸羅所謂

五陰无生滅六性如法性見六情亦空
不著世俗語如是之四法亦能淨尸羅
五陰无生滅者思惟五陰本末故見
五陰无生滅者見地等六性如法性
如法性不可得六性亦不可得知六
情雖是苦樂等心心數法因緣以正
智推求亦知是空了達三種皆知是
空有行者貪著於空則還妨道是故
說莫貪著空隨於世俗說空名字如
是法者能淨尸羅問曰若余者云何
言五陰諸法答曰以空故五陰諸法

十誦婆沙論卷第十七 第七分

空寂後言莫著於空者空亦應捨如
是无有邪疑法妨尋尸羅問曰五陰
諸法以有相可相故決定有如說色
是苦惱相覺苦樂是受相現有如是
等諸相云何言非空非不空答曰

世壞是色相何等為是色若惱是色相
離相元可相此相在何處無相無可相
世界終元有无相有可相相與及可相
非合非不合其来无所從去亦无所至
若有合非合成於相可相如是則為失
相及可相相以相成可相相亦不自成
相自不能成云何成可相世界甚可惡
分別相可相迷惑諸邪徑邪師所欺誑
相可相則是無相無可相如是眼見事
如何不能知隨計相可相有如是戲論
隨起戲論時則隨煩惱處
復次行者以不来不去門觀諸陰性
入空如說
生老病死法生時无從來生老病死法
滅時无所去諸陰界入性生時无從來
滅時无所去佛法義如是如火非人切
亦不在鑽木和合中亦无而因和合有
薪盡則火滅滅時無所去諸緣合故有

緣散則皆無 眼識亦如是 不在於眼中
 不在於色上 亦不在中間 不在和合中
 亦不離和合 亦不從餘來 而因和合有
 和合散則無 諸法亦如是 生時無從來
 滅時無所至 如彼龍心力 而有陰雲現
 不從龍身出 亦不餘處來 而此大陰雲
 雨派滿世界 然後乃消滅 亦元有去處
 如雲元來去 諸法亦如是 生時無從來
 滅時無所去 如壁上畫人 不在一彩
 亦不在和合 壁中亦復無 畫師所亦無
 畫筆中亦無 不從餘處來 而因和合有
 和合散則無 諸法亦如是 有時無從來
 無時無所去 燈炎不在油 亦不從炷出
 亦不餘處來 而因油炷有 因緣盡則滅
 滅時無去處 諸法亦如是 皆亦復如是
 復有四法能淨尸羅所謂
 能自思量身 不自高下他 此二無所得
 心猗無有憍 觀諸法平等 是四淨尸羅
 能自思量者 行者作是念 我身不淨
 無常死相 為何所直 如是念已 即不
 自高下於他人 信解身及他 無我我
 所故無所得 猗者得如是法 故心輕
 柔軟堪任受法 以此猗樂心 不自高

觀諸法平等者 以空觀有 為元為法
 一切悲等 無上中下老別如說
 若當因於下 而有中上者 下不作中上
 云何因下有 下自作下者 中上先定有
 若當因於中 而有下上者 中不作下上
 云何因中有 中自作中者 下上先定有
 若當因於上 而有中下者 上不作中下
 云何因上有 上自作上者 中下先定有
 因下不得作 不因亦不得 若先定有者
 不應因於下 若先定元者 云何成中上
 因中不得作 不因亦不得 若先定有者
 不應因於中 若先定元者 云何成下上
 因上不得作 不因亦不得 若先定有者
 不應因於上 若先定元者 云何成中下
 復次以空一相故 觀諸法皆平等 眾
 生亦如是如說
 智者於空中 不說分別相 空一而元異
 能如是見空 是則為見佛 佛不異空故
 說言諸佛一 一切眾生一 一切法一法
 无上中下別 一切佛世尊 離自性他性
 一切諸眾生 亦離自他性 一切法亦亦
 離自性他性 以是因緣故 是故名一相
 有諸佛則非 无諸佛亦非 有諸眾生非

元諸眾生非 有諸法則非 無諸法亦非
 離於有元故名之為平等 一切佛世尊
 眾生及諸法 一切不可取名 諸法平等
 一切佛眾生 及法无老別 不可分別故
 名之為平等 諸佛與眾生 并及一切法
 入生住滅中 寂滅无所有 亦无所從來
 亦復无所去 以无來去故名之為平等
 諸佛與眾生 并及一切法 悉皆无所有
 過一切有道 此三非是等 亦復非非等
 非等非非等 非非等不等 如是說諸法
 皆等无老別
 復有四法能淨尸羅如說
 善能信解空 不驚无相法 眾生中大悲
 能忍於无我 如是之四法 亦能淨尸羅
 行者了達諸法 無自性无他性故名
 為信解空如說
 一切所有法 終不自性生 若從眾緣生
 則應從他有 不從自性生 云何從他生
 自性已不成 他性亦復无 若離自性生
 則無有自性 若離於自性 則无有自相
 自性自性相 不以合故有 不以散故無
 二定有則无 他不能生法 自亦不能生
 自他亦不能 離二亦不生 若元有自者

十住論卷第七 第十卷 寶

云何從他生離於世俗法則無有自他若他從他生他即無自體無體則非有以何物生他以無自體故他生亦復無四種皆空故無法定生滅不驚無相者信樂遠離諸相故不驚如說

一切若無相一切即有相寂滅是無相即為是有法若觀無相法無相即為相若言修無相即非修無相若捨諸計著名之為無相取是捨著相則為有解脫凡以有取故因取而有捨離取何事名之以為捨取者所用取及以可取法共離俱无有是皆名寂滅若法相因成此即為無性若无有性者此即無有相若法無有性此即無相者云何言無性即名為無相若用有與无亦遮亦應雖言心不著是則無有過何處先有法而後不滅者何處先有然而後有滅者此有相寂滅同無相寂滅是故寂滅語及寂滅語者先來非寂滅亦非不寂滅亦非寂不寂非非寂不寂衆生中大悲者衆生无量无边故悲心亦廣大復次諸佛法無量无边无

十住論卷第七 第十卷 寶

盡如虛空悲心是諸佛法根本能得大法故名為大悲一切衆生中最大者名為佛佛所行故名為大悲忍无我法者信樂實法故諸佛皆一涅槃道故名為无我法若入此法中心則不忍如小草入火則燒盡若真金入火能堪忍无失如是若凡夫人不修習善根入無我中不能堪忍即生邪疑是菩薩无量世來修習善根智慧猛利諸佛護念雖未斷結使入無我法中心能忍受无我法者陰界入十二因緣等諸法是破我因緣如先說是故欲淨尸羅當行此四法復次有四破尸羅而似持尸羅行者當精進自制慎莫為

寶頂經迦葉品中佛告迦葉四種破戒比丘似如持戒比丘何等四迦葉有比丘於經戒中盡能具行而說有我迦葉是名破戒似如持戒復次迦葉有比丘誦持律經守護戒行於身見中不動不離是名破戒似如持戒復次迦葉有比丘具行十二頭陀而見諸法定有是名破戒似如持戒復

十住論卷第七 第十卷 寶

次迦葉有比丘緣衆生行慈心聞諸行无生相心則驚畏是名破戒似如持戒迦葉此四破戒人似如持戒復次世尊之所說沙門有四品應為第四者遠離前三種

迦葉品中說四種比丘者應學第四沙門不應為三何等為四佛告迦葉有四種沙門一者形色相沙門二者威儀矯異沙門三者貪求名利沙門四者真實行沙門云何名為形色相沙門有沙門形色相所謂著僧伽梨剃除鬚鬚執持黑鉢而行不淨身兼不淨口業不淨意業不求寂滅不求善慳貪懈怠行惡法破戒不樂修道是名形色相沙門云何威儀矯異沙門具四種威儀審諦安詳趣得衣食行聖種行不與在家出家和尚少於語言以是所行欲取人意心不清淨如此威儀下為善不為寂滅而見諸法定有於空無所有法畏如墮坑見說空者生怨家想是名威儀矯異沙門云何為貪求名利沙門有沙門雖強能持戒作是念云何令人知我持

戒强求多聞云何令人知我多聞强作阿練若法云何令人知我是阿練若强行少欲知足遠離云何令人知我少欲知足行遠離法非為厭離心故非為滅煩惱故非以求八直聖道故非為涅槃故非度一切眾生故是名求名利沙門云何真實行沙門有沙門尚不貪惜身何況惜名利聞諸法空无所有心大歡喜隨說而行尚不貪惜涅槃而行梵行何況貪惜三界尚不著空見何況著我人眾生壽者命者知者見者見於諸煩惱中而求解脫不於外求觀一切法本來清淨无垢此人但依於身不依於餘以諸法實相尚不貪法身何況色身見法離相不以言說尚不分別无為聖眾何況眾人不為斷不為修習故不惡生死不樂涅槃無縛無解知諸佛法无有定相知已不往來生死亦復不滅迦葉是名隨真實行沙門迦葉汝等應勤行真實行沙門莫為名字所害復次不為王等法而持於尸羅亦不依生等而持於尸羅

行者欲淨尸羅不應為王等法王等法者佛為淨德力士說善男子菩薩尸羅者乃至失命因緣猶不破戒不期為國王故持戒不期生天故持戒不期為釋提桓因不為梵天王不為富樂自在力故持戒不為名聞稱讚故不為利養故持戒不為壽命故不為飲食衣服卧具醫藥資生物故持戒不依生等法者不為生天人持戒不自依持戒不依他持戒不依今世持戒不依後世持戒不依色不依受想行識不依眼不依入不依耳鼻舌身意故持戒不依欲界色界无色界故持戒不為得脫地獄畜生餓鬼阿修羅惡道故持戒不為畏天中貧故持戒不為畏人中貧故持戒不為畏夜叉貧故持戒問曰若不為如此等法者為何法故持戒答曰為欲令三寶久住故持戒為欲得種種利益故持戒三寶久住者為不斷佛種故持戒為轉法輪故持戒為攝聖眾故持戒為脫生老病死憂悲苦惱故持戒為度一

切眾生故持戒為令一切眾生得安樂故持戒為令眾生到安樂處故持戒為修禪定故持戒為智慧解脫解脫知見故持戒是事如淨德經中廣說菩薩能如是成就於尸羅不失於十利及餘種種利亦復不墮於四難處邪道不得四失法不值四壞法又得不欺誑諸佛等四法能過墮地獄十事諸怖畏不失於十利者不失常為轉輪聖王常於彼中不失不放逸心不失常作釋提桓因常於彼中不失不放逸心常不失求諸佛道常不失諸菩薩所教化事常不失樂說辯才常不失種種善根福德滿足所願常不失為諸佛菩薩賢聖所讚常不失疾能具足一切智慧是為十種種利者於種種功德不退失如經中說菩薩善守持戒常為諸天所讚諸龍王善護諸人供養常為諸佛所念常為世間大師愍念眾生不墮四難處等邪道者菩薩能如是成就尸羅者不墮四難處一不生無佛處二不生邪見家三不生長壽夭四不墮一切惡道得四不

十誡等論卷第七 第十誡

失法者一不失菩提心二不失念佛
三不失常求多聞四不失念无量世
事不值四壞法者一不值法壞二不
值刀兵三不值惡毒四不值飢餓得
四不誑法者一不欺誑十方諸佛二
不欺誑諸天神等三不欺誑衆生四
不自欺誑身又過十怖畏者菩薩如
是清淨持戒能過墮地獄等十怖畏
何等十一能過地獄怖畏二能過畜
生怖畏三能過餓鬼怖畏四能過貧
窮怖畏五能過誹謗呵罵惡名怖畏
六能過諸煩惱所覆怖畏七能過聲
聞辟支佛正位怖畏八能過天人龍
神夜叉乾闥婆阿修羅迦樓羅緊那
羅摩睺羅伽等怖畏九能過刀兵惡
毒水火師子虎狼他人所害怖畏十
能過邪見怖畏菩薩如是淨持於戒
則能住諸佛法所謂四十不共法堪
任為法器

讚戒品第七

菩薩如是淨持尸羅能攝種種功德
諸利如無盡意菩薩說復次略讚尸
羅少分尸羅者是出家人第一所喜

十誡等論卷第七 第十誡

樂慶如年少富貴家可喜樂能增長
善法如慈母養子能防護衰患如父
護子尸羅能成就諸出家者一切大利
如白衣多財尸羅能救一切苦惱如
正行順理尸羅善人所敬如報恩法
尸羅人所受重猶如壽命尸羅智者
所貴如智慧求解脫者善護尸羅如
王密事大臣守護樂道利者愛重尸
羅如樂涅槃愛重佛法智慧之人善
守尸羅如惜壽者護安身法殺死時
急尸羅為軍如遇惡難得善知識尸
羅清淨莊嚴賢人如貴家女慙愧无
穢尸羅即是功德之初門如不誑曲開
諸善利尸羅家是梵行之本如直心則
是正見之本諸大人法以尸羅為本
如求重位以直心為本尸羅即是功
德寶積如不放逸亦如正念能生諸
利亦如賢友初中後善學正法者不
得過越如海常限尸羅即是功德住
處亦如大地万物依止尸羅潤益諸
善功德亦如天雨潤益種子能成五
根如火熱物能生諸利如風成身尸
羅能受一切道果亦如虛空含受万

十誡等論卷第七 第十誡

物亦如吉瓶隨願皆得亦如美錫利
益諸根尸羅善能通利諸道能令諸
根清淨無尋智慧壽命以尸羅為本
猶如身命以氣息為本尸羅即是家
上依處如民依王尸羅即是諸功
德主如軍大將尸羅得衆快樂如隨
意轉能攝夫心若求涅槃及生天上
尸羅即是學道資用如彼速行必持
衣被尸羅將人令至善處如經險路
得善導師尸羅度人從生死過猶如
牢船得渡大海尸羅能滅諸煩惱患
猶如良藥能消衆病尸羅器仗能御
魔賊如善兵器能對敵陣如所愛親
經難不捨尸羅將人諸衰惱中隨護
不捨尸羅能照後世癡冥如大燈明
能除黑暗尸羅度人出諸惡道如度
深水得好槁梁尸羅能除煩惱熱息
如清涼室能除毒熱欲墮惡趣尸羅
能殺如勇士持刃殺人怖畏諸凡夫
人應深愛尸羅如諸菩薩學諸勝處
行者善行尸羅如諸菩薩行捨勝處
得果之人善修尸羅亦如菩薩修滅
勝處護持尸羅令人得果亦如菩薩

修慧勝處不壞法者能淨尸羅如諸
 菩薩清淨无垢諸惡人等捨離尸羅
 如彼諂曲捨離直心放逸之人不行
 尸羅如慳貪者不行惠施放逸之人
 捨離尸羅如戲論者離寂滅法愚癡
 之人無有尸羅猶如盲者不見五色
 无思惟者去尸羅速如離八道去涅
 槃遠善愛身者深樂尸羅如阿羅漢
 深愛樂法尸羅能使无惱善法相續
 不斷如佛出世善事不絕尸羅能令
 諸道果住如佛神力令法久住尸羅
 如佛自利利人尸羅善護諸善功德
 如王知時能護國界尸羅安行者心
 如須陀洹果如時發事後則无悔尸
 羅究竟必得涅槃如菩薩願究竟得
 佛尸羅亦如良田好澤投之以種疾
 得增長尸羅是正行之因如知時方
 等是成諸事因如人端嚴福德智慧人
 所尊貴尸羅如是自他所敬如福德
 熟時心則安隱尸羅能使心得安隱
 受諸利報尸羅能令行者歡喜猶如
 好兒令父心悅尸羅則是无有過失
 無畏之法如人无過心則無畏尸羅
 令人今世後世无有怖畏无諸罪惡

供養稱讚持尸羅者餘者亦喜自知
 有分尸羅親愛眾生如修慈定尸羅
 滅苦如修悲定尸羅與喜如修喜定
 尸羅无憎無愛如修捨定尸羅為人
 所信如四種善語能令人信尸羅樂
 行如世法中常歡喜心如多聞是樂
 說因尸羅則是言行相應因尸羅是
 无畏因如辯才無畏尸羅是名聞因
 如通諸經有好名稱尸羅是能說法
 如易與語者為人所投尸羅能成明
 解脫法如隨所說行尸羅是諸佛相
 如阿耨多羅三藐三菩提尸羅助修
 道法如定助慧尸羅令人无所畏難
 如大心膽无所畏懼尸羅是諸功德
 聚處猶如雪山寶物積聚信等功德
 諸希有事所可依止尸羅猶如大海有
 諸奇異亦如美果依止於樹尸羅與人
 隨而樂果如隨正智慧者如行即得
 尸羅名為无水而淨尸羅則是取上
 妙香不從根莖枝葉華果中出尸羅
 莊嚴過諸寶飾常住其身无能却者
 尸羅大樂不從五欲生後世亦有諸
 妙樂報尸羅是一切世間天人魔梵

沙門婆羅門所讚歎者尸羅快樂自
 在身中不從他得生天涅槃之善方
 便尸羅即是信河正濟无有泥陷无
 石荆棘隨意可入善渡无碍尸羅是
 寶財無諸衰惱尸羅是淨道无能壞
 者猶如平路行旅無難尸羅是好田
 不種不穫自然獲實尸羅是甘露果
 不從樹草生香美無比尸羅是妙華
 不從水陸生常不萎壞尸羅除煩惱
 熱如冷水洗浴尸羅善守護勝諸刀
 杖行尸羅者不以人畏故而得恭敬
 尸羅是自在處无有諍競尸羅是好
 寶不從山生不從大海出而寶價无
 量尸羅能過不活畏入眾畏考掠畏
 墮惡道畏尸羅常隨逐人今世後世
 如影隨形

戒報品第八

菩薩離垢地清淨具說已菩薩住此
 地常作轉輪王第二地於十地中名
 為離垢慳貪十惡根本永盡故名為
 離垢菩薩於是地中深行尸羅波羅
 蜜是菩薩若未離欲此地果報因緣
 故作四天下轉輪聖王得千輻金輪

十勝沙論卷第七 第三十 寶
種種珍寶莊嚴其軀真琉璃為轂周

圓十五里百種夜叉神所共亡護能
飛行虛空寧四種兵輕健迅疾如
金翅鳥王如風如念所詣之處滅諸
衰患降伏怨賊一切小王皆來歸伏
親族人民莫不受敬普能照明聖王
姓族種種華鬘瓔珞間錯在技五種
伎樂常隨逐之以奇妙寶蓋羅覆其
上行時有種種華香碎末旃檀常雨
供養燒真黑沉水牛頭旃檀黃旃檀
以塗其身其輪兩邊天女執持白拂
荷立種種珍寶以為其蓋其輪有種
種希有之事而用莊嚴是名金輪寶
具足一切象相身大而白如真銀山
王出神獄大象象中能飛行虛空伊
羅婆那安闍那王摩那等諸大象王
皆能摧却是名白象寶具足馬相色
如孔雀頸其體輕疾如金翅鳥王飛
行无碍是名馬寶貴家中生身无疾
病有大勢力形體淨潔憶念深遠直
心柔軟持戒堅固深敬愛王能通達
種種經書技術是名主兵巨寶如財
主天王富相具足千万億種諸寶伏

十勝沙論卷第七 第三十一 寶
藏常隨逐行千万億種諸夜叉神眷

屬隨從皆是先世行業之報善知分
別金銀帝青大青金剛摩羅竭車藥
馬珊瑚琥珀頗梨摩尼真珠琉璃等種
種種寶物悉能善巧出入多少隨宜能
用能滿王願是名居士寶光明如日
月照十六由旬形如大鼓能滅種種
毒虫惡氣疾病苦痛人天見者莫不
珍愛好華鬘瓔珞以為莊嚴嚴在高幢
威光奇特能令衆生發希有心生大
歡喜是名珠寶其手爪甲紅赤而薄
其形脩直高隆潤澤不肥不瘦身肉
次第肌膚厚實細密薄皮不堪苦事
身安堅牢如多羅樹身上處處吉祥
明了吉樹文畫嚴莊其身象王牛王
馬王畫文幡蓋文魚文園林等文現
其身上踰平不現足如龜背足邊俱
赤足跟圓廣踰臍柔軟膝圓不現脛
如金柱如芭蕉樹如象王鼻軟澤光
潤臍圓而直橫文有三腹臍不現脣
圓而深脊背平直乳如頻婆果如雙
鴛鴦圓起不垂柔軟鮮淨又其臂纖
臍圓且長節隱不現其鼻端直不偏

十勝沙論卷第七 第三十二 寶
現出不大不小孔覆不現兩頰不深平

滿不高兩邊俱滿額平而長有吉畫
文耳軟而垂著无價環齒如真珠貫
如月初生如雲如珂屑如丹霞如頻
婆果上下相當不嚴不細如赤真珠
貫眼白黑睛二色分明莊嚴長廣光
明清淨其睫青緻長而不乱眉毛不
厚不薄不高不下如月初生高曲而
長兩邊相似髮軟而細潤澤不乱其
身芬馨常有香氣如開種種上好香
蓋身諸毛孔常出真妙旃檀名香能
悅人心口中常有青蓮華香身體柔
軟如伽陵伽天衣細滑之事一切具
足心无詬曲直信慙愧深愛敬王知
時知方善有方便攝取王心坐起言
語能得王意隨王意行常出愛語如
人閒德女舉好具足色如提盧多摩
天女清淨分明如月十五日晝文炳現
如帝釋夫人含脂著天衣天驪天香
多以天光明金摩尼珠在技其身善
知歌舞伎樂娛樂戲笑之事善有方
便隨意能令王發歡喜一切女中是
女為最是名玉女寶又轉輪聖王有

四如意德一者色貌端嚴於四天下
 第一無比二無病痛三人民深愛四
 壽命長遠教誨衆生以十善業能令
 諸天宮殿充滿能滅阿修羅衆能薄
 諸惡趣增益善處能為衆生多求利
 事有所施作不用兵杖以法治化天
 下安樂外無敵國畏內無陰謀畏又
 其國內無疫病飢饉及諸災蝗衰惱
 之事一切邊王皆所歸伏多有眷屬
 能疾攝人更無有能侵害國界其四
 種兵勢力具足諸婆羅門居士庶人
 皆共愛敬甘香美食自然而有國界
 日增無有損減善能通達經書技藝
 竿數呪術皆悉受持巧能論說分別
 義趣群臣具足悉有威德常行財施
 无能及者千子端嚴如諸天子威德
 勇健能破強敵所住宮殿堂閣樓觀
 如四天王帝釋勝殿王所教誨无有
 能壞於四天下唯有此王威相具足
 故无能及者音聲深遠易聽易解不
 散不乱如迦羅頻伽鳥美軟和雅聞
 者悅耳眷屬同心不可沮壞所住之
 處地水虛空无有障導威力猛盛能

堪大事念問耆老不欺誑人心无妬
 嫉不忍非法无有瞋恨威儀安詳而
 不輕躁所言誠實未曾兩舌行施持
 戒常修善心進止知時不失方便神
 色和悅言常含笑未曾皺眉惡眼視
 人退失利者為之作利已有利者令
 深知報懷慙愧心有大智慧威德尊
 嚴而能忍辱大丈夫相其性猛厲諸所
 為事疾能成辦先正思量然後乃行
 王有法眼所為殊勝善思量者乃與
 從事若不任者更求賢明善集福德
 財物清淨能自防護不破禁戒多饒
 財寶如毗沙門王有大勢力如天帝
 釋端嚴可愛猶如滿月能照如日能
 忍如地心深如海不為苦樂之所傾
 動如須弥山王風不能搖諸寶妙事
 之所住處諸善福德之所依止是諸
 一切世間親族諸苦惱者之所歸趣
 无歸作歸无舍作舍有怖畏者能除
 怖畏轉輪聖王有如是等相
 能轉破戒者 今住於善法其餘所行事
 如初地中說
 轉破戒者能令衆生捨惡行善得安

樂事今住善法者能轉衆生惡身口
 意業令行善身口意業此事如初地
 中說所謂見諸佛得諸三昧但彼數
 百此地數千以為差別
 十住毗婆沙論卷第十七

癸卯歲高麗國大藏都監奉
 勅彫造